


সংকলন

বিশ্বনাথচন্দ্র

সংকলন

রবীন্দ্রনাথ ঠাকুর



বিশ্বভারতী গ্রন্থালয়
২ বঙ্কিম চাট্টোজ্য ষ্ট্রিট, কলিকাতা

প্রথম প্রকাশ ১৩৩২

পুনর্মুদ্রণ ১৩৩৩, ১৩৩৪, ১৩৩৫, ১৩৩৯, ১৩৪১, ১৩৪৯ ফাল্গুন
১৩৫৩ আষাঢ়

তিন টাকা

প্রকাশক শ্রীপুলিনদিহারী সেন
দিশ্বভারতী, ৬৩ দ্বারকানাথ ঠাকুর লেন, কলিকাতা

মুদ্রাকর শ্রীস্বর্নরায়ণ ভট্টাচার্য
ভাপসী প্রেস, ৩০ কর্নওয়ালিস স্ট্রিট, কলিকাতা

সূচীপত্র

বিষয়	গ্রন্থ	পৃষ্ঠা
শিক্ষার হেরফের	শিক্ষা	১
ছাত্রদের প্রতি সম্ভাষণ	শিক্ষা	১১
শিক্ষার বাহন	শিক্ষা	১৭
শিক্ষার মিলন	শিক্ষা	৩২
প্রাচ্য ও পাশ্চাত্য সভ্যতা	স্বদেশ	৫৬
শতাব্দী	স্বদেশ	৫২
ভারতবর্ষের ইতিহাস	স্বদেশ	৬০
স্বদেশী সনাজ	সমূহ	৬৪
সংস্রা	রাজাপ্রজা	৬৩
পূর্ব ও পশ্চিম	সনাজ	৬৮
মেঘদূত	প্রাচীন সাহিত্য	১০৪
শকুন্তলা	প্রাচীন সাহিত্য	১০৮
ছেলে-ভুলানো ছড়া ৫৩ ৫৭	লোকসাহিত্য	১২৯
রাজসিংহ	আধুনিক সাহিত্য	১৭০
মনুস্মৃতি	পঞ্চভূত	১৮০
শ্রীমদ্ভগবদ্গীতা	পঞ্চভূত	১৮৮
কাব্যের তাৎপর্য	পঞ্চভূত	১৯৪
কৌতুকহাস্য	পঞ্চভূত	২০৫
কৌতুকহাস্যের মাত্রা	পঞ্চভূত	২১১

বিষয়	গ্রন্থ	পৃষ্ঠা
নব্ব্বর্ষা	বিচিত্র প্রবন্ধ	২১৮
কেকাধ্বনি	বিচিত্র প্রবন্ধ	২২৩
পাগল	বিচিত্র প্রবন্ধ	২২৯
শরৎ।	পরিচয়	২৩৬
মেঘদূত	লিপিকা	২৪১
পায়ে-চলার পথ	লিপিকা	২৪৫
বাঁশি	লিপিকা	২৪৭
সন্ধ্যা ও প্রভাত	লিপিকা	২৪৯
উৎসবের দিন	ধর্ম	২৫১
ছঃখ	ধর্ম	২৫৬
শ্রাবণসন্ধ্যা	শান্তিনিকেতন	২৬৬
পাপের মার্জনা	শান্তিনিকেতন	২৭৫
য়ুরোপযাত্রী	পাশ্চাত্যভ্রমণ	২৭৯
ছিন্নপত্র	ছিন্নপত্র	২৯৩
জীবনস্মৃতি	জীবনস্মৃতি	৩০৯
জাপানযাত্রী '৫৪	জাপানযাত্রী	৩৫৫
পশ্চিমযাত্রীর ডায়ারি	যাত্রী	৩৭৭

সংকলন

শিক্ষার হেরফের

যতটুকু অত্যাৱশ্যক কেবল তাহারই মধ্যে কারারুদ্ধ হইয়া থাকি মানবজীবনের ধর্ম নহে। আমরা কিস্তিপরিমাণে আবশ্যকশূঙ্খলে বদ্ধ হইয়া থাকি এবং কিস্তিপরিমাণে স্বাধীন। আমাদের দেহ সাড়ে তিন হাতের মধ্যে বদ্ধ, কিন্তু তাই বলিয়া ঠিক সেই সাড়ে তিন হাত পরিমাণ গৃহ নির্মাণ করিলে চলে না। স্বাধীন চলাফেরার জন্ত অনেকখানি স্থান রাখা আবশ্যক, নতুবা আমাদের স্বাস্থ্য এবং আনন্দের ব্যাঘাত হয়। শিক্ষা সম্বন্ধেও এই কথা খাটে। যতটুকু কেবলমাত্র শিক্ষা অর্থাৎ অত্যাৱশ্যক তাহারই মধ্যে শিশুদিগকে একান্ত নিবদ্ধ রাখিলে কখনোই তাহাদের মন যথেষ্ট পরিমাণে বাড়িতে পারে না। অত্যাৱশ্যক শিক্ষার সহিত স্বাধীন পাঠ না মিশাইলে ছেলে ভালো করিয়া মানুষ হইতে পারে না— বয়ঃপ্রাপ্ত হইলেও বুদ্ধিবৃত্তি সম্বন্ধে সে অনেকটা পরিমাণে বালক থাকিয়াই যায়।

কিন্তু দুর্ভাগ্যক্রমে আমাদের হাতে কিছুমাত্র সময় নাই। যত শীঘ্র পারি বিদেশীয় ভাষা শিক্ষা করিয়া পাশ দিয়া কাজে প্রবিষ্ট হইতে হইবে। কাজেই শিশুকাল হইতে উর্ধ্বস্বাসে দ্রুতবেগে, দক্ষিণে বামে দৃকপাত না করিয়া পড়া মুখস্থ করিয়া যাওয়া ছাড়া আর কোনো-কিছুর সময় পাওয়া যায় না। স্কুলের হাতে কোনো শখের বই দেখিলেই সেটা তৎক্ষণাৎ ছিনাইয়া লইতে হয়।

কাজেই বিধির বিপাকে বাঙালীর ছেলের ভাগ্যে ব্যাকরণ, অভিধান এবং ভূগোলবিবরণ ছাড়া আর কিছুই অবশিষ্ট থাকে না। বাঙালীর ছেলের মতো এমন হতভাগ্য আর কেহ নাই। অন্য দেশের ছেলেরা যে-বয়সে নবোদগত দস্তে আনন্দমনে ইক্ষু চর্বণ করিতেছে, বাঙালীর

ছেলে তখন ইস্কুলের বেঞ্চির উপর কোঁচাসমেত দুইখানি শীর্ণ খব চরণ দোহুল্যমান করিয়া শুদ্ধমাত্র বেত হজম করিতেছে, গাষ্টারের কটু গালি ছাড়া তাহাতে আর কোনোরূপ মসলা মিশানো নাই।

তাহার ফল হয় এই, হজমের শক্তিটা সকল দিক হইতেই হ্রাস হইয়া আসে। যথেষ্ট খেলাধুলা এবং উপযুক্ত আহারভাবে বঙ্গসন্তানের শরীরটা যেমন অপুষ্ট থাকিয়া যায়, মানসিক পাকযন্ত্রটাও তেমনি পরিণতি লাভ করিতে পারে না। আমরা যতই বি-এ এম-এ পাশ করিতেছি, রাশি রাশি বই গিলিতেছি, বুদ্ধিবৃত্তিটা তেমন বেশ বলিষ্ঠ এবং পরিপক্ব হইতেছে না। তেমন মুঠা করিয়া কিছু ধরিতে পারিতেছি না, তেমন আছোপাস্ত কিছু গড়িতে পারিতেছি না, তেমন জোরের সহিত কিছু দাঁড় করাইতে পারিতেছি না। আমাদের মতামত, কথাবার্তা এবং আচার-অমুষ্ঠান ঠিক সাবালকের মতো নহে। সেইজন্য আমরা অত্যাক্তি আড়ম্বর এবং আফালনের দ্বারা আমাদের মানসিক দৈন্ত্য ঢাকিবার চেষ্টা করি।

ইহার প্রধান কারণ, বাল্যকাল হইতে আমাদের শিক্ষার সহিত আনন্দ নাই। কেবল যাহা কিছু নিতান্ত আবশ্যিক তাহাই কঠিন করিতেছি। তেমন করিয়া কোনোমতে কাজ চলে মাত্র, কিন্তু বিকাশ-লাভ হয় না। হাওয়া খাইলে পেট ভরে না, আহার করিলে পেট ভরে, কিন্তু আহারটি রীতিমতো হজম করিবার জন্য হাওয়া খাওয়ার দরকার। তেমনি (একটা শিক্ষাপুস্তককে রীতিমতো হজম করিতে অনেকগুলি পাঠ্যপুস্তকের সাহায্য আবশ্যিক।) আনন্দের সহিত পড়িতে পড়িতে পড়িবার শক্তি অলক্ষিতভাবে বৃদ্ধি পাইতে থাকে; গ্রহণশক্তি, ধারণাশক্তি, চিন্তাশক্তি বেশ সহজে এবং স্বাভাবিক নিয়মে বললাভ করে।

কিন্তু এই মানসিক শক্তি-হ্রাসকারী নিরানন্দ শিক্ষার হাত বাঙালী

কী করিয়া এড়াইবে কিছুতেই ভাবিয়া পাওয়া যায় না। এক তো ইংরেজি ভাষাটা অতিমাত্রায় বিজাতীয় ভাষা। শব্দবিজ্ঞান পদবিজ্ঞান সম্বন্ধে আমাদের ভাষার সহিত তাহার কোনোপ্রকার মিল নাই। তাহার পরে আবার ভানবিজ্ঞান এবং বিষয়প্রসঙ্গও বিদেহী। (আগা-গোড়া কিছুই পরিচিত নহে, স্মৃতির ধারণা জন্মবার পূর্বেই মুখস্থ আরম্ভ করিতে হয়। তাহাতে না-চিবাঁইয়া গিলিয়া খাইবার ফল হয়।)

আবার নিচের ক্লাসে যে-সকল মাস্টার পড়ায় তাহারা কেহ এণ্ট্রিস-পাশ, কেহবা এণ্ট্রিস-ফেল; ইংরেজি ভাষা, ভাব, আচারব্যবহার এবং সাহিত্য তাহাদের নিকট কখনোই সুপরিচিত নহে।

বেচারাদের দোষ দেওয়া যায় না। Horse is a noble animal— বাংলায় তর্জমা করিতে গেলে বাংলারও ঠিক থাকে না, ইংরেজিও ঘোলাইয়া যায়। কথাটা কেমন করিয়া প্রকাশ করা যায়। ঘোড়া একটি মহৎ জন্তু, ঘোড়া অতি উঁচুদরের জানোয়ার, ঘোড়া জন্তুটা খুব ভালো— কথাটা কিছুতেই তেমন মনঃপূত রকম হয় না, এমন স্থলে গৌজামিলন দেওয়াই সুবিধা। আমাদের প্রথম ইংরেজি শিক্ষায় এইরূপ কত গৌজামিলন চলে তাহার আর সীমা নাই। ফলত অল্পবয়সে আমরা যে ইংরেজিটুকু শিখি তাহা এত যৎসামান্য এবং এত ভুল যে তাহার ভিতর হইতে কোনো প্রকারের রস আকর্ষণ করিয়া লওয়া বালকদের পক্ষে অসম্ভব হয়— কেহ তাহা প্রত্যাশাও করে না। মাস্টারও বলে ছাত্রও বলে, ‘আমার রসে কাজ নাই, টানিয়াবুনিয়া কোনো মতে একটা অর্থ বাহির করিতে পারিলে এ-যাত্রা বাঁচিয়া যাই, পরীক্ষায় পাশ হই, আপিসে চাকরি জোটে।’

তবে ছেলেদের ভাগ্যে বাকি রহিল কী। যদি কেবল বাংলা শিখিত তবে রামায়ণ মহাভারত পড়িতে পাইত; যদি কিছুই না শিখিত তবে খেলা করিবার অবসর থাকিত, গাছে চড়িয়া, জলে ঝাঁপাইয়া, ফুল

ছিঁড়িয়া, প্রকৃতিজননীর উপর সহস্র দৌরাভ্যা করিয়া শরীরের পুষ্টি মনের উল্লাস এবং বাল্যপ্রকৃতির পরিতৃপ্তি লাভ করিতে পারিত। আর ইংরেজি শিখিতে গিয়া না হইল শেখা, না হইল খেলা,— প্রকৃতির সত্য-রাজ্যে প্রবেশ করিবারও অবকাশ থাকিল না, সাহিত্যের কল্পনারাজ্যে প্রবেশ করিবারও দ্বার রুদ্ধ রহিল।

চিন্তাশক্তি এবং কল্পনাশক্তি জীবনযাত্রা-নির্বাহের পক্ষে দুইটি অত্যাৱশ্যক শক্তি তাহাতে আর সন্দেহ নাই। অর্থাৎ, যদি মানুষের মতো মানুষ হইতে হয় তবে ওই দুটা পদার্থ জীবন হইতে বাদ দিলে চলে না। অতএব বাল্যকাল হইতে চিন্তা ও কল্পনার চর্চা না করিলে কাজের সময় যে তাহাকে হাতের কাছে পাওয়া যাইবে না; এ-কথা অতি পুরাতন।

কিন্তু আমাদের বর্তমান শিক্ষায় সে-পথ একপ্রকার রুদ্ধ! আমাদের বহুকাল পর্যন্ত শুদ্ধমাত্র ভাষাশিক্ষায় ব্যাপৃত থাকিতে হয়। পূর্বেই বলিয়াছি, ইংরেজি এতই বিদেশীয় ভাষা এবং আমাদের শিক্ষকেরা সাধারণত এত অল্পশিক্ষিত যে, ভাষার সঙ্গে সঙ্গে ভাব আমাদের মনে সহজে প্রবেশ করিতে পারে না। এইজন্য ইংরেজি ভাবের সহিত কিয়ৎপরিমাণে পরিচয় লাভ করিতে আমাদের দীর্ঘকাল অপেক্ষা করিতে হয় এবং ততক্ষণ আমাদের চিন্তাশক্তি নিজের উপযুক্ত কোনো কাজ না পাইয়া নিতান্ত নিশ্চেষ্টভাবে থাকে।

যেমন যেমন পড়িতেছি অমনি সঙ্গে সঙ্গে ভাবিতেছি না, ইহার অর্থ এই যে স্তূপ উঁচা করিতেছি কিন্তু সঙ্গে সঙ্গে নির্মাণ করিতেছি না। মালমসলা যাহা জড়ো হইতেছে তাহা প্রচুর, তাহার আর সন্দেহ নাই; মানসিক অট্টালিকা নির্মাণের উপযুক্ত এত ইটপাটকেল পূর্বে আমাদের আয়ত্তের মধ্যে ছিল না। কিন্তু সংগ্রহ করিতে শিখিলেই যে নির্মাণ করিতে শেখা হইল ধরিয়া লওয়া হয় সেইটেই একটা মস্ত ভুল।

পুংগ্রহ এবং নির্মাণ যখন একই সঙ্গে অল্পে অল্পে অগ্রসর হইতে থাকে তখনই কাজটা পাকা রকমে হয়,

অতএব ছেলে যদি মানুষ করিতে চাই, তবে ছেলেবেলা হইতেই তাহাকে মানুষ করিতে আরম্ভ করিতে হইবে, নতুবা সে ছেলেই থাকিবে, মানুষ হইবে না। শিশুকাল হইতেই, কেবল স্মরণশক্তির উপর সমস্ত ভর না দিয়া, সঙ্গে সঙ্গে যথাপরিমাণে চিন্তাশক্তি ও কল্পনা-শক্তির স্বাধীন পরিচালনায় অবসর দিতে হইবে। (সকাল হইতে সন্ধ্যা পর্যন্ত কেবলই লাঙল দিয়া চাষ এবং মই দিয়া ঢেলা ভাঙা, কেবলই ঠেঙা লাঠি, মুখস্থ এবং একজামিন—(আমাদের এই ‘মানব-জনম’ আবার পক্ষে, আমাদের এই দুর্লভ ক্ষেত্রে সোনা ফলাইবার পক্ষে যথেষ্ট নহে।) এই শুষ্ক ধূলির সঙ্গে, এই অবিশ্রাম কর্ষণপীড়নের সঙ্গে রস থাকা চাই। কারণ মাটি যত সরস থাকে ধান তত ভালো হয়। তাহার উপর আবার এক-একটা বিশেষ সময় আসে যখন ধাত্তক্ষেত্রের পক্ষে বৃষ্টি বিশেষরূপে আবশ্যিক। সে-সময়টি অতিক্রম হইয়া গেলে হাজার বৃষ্টি হইলেও আর তেমন সফল ফলে না। বয়োবিকাশেরও তেমনি একটা বিশেষ সময় আছে যখন জীবন্ত ভাব এবং নবীন কল্পনা সকল জীবনের পরিণতি এবং সরসতা সাধনের পক্ষে অত্যাবশ্যিক। ঠিক সেই সময়টিতে যদি সাহিত্যের আকাশ হইতে খুব এক পসলা বর্ষণ হইয়া যায় তবে ‘ধন্য রাজ্য পুণ্য দেশ’।) নবোদ্ভিন্ন হৃদয়াকুরগুলি যখন অন্ধকার মাতৃভূমি হইতে বিপুল পৃথিবী এবং অনন্ত নীলাম্বরের দিকে প্রথম মাথা তুলিয়া দেখিতেছে, প্রচ্ছন্ন জন্মান্তঃপুরের দ্বারদেশে আসিয়া বহিঃসংসারের সহিত তাহার নূতন পরিচয় হইতেছে— যখন নবীন বিশ্বয়, নবীন প্রীতি, নবীন কোহুল চারিদিকে আপন শীর্ষ প্রসারণ করিতেছে, তখন যদি ভাবের সমীরণ এবং চিরানন্দলোক হইতে আলোক এবং আশীর্বাদধারা নিপতিত হয়, তবেই তাহার

সমস্ত জীবন যথাকালে সফল সরস এবং পরিণত হইতে পারে; কিন্তু সেই সময় যদি কেবল শুষ্ক ধূলি এবং তপ্ত বালুকা, কেবল নীরস ব্যাকরণ এবং বিদেশী অভিধান তাহাকে আচ্ছন্ন করিয়া ফেলে, তবে পরে মুষলধারায় বর্ষণ হইলেও, যুরোপীয় সাহিত্যের নব নব জীবন্ত সত্য, বিচিত্র কল্পনা এবং উন্নত ভাবসকল লইয়া দক্ষিণে বামে ফেলাছড়া করিলেও সে আর তেমন সফলতা লাভ করিতে পারে না, সাহিত্যের অন্তর্নিহিত জীবনীশক্তি আর তাহার জীবনের মধ্যে তেমন সহজভাবে প্রবেশ করিতে পারে না।

আমাদের নীরস শিক্ষায় জীবনের সেই মাহেন্দ্রক্ষণ অতীত হইয়া যায়। আমরা বাল্য হইতে কৈশোর এবং কৈশোর হইতে যৌবনে প্রবেশ করি কেবল কতকগুলি কথার বোঝা টানিয়া।

এইরূপে বিশ-বাইশ বৎসর ধরিয়া আমরা যে-সকল ভাব শিক্ষা করি, আমাদের জীবনের সহিত তাহার একটা রাসায়নিক মিশ্রণ হয় না বলিয়া আমাদের মনের ভারি একটা অদ্ভুত চেহারা বাহির হয়। শিক্ষিত ভাবগুলি কতক আটা দিয়া জোড়া থাকে, কতক কালক্রমে ঝরিয়া পড়ে। অসভ্যেরা যেমন গায়ে রং মাখিয়া উলকি পরিয়া পরম গর্ব অনুভব করে, স্বাভাবিক স্বাস্থ্যের উজ্জ্বলতা এবং লাবণ্য আচ্ছন্ন করিয়া ফেলে, আমাদের বিলাতি বিদ্যা আমরা সেইরূপ গায়ের উপর লেপিয়া দস্তভরে পা ফেলিয়া বেড়াই, আমাদের যথার্থ আন্তরিক জীবনের সহিত তাহার অল্পই যোগ থাকে। অসভ্য রাজারা যেমন কতকগুলি সস্তা বিলাতি কাচখণ্ড পুঁতি প্রভৃতি লইয়া শরীরের যেখানে সেখানে ঝুলাইয়া রাখে এবং বিলাতি সাজসজ্জা অযথাস্থানে বিদ্যাস করে, বৃষ্টিতেও পারে না কাজটা কিরূপ অদ্ভুত এবং হাশ্বজনক হইতেছে, আমরাও সেইরূপ কতকগুলি সস্তা চকচকে বিলাতি কথা লইয়া ঝলমল করিয়া বেড়াই এবং বিলাতি বড়ো বড়ো ভাবগুলি লইয়া হয়তো

সম্পূর্ণ অযথাস্থানে অসংগত প্রয়োগ করি— আমরা নিজেও বুঝিতে পারি না অজ্ঞাতসারে কী একটা অপূর্ব প্রহসন অভিনয় করিতেছি এবং কাহাকেও হাসিতে দেখিলে তৎক্ষণাৎ যুরোপীয় ইতিহাস হইতে বড়ো বড়ো নজির প্রয়োগ করিয়া থাকি।

বাল্যকাল হইতে যদি ভাষাশিক্ষার সঙ্গে সঙ্গে ভাবশিক্ষা হয় এবং ভাবের সঙ্গে সঙ্গে সমস্ত জীবনযাত্রা নিয়মিত হইতে থাকে, তবেই আমাদের সমস্ত জীবনের মধ্যে একটা যথার্থ সামঞ্জস্য স্থাপিত হইতে পারে— আমরা বেশ সহজ মানুষের মতো হইতে পারি এবং সকল বিষয়ের একটা যথাযথ পরিমাণ ধরিতে পারি।

যখন আমরা একবার ভালো করিয়া ভাবিয়া দেখি যে, আমরা যে-ভাবে জীবন নির্বাহ করিব আমাদের শিক্ষা তাহার আনুপাতিক নহে ; আমরা যে-গৃহে আনুতুকাল বাস করিব সে-গৃহের উন্নত চিত্র আমাদের পাঠ্যপুস্তকে নাই ; আমাদের দৈনিক জীবনের কার্যকলাপ তাহার বর্ণনার মধ্যে কোনো স্থান পায় না ; আমাদের আকাশ এবং পৃথিবী, আমাদের নির্মল প্রভাত এবং সন্দের সন্ধ্যা, আমাদের পরিপূর্ণ শশ্যক্ষেত্র এবং দেশলক্ষী স্রোতস্বিনীর কোনো সংগীত তাহার মধ্যে ধ্বনিত হয় না— তখন বুঝিতে পারি আমাদের শিক্ষার সহিত আমাদের জীবনের তেমন নিবিড় মিলন হইবার কোনো স্বাভাবিক সম্ভাবনা নাই ; উভয়ের মাঝখানে একটা ব্যবধান থাকিবেই থাকিবে ; আমাদের শিক্ষা হইতে আমাদের জীবনের সমস্ত আবশ্যকীয় অভাবের পূরণ হইতে পারিবেই না। আমরা যে-শিক্ষায় আজন্মকাল যাপন করি, সে-শিক্ষা কেবল আমাদেরকে কেরানীগিরি অথবা কোনো-একটা ব্যবসায়ের উপযোগী করে মাত্র। এইজন্য যখন দেখা যায় একই লোক একদিকে যুরোপীয় দর্শন বিজ্ঞান এবং গ্রায়শাস্ত্রে সুপণ্ডিত, অত্রদিকে চির কুসংস্কার-গুলিকে সযত্নে পোষণ করিতেছেন ; একদিকে স্বাধীনতার উজ্জল আদর্শ

যুখে প্রচার করিতেছেন, অগ্ৰদিকে অধীনতার শতসহস্র লুতাতঙ্কপাশে আপনাকে এবং অগ্ৰকে প্রতি মুহূর্তে আচ্ছন্ন ও দুর্বল করিয়া ফেলিতেছেন ; একদিকে বিচিত্রভাবপূর্ণ সাহিত্য স্বতন্ত্রভাবে সম্ভোগ করিতেছেন, অগ্ৰদিকে জীবনকে ভাবের উচ্চশিখরে অধিকৃত করিয়া রাখিতেছেন না— কেবল ধনোপার্জন এবং বৈষয়িক উন্নতিসাধনেই ব্যস্ত— তখন আর আশ্চর্য বোধ হয় না। কারণ, তাঁহাদের বিদ্যা এবং ব্যবহারের মধ্যে একটা সত্যকার দুর্ভেদ্য ব্যবধান আছে, উভয়ে কখনো অসংলগ্নভাবে মিলিত হইতে পায় না।

এইরূপে জীবনের একতৃতীয়াংশ কাল যে-শিক্ষায় যাপন করিলাম, তাহা যদি চিরকাল আমাদের জীবনের সহিত অসংলগ্ন হইয়া রছিল এবং অগ্ৰ শিক্ষালাভের অবসর হইতেও বঞ্চিত হইলাম, তবে আর আমরা কিসের জোরে একটা যাথার্থ্য লাভ করিতে পারিব।

আমাদের এই শিক্ষার সহিত জীবনের সামঞ্জস্যসাধনই এখনকার দিনের সর্বপ্রধান মনোযোগের বিষয় হইয়া দাঁড়াইয়াছে।

কিন্তু এ-মিলন কে সাধন করিতে পারে।—বাংলা ভাষা, বাংলা সাহিত্য। যখন প্রথম বঙ্কিমবাবুর বঙ্গদর্শন একটি নূতন প্রভাতের মতো আমাদের বঙ্গদেশে উদিত হইয়াছিল তখন দেশের সমস্ত শিক্ষিত অন্তর্জগৎ কেন এমন একটি অপূর্ব আনন্দে জাগ্রত হইয়া উঠিয়াছিল। যুরোপের দর্শনে, বিজ্ঞানে, ইতিহাসে যাহা পাওয়া যায় না, এমন কোনো নূতন তত্ত্ব নূতন আবিষ্কার বঙ্গদর্শন কি প্রকাশ করাইয়াছিল। তাহা নহে। (বঙ্গদর্শনকে অবলম্বন করিয়া একটি প্রবল প্রতিভা আমাদের ইংরেজি শিক্ষা ও আমাদের অন্তঃকরণের মধ্যবর্তী ব্যবধান ভাঙিয়া দিয়াছিল, বহুকাল পরে প্রাণের সহিত ভাবের একটি আনন্দ-সম্মিলন সংঘটন করিয়াছিল, প্রবাসীকে গৃহের মধ্যে আনিয়া আমাদের গৃহকে উৎসবে উজ্জ্বল করিয়া তুলিয়াছিল।) (এতদিন মথুরায় কৃষ্ণ

রাজত্ব করিতেছিলেন, বিশ-পঁচিশ বৎসর কাল দ্বারীর সাধ্যসাধন করিয়া তাঁহার স্মদূর সাক্ষাৎলাভ হইত, বঙ্গদর্শন দৌত্য করিয়া তাঁহাকে আমাদের বৃন্দাবনধামে আনিয়া দিল।) এখন আমাদের গৃহে, আমাদের সনাত্তে, আমাদের অস্তুরে একটা নূতন জ্যোতি বিকীর্ণ হইল। আমরা আমাদের ঘরের মেয়েকে সূর্যমুখী কমলমণি রূপে দেখিলাম, চন্দ্রশেখর এবং প্রতাপ বাঙালী পুরুষকে একটা উচ্চতর ভাবলোকে প্রতিষ্ঠিত করিয়া দিল— আমাদের প্রতিদিনের ক্ষুদ্র জীবনের উপরে একটি মহিমরশ্মি নিপতিত হইল।

যে-দিক হইতে যেমন করিয়াই দেখা যায়, আমাদের ভাব, ভাষা এবং জীবনের মধ্যকার সামঞ্জস্য দূর হইয়া গেছে। মানুষ বিচ্ছিন্ন হইয়া নিষ্ফল হইতেছে, আপনার মধ্যে একটি অখণ্ড ঐক্যলাভ করিয়া বলিষ্ঠ হইয়া দাঁড়াইতে পারিতেছে না, যখন যেটি আবশ্যিক তখন সেটি হাতের কাছে পাইতেছে না। একটা গল্প আছে, একজন দরিদ্র সমস্ত শীতকালে অল্প অল্প ভিক্ষা সংগ্ৰহ করিয়া যখন শীতবস্ত্র কিনিতে সক্ষম হইত তখন গ্রীষ্ম আসিয়া পড়িত, আবার সমস্ত গ্রীষ্মকাল চেষ্টা করিয়া যখন লঘুবস্ত্র লাভ করিত তখন অগ্রহায়ণ মাসের মাঝামাঝি; দেবতা যখন তাহার দৈন্য দেখিয়া দয়াদ্র হইয়া বর দিতে চাহিলেন তখন সে কহিল, 'আমি আর কিছু চাহি না, আমার এই হেরফের ঘুচাইয়া দাও। আমি যে সমস্ত জীবন ধরিয়া গ্রীষ্মের সময় শীতবস্ত্র এবং শীতের সময় গ্রীষ্মবস্ত্র লাভ করি এইটে যদি একটু সংশোধন করিয়া দাও তাহা হইলেই আমার জীবন সার্থক হয়'।

আমাদেরও সেই প্রার্থনা। (আমাদের হেরফের ঘুচিলেই আমরা চরিতার্থ হই। শীতের সহিত শীতবস্ত্র, গ্রীষ্মের সহিত গ্রীষ্মবস্ত্র কেবল একত্র করিতে পারিতেছি না বলিয়াই আমাদের এত দৈন্য, নহিলে আছে সকলই) এখন আমরা বিধাতার নিকট এই বর চাই, আমাদের

ক্ষুধার সহিত অন্ন, শীতের সহিত বস্ত্র, ভাবের সহিত ভাষা, শিক্ষার সহিত জীবন কেবল একত্র করিয়া দাও। আমরা আছি যেন—

পানোয়ে মৌন পিয়াসী
 গুনত গুনত লাগে হাসি।

(আমাদের পানিও আছে পিয়াসও আছে, দেখিয়া পৃথিবীর লোক হাসিতেছে এবং আমাদের চক্ষে অশ্রু আসিতেছে, কেবল আমরা পান করিতে পারিতেছি না।)

ছাত্রদের প্রতি সম্ভাষণ

পরীক্ষাশালা হইতে আজ তোমরা সন্ধ্যা আসিতেছ, সেইজন্য ঘরের কথা আজই তোমাদিগকে স্বরণ করাইবার যথার্থ অবকাশ উপস্থিত হইয়াছে— সেইজন্যই বঙ্গবাণীর হইয়া আজ তোমাদিগকে আহ্বান করিতেছি।

কলেজের বাহিরে যে-দেশ পড়িয়া আছে তাহার মহত্ব একেবারে ভুলিলে চলিবে না। কলেজের শিক্ষার সঙ্গে দেশের একটা স্বাভাবিক যোগস্থাপন করিতে হইবে।

অন্য দেশে সে-যোগ চেষ্টা করিয়া স্থাপন করিতে হয় না। সে-সকল দেশের কলেজ দেশেরই একটা অঙ্গ— সমস্ত দেশের আভ্যন্তরিক প্রকৃতি তাহাকে গঠিত করিয়া তোলাতে দেশের সহিত কোথাও তাহার কোনো বিচ্ছেদের রেখা নাই। আমাদের কলেজের সহিত দেশের ভেদচিহ্নহীন স্মরণ ঐক্য স্থাপিত হয় নাই।

প্রত্যক্ষবস্তুর সহিত সংসদ ব্যতীত জ্ঞানই বলা, ভাবই বলা, চরিত্রই বলা, নিষ্ঠুর ও নিষ্ফল হইতে থাকে, অতএব আমাদের ছাত্রদের শিক্ষাকে সেই নিষ্ফলতা হইতে যথাসাধ্য রক্ষা করিতে চেষ্টা করা অত্যাৱশ্যক।

বাংলাদেশ আমাদের নিকটতম— ইহারই ভাষা, সাহিত্য, ইতিহাস, সমাজতত্ত্ব প্রভৃতিকে আলাচ্যবিষয় করিয়া লইলে প্রত্যক্ষবস্তুর সম্পর্ক ছাত্রদের অবক্ষণ-শক্তি ও মনন-শক্তি সবল হইয়া উঠিবে এবং নিজের চারিদিককে, নিজের দেশকে ভালো করিয়া জানিবার অভ্যাস হইলে অন্য সমস্ত জানিবার যথার্থ ভিত্তিপত্তন হইতে পারিবে।

ছাত্রেরা কেবল পরের কাছ হইতে শিক্ষা করিবে কিন্তু শিক্ষার বিষয়কে নিজে গড়িয়া তুলিতে পারিবে না এরূপ ভীকৃত্য যেন তাহাদের মনে না থাকে। দেশের সাহিত্য রচনার সহায়তা করিবার ভার তাহারাও গ্রহণ করিতে পারে।

বাংলাদেশে এমন জেলা নাই, যেখান হইতে কলিকাতায় ছাত্র-সমাগম না হইয়াছে। দেশের সমস্ত বৃত্তাস্তসংগ্রহে ইহাদের যদি সহায়তা পাওয়া যায়, তবে আমরা সার্থক হইব। এ সাহায্য কিরূপ এবং তাহার কতদূর প্রয়োজনীয়তা, তাহার দুই-একটি দৃষ্টান্ত দেওয়া যাইতে পারে।

বাংলাভাষায় একখানি ব্যাকরণ-রচনা সাহিত্য-পরিষদের একটি প্রধান কাজ। কিন্তু কাজটি সহজ নহে। এই ব্যাকরণের উপকরণ সংগ্রহ একটি দুর্লভ ব্যাপার। বাংলাদেশের ভিন্ন ভিন্ন অংশে যতগুলি উপভাষা প্রচলিত আছে, তাহাদের তুলনাগত ব্যাকরণই যথার্থ বৈজ্ঞানিক ব্যাকরণ। আমাদের ছাত্রগণ সমবেতভাবে কাজ করিতে থাকিলে এই বিচিত্র উপভাষার উপকরণগুলি সংগ্রহ করা কঠিন হইবে না।

বাংলায় এমন প্রদেশ নাই, যেখানে স্থানে স্থানে প্রাকৃত লোকদের মধ্যে নূতন নূতন ধর্মসম্প্রদায়ের সৃষ্টি না হইতেছে। শিক্ষিত লোকেরা এগুলির কোনো খবরই রাখেন না। তাহারা এ-কথা মনেই করেন না, প্রকাণ্ড জনসম্প্রদায় অলক্ষ্যগতিতে নিঃশব্দচরণে চলিয়াছে। আমরা অবজ্ঞা করিয়া তাহাদের দিকে তাকাই না বলিয়া যে তাহারা স্থির হইয়া বসিয়া আছে, তাহা নহে— নূতন কালের নূতন শক্তি তাহাদের মধ্যে অনবরতই পরিবর্তনের কাজ করিতেছে, সে-পরিবর্তন কোন্ পথে চলিতেছে, কোন্ রূপ ধারণ করিতেছে, তাহা না জানিলে দেশকে জানা হয় না। শুধু-যে দেশকে জানাই চরম লক্ষ্য, তাহা আমি বলি না—

যেখানেই হউক না কেন, মানব-সাধারণের মধ্যে যা-কিছু ক্রিয়া প্রতি-ক্রিয়া চলিতেছে, তাহা ভালো করিয়া জানারই একটা সার্থকতা আছে, — পুঁথি ছাড়িয়া সজীব মানুষকে প্রত্যক্ষ পড়িবার চেষ্টা করাতেই একটা শিক্ষা আছে; তাহাতে শুধু জানা নয়, কিন্তু জানিবার শক্তির এমন একটা বিকাশ হয় যে, কোনো ক্লাসের পড়ায় তাহা হইতেই পারে না। ছাত্রগণ যদি স্ব-স্ব প্রদেশের নিম্নশ্রেণীর লোকের মধ্যে যে-সমস্ত ধর্ম-সম্প্রদায় আছে তাহাদের বিবরণ সংগ্রহ করিয়া আনিতে পারেন, তবে মন দিয়া মানুষের প্রতি দৃষ্টিপাত করিবার যে একটা শিক্ষা, তাহাও লাভ করিবেন এবং সেই সঙ্গে দেশেরও কাজ করিতে পারিবেন।

আমরা নৃতত্ত্ব অর্থাৎ Ethnologyর বই যে পড়ি না তাহা নহে, কিন্তু যখন দেখিতে পাই, সেই বই পড়ার দরুন আমাদের ঘরের পাশে যে হাড়ি-ডোম, কৈবর্ত, বাগদি রহিয়াছে, তাহাদের সম্পূর্ণ পরিচয় পাইবার জন্ত আমাদের লেশমাত্র ঔৎসুক্য জন্মে না, তখনই বুঝিতে পারি পুঁথি সম্বন্ধে আমাদের কত বড়ো একটা কুসংস্কার জন্মিয়া গেছে— পুঁথিকে আমরা কত বড়ো মনে করি এবং পুঁথি যাহার প্রতিবিম্ব তাহাকে কতই তুচ্ছ বলিয়া জানি। কিন্তু জানের সেই আদিনিকেতনে একবার যদি জড়ত্ব ত্যাগ করিয়া প্রবেশ করি তাহা হইলে আমাদের ঔৎসুক্যের সীমা থাকিবে না। আমাদের ছাত্রগণ যদি তাহাদের এই সকল প্রতিবেশীদের সমস্ত খোঁজে একবার ভালো করিয়া নিযুক্ত হন তবে কাজের মধ্যেই কাজের পুরস্কার পাইবেন তাহাতে সন্দেহ নাই।

সন্ধান ও সংগ্রহ করিবার বিষয় এমন কত আছে তাহার সীমা নাই। আমাদের ব্রতপার্বণগুলি বাংলার এক অংশে যে রূপ, অণু অংশে সেরূপ নহে। স্থানভেদে সামাজিক প্রথার অনেক বিভিন্নতা আছে। এ ছাড়া গ্রাম্যছড়া, ছেলে ভুলাইবার ছড়া, প্রচলিত গান

প্রভৃতির মধ্যে অনেক জ্ঞাতব্য বিষয় নিহিত আছে। বস্তুত দেশবাসীর পক্ষে দেশের কোনো বৃত্তান্তই তুচ্ছ নহে, এই কথা মনে রাখাই যথার্থ শিক্ষার একটি প্রধান অঙ্গ।

আমাদের প্রথম বয়সে ভারতমাতা, ভারতলক্ষ্মী প্রভৃতি শব্দগুলি বৃহদায়তন লাভ করিয়া আমাদের কল্পনাকে আচ্ছন্ন করিয়াছিল। কিন্তু মাতা যে কোথায় প্রত্যক্ষ আছেন, তাহা কখনো স্পষ্ট করিয়া ভাবি নাই— লক্ষ্মী দূরে থাকুন, তাহার পেচকটাকে পর্যন্ত কখনো চক্ষে দেখি নাই। আমরা বায়রনের কাব্য পড়িয়াছিলাম, গারিবলুডির জীবনী আলোচনা করিয়াছিলাম এবং প্যাট্রি যটিজমের ভাবরস-সংস্রাভের নেশায় একেবারে তলাইয়া গিয়াছিলাম।

মাতালের পক্ষে মণ্ড যেরূপ খাওয়ার অপেক্ষা প্রিয় হয়, আমাদের পক্ষেও দেশহিতৈষণার নেশা স্বয়ং দেশের চেয়েও বড়ো হইয়া উঠিয়াছিল। যে-দেশ প্রত্যক্ষ, তাহার ভাষাকে বিস্মৃত হইয়া, তাহার ইতিহাসকে অপমান করিয়া, তাহার সুখদুঃখকে নিজের জীবনযাত্রা হইতে বহুদূরে রাখিয়াও আমরা দেশহিতৈষী হইতেছিলাম।

“আইডিয়া” যত বড়োই হোক তাহাকে উপলব্ধি করিতে হইলে একটা নির্দিষ্ট সীমাবদ্ধ জায়গায় প্রথম হস্তক্ষেপ করিতে হইবে। তাহা ক্ষুদ্র হউক, দীন হউক, তাহাকে লজ্বন করিলে চলিবে না। দূরকে নিকট করিবার একমাত্র উপায় নিকট হইতে সেই দূরে যাওয়া। ভারত-মাতা যে, হিমালয়ের দুর্গম চূড়ার উপরে শিলাসনে বসিয়া কেবলই করুণসুরে বীণা বাজাইতেছেন, এ-কথা ধ্যান করা নেশা করা মাত্র— কিন্তু ভারতমাতা যে আমাদের পল্লীতেই পঙ্কশেষ পানাপুকুরের ধারে ম্যালেরিয়াজীর্ণ প্লীহারোগীকে কোলে লইয়া তাহার পথ্যের জন্ত আপন শূন্যভাণ্ডারের দিক্ হতাশদৃষ্টিতে চাহিয়া আছেন, ইহা দেখাই যথার্থ দেখা। যে ভারতমাতা ব্যাস-বশিষ্ঠ-বিষ্ণামিত্রের তপোবনে শমীবৃক্ষ-

মূলে আলবালে জলসেচন করিয়া বেড়াইতেছেন, তাঁহাকে করজোড়ে প্রণাম করিলেই যথেষ্ট, কিন্তু আমাদের ঘরের পাশে যে জীর্ণ চীরধারিণী ভারতমাতা ছেলেটাকে ইংরেজিবিদ্যালয়ে শিখাইয়া কেরানীগিরির বিড়ম্বনার মধ্যে সুপ্রতিষ্ঠিত করিয়া দিবার জন্ত অর্ধাশনে পরের পাকশালে রাখিয়া বেড়াইতেছেন, তাঁহাকে তো অমন কেবলমাত্র প্রণাম করিয়া সারা যায় না।

আজ তোমাদের তারুণ্যের মধ্যে আমার অব্যবহিত প্রবেশাধিকার নাই, তোমাদের আশা আকাঙ্ক্ষা আদর্শ যে কী তাহা স্পষ্টরূপে অনুভব করা আজ আমার পক্ষে অসম্ভব—কিন্তু নিজেদের নবীন কৈশোরের স্মৃতিটুকুও তো ভস্মাবৃত অগ্নিকণার মতো পক্ককেশের নিচে এখনো প্রচ্ছন্ন হইয়া আছে। সেই স্মৃতির বলে ইহা নিশ্চয় জানিতেছি যে, মহৎ আকাঙ্ক্ষার রাগিণী মনে যে-তারে সহজে বাজিয়া উঠে, তোমাদের অন্তরের সেই স্মৃতি, সেই তীক্ষ্ণ, সেই প্রভাতসূর্যরশ্মি-নির্মিত তন্ত্রের গায় উজ্জল তন্ত্রীগুলিতে এখনো অব্যবহারের মরিচা পড়িয়া যায় নাই—উদার উদ্দেশ্যের প্রতি নিবিচারে আত্মবিসর্জন করিবার দিকে মানুষের মনের যে একটা স্বাভাবিক ও সুগভীর প্রেরণা আছে, তোমাদের অন্তঃকরণে এখনো তাহা ক্ষুদ্র বাধার দ্বারা বারংবার প্রতিহত হইয়া নিস্তেজ হয় নাই; আমি জানি স্বদেশ যখন অপমানিত হয়, আহত অগ্নির গায় তোমাদের হৃদয় উদ্দীপ্ত হইয়া উঠে; দেশের অভাব ও অগৌরব যে কেমন করিয়া দূর হইতে পারে, সেই চিন্তা নিশ্চয়ই মাঝে মাঝে তোমাদের রজনীর বিন্দ্র প্রহর ও দিবসের নিভৃত অবকাশকে আক্রমণ করে; আমি জানি, ইতিহাস-বিশ্রুত যে-সকল মহাপুরুষ দেশ-হিতের জন্ত, লোকহিতের জন্ত আপনাকে উৎসর্গ করিয়া মৃত্যুকে পরাস্ত, স্বার্থকে লজ্জিত ও দুঃখক্লেশকে অমর-মহিমায় সমুজ্জল করিয়া গেছেন তাঁহাদের দৃষ্টান্ত তোমাদিগকে যখন আহ্বান করে, তখন তাহাকে

আজও তোমরা বিজ্ঞ বিষয়ীর মতো বিজ্ঞপত্রের সহিত প্রত্যাখ্যান করিতে চাও না— তোমাদের সেই অনাঘ্রাত পুষ্পের গায়, অথবা পুষ্পের গায় নবীন হৃদয়ের সমস্ত আশা আকাঙ্ক্ষাকে আমি আজ তোমাদের দেশের সারস্বতবর্গের নামে আহ্বান করিতেছি— ভোগের পথে নহে, শিক্ষার পথে নহে, কর্মের পথে । দেশের কাব্য, গানে, ছড়ায়, প্রাচীন মন্দিরের ভগ্নাবশেষে, কীটদষ্ট পুঁথির জীর্ণপত্রে, গ্রাম্য পার্বণে, ব্রতকথায়, পল্লীর কৃষিকুটিরে, প্রত্যক্ষ বস্তুকে স্বাধীন চিন্তা ও গবেষণার দ্বারা জানিবার জন্য, শিক্ষার বিষয়কে কেবল পুঁথির মধ্য হইতে মুখস্থ না করিয়া বিশ্বের মধ্যে তাহাকে সন্ধান করিবার জন্য তোমাদিগকে আহ্বান করিতেছি ; এই আহ্বানে যদি তোমরা সাড়া দাও তবেই তোমরা যথার্থ বিশ্ব-বিদ্যালয়ের ছাত্র হইতে পারিবে ; তবেই তোমরা সাহিত্যকে অনুকরণের বিড়ম্বনা হইতে রক্ষা করিতে পারিবে এবং দেশের চিন্তাশক্তিকে দুর্বলতার অবসাদ হইতে উদ্ধার করিয়া জগতের জ্ঞানীসভায় স্বদেশকে সমাদৃত করিতে পারিবে । কর্মশালার প্রবেশদ্বার অতি ক্ষুদ্র, রাজ-প্রাসাদের সিংহদ্বারের গায় ইহা অপ্রভেদী নহে— কিন্তু গৌরবের বিষয় এই যে; এখানে নিজের শক্তি সম্বল করিয়া প্রবেশ করিতে হয়, ভিক্ষা-পাত্র লইয়া নহে— গৌরবের বিষয় এই যে, এখানে প্রবেশের জন্য দ্বারীর অনুমতির অপমান স্বীকার করিতে হয় না, ঈশ্বরের আদেশ শিরোধার্য করিয়া আসিতে হয় ; এখানে প্রবেশ করিতে গেলে মাথা নত করিতে হয় বটে, কিন্তু সে কেবল নিজের উচ্চ আদর্শের নিকট, দেশের নিকট, যিনি নতব্যক্তিকে উন্নত করিয়া দেন, সেই মঙ্গলবিধাতার নিকট ।

শিক্ষার বাহন

প্রয়োজনের দিক হইতে দেখিলে বিদ্যায় মানুষের কত প্রয়োজন সে-কথা বলা বাহুল্য। অথচ সেদিক দিয়া আলোচনা করিতে গেলে তর্ক ওঠে। চাষিকে বিদ্যা শিখাইলে তার চাষ করিবার শক্তি কমে কি না, স্ত্রীলোককে বিদ্যা শিখাইলে তার হরিভক্তি ও পতিভক্তির ব্যাঘাত হয় কি না, এ-সব সন্দেহের কথা প্রায়ই শুনিতে পাওয়া যায়।

কিন্তু, দিনের আলোককে আমরা কাজের প্রয়োজনের চেয়ে আরো বড়ো করিয়া দেখিতে পারি, যখন দেখি জাগার প্রয়োজন। এবং তার চেয়ে আরো বড়ো কথা, এই আলোতে মানুষ মেলে, অন্ধকারে মানুষ বিচ্ছিন্ন হয়।

জ্ঞান মানুষের মধ্যে সকলের চেয়ে বড়ো ঐক্য। বাংলাদেশের এক কোণে যে-দেলে পড়াশুনা করিয়াছে তার সঙ্গে যুরোপ-প্রান্তের শিক্ষিত মানুষের মিল অনেক বেশি সত্য, তার দুয়ারের পাশের মূর্খ প্রতিবেশীর চেয়ে।

জ্ঞানে মানুষের সঙ্গে মানুষের এই যে জগৎজোড়া মিল বাহির হইয়া পড়ে, যে-মিল দেশভেদ ও কালভেদকে ছাড়াইয়া যায়— সেই মিলের পরম প্রয়োজনের কথা ছাড়িয়া দেওয়া যাক, কিন্তু সেই মিলের যে পরম আনন্দ তাহা হইতে কোনো মানুষকেই কোনো কারণেই বঞ্চিত করিবার কথা মনেই করা যায় না।

সেই জ্ঞানের প্রদীপ এই ভারতবর্ষে কত বহু দূরে দূরে এবং কত মিটমিট করিয়া জ্বলিতেছে, সে-কথা ভাবিয়া দেখিলেই বুঝিতে পারি ভারতবাসীর পক্ষে সেই পরম যোগের পথ কত সংকীর্ণ, যে-যোগ জ্ঞানের যোগ, যে-যোগে সমস্ত পৃথিবীর লোক আজ মিলিত হইবার সাধনা করিতেছে।

যাহা হউক, বিদ্যাশিক্ষার উপায় ভারতবর্ষে কিছু কিছু হইয়াছে। কিন্তু বিদ্যাবিস্তারের বাধা এখানে মস্ত বেশি। আমাদের বিলাতি বিদ্যাটা কেমন ইন্স্কুলের জিনিস হইয়া সাইনবোর্ডে টাঙানো থাকে, আমাদের জীবনের ভিতরের সামগ্রী হইয়া যায় না। তাই পশ্চিমের শিক্ষায় যে ভালো জিনিস আছে তার অনেকখানি আমাদের নোটবুকেই আছে; সে কি চিন্তায়, কি কাজে ফলিয়া উঠিতে চায় না।

আমাদের দেশের আধুনিক পণ্ডিত বলেন, ইহার একমাত্র কারণ জিনিসটা বিদেশী। এ-কথা মানি না। যা সত্য তার জিয়োগ্রাফি নাই। ভারতবর্ষও একদিন যে সত্যের দীপ জ্বালিয়াছে তা পশ্চিম মহাদেশকেও উজ্জ্বল করিবে, এ যদি না হয় তবে ওটা আলোই নয়। বস্তুত, যদি এমন কোনো ভালো থাকে যা একমাত্র ভারতবর্ষেরই ভালো তবে তা ভালোই নয়, এ-কথা জোর করিয়া বলিব। যদি ভারতের দেবতা ভারতেরই হন তবে তিনি আমাদের স্বর্গের পথ বন্ধ করিবেন, কারণ স্বর্গ বিশ্বদেবতার।

আসল কথা, আধুনিক শিক্ষা তার বাহন পায় নাই—তার চলাফেরার পথ খোলসা হইতেছে না। এখনকার দিনে সর্বজনীন শিক্ষা সকল সভ্যদেশেই মানিয়া লওয়া হইয়াছে। যে কারণেই হউক আমাদের দেশে এটা চলিল না। মহাত্মা গান্ধী এই লইয়া লড়িয়াছিলেন। গুনিয়াছি, দেশের মধ্যে বাংলাদেশের কাছ হইতেই তিনি সব চেয়ে বাধা পাইয়াছেন। বাংলাদেশে শুভবুদ্ধির ক্ষেত্রে আজকাল

হঠাৎ সকল দিক হইতেই একটা অদ্ভুত মহামারীর হাওয়া বহিয়াছে। ভূতের পা পিছন দিকে, বাংলাদেশে সামাজিক সকল চেষ্টারই পা পিছনে ফিরিয়াছে। আমরা ঠিক করিয়াছি, সংসারে চলিবার পথে আমরা পিছন মুখে চলিব, কেবল রাষ্ট্রীয় সাধনার আকাশে উড়িবার পথে আমরা সামনের দিকে উড়িব— আমাদের পা যেদিকে আমাদের ডানা ঠিক তার উলটা দিকে গজাইবে।

যে সর্বজনীন শিক্ষা দেশের উচ্চশিক্ষার শিকড়ে রস জোগাইবে কোথাও তার সাড়া পাওয়া গেল না, তার উপরে আবার আর-এক উপসর্গ জুটিয়াছে। একদিকে আসবাব বাড়াইয়া অতৃদিকে স্থান কমাইয়া আমাদের সংকীর্ণ উচ্চশিক্ষার আয়তনকে আরো সংকীর্ণ করা হইতেছে। ছাত্রের অভাব ঘটুক কিন্তু সরঞ্জামের অভাব না ঘটে সেদিকে কড়া দৃষ্টি।

মামুষের পক্ষে অন্নরও দরকার থানারও দরকার এ-কথা মানি, কিন্তু গরিবের ভাগ্যে অন্ন যেখানে যথেষ্ট মিলিতেছে না সেখানে থানা সম্বন্ধে একটু কষাকষি করাই দরকার। যখন দেখিব ভারত জুড়িয়া বিদ্যার অন্নসত্র খোলা হইয়াছে তখন অন্নপূর্ণার কাছে সোনার থানা দাবি করিবার দিন আসিবে। আমাদের জীবনযাত্রা গরিবের অঞ্চ আমাদের শিক্ষার বাহাড়ম্বরটা যদি ধনীর চালে হয় তবে টাকা ফুকিয়া দিয়া টাকার খলি তৈরি করার মতো হইবে।

আঙিনায় মাদুর বিছাইয়া আমরা আসর জমাইতে পারি; কলাপাতায় আমাদের ধনীর যজ্ঞের ভোজও চলে। আমাদের দেশের নমস্ত যারা তাঁদের অধিকাংশই খোড়ো ঘরে মামুষ— এদেশে লক্ষ্মীর কাছ হইতে ধারণা লইলে সরস্বতীর আসনের দাম কমিবে, এ-কথা আমাদের কাছে চলিবে না।

পূর্বদেশে জীবনসমস্তার সমাধান আমাদের নিজের প্রণালীতেই

করিতে হইয়াছে। আমরা অশনে বসনে যতদূর পারি বস্ত্রভার কমাইয়াছি। এ বিষয়ে এখানকার জল-হাওয়া হাতে ধরিয়া আমাদের হাতে খড়ি দিয়াছে। ঘরের দেয়াল আমাদের পক্ষে তত আবশ্যক নয় যতটা আবশ্যক দেয়ালের কাঁক ; আমাদের গায়ের কাপড়ের অনেকটা অংশ তাঁতির তাঁতের চেয়ে আকাশের সূর্যকিরণেই বোনা হইতেছে ; আহারের যে অংশটা দেহের উত্তাপসঞ্চারের জন্য তার অনেকটার বরাত পাকশালার ও পাকযন্ত্রের 'পরে নয়, দেবতার 'পরে। দেশের প্রাকৃতিক এই সুযোগ জীবনযাত্রায় খাটাইয়া আমাদের স্বভাবটা একরকম দাঁড়াইয়া গেছে— শিক্ষাব্যবস্থায় সেই স্বভাবকে অমান্য করিলে বিশেষ লাভ আছে এমন তো আমার মনে হয় না।

সত্যকে গভীর করিয়া দেখিলে দেখা যায়— উপকরণের একটা সীমা আছে যেখানে অমৃতের সঙ্গে তার বিরোধ বাধে। মেদ যেখানে প্রচুর, মজ্জা সেখানে দুর্বল।

দৈন্য জিনিসটাকে আমি বড়ো বলি না। সেটা তামসিক। কিন্তু অনাড়ম্বর, বিলাসীর ভোগসামগ্রীর চেয়ে দামে বেশি, তাহা সাত্ত্বিক। আমি সেই অনাড়ম্বরের কথা বলিতেছি যাহা পূর্ণতারই একটি ভাব, যাহা আড়ম্বরের অভাবমাত্র নহে। সেই ভাবের যেদিন আবির্ভাব হইবে সেদিন সত্যতার আকাশ হইতে বস্তুকুয়াশার বিস্তর কলুষ দেখিতে দেখিতে কাটিয়া যাইবে। সেই ভাবের অভাব আছে বলিয়া যে-সব জিনিস প্রত্যেক মানুষের পক্ষে একান্ত আবশ্যক তাহা দুর্মূল্য ও দুর্লভ হইতেছে ; গানবাজনা, আহারবিহার, আমোদ-আহ্লাদ, শিক্ষাদীক্ষা, রাজ্যশাসন, আইন-আদালত সভ্যদেশে সমস্তই অতি জটিল, সমস্তই মানুষের বাহিরের ও তিতরের প্রভূত জায়গা জুড়িয়া বসে। এই বোঝার অধিকাংশই অনাবশ্যক— এই বিপুল ভার বহনে মানুষের জোর প্রকাশ পায় বটে, ক্ষমতা প্রকাশ পায় না,— এইজন্য বর্তমান সভ্যতাকে

যে-দেবতা বাহির হইতে দেখিতেছেন তিনি দেখিতেছেন, ইহা অপটু দৈত্যের সঁতার দেওয়ার মতো, তার হাত-পা ছোঁড়ায় জল ঘুলাইয়া ফেনাইয়া উঠিতেছে— সে জানেও না এত বেশি হাঁসফাঁস করার যথার্থ প্রয়োজন নাই। মুশকিল এই যে দৈত্যটার দৃঢ় বিশ্বাস যে, প্রচণ্ড জ্বরের হাত-পা ছোঁড়াটারই একটা বিশেষ মূল্য আছে। যেদিন পূর্ণতার সরল সত্য সভ্যতার অন্তরের মধ্যে আবিভূত হইবে সেদিন পশ্চিমের মৈত্রয়ীকেও বলিতে হইবে, যেনাহং নাগুতা স্তান্ কিমহং তেন কুর্যাম্।

শিক্ষার জন্ত আমরা আবদার করিয়াছি, গরজ করি নাই। শিক্ষা-বিস্তারে আমাদের গা নাই। তার মানে, শিক্ষার ভোজ্য নিজেরা বসিয়া যাইব, পাতের প্রসাদটুকু পর্যন্ত আর-কোনো ক্ষণিত পায় বা না-পায় সেদিকে খেয়ালই নাই।

বিদ্যাবিস্তারের কথাটা যখন ঠিকমতো মন দিয়া দেখি তখন তার সর্বপ্রধান বাধাটা এই দেখিতে পাই যে, তার বাহনটা ইংরেজি। বিদেশী মাল জাহাজে করিয়া শহরের ঘাট পর্যন্ত আসিয়া পৌঁছিতে পারে কিন্তু সেই জাহাজটাতে করিয়াই দেশের হাতে হাতে আমদানি রফতানি করাইবার ছুরাশা মিথ্যা। যদি বিলিতি জাহাজটাকেই কায়মনে আঁকড়াইয়া ধরিতে চাই তবে ব্যাবসা শহরেই আটকা পড়িয়া থাকিবে।

এ পর্যন্ত এ অসুবিধাটাতে আমাদের অসুখ বোধ হয় নাই। কেননা মুখে যা-ই বলি মনের মধ্যে এই শহরটাকে দেশ বলিয়া ধরিয়া লইয়াছিলাম। দাক্ষিণ্য যখন খুব বেশি হয় তখন এই পর্যন্ত বলি, আচ্ছা বেশ, খুব গোড়ার দিকের মোটা শিক্ষাটা বাংলাভাষায় দেওয়া চলিবে কিন্তু সে যদি উচ্চশিক্ষার দিকে হাত বাড়ায় তবে গমিষ্যতু্যপহাস্তাম্।

আমাদের এই ভীকৃত্য কি চিরদিনই থাকিয়া যাইবে। ভরসা করিয়া এটুকু কোনোদিন বলিতে পারিব না যে, উচ্চশিক্ষাকে আমাদের দেশের ভাষায় দেশের জিনিস করিয়া লইতে হইবে? পশ্চিম হইতে যা-কিছু শিখিবার আছে জাপান তা দেখিতে দেখিতে সমস্ত দেশে ছড়াইয়া দিল, তার প্রধান কারণ, সেই শিক্ষাকে তারা দেশী ভাষার আধারে বাঁধাই করিতে পারিয়াছে।

অথচ, জাপানি ভাষার ধারণাশক্তি আমাদের ভাষার চেয়ে বেশি নয়। নূতন কথা সৃষ্টি করিবার শক্তি আমাদের ভাষায় অপরিমিত। তা ছাড়া যুরোপের বুদ্ধিবৃত্তির আকারপ্রকার যতটা আমাদের সঙ্গে মেলে এমন জাপানির সঙ্গে নয়। কিন্তু উদ্যোগী পুরুষসিংহ কেবলমাত্র লক্ষীকে পায় না সরস্বতীকেও পায়। জাপান জোর করিয়া বলিল যুরোপের বিদ্যাকে নিজের বাণীমন্দিরে প্রতিষ্ঠিত করিব। যেমন বলা তেমনি করা, তেমনি তার ফল-লাভ। আমরা ভরসা করিয়া এ পর্যন্ত বলিতেই পারিলাম না যে, বাংলাভাষাতেই আমরা উচ্চশিক্ষা দিব এবং দেওয়া যায়, এবং দিলে তবেই বিদ্যার ফসল দেশ জুড়িয়া ফলিবে।

মাতৃভাষা বাংলা বলিয়াই কি বাঙালীকে দণ্ড দিতেই হইবে। এই অজ্ঞানকৃত অপরাধের জগ্নু সে চিরকাল অজ্ঞান হইয়াই থাক— সমস্ত বাঙালীর প্রতি কয়েকজন শিক্ষিত বাঙালির এই রায়ই কি বহাল রহিল। যে বেচারী বাংলা বলে সে-ই কি আধুনিক মনুসংহিতার শূদ্র। তার কানে উচ্চশিক্ষার মন্ত্র চলিবে না? মাতৃভাষা হইতে ইংরেজি ভাষার মধ্যে জন্ম লইয়া তবেই আমরা দ্বিজ হই?

বলা বাহুল্য, ইংরেজি আমাদের শেখা চাইই— শুধু পেটের জগ্নু নয়। কেবল ইংরেজি কেন। ফরাসি জার্মান শিখিলে আরো ভালো। সেই সঙ্গে এ-কথা বলাও বাহুল্য অধিকাংশ বাঙালী ইংরেজি শিখিবে

না। সেই লক্ষ লক্ষ বাংলাভাষীদের জন্ত বিজ্ঞান অনশন কিম্বা অর্ধাশনই ব্যবস্থা এ-কথা কোন্ মুখে বলা যায়।

দেশে বিজ্ঞানশিক্ষার যে বড়ো কারখানা আছে তার কলের চাকার অল্পমাত্র বদল করিতে গেলেই বিস্তর হাতুড়ি পেটাপেটি করিতে হয়— সে খুব শক্ত হাতের কর্ম। আশু মুখুঞ্জ মশায় ওঁরই মধ্যে এক জায়গায় একটুখানি বাংলা হাতল জুড়িয়া দিয়াছেন।

তিনি যেটুকু করিয়াছেন তার ভিতরকার কথা এই— বাঙালীর ছেলে ইংরেজি বিদ্যায় যতই পাকা হোক বাংলা না শিখিলে তার শিক্ষা পুরা হইবে না। কিন্তু এ তো গেল যারা ইংরেজি জানে তাদেরই বিদ্যাকে চৌকস করিবার ব্যবস্থা। আর, যারা বাংলা জানে, ইংরেজি জানে না, বাংলার বিশ্ববিদ্যালয় কি তাদের মুখে তাকাইবে না। এত বড়ো অস্বাভাবিক নির্মমতা ভারতবর্ষের বাহিরে আর কোথাও আছে ?

আমাদের লোকে বলিবে, শুধু কবিত্ব করিলে চলিবে না, একটা প্র্যাক্টিক্যাল পরামর্শ দাও, অত্যন্ত বেশি আশা করাটা কিছু নয়। অত্যন্ত বেশি আশা চুলোয় যাক, লেশমাত্র আশা না করিয়াই অধিকাংশ পরামর্শ দিতে হয়। অতএব পরামর্শে নামা যাক।

আজকাল আমাদের বিশ্ববিদ্যালয়ের একটা প্রশস্ত পরিমণ্ডল তৈরি হইয়া উঠিতেছে। একদিন মোটের উপর ইহা একজামিন পাশের কুস্তির আখড়া ছিল। এখন আখড়ার বাহিরেও ল্যাণ্ডোটটার উপর ভদ্রবেশ ঢাকা দিয়া একটু হাঁপ ছাড়িবার জায়গা করা হইয়াছে। কিছুদিন হইতে দেখিতেছি বিদেশ হইতে বড়ো বড়ো অধ্যাপকেরা আসিয়া উপদেশ দিতেছেন, এবং আমাদের দেশের মনীষীদেরও এখানে আসন পড়িতেছে। শুনিয়াছি বিশ্ববিদ্যালয়ের এইটুকু ভদ্রতাও আশু মুখুঞ্জ মশায়ের কল্যাণে ঘটিয়াছে।

আমি এই বলি, বিশ্ববিদ্যালয়ের পুরাতন বাড়িটার ভিতরের

আঙিনায় যেমন চলিতেছে চলুক, কেবল তার এই বাহিরের প্রাঙ্গণটাতে যেখানে আমদরবারের নূতন বৈঠক বসিল সেখানে বিশ্ব-বিদ্যালয়ের শিক্ষাটাকে যদি সমস্ত বাঙালীও জিনিস করিয়া তোলা যায় তাতে বাধাটা কী। আহুত যারা তারা ভিতর-বাড়িতেই বসুক, আর রবাহুত যারা তারা বাহিরে পাত পাড়িয়া বসিয়া যাক-না। তাদের জ্ঞান বিলিতি টেবিল না হয় না রহিল, দিশি কলাপাত মন্দ কী। তাদের একেবারে দরোয়ান দিয়া ধাক্কা মারিয়া বিদায় করিয়া দিলে কি এ যজ্ঞে কল্যাণ হইবে। অভিশাপ লাগিবে না কি।

এমনি করিয়া বাংলার বিশ্ববিদ্যালয়ে ইংরেজি এবং বাংলা ভাষার ধারা যদি গঙ্গাযমুনার মতো মিলিয়া যায় তবে বাঙালী শিক্ষার্থীর পক্ষে এটা একটা তীর্থস্থান হইবে। দুই স্রোতের সাদা এবং কালো রেখার বিভাগ থাকিবে বটে কিন্তু তারা একসঙ্গে বহিয়া চলিবে। ইহাতেই দেশের শিক্ষা যথার্থ বিস্তীর্ণ হইবে, গভীর হইবে, সত্য হইয়া উঠিবে।

শহরে যদি একটিমাত্র বড়ো রাস্তা থাকে তবে সে পথে বিমম ঠেলাঠেলি পড়ে। শহর-সংস্কারের প্রস্তাবের সময় রাস্তা বাড়াইয়া ভিড়কে ভাগ করিয়া দিবার চেষ্টা হয়। আমাদের বিশ্ববিদ্যালয়ের মাঝখানে আর-একটি সদর রাস্তা খুলিয়া দিলে ঠেলাঠেলি নিশ্চয় কমিবে।

বিদ্যালয়ের কাজে আমার যেটুকু অভিজ্ঞতা তাতে দেখিয়াছি একদল ছেলে স্বভাবতই ভাষাশিক্ষায় অপটু। ইংরেজি ভাষা কায়দা করিতে না পারিয়া যদি বা তারা কোনোমতে এণ্ট্রেন্সের দেউড়িটা তরিয়া যায়, উপরের সিঁড়ি ভাঙিবার বেলাতেই চিত হইয়া পড়ে।

এমনতরো দুর্গতির অনেকগুলি কারণ আছে। এক তো যে-ছেলের মাতৃভাষা বাংলা তার পক্ষে ইংরেজি ভাষার মতো বলাই আর

নাই। ও যেন বিলিতি তলোয়ারের খাপের মধ্যে দিশি খাঁড়া ভরিবার ব্যায়াম। তার পর, গোড়ার দিকে ভালো শিক্ষকের কাছে ভালো নিয়মে ইংরেজি শিগিবার স্বযোগ অল্প ছেলেরই হয়— গরিবের ছেলের তো হয়ই না। তাই অনেক স্থলেই বিশল্যকরণীর পরিচয় ঘটে না বলিয়া আস্ত গন্ধমাদন বহিতে হয়; ভাষা আয়ত্ত হয় না বলিয়া গোটা ইংরেজি বই মুগ্ধ করা ছাড়া উপায় থাকে না। অসামান্য স্মৃতিশক্তির জোরে যে ভাগ্যবানরা এমনভাবে কিছুকিছু কাণ্ড করিতে পারে তারা শেষ পর্যন্ত উদ্ধার পাইয়া যায়— কিন্তু যাদের মেধা সাধারণ মানুষের মাপে প্রমাণসহ তাদের কাছে এতটা আশা করাই যায় না। তারা এই রুদ্ধভাষার ফাঁকের মধ্য দিয়া গলিয়া পার হইতেও পারে না, ডিঙাইয়া পার হওয়াও তাদের পক্ষে অসাধ্য।

এখন কথাটা এই, এই যে সব বাঙালির ছেলে স্বাভাবিক বা আকস্মিক কারণে ইংরেজি ভাষা দখল করিতে পারিল না তারা কি এমন কিছু মারাত্মক অপরাধ করিয়াছে যেজন্য তারা বিদ্যামন্দির হইতে যাবজ্জীবন আণ্ডামানে চালান হইবার যোগ্য। ইংলেণ্ডে একদিন ছিল যখন সামান্য কলাটা মূল্যটা চুরি করিলেও মানুষের ফাঁসি হইতে পারিত— কিন্তু এ যে তার চেয়েও কড়া আইন। এ যে চুরি করিতে পারে না বলিয়াই ফাঁসি। কেননা মুগ্ধ করিয়া পাস করাই তো চৌর্থ-বৃত্তি। যে-ছেলে পরীক্ষাশালায় গোপনে বই লইয়া যায় তাকে খেদাইয়া দেওয়া হয়; আর যে-ছেলে তাব চেয়েও লুকাইয়া লয়, অর্থাৎ চাদরের মধ্যে না লইয়া মগজের মধ্যে লইয়া যায় সেই বা কদ কী করিল। সভ্যতার নিয়ম অনুসারে মানুষের স্মরণশক্তির মহলটা ছাপাখানায় অধিকার করিয়াছে। অতএব যারা বই মুগ্ধ করিয়া পাস করে তারা অসভ্যরকমে চুরি করে অথচ সভ্যতার যুগে পুস্তক পাইবে তারাই ?

যাই হোক, ভাগ্যক্রমে যারা পার হইল তাদের বিরুদ্ধে নালিশ করিতে চাই না। কিন্তু যারা পার হইল না তাদের পক্ষে হাবড়ার পুলটাই না-হয় দু-ফাঁক হইল, কিন্তু কোনোরকমের সরকারি খেয়াও কি তাদের কপালে জুটিবে না। স্টীমার না হয় তো পানসি ?

ভালোমতো ইংরেজি শিখিতে পারিল না এমন ঢের ঢের ভালো ছেলে বাংলাদেশে আছে। তাদের শিখিবার আকাঙ্ক্ষা ও উদ্যমকে একেবারে গোড়ার দিকেই আটক করিয়া দিয়া দেশের শক্তির কি প্রভূত অপব্যয় করা হইতেছে না।

আমার প্রশ্ন এই, প্রেপারেটরি ক্লাস পর্যন্ত একরকম পড়াইয়া তার পর বিশ্ববিদ্যালয়ের মোডটার কাছে যদি ইংরেজি বাংলা দুটো বডো রাস্তা খুলিয়া দেওয়া যায় তা হইলে কি নানাপ্রকারে সুবিধা হয় না। এক তো ভিড়েব চাপ কিছু কমেই, দ্বিতীয়ত শিক্ষার বিস্তার অনেক বাড়ে।

ইংরেজি রাস্তাটার দিকেই বেশি লোক ঝুঁকিবে তা জানি; এবং দুটো রাস্তার চলাচল ঠিক সহজ অবস্থায় পৌঁছিতে কিছু সময়ও লাগিবে। রাজসভার দর বেশি স্মতরাং আদবও বেশি। কেবল চাকরি বাজারে নয়, বিবাহের বাজারেও খরের মূল্যবৃদ্ধি ঐ রাস্তাটাতেই। তাই হোক, বাংলা ভাষা অনাদর সহিতে রাজি, কিন্তু অকৃতার্থতা সহ করা কঠিন। ভাগ্যমশ্বেব ছেলে ধাত্রীসন্তে মোটাসোটা হইয়া উঠুক-না কিন্তু গরিবের ছেলেকে তার মাতৃসত্ত্ব হইতে বঞ্চিত করা কেন।

আমি জানি তর্ক এই উঠিবে, “তুমি বাংলাভাষার যোগে উচ্চশিক্ষা দিতে চাও কিন্তু বাংলাভাষার উঁচুদের শিক্ষাগ্রন্থ কই।” নাই সে-কথা মানি, কিন্তু শিক্ষা না চলিলে শিক্ষাগ্রন্থ হয় কী উপায়ে। শিক্ষাগ্রন্থ বাগানের গাছ নয় যে শৌখিন লোকে শখ করিয়া তার

কেয়ারি করিবে, কিম্বা সে আগাছাও নয় যে মাঠে বাটে নিজেই পুলকে নিজেই কণ্টকিত হইয়া উঠিবে।

বাংলায় উচ্চ অঙ্গের শিক্ষাগ্রন্থ বাহির হইতেছে না এটা যদি আক্ষেপের বিষয় হয় তবে তার প্রতিকারের একমাত্র উপায় বিশ্ব-বিদ্যালয়ে বাংলায় উচ্চ অঙ্গের শিক্ষা প্রচলন করা। বঙ্গসাহিত্যপরিষৎ কিছুকাল হইতে এই কাজের গোড়াপত্তনের চেষ্টা করিতেছেন। পরিভাষা রচনা ও সংকলনের ভার পরিষৎ লইয়াছেন, কিছু কিছু করিয়াওছেন। তাঁদের কাজ টিমা চালে চলিতেছে বা অচল হইয়া আছে বলিয়া নালিশ করি। কিন্তু দু-পাও যে চলিয়াছে এইটেই অশ্চর্য। দেশে এই পরিভাষা তৈরির তাগিদ কোথায়। ইহার ব্যবহারের প্রয়োজন বা সুযোগ কই। দেশে টাকা চলিবে না অথচ টাকশাল চলিতেই থাকিবে এমন আবদার করি কোন্ লজ্জায়।

যদি বিশ্ববিদ্যালয়ে কোনোদিন বাংলাশিক্ষার রাস্তা খুলিয়া যায় তবে তখন এই বঙ্গসাহিত্যপরিষদের দিন আসিবে। এখন রাস্তা নাই তাই সে হাঁচট খাইতে খাইতে চলে, তখন চার ঘোড়ার গাড়ি বাহির করিবে। আজ আক্ষেপের কথা এই যে, আমাদের উপায় আছে, উপকরণ আছে, ক্ষেত্র নাই। বাংলার যজ্ঞ আমরা অন্নসত্র খুলিতে পারি। অথচ যে-সব বাঙালী কেবল বাংলা জানে তাদের উপবাস কোনোদিন ঘুচিবে ?

জার্মানিতে ফ্রান্সে আমেরিকায় জাপানে যে-সকল আধুনিক বিশ্ববিদ্যালয় জাগিয়া উঠিয়াছে তাদের মূল উদ্দেশ্য সমস্ত দেশের চিত্তকে মানুষ করা। দেশকে তারা সৃষ্টি করিয়া চলিতেছে। বীজ হইতে অঙ্কুরকে, অঙ্কুর হইতে বৃক্ষকে তারা মুক্তিদান করিতেছে। মানুষের বুদ্ধিবৃত্তিকে চিত্তশক্তিকে উদ্ঘাটিত করিতেছে।

দেশের এই মনকে মানুষ করা কোনোমতেই পরের ভাষায় সম্ভবপর

নহে। আমরা লাভ করিব কিন্তু সে-লাভ আমাদের ভাষাকে পূর্ণ করিবে না, আমরা চিন্তা করিব কিন্তু সে-চিন্তার বাহিরে আমাদের ভাষা পড়িয়া থাকিবে, আমাদের মন বাড়িয়া চলিবে সঙ্গে সঙ্গে আমাদের ভাষা বাড়িতে থাকিবে না, সমস্ত শিক্ষাকে অকৃতার্থ করিবার এমন উপায় আর কী হইতে পারে।

তার ফল হইয়াছে, উচ্চ অঙ্গের শিক্ষা যদি বা আমরা পাই, উচ্চ অঙ্গের চিন্তা আমরা করি না। কারণ, চিন্তার স্বাভাবিক বাহন আমাদের ভাষা। বিদ্যালয়ের বাহিরে আসিয়া পোশাকি ভাষাটা আমরা ছাড়িয়া ফেলি, সেই সঙ্গে তার পকেটের সঞ্চয় আলনায় ঝোলানো থাকে, তার পরে আমাদের চিরদিনের আটপৌরে ভাষায় আমরা গল্প করি, গুজব করি, রাজা-উজির মারি। এ সঙ্গেও আমাদের দেশে বাংলায় সাহিত্যের উন্নতি হইতেছে না এমন কথা বলি না, কিন্তু এ সাহিত্যে উপবাসের লক্ষণ যথেষ্ট দেখিতে পাই। যেমন, এমন রোগী দেখা যায় যে খায় প্রচুর অথচ তার হাড় বাহির হইয়া পড়িয়াছে, তেমনি দেখি আমরা যতটা শিক্ষা করিতেছি তার সমস্তটা আমাদের সাহিত্যের সর্বান্তে পোষণ সঞ্চার করিতেছে না। খাওয়ার সঙ্গে আমাদের প্রাণের সঙ্গে সম্পূর্ণ যোগ হইতেছে না। তার প্রধান কারণ আমরা নিজের ভাষার রসনা দিয়া খাই না, আমাদের কলে খাওয়ানো হয়, তাতে আমাদের পেট ভরতি করে, দেহপূর্তি করে না।

আমাদের বিশ্ববিদ্যালয় হইতেও আমরা ডিগ্রির টাকশালার ছাপ লওয়াকেই বিদ্যাল্যলাভ বলিয়া গণ্য করিয়াছি। ইহা আমাদের অভ্যাস হইয়া গেছে। আমরা বিদ্যা পাই বা না পাই বিদ্যালয়ের একটা ছাঁচ পাইয়াছি। আমাদের মুশকিল এই যে, আমরা চিরদিন ছাঁচের উপাসক। ছাঁচ-ঢালাই-করা রীতিনীতি চালচলনকেই নানা আকারে পূজার অর্ঘ্য দিয়া এই ছাঁচ-দেবীর প্রতি অচলা ভক্তি আমাদের মজ্জাগত।

সেইজন্য ছাঁচে-ঢালা বিঘাটাকে আমরা দেবীর বরদান বলিয়া মাথায় করিয়া লই— ইহার চেয়ে বড়ো কিছু আছে, এ-কথা মনে করাও আমাদের পক্ষে শক্ত।

তাই বলিতেছি, আমাদের বিশ্ববিদ্যালয়ের যদি একটা বাংলা অঙ্গের সৃষ্টি হয় তার প্রতি বাঙালী অভিভাবকদের প্রসন্ন দৃষ্টি পড়িবে কিনা সন্দেহ। তবে কিনা, ইংরেজি চালুনির ফাঁক দিয়া যারা গলিয়া পড়িতেছে এমন ছেলে এখানে পাওয়া যাইবে। কিন্তু আমার মনে হয় তার চেয়ে একটা বড়ো সুবিধার কথা আছে।

সে-সুবিধাটি এই যে, এই অংশেই বিশ্ববিদ্যালয় স্বাধীনভাবে ও স্বাভাবিকরূপে নিজেকে সৃষ্টি করিয়া তুলিতে পারিবে। তার একটা কারণ, এই অংশের শিক্ষা অনেকটা পরিমাণে বাজারদরের দাসত্ব হইতে মুক্ত হইবে। আমাদের অনেককেই ব্যাবসার খাতিরে জীবিকার দায়ে ডিগ্রি লইতেই হয়— কিন্তু সে পথ যাদের অগত্যা বন্ধ কিংবা যারা শিক্ষার জগুই শিখিতে চাহিবে তারাই এই বাংলা বিভাগে আকৃষ্ট হইবে। শুধু তাই নয়, যারা দায়ে পড়িয়া ডিগ্রি লইতেছে তারাও অবকাশমতো বাংলাভাষার টানে এই বিভাগে আনাগোনা করিতে ছাড়িবে না। কারণ, দুদিন না যাইতেই দেখা যাইবে এই বিভাগেই আমাদের দেশের অধ্যাপকদের প্রতিভার বিকাশ হইবে। এখন যারা কেবল ইংরেজি শব্দের প্রতিশব্দ ও নোটের ধূলা উড়াইয়া আঁধি লাগাইয়া দেন তাঁরাই সেদিন ধারাবর্ষণে বাংলার তৃষিত চিত্ত জুড়াইয়া দিবেন।

এমনি করিয়া যাহা সজীব তাহা ক্রমে কলকে আচ্ছন্ন করিয়া নিজের স্বাভাবিক সফলতাকে প্রমাণ করিয়া তুলিবে। একদিন ইংরেজিশিক্ষিত বাঙালী নিজের ইংরেজি লেখার অভিমানে বাংলা ভাষাকে অবজ্ঞা করিয়াছিল, কিন্তু কোথা হইতে নব বাংলাসাহিত্যের

ছোটো একটি অঙ্কুর বাংলার হৃদয়ের ভিতর হইতে গজাইয়া উঠিল ;— তখন তার ক্ষুদ্রতাকে, তার দুর্বলতাকে পরিহাস করা সহজ ছিল ; কিন্তু সে যে সজীব, ছোটো হইলেও উপেক্ষার সামগ্রী নয়, আজ সে মাথা তুলিয়া বাঙালীর ইংরেজি রচনাকে অবজ্ঞা করিবার সামর্থ্য লাভ করিয়াছে । অথচ বাংলাসাহিত্যের কোনো পরিচয় কোনো আদর রাজদ্বারে ছিল না— আমাদের মতো অধীন জাতির পক্ষে সেই প্রলোভনের অভাব কম অভাব নয়— বাহিরের সেই সমস্ত অনাদরকে গণ্য না করিয়া বিলাতি বাজারের যাচনদারের দৃষ্টির বাহিরে কেবলমাত্র নিজের প্রাণের আনন্দেই সে আজ পৃথিবীতে চিরপ্রতিষ্ঠা লাভের যোগ্য হইতেছে । এতদিন ধরিয়া আমাদের সাহিত্যিকেরা যদি ইংরেজি কপিবুক নকল করিয়া আসিতেন তাহা হইলে জগতে যে প্রভূত আবর্জনার সৃষ্টি হইত তাহা কল্পনা করিলেও গায়ে কাঁটা দিয়া উঠে ।

এতদিন ধরিয়া ইংরেজি বিচার যে কলটা চলিতেছে সেটাকে মিস্ত্রিখানার যোগে বদল করা আমাদের সাধ্যায়ত্ত নহে । তার ছোটো কারণ আছে । এক, কলটা একটা বিশেষ ছাঁচে গড়া, একেবারে গোড়া হইতে সে ছাঁচ বদল করা সোজা কথা নয় । দ্বিতীয়ত, এই ছাঁচের প্রতি ছাঁচ-উপাসকদের ভক্তি এত পুষ্ক যে, মন কিছুতেই ঐ ছাঁচের মুঠা হইতে মুক্তি পায় না । ইহার সংস্কারের একটিমাত্র উপায় আছে— এই ছাঁচের পাশে একটা সজীব জিনিসকে অল্প একটু স্থান দেওয়া । তাহা হইলে সে তর্ক না করিয়া, বিরোধ না করিয়া, কলকে আচ্ছন্ন করিয়া একদিন মাথা তুলিয়া উঠিবে এবং কল যখন আকাশে ধোঁয়া উড়াইয়া ঘর্ঘর শব্দে হাটের জন্তু মালের বস্তা উল্কার করিতে থাকিবে তখন এই বনস্পতি নিঃশব্দে দেশকে ফল দিবে, ছায়া দিবে এবং দেশের সমস্ত কলভাষী বিহঙ্গদলকে নিজের শাখায় শাখায় আশ্রয়দান করিবে ।

কিন্তু ঐ কলটার সঙ্গে রফা করিবার কথাই বা কেন বলা । ওটা

দেশের আপিস-আদালত, পুলিশের থানা, জেলখানা, পাগলাগারদ, জাহাজের জেটি, পাটের কল প্রভৃতি আধুনিক সভ্যতার আসবাবের সামিল হইয়া থাক-না। আমাদের দেশ যেখানে ফল চাহিতেছে, ছায়া চাহিতেছে, সেখানে কোঠাবাড়িগুলা ছাড়িয়া একবার মাটির দিকেই নামিয়া আসি-না কেন। গুরুর চারিদিকে শিষ্য আসিয়া যেমন স্বভাবের নিয়মে বিশ্ববিদ্যালয় সৃষ্টি করিয়া তোলে, বৈদিককালে যেমন ছিল তপোবন, বৌদ্ধকালে যেমন ছিল নালন্দা তক্ষশিলা, ভারতের দুর্গতির দিনেও যেমন করিয়া টোল চতুষ্পাঠী দেশের প্রাণ হইতে প্রাণ লইয়া দেশকে প্রাণ দিয়া রাখিয়াছিল, তেমনি করিয়াই বিশ্ববিদ্যালয়কে জীবনের দ্বারা জীবলোকে সৃষ্টি করিয়া তুলিবার কথাই সাহস করিয়া বলা যাক-না কেন।

সৃষ্টির প্রথম মন্ত্র—“আমরা চাই।” এই মন্ত্র কি দেশের চিত্তকুহর হইতে একেবারেই শুনা যাইতেছে না। দেশের ধারা আচার্য, ধারা সন্ধান করিতেছেন, সাধনা করিতেছেন, ধ্যান করিতেছেন, তাঁরা কি এই মন্ত্রে শিষ্যদের কাছে আসিয়া মিলিবেন না। বাষ্প যেমন মেঘে মেলে, মেঘ যেমন ধারাবর্ষণে ধরণীকে অভিবিক্ত করে, তেমনি করিয়া কবে তাঁরা একত্র মিলিবেন, কবে তাঁদের সাধনা মাতৃভাষায় গলিয়া পড়িয়া মাতৃভূমিকে তৃষ্ণার জলে ও ক্ষুধার অগ্নে পূর্ণ করিয়া তুলিবে।

আমাদের এই শেষ কথাটি কেজো কথা নহে, ইহা কল্পনা। কিন্তু আজ পর্যন্ত কেজো কথায় কেবল জোড়াতাড়া চলিয়াছে. সৃষ্টি হইয়াছে কল্পনায়।

শিক্ষার মিলন

বিশ্বের একটা বাইরের দিক আছে, সেই দিকে সে মস্ত একটা কল। সেদিকে তার বাধা নিয়মেব একচুল এদিক-ওদিক হবার জো নেই। এই বিরাট বস্তুবিশ্ব আমাদের নানা রকমে বাধা দেয়; কুঁড়েমি ক'রে বা মূর্খতা ক'রে যে তাকে এড়াতে গেছে বাধাকে সে ফাঁকি দিতে পারে নি, নিজেকেই ফাঁকি দিয়েছে; অপর পক্ষে বস্তুর নিয়ম যে শিখেছে শুধু যে বস্তুর বাধা তার কেটেছে তা নয়, বস্তু স্বয়ং তার সহায় হয়েছে— বস্তুবিশ্বের দুর্গম পথে ছুটে চলবার বিদ্যা তার হাতে, সকল জায়গায় সকলের আগে গিয়ে সে পৌঁছতে পারে ব'লে বিশ্বভোজের প্রথম ভাগটা পড়ে তারই পাতে; আর পথ হাঁটতে হাঁটতে যাদের বেলা বয়ে যায় তারা গিয়ে দেখে যে, তাদের জন্তে হয় অতি সামান্যই বাকি, নয় সমস্তই ফাঁকি।

এমন অবস্থায়, পশ্চিমের লোকে যে-বিদ্যার জ্বোরে বিশ্ব জয় করেছে সেই বিদ্যাকে গাল পাড়তে থাকলে দুঃখ কমবে না, কেবল অপরাধ বাড়বে। কেননা বিদ্যা যে সত্য।

বিশ্বব্রহ্মাণ্ডে নিয়মের কোথাও একটুও ক্রটি থাকতে পারে না, এই বিশ্বাসটাই বৈজ্ঞানিক বিশ্বাস। এই বিশ্বাসের জ্বোরেই জিত হয়। পশ্চিমের লোকে এই বৈজ্ঞানিক বিশ্বাসে ভর করে নিয়মকে চেপে ধরেছে, আর তারা বাইরের জগতের সকল সংকট ত'রে যাচ্ছে। এখনো যারা বিশ্বব্যাপারে জাদুকে অস্বীকার করতে ভয় পায়, এবং দাস্যে ঠেকলে জাদুর শরণাপন্ন হবার জন্তে যাদের মন বোঁকে, বাইরের

বিশ্বে তারা সকল দিকেই মার খেয়ে মরছে, তারা আর কতৃৎ পেল না।

আজ একথা বলা বাহুল্য যে, বিশ্বশক্তি হচ্ছে ক্রটিবিহীন বিশ্বনিয়মেরই রূপ; আমাদের নিয়ন্ত্রিত বুদ্ধি এই নিয়ন্ত্রিত শক্তিকে উপলব্ধি করে। বুদ্ধির নিয়মের সঙ্গে এই বিশ্বের নিয়মের সামঞ্জস্য আছে; এইজন্তে, এই নিয়মের 'পরে অধিকার আমাদের প্রত্যেকের নিজের মধ্যেই নিহিত— এই কথা জেনে তবেই আমরা আত্মশক্তির উপর নিঃশেষে ভর দিয়ে দাঁড়াতে পেরেছি। বিশ্বব্যাপারে যে-মানুষ আকস্মিকতাকে মানে, সে নিজেকে মানতে সাহঁস করে না, সে যখন-তখন যাকে-তাকে মেনে বসে; শরণাগত হবার জন্তে সে একেবারে ব্যাকুল। (মানুষ যখন ভাবে বিশ্বব্যাপারে তার নিজের বুদ্ধি খাটে না, তখন সে আর সন্ধান করতে চায় না, প্রশ্ন করতে চায় না— তখন সে বাইরের দিকে কতৃৎ খুঁজে বেড়ায়; এইজন্তে বাইরের দিক সকলেবই কাছে সে ঠকছে, পুলিশের দারোগা থেকে ম্যালেরিয়ার মশা পর্যন্ত।) বুদ্ধির ভীকৃতাই হচ্ছে শক্তিহীনতার প্রধান আড্ডা।

পশ্চিমদেশে পোলিটিকাল স্বাভাব্যতার যথার্থ বিকাশ হতে আরম্ভ হয়েছে কখন থেকে। অর্থাৎ কখন থেকে দেশের সকল লোক এই কথা বুঝেছে যে, রাষ্ট্রনিয়ম ব্যক্তিবিশেষের বা সম্প্রদায়বিশেষের খেয়ালের জিনিস নয়, সেই নিয়মের সঙ্গে তাদের প্রত্যেকের সম্মতির সম্বন্ধ আছে। যখন থেকে বিজ্ঞানের আলোচনায় তাদের মনকে ভয়মুক্ত করেছে, যখন থেকে তারা জেনেছে সেই নিয়মই সত্য যে-নিয়ম ব্যক্তিবিশেষের কল্পনার দ্বারা বিকৃত হয় না, খেয়ালের দ্বারা বিচলিত হয় না।

আমি একদিন একটি গ্রামের উন্নতি করতে গিয়েছিলুম। গ্রামের লোকদের জিজ্ঞাসা করলুম, "সেদিন তোদের পাড়ায় আগুন লাগল,

একখানা চালাও বাঁচাতে পারলি নে কেন।” তারা বললে, “কপাল!” আমি বললেম, “কপাল নয় রে, কুয়োর অভাব। পাড়ায় একটা কুয়ো দিস নে কেন।” তারা তখনই বললে, “আজ্ঞে, কর্তার ইচ্ছে হলেই হয়।” যাদের ঘরে আগুন লাগাবার বেলায় থাকে দৈব, তাদেরই জল দান করবার ভার কোনো-একটি কর্তার। স্মৃতরাং যে ক’রে হোক এরা একটা কর্তা পেলে বেঁচে যায়। তাই এদের কপালে আর-সকল অভাবই থাকে, কিন্তু কোনো কালেই কর্তার অভাব হয় না।

বিশ্বরাজ্যে দেবতা আমাদের স্বরাজ্য দিয়ে এসে আছেন। অর্থাৎ বিশ্বের নিয়মকে তিনি সাধারণের নিয়ম করে দিয়েছেন। এই নিয়মকে নিজের হাতে গ্রহণ করার দ্বারা আমরা প্রত্যেকে যে কর্তৃত্ব পেতে পারি তার থেকে কেবলমাত্র আমাদের মোহ আমাদের বঞ্চিত করতে পারে, আর কেউ না, আর কিছুতে না। এইজন্মেই আমাদের উপনিষৎ এই দেবতা সম্বন্ধে বলেছেন, যাথাতথ্যাতোহর্থান্ ব্যদধাৎ শাস্বতীভ্যঃ সমাভ্যঃ — অর্থাৎ, অর্থের বিধান তিনি যা করেছেন সে বিধান যথাতথ্য, তাতে খামখেয়ালি এতটুকুও নেই, এবং সে বিধান শাস্বতকালের, আজ একরকম কাল একরকম নয়। এর মানে হচ্ছে, অর্থরাজ্যে তাঁর বিধান তিনি চিরকালের জন্তু পাকা করে দিয়েছেন। এ না হলে মানুষকে চিরকাল তাঁর আঁচল-ধরা হয়ে দুর্বল হয়ে থাকতে হত; কেবলই এ-ভয়ে ও-ভয়ে সে-ভয়ে পেয়াদার ঘুষ জুগিয়ে ফতুর হতে হত। কিন্তু তাঁর পেয়াদার ছদ্মবেশধারী মিথ্যা বিভীষিকার হাত থেকে আমাদের বাঁচিয়েছে যে-দলিল, সে হচ্ছে তাঁর বিশ্বরাজ্যে আমাদের স্বরাজ্যের দলিল; তারই মহা আশ্বাসবাণী হচ্ছে: যাথাতথ্যাতোহর্থান্ ব্যদধাৎ শাস্বতীভ্যঃ সমাভ্যঃ — তিনি অনন্তকাল থেকে অনন্তকালের জন্তু অর্থের যে বিধান করেছেন তা যথাতথ্য। তিনি তাঁর সূর্য চন্দ্র গ্রহ নক্ষত্রে এই কথা লিখে দিয়েছেন: “বস্তুরাজ্যে আমাকে না হলেও

তোমার চলবে, ওখান থেকে আমি আড়ালে দাঁড়ালুম ; একদিকে রইল আগার বিশ্বের নিয়ম, আরেক দিকে রইল তোমার বুদ্ধির নিয়ম ; এই দুয়ের যোগে তুমি বড়ো হও ; জয় হোক তোমার, এ রাজ্য তোমারই হোক— এর ধন তোমার, অন্ন তোমারই ।” এই বিধিদত্ত স্বরাজ যে গ্রহণ করেছে অল্প সকলরকম স্বরাজ সে পাবে, আর পেয়ে রক্ষা করতে পারবে ।

কিন্তু, নিজের বুদ্ধিবিভাগে যে-লোক কর্তাভজা, পোলিটিকাল বিভাগেও কর্তাভজা হওয়া ছাড়া তাদের আর গতি নেই । (বিধাতা স্বয়ং যেখানে কর্তৃত্ব দাবি করেন না, সেখানেও যারা কর্তা জুটিয়ে বসে, যেখানে সম্মান দেন, সেখানেও যারা আত্মাবমাননা করে, তাদের স্বদাজে রাজার পর রাজার আমদানি চলে, কেবল ছোট্ট ঐ “স্ব”টুকুকে বাচানোই দায় হবে ।)

এই পর্যন্ত এগিয়ে একটা কথায় এসে মন ঠেকে যায় । সামনে এই প্রশ্নটা দেখা দেয়, “সব মানলেম, কিন্তু পশ্চিমের যে-শক্তিরূপ দেখে এলে তাতে কি তৃপ্তি পেয়েছ ।” না, পাইনি । সেখানে ভোগের চেহারা দেখেছি, আনন্দের না । অনবচ্ছিন্ন সাত মাস আমেরিকায় ঐশ্বর্যের দানবপুরোতে ছিলাম । দানব মন্দ অর্থে বলছি নে, ইংরেজিতে বলতে হলে হয়তো বলতাম, titanic wealth । অর্থাৎ যে-ঐশ্বর্যের শক্তি প্রবল, আয়তন বিপুল । হোটেলের জানলার কাছে রোজ ত্রিশ-পঁয়ত্রিশতলা বাড়ির ক্রকুটির সামনে বসে থাকতাম আর মনে মনে বলতাম, লক্ষ্মী হলেন এক, আর কুবের হল আর— অনেক তফাত । লক্ষ্মীর অন্তরের কথাটি হচ্ছে কল্যাণ, সেই কল্যাণের দ্বারা ধন শ্রীলাভ করে । কুবেরের অন্তরের কথাটি হচ্ছে সংগ্রহ, সেই সংগ্রহের দ্বারা ধন বহুলত্ব লাভ করে । বহুলত্বের কোনো চরম অর্থ নেই । দুই দুগুণে চার, চার দুগুণে আট, আট দুগুণে মোলো, অল্পগুলে ব্যাপ্তব মতো লাফিয়ে চলে— সেই লাফের পাল্লা কেবলই লম্বা হতে থাকে । এই

নিরন্তর উল্লসনের কোঁকের মাঝখানে যে পড়ে গেছে, তার রোখ চেপে যায়, রক্ত গরম হয়ে ওঠে, বাহাদুরির মত্ততায় সে ভেঁ হয়ে যায়।

আটলান্টিকের ওপারে ইটপাথরের জঙ্গলে বসে আমার মন প্রতিদিনই পীড়িত হয়ে বলেছে, “তালের খচ-মচের অস্ত নেই, কিন্তু সুর কোথায়।” আরো চাই, আরো চাই—এ বাণীতে তো সৃষ্টির সুর লাগে না। তাই সেদিন সেই জুকটুকুটিল অলভেদী ঐশ্বরের সামনে দাঁড়িয়ে ধনমানহীন ভারতের একটি সম্ভান প্রতিদিন ধিকারের সঙ্গে বলেছে, ততঃ কিম্।

একথা বার বার বলেছি, আবার বলি, আমি বৈরাগ্যের নাম ক’রে শূন্য বুলির সমর্থন করি নে। আমি এই বলি, (অস্তুরে গান ব’লে সত্যটি যদি ভরপুর থাকে তবে তার সাধনায় সুর ও তাল ছুয়রই চেষ্টা থাকে রসের সংযমরক্ষার— বাহিরের বৈরাগ্য অস্তুরের পূর্ণতার সাক্ষ্য দেয়।) কোলাহলের উচ্ছ্বল নেশায় সংযমের কোনো বালাই নেই। অস্তুরে প্রেম ব’লে সত্যটি যদি থাকে তবে তার সাধনায় ভোগকে হতে হয় সংযত, সেবাকে হতে হয় খাঁটি। এই সাধনায় সতীত্ব থাকা চাই। এই সতীত্বের যে বৈরাগ্য অর্থাৎ সংযম, সেই হল প্রকৃত বৈরাগ্য। অন্নপূর্ণার সঙ্গে বৈরাগীর যে মিলন, সেই হল প্রকৃত মিলন।

পূর্বে যা বলেছি তার থেকে এ কথা সবাই বুঝবেন যে, আমি বলি নে রেলওয়ে টেলিগ্রাফ কল কারখানার কোনোই প্রয়োজন নেই। আমি বলি প্রয়োজন আছে, কিন্তু তার বাণী নেই; বিশ্বের কোনো সুরে সে সায় দেয় না, হৃদয়ের কোনো ডাকে সে সাড়া দেয় না। মানুষের যেখানে অভাব সেইখানে তৈরি হয় উপকরণ, মানুষের যেখানে পূর্ণতা সেইখানে প্রকাশ হয় অমৃতরূপ। এই অভাবের দিকে উপকরণের মহলে মানুষের ঈর্ষা বিদ্বেষ; এইখানে তার প্রাচীর, তার পাহারা; এইখানে সে আপনাকে বাড়ায়, পরকে তাড়ায়; স্মৃতরাং

এইখানেই তার লড়াই। — যেখানে তার অমৃত, যেখানে মানুষ— বস্তুকে নয়— আত্মাকে প্রকাশ করে, সেখানে সকলকে সে ডেকে আনে, সেখানে ভাগের দ্বারা ভোজের ক্ষয় হয় না ; সুতরাং সেইখানেই শান্তি।

নিয়মকে কাজে খাটিয়ে আমরা ফল পাই, কিন্তু ফল পাওয়ার চেয়েও মানুষের একটা বড়ো লাভ আছে। চা-বাগানের ম্যানেজার কুলিদের 'পরে যে-নিয়ম চালনা করে, সে-নিয়ম যদি পাকা হয় তাহলে চায়ের ফলনের পক্ষে কাজে লাগে। কিন্তু, বন্ধু সঙ্ক্কে ম্যানেজারের তো পাকা নিয়ম নেই। তার বেলায় নিয়মের কথাই ওঠে না। ঐ জায়গাটাতে চায়ের আয় নেই, ব্যয় আছে। কুলির নিয়মটা আধিভৌতিক বিশ্ব-নিয়মের দলে, সেইজন্মে সেটা চা-বাগানেও খাটে। কিন্তু, যদি এমন ধারণা হয় যে, ঐ বন্ধুতার সত্য কোনো বিরাট সত্যের অঙ্গ নয়, তাহলে সেই ধারণায় মানবত্বকে গুঁকিয়ে ফেলে। কলকে তো আমরা আত্মীয় ব'লে বরণ করতে পারি নে ; তাহলে কলের বাইরে কিছু যদি না থাকে তবে আমাদের যে আত্মা আত্মীয়কে খোঁজে সে দাঁড়ায় কোথায়।

যান্ত্রিকতাকে অন্তরে বাহিরে বড়ো ক'রে তোলায় পশ্চিমসমাজে মানব-সঙ্ক্কে বিলিষ্টতা ঘটেছে। কেননা, ক্রু-দিয়ে আঁটা, আঁটা-দিয়ে জোড়ার বন্ধনকেই ভাবনায় এবং চেষ্টায় প্রধান করে তুললে, অন্তরতম যে আত্মিক বন্ধনে মানুষ স্বতঃপ্রসাদিত আকর্ষণে পরস্পর গভীরভাবে মিলে যায়, সেই সৃষ্টিশক্তিসম্পন্ন বন্ধন শিথিল হতে থাকে। অথচ, মানুষকে কলের নিয়মে বাঁধার আশ্চর্য সফলতা আছে ; তাতে পণ্যদ্রব্য রাশীকৃত হয়, বিশ্ব জুড়ে হাট বসে, মেঘ ভেদ করে কোঠাবাড়ি ওঠে।

কেননা, পূর্বেই বলেছি, বিশ্বের বাহিরের দিকে এই কল জিনিসটা সত্য। সেইজন্মে এই যান্ত্রিকতায় যাদের মন পেকে যায় তারা যতই ফললাভ করে ফললাভের দিকে তাদের লোভের ততই অন্ত থাকে না।

লোভ যতই বাড়তে থাকে, মানুষকে মানুষ খাটো করতে ততই আর
দ্বিধা করে না।

ভক্তি নেই ব'লেই মানুষের বাঁধন দড়ির বাঁধন হয়, কিন্তু দড়ির
বাঁধনের ঐক্যকে মানুষ সহিতে পারে না, বিদ্রোহী হয়। পশ্চিমদেশে
আজ সামাজিক বিদ্রোহ কালো হয়ে ঘনিয়ে এসেছে, একথা স্পষ্ট।
(ভারতে আচারের বাহু বন্ধনে যেখানে মানুষকে এক করতে চেয়েছে
সেখানে সেই ঐক্য সমাজকে নির্জীব করেছে, আর যুরোপে ব্যবহারের
বাহু বন্ধনে যেখানে মানুষকে এক করতে চেয়েছে সেখানে সেই ঐক্য
সমাজকে সে বিশ্লিষ্ট করেছে।)

তাহলে চরিতার্থতা কোথায়। তার উত্তর একদিন ভারতবর্ষের
ঋষিরা দিয়েছেন। তাঁরা বলেন, চরিতার্থতা পরম একের মধ্যে।
গাছ থেকে আপেল পড়ে— একটা, দুটো, তিনটে, চারটে। আপেল
পড়ার অন্তর্বিহীন সংখ্যাগণনার মধ্যেই আপেল-পড়ার সত্যকে পাওয়া
যায়, একথা যে বলে, প্রত্যেক সংখ্যার কাছে এসে তাকে তার মন দাক
দিয়ে বলে, ততঃ কিং। তার দৌড়ও থামবে না, তার প্রশ্নের
উত্তরও মিলবে না। কিন্তু অসংখ্য আপেল-পড়া যেমনি একটি
আকর্ষণ-তত্ত্ব এসে ঠেকে, অমনি বুদ্ধি খুশি হয়ে বলে ওঠে, বাস,
হয়েছে।

এই তো গেল আপেল-পড়ার সত্য। মানুষের সত্যটা কোথায়।
সেন্সস্ রিপোর্টে? এক দুই তিন চার পাঁচ? মানুষের স্বরূপ-
প্রকাশ কি অন্তর্বিহীন সংখ্যায়।

তা নয়, এই প্রকাশের তত্ত্বটি উপনিষৎ বলেছেন :

যস্মু সর্বাণি ভূতানি আয়ত্ত্বোবানুপশুতি
সর্বভূতেষু চান্মানং ন ততো বিজুগপসতে।

যিনি সর্বভূতকে আপনারই মতো দেখেন এবং আত্মাকে সর্বভূতের

মধ্যে দেখে। তিনি প্রচ্ছন্ন থাকেন না। আপনাকে আপনাতেই যে বন্ধ করে, সে থাকে লুপ্ত : আপনাকে সকলের মধ্যে যে উপলব্ধি করে, সে-ই হয় প্রকাশিত। মনুষ্যত্বের এই প্রকাশ ও প্রচ্ছন্নতার একটা মস্ত দৃষ্টান্ত ইতিহাসে আছে। বুদ্ধদেব মৈত্রীবুদ্ধিতে সকল মানুষকে এক দেখেছিলেন, তাঁর সেই ঐক্যতত্ত্ব চীনে অমৃত দান করেছিল। আর যে-বণিক লোভের প্রেরণায় চীনে এল, এই ঐক্যতত্ত্বকে সে মানলে না, সে অকুণ্ঠিতচিত্তে চীনে গৃত্যুদান করেছে, কামান দিয়ে ঠেসে ঠেসে তাকে আফিম গিলিয়েছে। মানুষ কিসে প্রকাশ পেয়েছে আর কিসে প্রচ্ছন্ন হয়েছে, এর চেয়ে স্পষ্ট ক'রে ইতিহাসে আর কখনো দেখা যায়নি।

আত্মিক-সাধনার একটা অঙ্গ হচ্ছে জড়বিশ্বের অত্যাচার থেকে আত্মাকে মুক্ত করা। পশ্চিম মহাদেশের লোকেরা সাধনার সেই দিকটার ভাব নিয়েছে। এইটে হচ্ছে সাধনার সব নিচেকার ভিত, কিংবা এটা পাকা করতে না পারলে অধিকাংশ মানুষের অধিকাংশ শক্তিই পেটের দায়ে জড়ের গোলামি করতে ব্যস্ত থাকবে। (পশ্চিম তাই হাতের আঙ্গুল ডুটিয়ে পস্তা কোদাল নিয়ে এমনি ক'রে মাটির দিকে খুঁকে পড়েছে যে, উপর পানে মাথা তোলবার ফুরসত তার নেই বললেই হয়। এই পাকা ভিতের উপর উপর-তলা যখন উঠবে তখনই, হাওয়া-আলোয় যারা ভক্ত, তাদের বাসাটি হবে বাধাহীন) তত্ত্বজ্ঞানের ক্ষেত্রে আমাদের জ্ঞানীরা বলেছেন, “না জানাই বন্ধনের কারণ, জানাতেই মুক্তি।” বস্তুবিশ্বও সেই একই কথা। এখানকার নিয়ম-তত্ত্বকে যে না জানে সে-ই বন্ধ হয়, যে জানে সে-ই মুক্তিলাভ করে। তাই বিষয়রাজ্যে আগরা যে বাহুবন্ধন কল্পনা করি সেও মায়া ; এই মায়া থেকে নিষ্কৃতি দেয় বিজ্ঞানে। পশ্চিম মহাদেশ বাহুবিশ্বে মুক্তির সাধনা করেছে ; সেই সাধনা ক্ষুধা তৃষ্ণা শীত গ্রীষ্ম রোগ দৈত্যের মূল খুঁজে

বের ক'রে সেইখানে লাগাচ্ছে ঘা, এই হচ্ছে মৃত্যুর মার থেকে মানুষকে রক্ষা করবার চেষ্টা। আর পূর্বমহাদেশ অন্তরাআর যে-সাধনা করেছে সেই হচ্ছে অমৃতের অধিকার লাভ করবার উপায়। অতএব, পূর্ব-পশ্চিমের চিন্ত যদি বিচ্ছিন্ন হয় তাহলে উভয়েই ব্যর্থ হবে; তাই পূর্ব-পশ্চিমের মিলনমন্ত্র উপনিষৎ দিয়ে গেছেন। বলেছেন :

বিজ্ঞাং চাবিজ্ঞাং চ বস্তুষোদোত্তরং সহ

অবিজ্ঞয়া মৃত্যুং তীর্ষা বিজ্ঞয়ামৃতমশ্নুতে।

যৎ কিঞ্চ জগত্যাং জগৎ— এইখানে বিজ্ঞানকে চাই; ঈশাবাস্তুনিদং সর্বং— এইখানে তত্ত্বজ্ঞানকে চাই। এই উভয়কে মেলাবার কথা ঋষি বলেছেন। (এই মিলনের অভাবে পূর্বদেশ দৈন্যপীড়িত ও নির্জীব; আর এই মিলনের অভাবে পশ্চিম অশান্তির দ্বারা ক্ষুব্ধ, সে নিরানন্দ।)

এই ঐক্যতত্ত্ব সম্বন্ধে আমার কথা ভুল বোঝবার আশঙ্কা আছে। তাই যে কথাটা একবার আভাসে বলেছি সেইটে আরেকবার স্পষ্ট বলা ভালো। (একাকার হওয়া এক হওয়া নয়। যারা স্বতন্ত্র তারাই এক হতে পারে।) পৃথিবীতে যারা পরজাতির স্বাতন্ত্র্য হরণ করে, তারাই সর্বজাতির ঐক্য লোপ করে। ইম্পীরিয়ালিজম হচ্ছে অজগর সাপের ঐক্যনীতি; গিলে খাওয়াকেই সে এক-করা বলে প্রচার করে। পূর্বে আমি বলেছি, আধিভৌতিককে আধ্যাত্মিক যদি আত্মসাৎ করে বসে তাহলে সেটাকে সমন্বয় বলা চলে না; পরস্পরের স্ব-ক্ষেত্রে উভয়ে স্বতন্ত্র থাকলে তবেই সমন্বয় সত্য হয়। তেমনি মানুষ যেখানে এক সেখানে তার সত্য ঐক্য পাওয়া যায়।

সত্যকার স্বাতন্ত্র্যের উপর সত্যকার ঐক্যের প্রতিষ্ঠা হয়। যারা নবযুগের সাধক ঐক্যের সাধনার জগ্রেই তাদের স্বাতন্ত্র্যের সাধনা করতে হবে; আর, তাদের মনে রাখতে হবে এই সাধনায় জাতি-বিশেষের মুক্তি নয়, নিখিল মানবের মুক্তি।

যারা অন্তকে আপনার মতো জেনেছে, ন ততো বিজুগপসতে, তারাই প্রকাশ পেয়েছে। মানুষের সমস্ত ইতিহাসই কি এই তত্ত্বের নিরন্তর অভিব্যক্তি নয়। ইতিহাসের গোড়াতেই দেখি মানুষের দল পর্বতসমুদ্রের এক-একটি বেড়ার মধ্যে একত্র হয়েছে। মানুষ যখন একত্র হয় তখন যদি এক হতে না পারে, তাহলেই সে সত্য হতে বঞ্চিত হয়। একত্রিত মানুষদলের মধ্যে যারা যদুবংশের মাতাল বীরদের মতো কেবলই হানাহানি করছে, কেউ কাউকে বিশ্বাস করে নি, পরস্পরকে বঞ্চিত করতে গিয়েছে, তারা কোন্ কালে লোপ পেয়েছে। আর যারা এক আত্মাকে আপনাদের সকলের মধ্যে দেখতে চেয়েছিল, তারাই মহাজাতিরূপে প্রকাশ পেয়েছে।

বিজ্ঞানের কল্যাণে জল স্থল আকাশে আজ এত পথ খুলেছে, এত রথ ছুটেছে যে, ভূগোলের বেড়া আজ আর বেড়া নেই। আজ কেবল নানা ব্যক্তি নয়, নানা জাতি কাছাকাছি এসে জুটল; অমনি মানুষের সত্যের সমগ্রাও বড়ো হয়ে দেখা দিল। বৈজ্ঞানিকশক্তি যাদের একত্র করেছে তাদের এক করবে কে। মানুষের যোগ যদি সংযোগ হল তো ভালোই, নইলে সে দুর্যোগ। সেই মহাদুর্যোগ আজ ঘটেছে। একত্র হবার বাহ্যিক শক্তি হু-হু করে এগোল, এক করবার আন্তর-শক্তিই পিছিয়ে পড়ে রইল।

আজ জাতিতে জাতিতে একত্র হচ্ছে অথচ মিলছে না। এরই বিহীন বেদনায় সমস্ত পৃথিবী পীড়িত। এত দুঃখেও দুঃখের প্রতিকার হয় না কেন। তার কারণ এই যে, গণ্ডীর ভিতরে যারা এক হতে শিখেছিল, গণ্ডীর বাহিরে তারা এক হতে শেখেনি।

মানুষ সাময়িক ও স্থানিক কারণে গণ্ডীর মধ্যে সত্যকে পায় বলেই সত্যের পূজা ছেড়ে গণ্ডীর পূজা ধরে : দেবতার চেয়ে পাণ্ডাকে মানে ; রাজাকে ভাল, দারোগাকে কিছুতে ভুলতে পারে না।

পৃথিবীতে নেশন গড়ে উঠল সত্যের জোরে ; কিন্তু ঝাশঝালিঙ্গম সত্য নয়, অথচ সেই জাতীয় গণ্ডী-দেবতার পূজার অনুষ্ঠানে চারিদিক থেকে নরবলির যোগান চলতে লাগল। (যতদিন বিদেশী বলি জুটত ততদিন কোনো কথা ছিল না, হঠাৎ ১৯১৪ খ্রীষ্টাব্দে পরস্পরকে বলি দেবার জন্ত স্বয়ং যজমানদের মধ্যে টানাটানি পড়ে গেল।) তখন থেকে ওদের মনে সন্দেহ জাগতে আরম্ভ হল,— “একই কি বলে ইষ্টদেবতা। এ যে ঘর-পর কিছুই বিচার করে না।” এ যখন একদিন পূর্বদেশের অঙ্গ-প্রত্যঙ্গের কোমল অংশ বেছে তাতে দাঁত বসিয়েছিল এবং “ভিক্ষু যথা ইক্ষু খায়, ধরি ধরি চিবাঘ সমস্ত”— তখন মহাপ্রসাদের ভোজ্য খুব জমেছিল, সঙ্গে সঙ্গে মদমত্ততারও অবধি ছিল না। আজ মাথায় হাত দিয়ে ওদের কেউ কেউ ভান্ডে, এর পূজো আমাদের বংশে সইবে না। বুদ্ধ যখন পুরোদমে চলছিল তখন সকলেই ভাবছিল বুদ্ধ মিটলেই অকল্যাণ মিটবে। যখন মিটল তখন দেখা গেল, গুরে ফিরে সেই বুদ্ধটাই এসেছে সন্ধিপত্রের মুখোশ প’রে // কিঙ্কিঙ্কাকারও যার প্রকাণ্ড লেজটা দেখে নিশ্চলকাণ্ডে আঁৎকে উঠেছিল, আজ লঙ্কাকারের গোড়ায় দেখি সেই লেজটার উপর মোড়কে মোড়কে সন্ধিপত্রের স্নেহসিক্ত কাগজ জড়ানো চলেছে : বোঝা যাচ্ছে, ঐটাতে আগুন যখন ধরবে তখন কারো ঘরের চাল আর বাকি থাকবে না।— পশ্চিমের মনীষী লোকেরা ভীত হয়ে বলছেন যে, যে-দুর্বুদ্ধি থেকে দুর্ঘটনার উৎপত্তি, এত মারের পরেও তার নাড়ী বেশ তাজা আছে। এই দুর্বুদ্ধিরই নাম ঝাশঝালিঙ্গম, দেশের সর্বজনীন আয়ত্তুরিতা। এ হল রিপু, ঐক্যতন্ত্রের উলটোদিকে, অর্থাৎ আপনার দিকটাতেই এর টান। কিন্তু, জাতিতে জাতিতে আজ একত্র হয়েছে এই কথাটা যখন অস্বীকার করবার জো নেই, এত বড়ো সত্যের উপর, যখন কোনো একটামাত্র প্রবলজাতি আপন

সাম্রাজ্যরথ চালিয়ে দিয়ে চাকার তলায় এ-কে ধুলো করে দিতে পারে না, তখন এর সঙ্গে সত্য ব্যবহার করতেই হবে।

বর্তমান যুগের সাধনার সঙ্গেই বর্তমান যুগের শিক্ষার সংগতি হওয়া চাই। স্বাধীনতার অহমিকা থেকে মুক্তিদান করার শিক্ষাই আজকের দিনের প্রধান শিক্ষা। কেননা, কালকের দিনের ইতিহাস সার্বজাতিক সহযোগিতার অধ্যায় আরম্ভ করেন। যে-সকল দ্বিপু, যে-সকল চিন্তার অভ্যাস ও আচারপদ্ধতি এর প্রতিকূল তা আগামীকালের জন্য আমাদের অযোগ্য করে তুলবে। স্বদেশের গৌরববুদ্ধি আমার মনে আছে, কিন্তু আমি একান্ত আগ্রহে ইচ্ছা করি যে, সেই বুদ্ধি যেন কখনো আমাকে এ-কথা না ভোলায় যে একদিন আমার দেশ সাধকেরা যে-মত প্রচার করেছিলেন সে হচ্ছে ভেদবুদ্ধি দূর করার মত। শুনতে পাচ্ছি সমুদ্রের ওপারের মানুষ আজ আপনাকে এই প্রশ্ন জিজ্ঞাসা করছে, “আমাদের কোন্ শিক্ষা, কোন্ চিন্তা, কোন্ কর্মের মধ্যে মোহ প্রচ্ছন্ন হয়েছিল, যার জন্যে আমরা আজ এমন নিদারুণ শোক।” তার উত্তর আমাদের দেশ থেকেই দেশে দেশান্তরে পৌঁছুক যে, “মানুষের একত্বকে ভেঙে সাধনা থেকে দূরে বেঁধাড়লে, সেইটেই মোহ, এবং তার থেকেই শোক :

যস্মিন্ সদানি ভূতানি অদ্বৈতবাত্তবিজানতঃ

তত্র কো মোহঃ কঃ শোক একত্বমনুপহৃতঃ।”

আমরা শুনতে পাচ্ছি সমুদ্রের ওপারের মানুষ ব্যাকুল হয়ে বলছে, ‘শান্তি চাই’। একথা তাদের জানাতে হবে, শান্তি সেখানেই যেখানে মঙ্গল, মঙ্গল সেখানেই যেখানে ঐক্য। এইজন্যে পিতামহেরা বলেছেন : ‘শান্তং শিবমদ্বৈতম্’,— অদ্বৈতই শান্ত, কেননা অদ্বৈতই শিব। স্বদেশের গৌরববুদ্ধি আমার মনে আছে, সেইজন্যে এই সম্ভাবনার কল্পনাতেও আমার লজ্জা হয় যে, অতীত যুগের যে-আবর্জনাভার সরিয়ে ফেলবার

জগ্রে আজ রুদ্রদেবতার হুকুম এসে পৌঁছেছে এবং পশ্চিমদেশ সেই হুকুমে জাগতে শুরু করেছে, আমরা পাছে স্বদেশে সেই আবর্জনার পীঠ স্থাপন করে আজ যুগান্তরের প্রত্যুষেও তামসী পূজাবিধি দ্বারা তার অর্চনা করবার আয়োজন করতে থাকি। যিনি শান্ত, যিনি শিব, যিনি সার্বজাতিক মানবের পরমাশ্রয় অদ্বৈত, তাঁরই ধ্যানমগ্ন কি আমাদের ঘরে নেই। সেই ধ্যানমগ্নের সহযোগেই কি নবযুগের প্রথম প্রভাতরশ্মি মানুষের মনে সনাতন সত্যের উদ্বোধন এনে দেবে না।

এইজগ্রেই আমাদের দেশের বিদ্যানিকেতনকে পূর্বপশ্চিমের মিলননিকেতন করে তুলতে হবে, এই আমার অন্তরের কামনা। বিষয়লাভের ক্ষেত্রে মানুষের বিরোধ মেটেনি, সহজে মিটতেও চায় না। সত্যলাভের ক্ষেত্রে মিলনের বাধা নেই। যে-গৃহস্থ কেবলমাত্র আপনার পরিবারকে নিয়েই থাকে, আতিথ্য করতে যার কৃপণতা, সে দীনাশ্রা। শুধু গৃহস্থের কেন, প্রত্যেক দেশেরই কেবল নিজের ভোজন-শালা নিয়ে চলবে না, তার অতিথিশালা চাই, যেখানে বিশ্বকে অভ্যর্থনা করে সে ধন্য হবে। শিক্ষাক্ষেত্রেই তার প্রধান অতিথিশালা। দুর্ভাগা ভারতবর্ষে বর্তমানকালে শিক্ষার যত কিছু সরকারী ব্যবস্থা আছে তার পনেরো-আনা অংশই পবের কাছে বিদ্যাভিক্ষার ব্যবস্থা। ভিক্ষা যার বৃত্তি, আতিথ্য করে না ব'লে লজ্জা করাও তার ঘুচে যায়। সেইজগ্রেই বিশ্বের আতিথ্য করে না ব'লে ভারতীয় আধুনিক শিক্ষালয়ের লজ্জা নেই। সে বলে, “আমি ভিখারি, আমার কাছে আতিথ্যের প্রত্যাশা কারো নেই।” কে বলে নেই। আমি তো শুনেছি পশ্চিমদেশ বারংবার জিজ্ঞাসা করেছে, “ভারতের বাণী কই।” তারপর সে যখন আধুনিক ভারতের দ্বারে এসে কান পাতে তখন বলে, “এ তো সব আমারই বাণীর ক্ষীণ প্রতিধ্বনি, যেন ব্যঙ্গের

মতো শোনাচ্ছে। (তাইতো দেখি আধুনিক ভারত যখন ম্যান্ম্যুলরের পাঠশালা থেকে বাহির হয়েই আর্ষসভ্যতার দম্ভ করতে থাকে, তখন তার মধ্যে পশ্চিম গড়ের-বাড়ের কড়ি-মধ্যম লাগে, আর পশ্চিমকে যখন সে প্রবল ধিকারের সঙ্গে প্রত্যাখ্যান করে তখনো তার মধ্যে সেই পশ্চিমরাগের তারসপ্তকের নিখাদ তীব্র হয়ে বাজে।)

আমার প্রার্থনা এই যে, ভারত আজ সমস্ত পূর্বভূভাগের হয়ে সত্যসাধনার অতিথিশালা প্রতিষ্ঠা করুক। তার ধনসম্পদ নেই জানি, কিন্তু তার সাধনসম্পদ আছে। সেই সম্পদের জোরে সে বিশ্বকে নিমন্ত্রণ করবে এবং তার পরিবর্তে সে বিশ্বের সর্বত্র নিমন্ত্রণের অধিকার পাবে। দেউড়িতে নয়, বিশ্বের ভিতরমহলে তার আসন পড়বে। কিন্তু আমি বলি এই মান-সম্মানের কথা এও বাহিরের, একেও উপেক্ষা করা চলে। এই কথাই বলবার কথা যে, সত্যকে চাই অন্তরে উপলব্ধি করতে এবং সত্যকে চাই বাহিরে প্রকাশ করতে—কোনো সুবিধার জন্তে নয়, সম্মানের জন্তে নয়, মানুষের আত্মাকে তার প্রচ্ছন্নতা থেকে মুক্তি দেবার জন্তে। মানুষের সেই প্রকাশতত্ত্বটি আমাদের শিক্ষার মধ্যে প্রচার করতে হবে, কর্মের মধ্যে প্রচলিত করতে হবে, তাহলেই সকল মানুষের সম্মান করে আমরা সম্মানিত হব—নবযুগের উদ্বোধন করে আমরা জরামুক্ত হব। আমাদের শিক্ষালয়ের সেই শিক্ষামন্ত্রটি এই :

যন্ত সর্বাণি ভূতানি আয়ত্তেবানুপগতি

সর্বভূতেষু চান্নানং ন ততো বিজুগপ্সতে।

প্রাচ্য ও পাশ্চাত্য সভ্যতা

যুরোপীয় সভ্যতা এক্ষণে বিপুলায়তন ধারণ করিয়াছে, তাহাতে সন্দেহ নাই। যুরোপ, আমেরিকা, অস্ট্রেলিয়া— তিন মহাদেশ এই সভ্যতাকে বহন পোষণ করিতেছে। এত ভিন্ন ভিন্ন বহুসংখ্যক দেশের উপরে এক মহাসভ্যতার প্রতিষ্ঠা, পৃথিবীতে এমন আশ্চর্য বৃহদব্যাপার, ইতিপূর্বে আর ঘটে নাই। স্মৃত্যং কিসেব সঙ্গ তুলনা করিয়া ইহাব বিচার করিব। কোন্ ইতিহাসেব সাক্ষ্য গ্রহণ করিয়া ইহাব পরিণাম নির্ণয় করিব। অন্য সকল সভ্যতাই এক দেশের সভ্যতা, এক জাতির সভ্যতা। সেই জাতি যতদিন ইন্ধন যোগাইয়াছে ততদিন তাহা জ্বলিয়াছে, তাহাব পরে তাহা নিবিয়া গেছে, অথবা ভস্মাচ্ছন্ন হইয়াছে। যুরোপীয় সভ্যতাহোমানন্দেব সমিধকাষ্ঠ যোগাইবার ভাব লইয়াছে— নানা দেশ, নানা জাতি। অতএব এই যজ্ঞ-ছতাশন কি নিবিবে, না, ব্যাপ্ত হইয়া সমস্ত পৃথিবীকে গ্রাস করিবে।

কিন্তু এই সভ্যতাব মধ্যেও একটি কর্তৃত্বাদ আছে ; কোনো সভ্যতাই আকারপ্রকারহীন হইতে পারে না। ইহান সমস্ত অদয়দকে চালনা করিতেছে এমন একটি বিশেষ শক্তি নিশ্চয়ই আছে। সেই শক্তির অভ্যুদয় ও পরাভবের উপবেই এই সভ্যতাব উন্নতি ও ধ্বংস নির্ভর করে। তাহা কী। তাহাব বহুনিচিত্র চেষ্টা ও স্বাতন্ত্র্যেব মধ্যে ঐক্যতন্ত্র কোথায়।

যুরোপীয় সভ্যতাকে দেশে দেশে গুণ্ড খণ্ড করিয়া দেখিলে, অল্প

সকল বিষয়েই তাহার স্বাতন্ত্র্য ও বৈচিত্র্য দেখা যায়, কেবল একটা বিষয়ে তাহার ঐক্য দেখিতে পাই। তাহা রাষ্ট্রীয় স্বার্থ।

ইংলেণ্ড বনো, ফ্রান্সে বনো, আর-সকল বিষয়েই জনসাধারণের মধ্যে মতবিশ্বাসের প্রভেদ থাকিতে পারে, কিন্তু স্ব স্ব রাষ্ট্রীয় স্বার্থ প্রাণপণে রক্ষা ও পোষণ করিতে হইবে, এ-সম্বন্ধে মতভেদ নাই। সেইখানে তাহারা একাগ্র, তাহারা প্রবল, তাহারা নিষ্ঠুর, সেইখানে আঘাত লাগিলেই সমস্তদেশ একমূর্তি ধারণ করিয়া দণ্ডায়মান হয়। জাতিরক্ষা আমাদের যেমন একটা গভীর সংস্কারের মতো হইয়া গেছে, বাষ্ট্রীয় স্বার্থরক্ষা যুরোপের সর্বসাধারণের তেমনি একটি অন্তর্নিহিত সংস্কার।

ইতিহাসের কোন্ গূঢ় নিয়মে দেশনিশেষের সভ্যতা ভাববিশেষকে অবলম্বন করে তাহা নির্ণয় করা কঠিন; কিন্তু ইহা স্পষ্টনিশ্চিত যে, যখন সেই ভাব তাহাব অপেক্ষা উচ্চতর ভাবকে হনন করিয়া বসে তখন ধ্বংস অদ্বন্দ্বী হয়।

প্রত্যেক জাতির যেমন একটি জাতিধর্ম আছে, তেমনি জাতিধর্মের অতীত একটি শ্রেষ্ঠ ধর্ম আছে যাহা দানবসাধারণের। আমাদের দেশে বর্ণাশ্রমধর্ম যখন সেই উচ্চতর ধর্মকে আঘাত করিল, তখন ধর্ম তাহাকে প্রতিঘাত করিল :

ধন এষ হতো হস্তি ধমো রক্ষতি রক্ষিতঃ।

একসময় আগসভ্যতা আয়ুবক্ষার জন্ত ব্রাহ্মণশূদ্রে দুর্লভ্য ব্যবধান রচনা করিয়াছিল। কিন্তু ক্রমে সেই ব্যবধান বর্ণাশ্রমধর্মের উচ্চতর ধর্মকে পীড়িত করিল। বর্ণাশ্রম আপনাকে রক্ষা করিবার জন্ত চেষ্টা করিল কিন্তু ধর্মকে রক্ষার জন্ত চেষ্টা করিল না। সে যখন উচ্চ অঙ্গের মনুষ্যত্বচর্চা হইতে শূদ্রকে একেবারে বঞ্চিত করিল তখন ধর্ম তাহার প্রতিশোধ লইল। তখন ব্রাহ্মণ্য আপন জ্ঞানধর্ম লইয়া পূর্বের

মতো আর অগ্রসর হইতে পারিল না। অজ্ঞান জড় শূদ্রসম্প্রদায় সমাজকে গুরুভারে আকৃষ্ট করিয়া নিচের দিকে টানিয়া রাখিল। শূদ্রকে ব্রাহ্মণ উপরে উঠিতে দেয় নাই। কিন্তু শূদ্র ব্রাহ্মণকে নিচে নামাইল। আজিও ভারতে ব্রাহ্মণপ্রধান বর্ণাশ্রম ধাকা সত্ত্বেও শূদ্রের সংস্কারে, নিকৃষ্ট অধিকারীর অজ্ঞানতায়, ব্রাহ্মণসমাজ পর্যন্ত আচ্ছন্ন আবিষ্ট।

ইংরেজের আগমনে যখন জ্ঞানের বন্ধনযুক্তি হইল, যখন সকল মনুষ্যই মনুষ্যত্বলাভের অধিকারী হইল, তখনি হিন্দুধর্মের মূর্ছাপগমের লক্ষণ প্রকাশ পাইল। আজ ব্রাহ্মণশূদ্রে সকলে মিলিয়া হিন্দুজাতির অন্তর্নিহিত আদর্শের বিশুদ্ধ মূর্তি দেখিবার জন্ম সচেष्ट হইয়া উঠিয়াছে। শূদ্রেরা আজ জাগিতেছে বলিয়াই ব্রাহ্মণও জাগিবার উপক্রম করিতেছে।

যাহাই হউক আমাদের বর্ণাশ্রমধর্মের সংকীর্ণতা নিত্যধর্মকে নানাস্থানে খর্ব করিয়াছিল বলিয়াই তাহা উন্নতির দিকে না গিয়া বিকৃতির পথে গেল।

যুরোপীয় সভ্যতার মূলভিত্তি রাষ্ট্রীয় স্বার্থ যদি এত অধিক স্ফীতিলাভ করে যে, ধর্মের সীমাকে অতিক্রম করিতে থাকে, তবে বিনাশের ছিদ্র দেখা দিবে এবং সেই পথে শনি প্রবেশ করিবে।

স্বার্থের প্রকৃতিই বিরোধ। যুরোপীয় সভ্যতার সীমায় সীমায় সেই বিরোধ উত্তরোত্তর কণ্টকিত হইয়া উঠিতেছে। পৃথিবী লইয়া ঠেলাঠেলি কাড়াকাড়ি পড়িবে তাহার পূর্বসূচনা দেখা যাইতেছে।

ইহাও দেখিতেছি, যুরোপের এই রাষ্ট্রীয় স্বার্থপরতাও ধর্মকে প্রকাশ্যভাবে অবজ্ঞা করিতে আরম্ভ করিয়াছে। 'জোর যার মূলুক তার' এ-নীতি স্বীকার করিতে আর লজ্জা বোধ করিতেছে না।

যে-ধর্মনীতি ব্যক্তিবিশেষের নিকট বরণীয় তাহা রাষ্ট্রীয় ব্যাপারের আবশ্যকের অমুরোধে বর্জনীয়, এ-কথা এক প্রকার সর্বজনগ্রাহ্য হইয়া

উঠিতেছে। রাষ্ট্রতন্ত্রে মিথ্যাচরণ, সত্যভঙ্গ, প্রবঞ্চনা এখন আর লজ্জাজনক বলিয়া গণ্য হয় না। যে-সকল জাতি মনুষ্যে মনুষ্যে ব্যনহারে সত্যের মর্ষাদা রাখে, ত্রায়াচরণকে শ্রেয়োজ্ঞান করে, রাষ্ট্রতন্ত্রে তাহাদেরও ধর্মবোধ অসাড় হইয়া থাকে। সেইজন্য ফরাসি, ইংরেজ, জর্মান, রুশ, ইহারা পরস্পরকে কপট, ভণ্ড, প্রবঞ্চক বলিয়া উচ্চস্বরে গালি দিতেছে।

ইহা হইতে এই প্রমাণ হয় যে, রাষ্ট্রীয় স্বার্থকে যুরোপীয় সভ্যতা এতই আত্যন্তিক প্রাধান্য দিতেছে যে, সে ক্রমশই স্পর্ধিত হইয়া ধ্বংসের উপর হস্তক্ষেপ করিতে উদ্যত হইয়াছে। এখন গত শতাব্দীর সাম্য-সৌভ্রাত্ত্বের মন যুরোপের মুখে পরিহাসবাক্য হইয়া উঠিয়াছে। এখন খ্রীষ্টান মিশনারিদের মুখেও 'ভাই' কথাই মধ্য ভ্রাতৃত্বাবের সুর লাগে না।

হিন্দুসভ্যতা রাষ্ট্রীয় ঐক্যের উপরে প্রতিষ্ঠিত নহে। সেইজন্য আমরা স্বাধীন হই বা পরাধীন থাকি, হিন্দুসভ্যতাকে সমাজের ভিতর হইতে পুনরায় সঞ্জীবিত করিয়া তুলিতে পারি, এ-আশা ত্যাগ করিবার নহে।

'নেশন' শব্দ আমাদের ভাষায় নাই, আমাদের দেশে ছিল না। সম্প্রতি যুরোপীয় শিক্ষাশ্রমে গ্রাশনাল মহত্বকে আমরা অত্যধিক আদর দিতে শিখিয়াছি। অথচ তাহার আদর্শ আমাদের অন্তঃকরণের মধ্যে নাই। আমাদের ইতিহাস, আমাদের ধর্ম, আমাদের সমাজ, আমাদের গৃহ, কিছুই নেশন গঠনের প্রাধান্য স্বীকার করে না। যুরোপে স্বাধীনতাকে যে স্থান দেয়, আমরা মুক্তিকে সেই স্থান দিই। আত্মার স্বাধীনতা ছাড়া অণু স্বাধীনতার মাহাত্ম্য আমরা গানি না। আমাদের সবপ্রধান কর্তব্যের আদর্শ এই একটি মন্ত্রেই রহিয়াছে :

ব্রহ্মনিষ্ঠো গৃহস্থঃ স্ত্রাৎ তত্ত্বজ্ঞানপরায়ণঃ ।

যদ্বৎ কর্ম প্রকুবীত তদ্ ব্রহ্মণি সমর্পয়েৎ ॥

এই আদর্শ যথার্থভাবে রক্ষা করা গ্ৰাশনাল কর্তব্য অপেক্ষা ছুঁকুছ এবং মহত্তর। এক্ষণে এই আদর্শ আমাদের সমাজের মধ্যে সঞ্জীব নাই বলিয়াই আমরা যুরোপকে ঈর্ষা করিতেছি। ইহাকে যদি ঘরে ঘরে সঞ্জীবিত করিতে পারি, তবে মউজুর বন্দুক ও দমদম বুলেটের সাহায্যে বড়ো হইতে হইবে না; তবে আমরা যথার্থ স্বাধীন হইব, স্বতন্ত্র হইব, আমাদের বিজেতাদের অপেক্ষা ন্যূন হইব না। কিন্তু তাঁহাদের নিকট হইতে দরখাস্তের দ্বারা যাহা পাইব, তাহার দ্বারা আমরা কিছুতেই বড়ো হইব না।

পনেরো-ষোলো শতাব্দী খুব দীর্ঘকাল নহে। নেশনই যে সভ্যতার সর্বশ্রেষ্ঠ অভিব্যক্তি, সে-কথার চরম পরীক্ষা হয় নাই। কিন্তু ইহা দেখিতেছি, তাহার চারিত্র-আদর্শ উচ্চতম নহে। তাহা অশ্রদ্ধা অবিচার ও মিথ্যার দ্বারা আকীর্ণ এবং তাহার মজ্জার মধ্যে একটি ভীষণ নিষ্ঠুরতা আছে।

এই গ্ৰাশনাল আদর্শকেই আমাদের আদর্শরূপে বরণ করাতে আমাদের মধ্যেও কি মিথ্যার প্রভাব স্থান পায় নাই। আমাদের রাষ্ট্রীয় সভাগুলির মধ্যে কি নানাপ্রকার মিথ্যা, চাতুরী ও আত্মগোপনের প্রাদুর্ভাব নাই। আমরা কি যথার্থ কথা স্পষ্ট করিয়া বলিতে শিখিতেছি। আমরা কি পরস্পর বলাবলি করি না যে, নিজের স্বার্থের জন্ত যাহা দুষণীয়, রাষ্ট্রীয় স্বার্থের জন্ত তাহা গর্হিত নহে। কিন্তু আমাদের শাস্ত্রেই কি বলে না :

ধর্ম এব হতো হস্তি ধর্মো রক্ষতি রক্ষিতঃ ।

তস্মাৎ ধর্মো ন হস্তব্যো না নো ধর্মো হতো বধীৎ ॥

বস্তুত প্রত্যেক সভ্যতারই একটি মূল আশ্রয় আছে। সেই আশ্রয়টি ধর্মের উপর প্রতিষ্ঠিত কিনা, তাহাই বিচার্য। যদি তাহা উদার ব্যাপক না হয়, যদি তাহা ধর্মকে পীড়িত করিয়া বর্ধিত হয়, তবে তাহার

আপাত উন্নতি দেখিয়া আমরা তাহাকেই একমাত্র ঈশ্বিত বলিয়া
যেন বরণ না করি।

আমাদের হিন্দুসভ্যতার মূলে সমাজ, যুরোপীয় সভ্যতার মূলে
রাষ্ট্রনীতি। সামাজিক মহদেও মানুষ মাহাত্ম্য লাভ করিতে পারে,
রাষ্ট্রনীতিক মহদেও পারে। কিন্তু আমরা যদি মনে করি যুরোপীয়
ছাঁচে নেশন গড়িয়া তোলাই সভ্যতার একমাত্র প্রকৃতি এবং মনুষ্যত্বের
একমাত্র লক্ষ্য, তবে আমরা ভুল বুঝিব।

নববর্ষ

শান্তিনিকেতন আশ্রমে পঠিত

অধুনা আমাদের কাছে কর্মের গৌরব অত্যন্ত বেশি। হাতের কাছে হউক দূরে হউক দিনে হউক, দিনের অবসানে হউক কর্ম করিতে হইবে। কী করি, কী করি, কোথায় মরিতে হইবে, কোথায় আত্মবিসর্জন করিতে হইবে, ইহাই অশাস্তচিত্তে আমরা খুঁজিতেছি। যুরোপে লাগাম-পরা অবস্থায় মরা একটা গৌরবের কথা। কাজ, অকাজ, অকারণ কাজ, খে-উপায়েই হউক, জীবনের শেষ নিমেষপাত পর্যন্ত ছুটাছুটি করিয়া মাতামাতি করিয়া মরিতে হইবে। এই কর্ম-নাগরদোলার ঘূর্ণিনেশা যখন এক-একটা জাতিকে পাইয়া বসে তখন পৃথিবীতে আর শাস্তি থাকে না। তখন দুর্গম হিমালয়শিখরে যে লোমশ ছাগ এতকাল নিরুদ্বেগে জীবন বহন করিয়া আসিতেছে, তাহার অকস্মাৎ শিকারির গুলিতে প্রাণত্যাগ করিতে থাকে। বিশ্বস্তচিত্ত সীল এবং পেন্ডুয়িন পক্ষী এতকাল জনশূন্য তুবারমেরুর মধ্যে নির্বিরোধে প্রাণধারণ করিবার সুখটুকু ভোগ করিয়া আসিতেছিল,— অকলঙ্ক শুভ্র নীহার হঠাৎ সেই নিরীহ প্রাণীদের রক্তে রঞ্জিত হইয়া উঠে। কোথা হইতে বণিকের কামান শিল্পনিপুণ প্রাচীন চীনের কঠোর মধ্যে অহিফেনের পিণ্ড বর্ষণ করিতে থাকে, এবং আফ্রিকার নিভৃত অরণ্যসমাচ্ছন্ন কৃষ্ণ সত্যতার বজ্রে বিদারণ হইয়া আর্ভস্বরে প্রাণত্যাগ করে।

এখানে আশ্রমে নির্জন প্রকৃতির মধ্যে শুক হইয়া বসিলে অস্তরের মধ্যে স্পষ্ট উপলব্ধি হয় যে, হওয়াটাই জগতের চরম আদর্শ, করাটা নহে। প্রকৃতিতে কর্মের সীমা নাই, কিন্তু সেই কর্মটাকে অস্তুরালে রাখিয়া সে আপনাকে হওয়ার মধ্যে প্রকাশ করে। প্রকৃতির মুখের দিকে যখনই চাই, দেখি, সে অক্লিষ্ট অক্রান্ত, যেন সে কাহার নিমন্ত্রণে সাজগোজ করিয়া বিস্তীর্ণ নীলাকাশে আরামে আসন গ্রহণ করিয়াছে। নূর্ণ্যমান চক্রগুলিকে নিম্নে গোপন করিয়া, স্থিতিকেই গতির উর্ধ্ব রাখিয়া, প্রকৃতি আপনাকে নিত্যকাল প্রকাশমান রাখিয়াছে— উর্ধ্বাঙ্গ কর্মের বেগে নিজেকে অস্পষ্ট এবং সঞ্চীয়মান কর্মের স্তূপে নিজেকে আচ্ছন্ন করে নাই।

এই কর্মের চতুর্দিকে অবকাশ, এই চাঞ্চল্যকে ক্রবশাস্তি দ্বারা মণ্ডিত করিয়া রাখা— প্রকৃতির চিরনবীনতার ইহাই রহস্য। কেবল নবীনতা নহে, ইহাই তাহার বল।

ভারতবর্ষ তাহার তপ্ততাম্র আকাশের নিকট, তাহার শুক ধূসর প্রান্তরের নিকট, তাহার জলজ্জটান্বিত বিরাট মধ্যাহ্নের নিকট, তাহার নিকষকৃষ্ণ নিঃশব্দ রাত্রির নিকট হইতে এই উদার শাস্তি, এই বিশাল স্তব্ধতা আপনার অন্তঃকরণের মধ্যে লাভ করিয়াছে। ভারতবর্ষ কর্মের ক্রীতদাস নহে।

সকল জাতির স্বভাবগত আদর্শ এক নয়— তাহা লইয়া কোভ করিবার প্রয়োজন দেখি না। ভারতবর্ষ মানুষকে লজ্বন করিয়া কর্মকে বড়ো করিয়া তোলে নাই। ফলাকাঙ্ক্ষাহীন কর্মকে বাহ্য দিয়া সে বস্তৃত কর্মকে সংযত করিয়া লইয়াছে। ফলের আকাঙ্ক্ষা উপড়াইয়া ফেলিলে কর্মের বিষদাত ভাঙিয়া ফেলা হয়। এই উপায়ে মানুষ কর্মের উপরেও নিজেকে জাগ্রত করিবার অবকাশ পায়। হওয়াই আমাদের দেশের চরম লক্ষ্য, করা উপলক্ষ্য মাত্র।

দারিদ্র্যের যে কঠিন বল, মৌনের যে স্তম্ভিত আবেগ, নিষ্ঠার যে কঠোর শাস্তি এবং বৈরাগ্যের যে উদার গাষ্ঠীর্ষ, তাহা আমরা কয়েকজন শিক্ষাচঞ্চল যুবক বিলাসে অবিখ্যাসে অনাচারে অমুকরণে এখনো ভারতবর্ষ হইতে দূর করিয়া দিতে পারি নাই। শাস্তির মর্মগত এই বিপুল শক্তিকে অমুভব করিতে হইবে, স্তম্ভতার আধারভূত এই প্রকাণ্ড কাঠিন্যকে জানিতে হইবে। আমরা আজ যাহাকে অনঙ্গা করিয়া চাহিয়া দেখিতেছি না, জানিতে পারিতেছি না, ইংরেজিস্কুলের বাতায়নে বসিয়া যাহার সজ্জাহীন আভাসমাত্র চোখে পড়িতেই আমরা লাল হইয়া মুখ ফিরাইতেছি, তাহাই সনাতন বৃহৎ ভারতবর্ষ, তাহা আমাদের বাগ্মীদের বিলাতি পটহতালে সভায় সভায় নৃত্য করিয়া বেড়াইয়া না,— তাহা আমাদের নদীতীরে রুদ্ররোদ্রবিকীর্ণ বিস্তীর্ণ ধূসর প্রান্তরের মধ্যে কোপীনবস্ত্র পরিয়া তৃণাসনে একাকী মৌন বসিয়া আছে। তাহা বলিষ্ঠভীষণ, তাহা দারুণসহিষ্ণু, উপবাস-ব্রতধারী; তাহার কৃশপঞ্জরের অভ্যন্তরে প্রাচীন তপোবনের অমৃত অশোক অভয় হোমাগ্নি এখনো জ্বলিতেছে। আর আজিকার দিনের বহু আড়ম্বর, আক্ষালন, করতালি, মিথ্যাবাক্য, যাহা আমাদের স্বরচিত, যাহাকে সমস্ত ভারতবর্ষের মধ্যে আমরা একমাত্র সত্য, একমাত্র বৃহৎ বলিয়া মনে করিতেছি, যাহা মুখর, যাহা চঞ্চল, যাহা উদ্বেলিত পশ্চিমসমুদ্রের উদ্গীর্ণ ফেনরাশি,— তাহা, যদি কখনো ঝড় আসে, দশদিকে উড়িয়া অদৃশ্য হইয়া যাইবে। তখন দেখিব, ঐ অবিচলিত-শক্তি সন্ন্যাসীর দীপ্ত চক্ষু দুর্যোগের মধ্যে জ্বলিতেছে; তাহার পিঙ্গল জটাজুট ঝঞ্জার মধ্যে কম্পিত হইতেছে; যখন ঝড়ের গর্জনে অতি-বিশুদ্ধ উচ্চারণের ইংরেজি বক্তৃতা আর শুনা যাইবে না, তখন ঐ সন্ন্যাসীর কঠিন দক্ষিণবাহুর লৌহবলয়ের সঙ্গে তাহার লৌহদণ্ডের ঘর্ষণঝংকার সমস্ত মেঘমস্তুর উপরে শব্দিত হইয়া উঠিবে। এই সজ্জাহীন

নিভৃতবাসী ভারতবর্ষকে আমরা জানিব ; যাহা শুরু তাহাকে উপেক্ষা করিব না, যাহা মৌন তাহাকে অবিশ্বাস করিব না, যাহা বিদেশের বিপুল বিলাসসামগ্রীকে ক্রম্বপের দ্বারা অবজ্ঞা করে, তাহাকে দরিদ্র বলিয়া উপেক্ষা করিব না ; করজোড়ে তাহার সম্মুখে আসিয়া উপবেশন করিব, এবং নিঃশব্দে তাহার পদধূলি মাথায় তুলিয়া শুরুভাবে গৃহে আসিয়া চিন্তা করিব ।

আমোদ বল, শিক্ষা বল, হিতকর্ম বল, সকলকেই একান্ত জটিল ও দুঃসাধ্য করিয়া তুলিলে কর্মের আয়োজন ও উদ্ভেজনা উত্তরোত্তর এতই বৃহৎ হইয়া উঠে যে, মানুষ আচ্ছন্ন হইয়া যায় । প্রতিযোগিতার নির্ধূর ভাড়াণায় কর্মজীবীরা যন্ত্রের অধম হয় । বাহির হইতে সভ্যতার বৃহৎ আয়োজন দেওয়া স্তম্ভিত হই— তাহার তলদেশে যে নিদারুণ নরমেধযজ্ঞ অহোরাত্র অনুষ্ঠিত হইতেছে, তাহা গোপনে থাকে । কিন্তু বিধাতার কাছে তাহা গোপন নহে— মাঝে-মাঝে সামাজিক ভূমিকম্প তাহার পরিণামের সংবাদ পাওয়া যায় । যুরোপে বড়ো দল ছোটো দলকে পিষিয়া ফেলে, বড়ো টাকা ছোটো টাকাকে উপবাসে ক্ষণ করিয়া আনিয়া শেষকালে বটিকার মতো চোখ বুজিয়া গ্রাস করিয়া ফেলে ।

কাজের উদ্যমকে অপরিমিত বাড়াইয়া তুলিয়া, কাজগুলোকে প্রকাণ্ড করিয়া, কাজে কাজে লড়াই বাধাইয়া দিয়া যে অশান্তি ও অসন্তোষের বিন উন্মথিত হইয়া উঠে, আপাতত সে আলোচনা থাক । আমি কেবল ভাবিয়া দেখিতেছি, এই সকল ক্লম্বধুম্বসিত দানবীয় কারখানা-গুলার ভিতরে, বাহিরে, চারিদিকে মানুষগুলোকে যে-ভাবে ভাল পাকাইয়া থাকিতে হয়, তাহাতে তাহাদের নির্জনত্বের সহজ অধিকার, একাকিত্বের আবরুটুকু থাকে না । না থাকে স্থানের অবকাশ, না

থাকে কালের অবকাশ, না থাকে ধ্যানের অবকাশ। এইরূপে নিজের কাছে অত্যন্ত অনভ্যন্ত হইয়া পড়াতে, কাজের একটু ফাঁক হইলেই মদ খাইয়া, প্রমোদে মাতিয়া, বলপূর্বক নিজের হাত হইতে নিষ্কৃতি পাইবার চেষ্টা ঘটে। নীরব থাকিবার, স্তব্ধ থাকিবার, আনন্দে থাকিবার সাধ্য আর কাহারও থাকে না।

যাহারা শ্রমজীবী, তাহাদের এই দশা। যাহারা ভোগী, তাহারা ভোগের নব নব উত্তেজনায় ক্লাস্ত। নিমন্ত্রণ, খেলা, নৃত্য, ঘোড়দৌড়, শিকার ও ভ্রমণের ঝড়ের মুখে শুষ্কপত্রের মতো দিনরাত্রি তাহারা নিজেকে আবর্তিত করিয়া বেড়ায়। যদি একমুহূর্তের জগ্ন তাহার প্রমোদচক্র ধামিয়া যায়, তবে সেই ক্ষণকালের জগ্ন নিজের সহিত সাক্ষাৎকার তাহার পক্ষে অত্যন্ত দুঃসহ বোধ হয়।

যুরোপের আদর্শ যুরোপকে কোথায় লইয়া যাইতেছে তাহা আমরা কিছুই জানি না। তাহা যে স্থায়ী নহে, তাহার মধ্যে যে অনেক বিনাশের বীজ অঙ্কুরিত হইয়া উঠিতেছে তাহা স্পষ্টই দেখা যায়। ভারতবর্ষ প্রবৃত্তিকে দমন করিয়া শত্রুহস্তে প্রাণত্যাগ করিয়াছে,—যুরোপ প্রবৃত্তিকে লালন করিয়া আত্মহত্যার উদ্যোগ করিতেছে। নিজদেশ ও পরদেশের প্রতি আমাদের আসক্তি ছিল না বলিয়া বিদেশীর নিকট আমরা দেশকে বিসর্জন দিয়াছি,— নিজদেশ ও পরদেশের প্রতি আসক্তি সযত্নে পোষণ করিয়া যুরোপ আজ কোন্ রক্তসমুদ্রের তীরে আসিয়া দাঁড়াইল। অস্ত্র শস্ত্রে সর্বত্র কণ্টকিত করিয়া তুলিয়া তাহার এ কী বিকট মূর্তি। কী সন্দেহ ও কী আতঙ্কের সহিত যুরোপের প্রত্যেক রাজশক্তি পরম্পরের প্রতি ক্রুর কটাক্ষপাত করিতেছে। রাজমন্ত্রীগণ টিপিয়া টিপিয়া পরম্পরের মৃত্যু-চাল চালিতেছে; রণতরীসকল মৃত্যুবাণে পরিপূর্ণ হইয়া পৃথিবীর সমস্ত সমুদ্রে যম-দৌত্যে বাহির হইয়াছে। আফ্রিকায় এশিয়ায় যুরোপের ক্ষুধিত লুক্কগণ আসিয়া ধীরে ধীরে এক-এক পা

বাড়াইয়া একটা ধাবায় মাটি আক্রমণ করিতেছে এবং আর-একটা ধাবা সম্মুখের লোলুপ অভ্যাগতের প্রতি উদ্বৃত্ত করিতেছে। যুরোপীয় সভ্যতার হিংসার আলোতে অল্প পৃথিবীর চারি মহাদেশ ও দুই মহাসমুদ্র কুক হইয়া উঠিয়াছে। ইহার উপরে আবার মহাজনদের সহিত মজুরদের, বিলাসের সহিত দুর্ভিক্ষের, দৃঢ়বদ্ধ সমাজনীতির সহিত সোশ্যালিজম্ ও নাইহিলিজম্-এর দ্বন্দ্ব যুরোপের সর্বত্রই আসন্ন হইয়া রহিয়াছে। প্রবৃত্তির প্রবলতা, প্রভুত্বের মমতা, স্বার্থের উত্তেজনা, কোনোকালেই শান্তি ও পরিপূর্ণতায় লইয়া যাইতে পারে না, তাহার একটা প্রচণ্ড সংঘাত, একটা ভীষণ রক্তাক্ত পরিণাম আছেই। অতএব যুরোপের রাষ্ট্রনৈতিক আদর্শকে চরম আদর্শ বিবেচনা পূর্বক তদ্বারা ভারতবর্ষকে মাপিয়া খাটো করিবার প্রয়োজন নাই।

যুরোপ বলে, জিগানার অভাব ও সংস্কারই জাতির মৃত্যুর কারণ। তাহা যুরোপীয় সভ্যতার মৃত্যুর কারণ হইতে পারে বটে কিন্তু আমাদের সভ্যতার তাহাষ্ট ভিত্তি। যে-লোক জাহাজে আছে, তাহার পক্ষে যে-বিধান, যে-লোক ঘরে আছে, তাহারও পক্ষে সেই বিধান নহে। যুরোপ যদি বলে, সভ্যতামাত্রই সমান এবং সেই বৈচিত্র্যহীন সভ্যতার আদর্শ কেবল যুরোপই আছে, তবে তাহার সেই স্পর্ধাবাক্য গুনিয়াই তাড়া-তাড়ি আমাদের ধনরত্নকে ভাঙা কুলা দিয়া পথের মধ্যে বাহির করিয়া ফেলা সংগত হয় না।

বস্তুত সংস্কারের বিকৃতি আছে বলিয়াই অত্যাকাঙ্ক্ষার বিকৃতি নাই, এ কথা কে মানিবে। সংস্কার জড়ত্ব প্রাপ্ত হইয়া কাজে শৈথিল্য আনে, ইহা যদি সত্য হয়, তবে অত্যাকাঙ্ক্ষার দম্ব বাড়িয়া গেলে যে ভূরি-ভূরি অনাবশ্যক ও নিদারুণ অকাঙ্ক্ষের সৃষ্টি হইতে থাকে, এ-কথা কেন ভুলিব। প্রথমটাতে যদি রোগে মৃত্যু ঘটয়া থাকে, তবে দ্বিতীয়টাতে অপঘাতে মৃত্যু হয়।

অতএব সে-আলোচনা ছাড়িয়া দিয়া ইহা স্বীকার করিতেই হইবে, সন্তোষ সংযম, শাস্তি ক্ষমা, এ-সমস্তই উচ্চতর সভ্যতার অঙ্গ।

আমাদের প্রকৃতির নিভৃততম কক্ষ যে অমর ভারতবর্ষ বিবাজ করিতেছেন, আজি নববর্ষের দিনে ঠাঁহাকে প্রণাম করিয়া আসিলাম। দেখিলাম, তিনি ফললোলুপ কর্মের অনন্ত তাড়না হইতে মুক্ত হইয়া শাস্তির ধ্যানাগনে বিরাজমান, অবিরাম জনতার জড় পোষণ হইতে মুক্ত হইয়া আপন একাকিত্বের মধ্যে আসীন, এবং প্রতিযোগিতার নিবিড় সংঘর্ষ ও ঈর্ষা-কালিয়া হইতে মুক্ত হইয়া তিনি আপন অবিচলিত মর্যাদার মধ্যে পরিবেষ্টিত। এই যে কর্মের বাসনা, জনসংঘের আঘাত ও জিগীষার উত্তেজনা হইতে মুক্তি, ইহাই সমস্ত ভারতবর্ষকে ব্রহ্মের পথে ভয়হীন শোকহীন মৃত্যুহীন পরম মুক্তির পথে স্থাপিত করিয়াছে। যুরোপে যাহাকে “ফ্রীডম” বলে, সে মুক্তি ইহার কাছে নিতান্তই ক্ষীণ। সে-মুক্তি চঞ্চল, দুর্বল, ভীকু ; তাহা স্পর্ধিত, তাহা নির্ধর ; তাহা পরের প্রতি অন্ধ ; তাহা ধর্মকেও নিজের সমতুল্য মনে করে না, এবং সত্যকেও নিজের দাসত্বে বিক্রম করিতে চাহে। তাহা কেবলই অন্ধকে আঘাত করে, এইজন্ত অন্ধের আঘাতের ভয়ে রাত্রিদিন বর্মে-চর্মে অন্ধে শব্দে কণ্টকিত হইয়া বসিয়া থাকে—তাহা আত্মরক্ষার জন্ত স্বপক্ষের অধিকাংশ লোককেই দাসত্বনিগড়ে বদ্ধ করিয়া রাখে—তাহার অসংখ্য সৈন্য মনুষ্যহস্ত্রী ভীষণ যত্নমাত্র। এই দানবীয় ফ্রীডম কোনোকালে ভারতবর্ষের তপস্কার চরম বিষয় ছিল না। এখনো আধুনিক কালের দিককার সত্ত্বেও এই ফ্রীডম আমাদের সর্বসাধারণের চেষ্টার চরমতম লক্ষ্য হইবে না। এই ফ্রীডমের চেয়ে উন্নততর বিশালতর যে-মহদ্ব যে-মুক্তি ভারতবর্ষের তপস্কার ধন, তাহা যদি পুনরায় সমাজের মধ্যে আমরা আনাহন করিয়া আনি, অস্তরের মধ্যে আমরা লাভ করি, তবে ভারতবর্ষের নগ্নচরণের ধূলিপাতে পৃথিবীর বড়ো বড়ো রাজমুকুট পবিত্র হইবে।

অণুকার নববর্ষে আমরা 'ভারতবর্ষের চিরপুরাতন চর্চাই আমাদের নবীনতা গ্রহণ করিব— সামাজ্যে যখন বিশ্রামের ঘণ্টা বাজিলে তখনও ঝড়িয়া পড়িলে না— তখন সেই অম্লানগোরব মাল্যগানি আশীর্বাদের সহিত আমাদের পুত্রের ললাটে বাঁধিয়া দিয়া তাহাকে নির্ভয়চিত্তে সবল-হৃদয়ে বিজয়ের পথে প্রেরণ করিব। জয় হইবে, ভারতবর্ষেরই জয় হইবে। যে-ভারত প্রাচীন, যাহা প্রচ্ছন্ন, যাহা বৃহৎ, উদার, যাহা নির্বাক, তাহারই জয় হইবে; আমরা— যাহারা অবিশ্বাস করিতেছি, মিথ্যা কহিতেছি, আশ্ফালন করিতেছি, আমরা বর্ষে বর্ষে :

মিলি মিলি যাওব সাগরনহরী সমানা।

তাহাতে নিস্তরু সনাতন ভারতের ক্ষতি হইবে না। ভ্রম্মাচ্ছন্ন মৌনী ভারত চতুঃপাশে মৃগচর্ম পাতিয়া বসিয়া আছে— আমরা যখন আমাদের সমস্ত চটুনিতা সামাধা করিয়া বিদায় লইব, তখনো সে শাস্ত্রচিত্তে আমাদের পৌত্রদের জন্ত প্রতীক্ষা করিয়া থাকিলে। সে-প্রতীক্ষা ব্যর্থ হইবে না, তাহাদে এই সন্ন্যাসীদ সন্দ্বং কল্পজাড়ে আসিয়া কহিবে—
“পিতামহ, আমাদিগকে মস্ত নাও।”

তিনি কহিবেন—“ওঁ ইতি ব্রহ্ম।”

তিনি কহিবেন—“ভূমিব স্তং নঃ স্তং স্তং স্তং।”

তিনি কহিবেন—“আনন্সং ব্রহ্মণা বিদ্বান্ ন বিভ্ভতি কদাচন।”

ভারতবর্ষের ইতিহাস

ইতিহাস সকল দেশে সমান হইবেই, এ কুসংস্কার বর্জন না করিলে নয়। যে-ব্যক্তি রথ্‌চাইল্ডের জীবনী পড়িয়া গেছে সে খ্রীষ্টের জীবনীর বেলায় তাঁহার হিসাবের খাতাপত্র ও আপিসের ডায়ারি তলব করিতে পারে; যদি সংগ্রহ করিতে না পারে, তবে তাহার অবজ্ঞা জন্মিবে এবং সে বলিবে, যাহার এক পয়সার সংগতি ছিল না, তাহার আবার জীবনী কিসের। তেমনি ভারতবর্ষের রাষ্ট্রীয় দফতর হইতে তাহার রাজবংশমালা ও জয়পরাজয়ের কাগজপত্র না পাইলে যাহারা ভারতবর্ষের ইতিহাস-সম্বন্ধে হতাশ্বাস হইয়া পড়েন এবং বলেন, যেখানে পলিটিকস নাই, সেখানে আবার হিষ্টি কিসের, তাঁহারা ধানের খেতে বেগুন খুঁজিতে যান এবং না পাইলে মনের ক্ষোভে ধানকে শস্তুর মধ্য গণ্য করেন না। সকল খেতের আবাদ এক নহে, ইহা জানিয়া যে-ব্যক্তি যথাস্থানে উপযুক্ত শস্তুর প্রত্যাশা করে, সে-ই প্রাজ্ঞ।

যিশুখ্রীষ্টের হিসাবের খাতা দেখিলে তাঁহার প্রতি অবজ্ঞা জন্মিতে পারে, কিন্তু তাঁহার অল্প বিষয় সন্ধান করিলে খাতাপত্র সমস্ত নগণ্য হইয়া যায়। তেমনি রাষ্ট্রীয় ব্যাপারে ভারতবর্ষকে দীন বলিয়া জানিয়াও অল্প বিশেষ দিক হইতে সে-দীনতাকে তুচ্ছ করিতে পারা যায়।

ভারতবর্ষের প্রধান সার্থকতা কী, এ-কথার স্পষ্ট উত্তর যদি কেহ জিজ্ঞাসা করেন, সে-উত্তর আছে; ভারতবর্ষের ইতিহাস সেই উত্তরকেই সমর্থন করিবে। ভারতবর্ষের চিরদিনই একমাত্র চেষ্টা দেখিতেছি,

প্রভেদের মধ্যে ঐক্য স্থাপন করা, নানা পথকে একই লক্ষ্যের অভিমুখীন করিয়া দেওয়া এবং রক্তের মধ্যে এককে নিঃসংশয়রূপে অদৃশ্যরূপে উপলব্ধি করা,— বাহ্যিক যে-সকল পার্থক্য প্রতীক্ষমান হয়, তাহাকে নষ্ট না করিয়া তাহা-ভিত্তিক নিগূঢ় যোগকে অধিকার করা।

এই এককে প্রত্যক্ষ করা এবং ঐক্যবিস্তারের চেষ্টা করা ভারতবর্ষের পক্ষে একান্ত স্বাভাবিক। তাহার এই স্বভাবই তাহাকে চিরদিন রাষ্ট্রগৌরবের প্রতি উদাসীন করিয়াছে; কারণ রাষ্ট্রগৌরবের মূলে বিরোধের ভাব। যাহারা পরকে একান্ত পর বলিয়া সর্বাস্তঃকরণে অনুভব না কবে, তাহারা রাষ্ট্রগৌরবলাভকে জীবনের চরম লক্ষ্য বলিয়া মনে করিতে পারে না। পরের বিরুদ্ধে আপনাকে প্রতিষ্ঠিত করিবার যে চেষ্টা, তাহাই পোলিটিক্যাল উন্নতির ভিত্তি; এবং পরের সহিত আপনাদের সম্বন্ধবন্ধন ও নিজের ভিতরকার বিচিত্র বিভাগ ও বিরোধের মধ্যে সামঞ্জস্যস্থাপনের চেষ্টা, ইহাই ধর্মনৈতিক ও সামাজিক উন্নতির ভিত্তি। যুরোপীয় সভ্যতা যে-ঐক্যকে আশ্রয় করিয়াছে, তাহা বিরোধ-মূলক; ভারতবর্ষীয় সভ্যতা যে-ঐক্যকে আশ্রয় করিয়াছে, তাহা মিলন-মূলক। যুরোপীয় পোলিটিক্যাল ঐক্যের ভিতরে যে বিরোধের কাঁস রহিয়াছে, তাহাকে পবেব বিরুদ্ধে টানিয়া রাখা যায়, কিন্তু তাহাকে নিজের মধ্যে সামঞ্জস্য দিতে পারা যায় না। এইজন্য তাহা ব্যক্তিতে ব্যক্তিতে, রাজ্যে রাজ্যে, ধনীতে দরিদ্রে বিচ্ছেদ ও বিরোধকে সর্বদা জাগ্রত করিয়াই রাখিয়াছে।

ভারতবর্ষ বিসদৃশকণ্ঠে সম্বন্ধবন্ধনে বাঁধিবার চেষ্টা করিয়াছে। যেখানে যথার্থ পার্থক্য আছে, সেখানে সেই পার্থক্যকে যথাযোগ্য স্থানে বিস্তৃত করিয়া সংযত করিয়া তবে তাহাকে ঐক্যদান করা সম্ভব।

বিধাতা ভারতবর্ষের মধ্যে বিচিত্র জাতিকে টানিয়া আনিয়াছেন। ঐক্যমূলক যে-সভ্যতা মানবজাতির চরম সভ্যতা, ভারতবর্ষ চিরদিন

ধরিয়া বিচিত্র উপকরণে তাহার ভিত্তি নির্মাণ করিয়া আসিয়াছে। পর বলিয়া সে কাহাকেও দূর করে নাই, অনাৰ্থ বলিয়া সে কাহাকেও বহিষ্কৃত করে নাই, অসংগত বলিয়া সে কিছুকেই উপহাস করে নাই। ভারতবর্ষ সমস্ত গ্রহণ করিয়াছে, সমস্তই স্বীকার করিয়াছে। এত গ্রহণ করিয়াও আত্মরক্ষা করিতে হইলে এই পৃথিবীভূত সামগ্রীর মধ্যে নিজের ব্যবস্থা, নিজের শৃঙ্খলা স্থাপন করিতে হয়— ইহাদিগকে একটি মূল ভাবের দ্বারা বদ্ধ করিতে হয়। উপকরণ যেখানকার হউক, সেই শৃঙ্খলা ভারতবর্ষের, সেই মূল ভাবটি ভারতবর্ষের। যুরোপ পরকে দূর করিয়া, উৎসাদন করিয়া সমাজকে নিরাপদ রাখিতে চায়; আমেরিকা, অস্ট্রেলিয়া, নিম্নজীল্যাণ্ড, কেপ-কলনিতে তাহার পরিচয় আমরা আজ পর্যন্ত পাইতেছি। হয় পরকে কাটিয়া-মারিয়া-খেদাইয়া নিজের সমাজ ও সভ্যতাকে রক্ষা করা, নয় পরকে নিজের বিধানে সংযত করিয়া স্ত্র-বিহিত শৃঙ্খলার মধ্যে স্থান করিয়া দেওয়া, এই দুই রকম হইতে পারে। যুরোপ প্রথম প্রণালীটি অবলম্বন করিয়া সমস্ত বিশ্বের সঙ্গে বিরোধ উন্মুক্ত করিয়া রাখিয়াছে— ভারতবর্ষ দ্বিতীয় প্রণালী অবলম্বন করিয়া সকলকেই ক্রমে ক্রমে ধীরে ধীরে আপনায় করিয়া লইবার চেষ্টা করিয়াছে। যদি ধর্মের প্রতি শ্রদ্ধা থাকে, যদি ধর্মকেই মানবসভ্যতার চরম আদর্শ বলিয়া স্থির করা যায়, তবে ভারতবর্ষের প্রণালীকেই শ্রেষ্ঠতা দিতে হইবে।

পরকে আপন করিতে প্রতিভার প্রয়োজন। অন্তের মধ্যে প্রবেশ করিবার শক্তি এবং অন্তকে সম্পূর্ণ আপনায় করিয়া লইবার ইচ্ছা, ইহাই প্রতিভার নিজস্ব। ভারতবর্ষের মধ্যে সেই প্রতিভা আমরা দেখিতে পাই। ভারতবর্ষ অসংকোচে অন্তের মধ্যে প্রবেশ করিয়াছে এবং আনায়াসে অন্তের সামগ্রী নিজের করিয়া লইয়াছে। ভারতবর্ষ পুলিন্দ, শবর, ব্যাধ প্রভৃতিদের নিকট হইতেও বীভৎস সামগ্রী গ্রহণ

করিয়া তাহার মধ্যে নিজের ভাব বিস্তার করিয়াছে— তাহার মধ্য দিয়াও নিজের আধ্যাত্মিকতাকে অভিব্যক্ত করিয়াছে। ভারতবর্ষ কিছুই ত্যাগ করে নাই এবং গ্রহণ করিয়া সকলই আপনার করিয়াছে।

এই ঐক্যবিস্তার ও শৃঙ্খলাস্থাপন কেবল সমাজব্যবস্থায় নহে, ধর্মনীতিতেও দেখি; গীতায় জ্ঞান, প্রেম ও কর্মের মধ্যে যে সম্পূর্ণ সামঞ্জস্য-স্থাপনের চেষ্টা দেখি, তাহা বিশেষরূপে ভারতবর্ষের।

পৃথিবীর সভ্যসমাজের মধ্যে ভারতবর্ষ নানাকে এক করিবার আদর্শরূপে বিরাজ করিতেছে, তাহার ইতিহাস হইতে ইহাই প্রতিপন্ন হইবে। এককে বিশ্বের মধ্যে ও নিজের আত্মার মধ্যে অনুভব করিয়া সেই এককে বিচিত্রের মধ্যে স্থাপন করা, জ্ঞানের দ্বারা আবিষ্কার করা, কর্মের দ্বারা প্রতিষ্ঠিত করা, প্রেমের দ্বারা উপলব্ধি করা এবং জীবনের দ্বারা প্রচার করা— নানা বাধা-বিপত্তি-দুর্গতি-সুগতির মধ্যে ভারতবর্ষ ইহাই করিতেছে। ইতিহাসের ভিতর দিয়া যখন ভারতের সেই চিরন্তন ভাবটি অনুভব করিব তখন আমাদের বর্তমানের সহিত অতীতের বিচ্ছেদ বিলুপ্ত হইবে।

স্বদেশী সমাজ

বাংলাদেশের জলকষ্ট নিবারণ সম্বন্ধে গবর্নমেন্টের মন্তব্য

প্রকাশিত হইলে পর এই প্রবন্ধ লিখিত হয়।

আমাদের দেশে যুদ্ধবিগ্রহ, রাজ্যরক্ষা এবং বিচারকার্য রাজা করিয়াছেন, কিন্তু বিজ্ঞান হইতে জলদান পর্যন্ত সমস্তই সমাজ এমন সহজভাবে সম্পন্ন করিয়াছে যে, এত নব নব শতাব্দীতে এত নব নব রাজার রাজত্ব আমাদের দেশের উপর দিয়া বহু মতো বহিয়া গেল, তবু আমাদের সমাজ নষ্ট করিয়া আমাদের একেবারে লক্ষীছাড়া করিয়া দেয় নাই। রাজায় রাজায় লড়াইয়ের অন্ত নাই— কিন্তু আমাদের মর্মরায়মান বেণুকুঞ্জ, আমাদের আমকাঠালের বনচ্ছায়ায় দেবায়তন উঠিতেছে, অতিথিশালা স্থাপিত হইতেছে, পুস্তকনিগাঁখন চলিতেছে, গুরুমহাশয় শুভংকরী কষাইতেছেন, টোলে শাস্ত্র-অধ্যাপনা বন্ধ নাই, চণ্ডীমণ্ডপে রামায়ণপাঠ হইতেছে এবং কীর্তনের আরাবে পল্লীর প্রাক্কণ মুখরিত। সমাজ বাহিরের সাহায্যের অপেক্ষা রাখে নাই এবং বাহিরের উপদ্রবে শ্রীভ্রষ্ট হয় নাই।

আজ আমাদের দেশে জল নাই বলিয়া যে আমরা আক্ষেপ করিতেছি, সেটা সামান্য কথা। সকলের চেয়ে গুরুতর শোকের বিষয় হইয়াছে— তাহার মূল কারণটা। আজ সমাজের মনটা সমাজের মধ্যে নাই। আমাদের সমস্ত মনোযোগ বাহিরের দিকে গিয়াছে।

ইংরেজিতে যাহাকে স্টেট বলে, আমাদের দেশে আধুনিক ভাষায় তাহাকে বলে সরকার। এই সরকার প্রাচীন ভারতবর্ষে রাজশক্তি

আকারে ছিল। কিন্তু বিলাতের স্টেটের সঙ্গে আমাদের রাজশক্তির প্রভেদ আছে। বিলাত, দেশের সমস্ত কল্যাণকর্মের ভার স্টেটের হাতে সমর্পণ করিয়াছে— ভারতবর্ষ তাহা আংশিকভাবে মাত্র করিয়াছিল।

দেশের যাহারা গুরুস্থানীয় ছিলেন, যাহারা সমস্ত দেশকে বিনা বেতনে বিদ্যাশিক্ষা ধর্মশিক্ষা দিয়া আসিয়াছেন, তাঁহাদিগকে পালন করা, পুরস্কৃত করা যে রাজার কর্তব্য ছিল না তাহা নহে। কিন্তু কেবল আংশিকভাবে : বস্তুর সাধারণত সে-কর্তব্য প্রত্যেক গৃহীর। রাজা যদি সাহায্য বন্ধ করেন, হঠাৎ যদি দেশ অরাজক হইয়া আসে, তথাপি সমাজের বিদ্যাশিক্ষা, ধর্মশিক্ষা একান্ত ব্যাঘাতপ্রাপ্ত হয় না। রাজা যে প্রজাদের জ্ঞান দীর্ঘিকা খনন করিয়া দিতেন না, তাহা নহে— কিন্তু সমাজের সম্পন্ন ব্যক্তিমাত্রই যেমন দিত, তিনিও তেমনি দিতেন। রাজা অমনোযোগী হইলেই দেশের জনপাত্র রিক্ত হইয়া যাইত না।

ইহা হইতে স্পষ্ট বুঝা যাইবে, ভিন্ন ভিন্ন সভ্যতার প্রাণশক্তি ভিন্ন ভিন্ন স্থানে প্রতিষ্ঠিত। সাধারণের কল্যাণভাব যেখানেই পুঞ্জিত হয়, সেইখানেই দেশের মমস্থান। সেইখানে আঘাত করিলে সমস্ত দেশ সাংঘাতিকরূপে আহত হয়। বিলাতে রাজশক্তি যদি বিপর্যস্ত হয়, তবে সমস্ত দেশের বিনাশ উপস্থিত হয়। এইজন্যই যুরোপে পলিটিক্‌স এত অধিক গুরুতর ব্যাপার। আমাদের দেশে সমাজ যদি পঙ্গু হয়, তবেই যথার্থভাবে দেশের সংকটাবস্থা উপস্থিত হয়। এইজন্য আমরা এতকাল রাষ্ট্রীয় স্বাধীনতার জ্ঞান প্রাণপণ করি নাই, কিন্তু সামাজিক স্বাধীনতা সর্বতোভাবে বাঁচাইয়া আসিয়াছি। নিঃস্বকে শিক্ষাদান হইতে সাধারণকে ধর্মশিক্ষাদান, এ-সমস্ত বিষয়েই বিলাতে স্টেটের উপর নির্ভর, আমাদের দেশে ইহা জনসাধারণের ধর্মব্যবস্থার উপরে প্রতিষ্ঠিত— এইজন্য ইংরেজ স্টেটকে বাঁচাইলেই বাঁচে, আমরা ধর্মব্যবস্থাকে বাঁচাইলেই বাঁচিয়া যাই।

ইংলণ্ডে স্বভাবতই স্টেটকে জাগ্রত রাখিতে সচেষ্ট রাখিতে জনসাধারণ সর্বদাই নিযুক্ত। সম্প্রতি আমরা ইংরেজের পাঠশালায় পড়িয়া স্থির করিয়াছি, অবস্থানিবিচারে গবর্নেন্টকে খোঁচা মারিয়া মনোযোগী করাই জনসাধারণের সর্বপ্রধান কর্তব্য। ইহা বুঝিলাম না যে, পদের শরীরে নিয়তই বেলেঙ্গা লাগাইতে থাকিলে নিজের ব্যাধির চিকিৎসা করা হয় না।

অমরা তর্ক করিতে ভালোবাসি, অতএব এ-তর্ক এখানে ওঠা অসম্ভব নহে যে, সাধারণের কর্মভার সাধারণের সবাঙ্গেই সঞ্চারিত হইয়া থাকা ভালো, না, তাহা বিশেষভাবে সবকার-নামক একটা জায়গায় নির্দিষ্ট হওয়া ভালো। আমার বক্তব্য এই যে, এ-তর্ক বিদ্যালয়ের ডিবেটিং ক্লাবে করা যাইতে পারে, কিন্তু আপাতত এ তর্ক আমাদের কোনো কাজে লাগিবে না।

কারণ, এ-কথা আমাদেরকে বুঝিতেই হইবে, বিলাতরাজ্যের স্টেট সমস্ত সমাজের সম্মতির উপরে অবিচ্ছিন্নরূপে প্রতিষ্ঠিত— তাহা সেখানকার স্বাভাবিক নিয়মেই অভিব্যক্ত হইয়া উঠিয়াছে। শুদ্ধমাত্র তর্কের দ্বারা আমরা তাহা লাভ করিতে পারিব না, অত্যন্ত ভালো হইলেও তাহা আমাদের অনধিগম্য।

আমাদের দেশে সরকারবাহাদুর সমাজের কেহই নন, সরকার সমাজের বাহিরে। অতএব যে-কোনো বিষয় তাঁহার কাছ হইতে প্রত্যাশা করিব, তাহা স্বাধীনতার মূল্য দিয়া লাভ করিতে হইবে। যে-কর্ম সমাজ সরকারের দ্বারা করাইয়া লইবে, সেই কর্মসম্বন্ধে সমাজ নিজেকে অকর্মণ্য করিয়া তুলিবে। অথচ এই অকর্মণ্যতা আমাদের দেশের স্বভাবসিদ্ধ ছিল না। আমরা নানাজাতির, নানা রাজার অধীনতাপাশ গ্রহণ করিয়াছি, কিন্তু সমাজ চিরদিন আপনার সমস্ত কাজ আপনি নির্বাহ করিয়া আসিয়াছে, ক্ষুদ্রবৃহৎ কোনো

বিষয়েই বাহিরের অণু কাহাকেও হস্তক্ষেপ করিতে দেয় নাই। সেইজন্য রাজশ্রী যখন দেশ হইতে নির্বাসিত, সমাজলক্ষী তখনো বিদায়গ্রহণ করেন নাই।

আজ আমরা সমাজের সমস্ত কর্তব্য নিজের চেষ্টায় একে একে সমাজ-বহির্ভুক্ত স্টেটের হাতে তুলিয়া দিবার জন্য উদ্যত হইয়াছি। এ পর্যন্ত হিন্দুসমাজের ভিতরে থাকিয়া নব নব সম্প্রদায় আপনাদের মধ্যে বিশেষ বিশেষ আচারনিচায়ের প্রবর্তন করিয়াছে, হিন্দুসমাজ তাহাদিগকে বিরুদ্ধ করে নাই। আজ হইতে সমস্তই ইংরেজের আইনে বাধ্য হইয়া গেল— পরিবর্তনমাত্রই আজ নিজেকে অহিন্দু বলিয়া ঘোষণা করিতে বাধ্য হইয়াছে। ইচ্ছা হইতেছে, যেখানে আমাদের মন্দির— যে-মন্দিরকে আমরা নিজের অন্তরের মধ্যে লুক্কায়িত রাখিয়া এতদিন বাঁচিয়া আসিয়াছি, সেই আমাদের অন্তরতম মন্দির আজ অনাবৃত অব্যাহত হইয়া পড়িয়াছে, সেখানে আজ বিফলতা আক্রমণ করিতেছে। ইহাই বিপদ, জনকষ্ট বিপদ নহে।

পূর্বে বাহাদুর বাদশাহের দরবারে বায়-লায়া হইয়াছেন, নবাবেরা বাহাদুরের মনো ও সহায়তায় জন্য অপেক্ষা করিতেন, তাহারাই এই রাজপ্রসাদের যথেষ্ট জ্ঞান করিতেন না— সমাজের প্রসাদ রাজপ্রসাদের চেয়ে তাহাদের কাছে উচ্চ ছিল। তাহারাই প্রতিপত্তিলাভের জন্য নিজের সমাজের দিকে তাকাইতেন। রাজবাজেশ্বরের রাজধানী দিল্লি তাহাদিগকে যে-সম্মান দিতে পারে নাই, সেই চরম সম্মানের জন্য তাহাদিগকে অখ্যাৎ জন্মপল্লীর কুটিরদ্বারে আসিয়া দাঁড়াইতে হইত। দেশের সাধারণ লোকও বলিবে মহাদায়ক ব্যক্তি, ইহা সরকার-দস্ত রাজা-মহারাজা উপানির চেয়ে তাহাদের কাছে বড়ো ছিল। জন্মভূমির সম্মান ইহারা অন্তরের সহিত বুঝিয়াছিলেন— রাজধানীর বাহাদুর, রাজসভার গৌরব ইহাদের চিত্তকে নিজের পল্লী হইতে বিক্ষিপ্ত করিতে

পারে নাই। এইজন্য দেশের ক্ষুদ্র গণগ্রামেও কোনোদিন জলের কষ্ট হয় নাই, এবং মনুষ্যচর্চার সমস্ত ব্যবস্থা পল্লীতে পল্লীতে সর্বত্রই রক্ষিত হইত।

আমাকে ভুল বুঝিবার সম্ভাবনা আছে। আমি এ-কথা বলিতেছি না যে, সকলেই আপন আপন পল্লীর মাটি আঁকড়াইয়া পড়িয়া থাক, বিদ্যা ও ধনমান অর্জনের জন্ত বাহিরে যাইবার কোনো প্রয়োজন নাই। যে-আকর্ষণে বাঙালী জাতটাকে বাহিরে টানিতেছে, তাহার কাছে কৃতজ্ঞতা স্বীকার করিতেই হইবে— তাহাতে বাঙালীর সমস্ত শক্তিকে উদ্বোধিত করিয়া তুলিতেছে এবং বাঙালীর কর্মক্ষেত্রকে ব্যাপক করিয়া তাহার চিত্তকে বিস্তীর্ণ করিতেছে।

কিন্তু এই সময়েই বাঙালীকে নিয়ত স্মরণ করাইয়া দেওয়া দরকার যে, ঘর ও বাহিরের যে স্বাভাবিক সংঘর্ষ, তাহা যেন একেবারে উল্টা-পাল্টা হইয়া না যায়। বাহিরে অর্জন করিতে হইবে, ঘরে সংস্থাপন করিবার জন্তই। বাহিরে শক্তি খাটাইতে হইলেও হৃদয়কে আপনার ঘরে রাখিতে হইবে। শিক্ষা করিব বাহিরে, প্রয়োগ করিব ঘরে। কিন্তু আমরা আজকাল :

ঘর কৈমু বাহির, বাহির কৈমু ঘর,
পর কৈমু আপন, আপন কৈমু পর।

পোলিটিক্যাল সাধনার চরম উদ্দেশ্য একমাত্র দেশের হৃদয়কে এক করা। কিন্তু দেশের ভাষা ছাড়িয়া, দেশের প্রথা ছাড়িয়া, কেবলমাত্র বিদেশীর হৃদয় আকর্ষণের জন্ত বহুবিধ আয়োজনকেই মহোপকারী পোলিটিক্যাল শিক্ষা বলিয়া গণ্য করা আমাদেরই হতভাগ্য দেশে প্রচলিত হইয়াছে।

দেশের হৃদয়লাভকেই যদি চরম লাভ বলিয়া স্বীকার করি, তবে দেশের যথার্থ কাছে যাইবার কোন্ কোন্ পথ চিরদিন খোলা আছে,

সেইগুলিকে দৃষ্টির সম্মুখে আনিতে হইবে। মনে করা প্রোভিন্সাল কন্ফারেন্সকে যদি আমরা যথার্থই দেশের মঙ্গল কার্যে নিযুক্ত করিতাম, তবে আমরা কী করিতাম। তাহা হইলে আমরা বিলাতি-ধাঁচের একটা সভা না বানাইয়া দেশী ধরনের একটা বৃহৎ মেলা করিতাম। সেখানে যাত্রা-গান-আমোদ-আহ্লাদে দেশের লোক দূর-দূরান্তর হইতে একত্র হইত। সেখানে দেশী পণ্য ও কৃষিদ্রব্যের প্রদর্শনী হইত। সেখানে ভালো কথক, কীর্তন-গায়ক ও যাত্রার দলকে পুরস্কার দেওয়া হইত। সেখানে ম্যাজিক-লঠন প্রভৃতির সাহায্যে সাধারণ লোকদিগকে স্বাস্থ্যতত্ত্বের উপদেশ স্পষ্ট করিয়া বুঝাইয়া দেওয়া হইত এবং আমাদের যাহা-কিছু বলিবার কথা আছে, যাহা-কিছু সুখদুঃখের পরামর্শ আছে— তাহা ভদ্রাভদ্রে একত্রে মিলিয়া সহজ বাংলাভাষায় আলোচনা করা যাইত।

আমাদের দেশ প্রধানত পল্লীবাসী। এই পল্লী মাঝে মাঝে যখন আপনার নাড়ীর মধ্যে বাহিরের বৃহৎ জগতের রক্তচলাচল অনুভব করিবার জন্য উৎসুক হইয়া উঠে, তখন মেলাই তাহার প্রধান উপায়। এই মেলাই আমাদের দেশে বাহিরকে ঘরের মধ্যে আহ্বান করে। এই উৎসবে পল্লী আপনার সমস্ত সংকীর্ণতা বিস্মৃত হয়— তাহার হৃদয় খুলিয়া দান করিবার ও গ্রহণ করিবার এই প্রধান উপলক্ষ্য। যেমন আকাশের জলে জলাশয় পূর্ণ করিবার সময় বর্ষাগম, তেমনি বিশ্বের ভাবে পল্লীর হৃদয়কে ভরিয়া দিবার উপযুক্ত অবসর মেলা।

এই মেলা আমাদের দেশে অত্যন্ত স্বাভাবিক। একটা সভা-উপলক্ষ্যে যদি দেশের লোককে ডাক দাও, তবে তাহারা সংশয় লইয়া আসিবে, তাহাদের মন খুলিতে অনেক দেরি হইবে— কিন্তু মেলা-উপলক্ষ্যে যাহারা একত্র হয় তাহারা সহজেই হৃদয় খুলিয়াই আসে— স্মরণ্য এইখানেই দেশের মন পাইবার প্রকৃত অবকাশ ঘটে। পল্লীগুলি যেদিন হাল-লাঙল

বন্ধ করিয়া ছুটি লইয়াছে, সেইদিনই তাহাদের কাছে আসিয়া বসিবার দিন।

বাংলাদেশে এমন জেলা নাই, যেখানে নানাস্থানে বৎসরের নানা সময়ে মেলা না হইয়া থাকে। প্রত্যেক জেলার ভদ্র শিক্ষিতসম্প্রদায় তাঁহাদের জেলার মেলাগুলিকে যদি নবভাবে জাগ্রত, নবপ্রাণে সজীব করিয়া তুলিতে পারেন, ইহার মধ্যে দেশের শিক্ষিতগণ যদি তাঁহাদের হৃদয় সঞ্চার করিয়া দেন, এই সকল মেলায় যদি তাঁহারা হিন্দু-মুসলমানের মধ্যে সদ্ভাব স্থাপন করেন— কোনো-প্রকার নিষ্ফল পলিটিকগের সংস্রব না রাখিয়া, বিদ্যালয়, পথঘাট, জলাশয়, গোচর-ভূমি প্রভৃতি সম্বন্ধে জেলার যে-সমস্ত অভাব আছে, তাহার প্রতিকারের পরামর্শ করেন, তবে অত্রি অল্পকালের মধ্যে স্বদেশকে যথার্থই সচেষ্ঠ করিয়া তুলিতে পারিবেন।

আমার বিশ্বাস, যদি ঘুরিয়া ঘুরিয়া বাংলাদেশের নানাস্থানে মেলা করিবার জন্ত একদল লোক প্রস্তুত হন— তাঁহারা নূতন নূতন যাত্রা, কীর্তন, কথকতা রচনা করিয়া, সঙ্গ বায়স্কোপ, ম্যাজিক-লঠন, ব্যায়াম ও ভোজবাজির আয়োজন লইয়া ফিরিতে থাকেন, তবে ব্যয়নির্বাহের জন্ত তাঁহাদিগকে কিছুমাত্র ভাবিতে হয় না। তাঁহারা যদি মোটের উপরে প্রত্যেক মেলায় জন্ত জমিদারকে একটা বিশেষ খাজনা ধরিয়া দেন এবং দোকানদারের নিকট হইতে যথানিয়মে বিক্রয়ের লভ্যাংশ আদায় করিবার অধিকার প্রাপ্ত হন— তবে উপযুক্ত সুব্যবস্থা দ্বারা সমস্ত ব্যাপারটাকে লাভকর করিয়া তুলিতে পারেন। এই লাভের টাকা হইতে পারিশ্রমিক ও অগ্রাণ্ড খরচ বাদে যাহা উদ্বৃত্ত হইবে, তাহা যদি দেশের কার্যেই লাগাইতে পারেন, তবে সেই মেলার দলের সহিত সমস্ত দেশের হৃদয়ের সম্বন্ধ অত্যন্ত ঘনিষ্ঠ হইয়া উঠিবে— তাঁহারা সমস্ত দেশকে তন্ন তন্ন করিয়া জানিবেন এবং ইহাদের দ্বারা যে কত কাজ হইতে পারিবে, তাহা বলিয়া শেষ করা যায় না।

আমাদের দেশে চিরকাল আনন্দ-উৎসবের সূত্রে লোককে সাহিত্য-রস ও ধর্মশিক্ষা দান করা হইয়াছে। সম্প্রতি নানা কারণবশত অধিকাংশ জমিদার শহরে আকৃষ্ট হইয়াছেন। তাঁহাদের পুত্রকন্য়ার বিবাহাদি ব্যাপারে যাহা-কিছু আয়োদ আশ্লাদ, সমস্তই কেবল শহরের ধনী বন্ধুদিগকে থিয়েটার ও নাচ-গান দেখাইয়াই সম্পন্ন হয়। অনেক জমিদার ক্রিয়াকর্মে প্রজাদের নিকট হইতে চাঁদা আদায় করিতে কুণ্ঠিত হন না—সেস্থলে ‘ইতরে জনাঃ’ মিষ্টান্নের উপায় জোগাইয়া থাকে, কিন্তু ‘মিষ্টান্নম্’ ‘ইতরে জনাঃ’ কণামাত্র ভোগ করিতে পায় না—ভোগ করেন ‘বান্ধবাঃ’ এবং ‘সাহেবাঃ’। ইহাতে বাংলার গ্রামসকল দিনে দিনে নিরানন্দ হইয়া পড়িতেছে এবং যে-সাহিত্য দেশের আনন্দবৃদ্ধ-বনিতার মনকে সরস ও শোভন করিয়া রাখিয়াছিল,— তাহা প্রত্যহই সাধারণ লোকের আয়ত্তাগীত হইয়া উঠিতেছে। আমাদের এই কল্পিত মেলা-সম্প্রদায় যদি সাহিত্যের ধারা, আনন্দের স্রোত বাংলার পল্লীঘাটে আর-একবার প্রবাহিত করিতে পারেন, তবে এই শশুশ্যামলা বাংলার অন্তঃকরণ দিনে দিনে শুষ্ক মরুভূমি হইয়া যাইবে না।

আমাদিগকে এ-কথা মনে রাখিতে হইবে যে, যে সকল বড়ো বড়ো জলাশয় আমাদিগকে জলদান স্বাস্থ্যদান করিত, তাহারা দূষিত হইয়া কেবল যে আমাদের জলকষ্ট ঘটাইয়াছে তাহা নহে, তাহারা আমাদিগকে রোগ ও মৃত্যু বিতরণ করিতেছে : তেমনি আমাদের দেশে যে সকল মেলা ধর্মের নামে প্রচলিত আছে, তাহাদেরও অধিকাংশ আজ-কাল ক্রমশ দূষিত হইয়া কেবল যে লোকশিক্ষার অযোগ্য হইয়াছে তাহা নহে, কুশিক্ষারও আকর হইয়া উঠিতেছে। এমন অবস্থায় কুৎসিত আয়োদের উপলক্ষ্য এই মেলাগুলিকে যদি আমরা উদ্ধার না করি, তবে স্বদেশের কাছে, ধর্মের কাছে অপরাধী হইব।

আমাদের দিশি লোকের সঙ্গে দিশি ধারায় মিলিবার যে কী উপলক্ষ্য

হইতে পারে, আমি তাহারই একটি দৃষ্টান্ত দিলাম মাত্র, এবং এই উপলক্ষ্যটিকে নিয়মে বাঁধিয়া আয়ত্তে আনিয়া, কী করিয়া যে একটা দেশব্যাপী মঙ্গল-ব্যাপারে পরিণত করা যাইতে পারে, তাহারই আভাস দেওয়া গেল।

যাহারা রাজদ্বারে ভিক্ষাবৃত্তিকে দেশের সর্বপ্রধান মঙ্গলব্যাপার বলিয়া গণ্য করেন না তাঁহাদিগকে অল্প পক্ষ “পেসিমিস্ট” অর্থাৎ আশাহীনদের দল নাম দিয়াছেন। অর্থাৎ রাজার কাছে কোনো আশা নাই বলিয়া যেন আমরা হতাশ্বাস হইয়া পড়িয়াছি।

আমরা স্পষ্ট করিয়া বলিতেছি, রাজা আমাদিগকে মাঝে মাঝে লণ্ডাঘাতে তাঁহার সিংহদ্বার হইতে খেদাইতেছেন বলিয়াই যে অগত্যা আত্মনির্ভরকে শ্রেয়োজ্ঞান করিতেছি, কোনোদিনই আমি এরূপ দুর্নত-দ্রাক্ষাণ্ডুলু হতভাগ্য শৃগালের সাস্বনাকে আশ্রয় করি নাই। আমি এই কথাই বলি, পরের প্রসাদভিক্ষাই যথার্থ “পেসিমিস্ট” আশা হীন দীনের লক্ষণ। গলায় কাছা না লইলে আমাদের গতি নাই, এ-কথা আমি কোনোমতেই বলিব না, আমি স্বদেশকে বিশ্বাস করি, আমি আত্মশক্তিকে সম্মান করি। আমি নিশ্চয় জানি যে, যে-উপায়েই হউক, আমরা নিজের মধ্যে ঐক্য উপলব্ধি করিয়া আজ যে সার্থকতা-লাভের জন্ত উৎসুক হইয়াছি, তাহার ভিত্তি যদি পরের পরিবর্তনশীল প্রসন্নতার উপরেই প্রতিষ্ঠিত হয়, তবে তাহা পুনঃপুনই ব্যর্থ হইতে থাকে। অতএব ভারতবর্ষের যথার্থ পথটি যে কী, আমাদিগকে চারিদিক হইতেই তাহার সন্ধান করিতে হইবে।

মানুষের সঙ্গে মানুষের আত্মীয়সম্বন্ধ-স্থাপনই চিরকাল ভারতবর্ষের সর্বপ্রধান চেষ্টা ছিল। আমরা যে-কোনো মানুষের সংস্রবে আসি, তাহার সঙ্গে একটি সম্বন্ধ নির্ণয় করিয়া বসি। এইজন্ত কোনো অবস্থায় মানুষকে আমরা আমাদের কার্যসাধনার কল বা কলের

অঙ্গ বলিয়া মনে করিতে পারি না। ইহার ভালোমন্দ দুই দিকই থাকিতে পারে, কিন্তু ইহা আমাদের দেশীয়, এমন কি, তদপেক্ষাও বড়ো, ইহা প্রাচ্য।

প্রয়োজন-সম্বন্ধকে আমরা হৃদয়ের সম্বন্ধ দ্বারা শোধন করিয়া লইয়া তবে ব্যবহার করিতে পারি। ভারতবর্ষ কাজ করিতে বসিয়াও মানবসম্বন্ধের মাধুর্যটুকু ভুলিতে পারে না। এই সম্বন্ধের সমস্ত দায় সে স্বীকার করিয়া বসে। আমরা এই দায় সহজে স্বীকার করাতেই ভারতবর্ষে ঘরে-পরে, উচ্চে-নীচে, গৃহস্থে ও আগম্বকে একটি ঘনিষ্ঠ সম্বন্ধের ব্যবস্থা স্থাপিত হইয়াছে। এইজগুই এ-দেশে টোল, পাঠশালা, জলাশয়, অতিথিশালা, দেবালয়, অন্ধ-খণ্ড-আতুরদের প্রতিপালন প্রভৃতি সম্বন্ধে কোনোদিন কাহাংকও ভাবিতে হয় নাই।

আজ যদি এই সামাজিক সম্বন্ধ বিশ্লিষ্ট হইয়া থাকে, যদি অন্নদান, জলদান, আশ্রয়দান, স্বাস্থ্যদান, বিদ্যাদান প্রভৃতি সামাজিক কর্তব্য ছিন্ন-সমাজ হইতে স্থলিত হইয়া বাহিরে পড়িয়া থাকে, তবে আমরা একবারেই অন্ধকার দেখিব না।

গৃহের এবং পল্লীর ক্ষুদ্র সম্বন্ধ অতিক্রম করিয়া প্রত্যেককে বিশ্বের সহিত যোগযুক্ত করিয়া অমুভব করিবার জগু হিন্দুধর্ম পস্থা নির্দেশ করিয়াছে। হিন্দুধর্ম সমাজের প্রত্যেক ব্যক্তিকে প্রতিদিন পঞ্চযজ্ঞের দ্বারা দেবতা, ঋষি, পিতৃপুরুষ, সমস্ত মনুষ্য ও পশুপক্ষীর সহিত আপনার মঙ্গলসম্বন্ধ স্বরণ করিতে প্রবৃত্ত করিয়াছে। ইহা যথার্থরূপে পালিত হইলে ব্যক্তিগতভাবে প্রত্যেকের পক্ষে ও সাধারণভাবে বিশ্বের পক্ষে মঙ্গলকর হইয়া উঠে।

আমাদের সমাজে প্রত্যেকের সহিত সমস্ত দেশের একটা প্রাত্যহিক সম্বন্ধ কি বাধিয়া দেওয়া অসম্ভব। প্রতিদিন প্রত্যেকে স্বদেশকে স্বরণ করিয়া এক পয়সা বা তদপেক্ষা অল্প— একমুষ্টি বা অর্ধমুষ্টি তণুলও

স্বদেশবলি-স্বরূপে উৎসর্গ করিতে পারিবেন না? স্বদেশের সহিত আমাদের মঙ্গলসম্বন্ধ—সে কি আমাদের ব্যক্তিগত হইবে না। আমরা কি স্বদেশকে জলদান বিদ্যাদান প্রভৃতি মঙ্গলকর্মগুলিকে পরের হাতে সমর্পণ করিয়া দেশ হইতে আমাদের চেষ্টা, চিন্তা ও হৃদয়কে একেবারে বিচ্ছিন্ন করিয়া ফেলিব। গবর্মেণ্ট আজ বাংলাদেশের জলকষ্ট নিবারণের জন্য পঞ্চাশ-হাজার টাকা দিতেছেন—মনে করুন, আমাদের আন্দোলনের প্রচণ্ড তাগিদে পঞ্চাশ-লক্ষ টাকা দিলেন এবং দেশে জলের কষ্ট একেবারেই রহিল না—তাহার ফল কী হইল। তাহার ফল এই হইল যে, সহায়তালভ কল্যাণলাভের স্বদেশের যে-হৃদয় এতদিন সমাজের মধ্যেই কাজ করিয়াছে ও তৃপ্তি পাইয়াছে, তাহাকে বিদেশীর হাতে সমর্পণ করা হইল। যেখান হইতে দেশ সমস্ত উপকার পাইবে সেইখানই সে তাহাদের সমস্ত অন্য স্বভাবতই দিবে। দেশের টাকা নানা পথ দিয়া নানা আকারে বিদেশের দিকে ছুটিয়া চলিয়াছে বলিয়া আমরা আশঙ্কিত—কিন্তু দেশের হৃদয় যদি যায়, দেশের সহিত যত-কিছু কল্যাণসম্বন্ধ একে একে সমস্তই যদি বিদেশী গবর্মেণ্টেরই করায়ত্ত হয়, আমাদের আর কিছুই অর্শিষ্ট না থাকে, তবে সেটা কি বিদেশগামী টাকার স্রোতের চেয়ে অল্প আশঙ্কপের বিষয় হইবে। এইজন্যই কি আমরা সভা করি, দরখাস্ত করি, ও এইরূপে দেশকে অন্তর-বাহিরে সম্পূর্ণভাবে পরের হাতে তুলিয়া দিবার চেষ্টাকেই কি বলে দেশহিতৈষিতা। ইচ্ছা কদাচই হইতে পারে না। ইচ্ছা কখনই চিরদিন এদেশে প্রশ্রয় পাইবে না—কারণ, ইচ্ছা ভারতবর্ষের ধর্ম নহে। বিদেশী চিরদিন আমাদের স্বদেশকে অন্তর ও বিত্তা ভিক্ষা দিবে, আমাদের কর্তব্য কেবল এই যে, ভিক্ষার অংশ মনের মতো না হইলেই আমরা চীৎকার করিতে থাকিব? কদাচ নহে—কদাচ নহে। স্বদেশের ভার আমরা প্রত্যেকেই এবং

প্রতিদিনই গ্রহণ করিব— তাহাতে আমাদের গৌরব, আমাদের ধর্ম। এইবার সময় আসিয়াছে যখন আমাদের সমাজ একটি সুবৃহৎ স্বদেশী-সমাজ হইয়া উঠিবে। সময় আসিয়াছে যখন প্রত্যেকে জানিব আমি একক নহি,— আমি ক্ষুদ্র হইলেও আমাকে কেহ ত্যাগ করিতে পারিবে না, এবং ক্ষুদ্রতমকেও আমি ত্যাগ করিতে পারিব না।

পূর্বেই বলিয়াছি, সমাজের প্রত্যেক ব্যক্তি প্রত্যহ অতি অল্প-পরিমাণেও কিছু স্বদেশের জন্ত উৎসর্গ করিবে। তা ছাড়া, প্রত্যেক গৃহে বিবাহাদি শুভকর্মে গ্রামভাটি প্রভৃতির ঞ্চার এই স্বদেশী-সমাজের একটি প্রাপ্য আদায় হুকুম বলিয়া মনে করি না। ইহা যথাস্থানে সংগৃহীত হইলে অর্থাভাব ঘটবে না। আমাদের দেশে স্বেচ্ছাদত্ত দানে বড়ো বড়ো মঠ মন্দির চলিতেছে, এদেশে কি সমাজ ইচ্ছাপূর্বক আপনাদ আশ্রমস্থান আপনি রচনা করিবে না। বিশেষত যখন অল্পে-অল্পে স্বাস্থ্য-বিজ্ঞান দেশ সৌভাগ্যলাভ করিবে তখন রুতজ্ঞতা কখনোই নিশ্চেষ্ট থাকিবে না।

আত্মশক্তি একটি বিশেষ স্থানে সর্বদা সঞ্চয় করা, সেই বিশেষ স্থানে উপলব্ধি করা, সেই বিশেষ স্থান হইতে প্রয়োগ করিবার একটি ব্যবস্থা থাকা, আমাদের পক্ষে কিরূপ প্রয়োজনীয় হইয়াছে, একটু আলোচনা করিলেই তাহা স্পষ্ট বুঝা যাইবে।

আমাদের দেশে মধ্য মধ্য সামান্য উপলক্ষ্যে হিন্দু-মুসলমানে বিরোধ বাধিয়া উঠে, সেই বিরোধ মিটাইয়া দিয়া উভয় পক্ষের মধ্যে শ্রীতি ও শান্তি স্থাপন, উভয় পক্ষের স্ব-স্ব অধিকার নিয়মিত করিয়া দিবার বিশেষ কৃতিত্ব সমাজের কোনো স্থানে যদি না থাকে, তবে সমাজ বারে বারে ক্ষতবিক্ষত হইয়া উত্তরোত্তর দুর্বল হইয়া পড়িবেই।

নিজের শক্তিকে অবিশ্বাস করিবেন না, আপনারা নিশ্চয়ই জানিবেন, সময় উপস্থিত হইয়াছে। নিশ্চয় জানিবেন, ভারতবর্ষের মধ্যে একটি বাধিয়া তুলিবার ধর্ম চিরদিন বিরাজ করিয়াছে। নানা প্রতিকূল ব্যাপারের মধ্যে পড়িয়াও ভারতবর্ষ বরাবর একটা ব্যবস্থা করিয়া তুলিয়াছে; তাই আজও রক্ষা পাইয়াছে। এই ভারতবর্ষের উপরে আমি বিশ্বাস স্থাপন করি। এই ভারতবর্ষ এখনই এই মুহূর্তেই ধীরে ধীরে নূতন কালের সহিত আপনার পুরাতনের আশ্চর্য একটি সামঞ্জস্য গড়িয়া তুলিতেছে। আমরা প্রত্যেকে যেন সজ্ঞানভাবে ইহাতে যোগ দিতে পারি—জড়ত্বের বশে বা বিদ্রোহের তাড়নায় প্রতিক্রমে ইহার প্রতিকূলতা না করি।

বাহিরের সহিত হিন্দুসমাজের সংঘাত এই নূতন নহে। ভারতবর্ষে প্রবেশ করিয়া আর্যগণের সহিত এখানকার আদিম অধিবাসীদের তুমুল বিরোধ বাধিয়াছিল। এই বিরোধে আর্যগণ জয়ী হইলেন, কিন্তু অনার্যেরা আদিম অস্ট্রেলিয়ান বা আমেরিকগণের মতো উৎসাদিত হইল না; তাহারা আর্য-উপনিবেশ হইতে বহিষ্কৃত হইল না; তাহারা আপনাদের আচারবিচারের সমস্ত পার্থক্যসত্ত্বেও একটি সমাজতন্ত্রের মধ্যে স্থান পাইল। তাহাদিগকে গ্রহণ করিয়া আর্যসমাজ বিচিত্র হইল।

এই সমাজ আর-একবার সুদীর্ঘকাল বিশ্লিষ্ট হইয়া গিয়াছিল। বৌদ্ধ-প্রভাবের সময় বৌদ্ধধর্মের আকর্ষণে ভারতবর্ষীয়ের সহিত বহুতর পরদেশীয়ের ঘনিষ্ঠ সংস্রব ঘটিয়াছিল। বিরোধের সংস্রবের চেয়ে এই মিলনের সংস্রব আরো গুরুতর। বিরোধে আত্মরক্ষার চেষ্টা বরাবর জাগ্রত থাকে, মিলনের অসতর্ক অবস্থায় অতি সহজেই সমস্ত একাকার হইয়া যায়। বৌদ্ধ ভারতবর্ষে তাহাই ঘটিয়াছিল; সেই এশিয়াব্যাপী ধর্মপ্রাবনের সময় নানা জাতির আচারব্যবহার ক্রিয়াকর্ম ভাসিয়া আসিয়াছিল, কেহ ঠেকায় নাই।

কিন্তু এই অতিবৃহৎ উচ্ছ্বলতার মধ্যেও ব্যবস্থাস্থাপনের প্রতিভা ভারতবর্ষকে ত্যাগ করিল না। যাহা-কিছু ঘরের এবং যাহা-কিছু অভ্যাগত, সমস্তকে একত্র করিয়া লইয়া পুনর্বার ভারতবর্ষ আপনার সমাজ সুবিহিত করিয়া গড়িয়া তুলিল; পূর্বাপেক্ষা আরো বিচিত্র হইয়া উঠিল। কিন্তু এই বিপুল বৈচিত্র্যের মধ্যে আপনার একটি ঐক্য সর্বত্রই সে গ্রথিত করিয়া দিয়াছে।

ইহার পরে এই ভারতবর্ষই মুসলমানের সংঘাত আসিয়া উপস্থিত হইল। এই সংঘাত সমাজকে যে কিছুমাত্র আক্রমণ করে নাই তাহা বলিতে পারি না। তখন হিন্দুসমাজে এই পরসংঘাতের সহিত সামঞ্জস্য-সাধনের প্রক্রিয়া সর্বত্রই আরম্ভ হইয়াছিল। হিন্দু ও মুসলমান সমাজের মাঝখানে এমন একটি সংযোগস্থল সৃষ্ট হইতেছিল, যেখানে উভয় সমাজের সীমারেখা মিলিয়া আসিতেছিল; নানকপন্থী, কবীরপন্থী ও নিম্নশ্রেণীর বৈষ্ণবসমাজ ইহার দৃষ্টান্তস্থল। আমাদের দেশে সাধারণের মধ্যে নানাস্থানে ধর্ম ও আচার লইয়া যে-সকল ভাঙাগড়া চলিতেছে, শিক্ষিতসম্প্রদায় তাহার কোনো খবর রাখেন না। যদি রাখিতেন তো দেখিতেন, এখানে ভিতরে ভিতরে এই সামঞ্জস্যসাধনের সজীব প্রক্রিয়া বন্ধ নাই।

সম্প্রতি আর-এক প্রবল বিদেশী আর-এক ধর্ম, আচারব্যবহার ও শিক্ষাদীক্ষা লইয়া আসিয়া উপস্থিত হইয়াছে। এইরূপে পৃথিবীতে যে চারি প্রধান ধর্মকে আশ্রয় করিয়া চার বৃহৎ সমাজ আছে— হিন্দু, বৌদ্ধ, মুসলমান, খ্রীষ্টান—তাহারা সকলেই ভারতবর্ষে আসিয়া মিলিয়াছে। বিধাতা যেন একটা বৃহৎ সামাজিক-সম্মিলনের জন্ত ভারতবর্ষেই একটা বড়ো রাসায়নিক কারখানাঘর খুলিয়াছেন।

এখানে একটা কথা আমাদের স্বীকার করিতে হইবে যে, বৌদ্ধ-প্রাচুর্যবের সময় সমাজে যে-একটা মিশ্রণ ও বিপর্যস্ততা ঘটিয়াছিল,

তাহাতে পরবর্তী হিন্দুসমাজের মধ্যে একটা ভয়ের লক্ষণ রহিয়া গিয়াছে।

বৌদ্ধপরবর্তী হিন্দুসমাজ আপনার যাহা-কিছু আছে ও ছিল, তাহাই আটে-ঘাটে রক্ষা করিবার জন্ত, পরসংস্রব হইতে নিজেকে সর্বতোভাবে অবরুদ্ধ রাখিবার জন্ত, নিজেকে জাল দিয়া বেড়িয়াছে। ইহাতে ভারতবর্ষকে আপনার একটি মহৎ পদ হারাইতে হইয়াছে। এক সময়ে ভারতবর্ষ পৃথিবীতে গুরুর আসন লাভ করিয়াছিল; ধর্মে, বিজ্ঞানে, দর্শনে ভারতবর্ষীয় চিন্তের সাহসেব সীমা ছিল না; সেই চিন্তা সকল দিকে সুদূর প্রদেশসকল অধিকার করিবার জন্ত আপনার শক্তি অবাধে প্রেরণ করিত। এইরূপে ভারতবর্ষ যে গুরুর সিংহাসন জয় করিয়াছিল, তাহা হইতে আজ সে ব্রষ্ট হইয়াছে— আজ তাহাকে ছাত্র স্বীকার করিতে হইতেছে। ইহার কারণ, আমাদের মনের মধ্যে ভয় ঢুকিয়াছে। সমুদ্রযাত্রা আমরা সকল দিক দিয়াই ভয়ে ভয়ে বন্ধ করিয়া দিয়াছি— কি জলময় সমুদ্র, কি জ্ঞানময় সমুদ্র। আমরা ছিলাম বিশ্বের, দাঁড়াইলাম পল্লীতে। সঞ্চয় ও রক্ষা করিবার জন্ত সমাজে যে ভীকু স্ত্রীশক্তি আছে, সেই শক্তিই কোতূহলপর পরীক্ষাপ্রিয় সাধনশীল পুরুষশক্তিকে পরাভূত করিয়া একাধিপত্য লাভ করিল। তাই আমরা জ্ঞানরাজ্যেও দৃঢ়সংস্কারবদ্ধ স্ত্রৈণপ্রকৃতিসম্পন্ন হইয়া পড়িয়াছি। জ্ঞানের বাণিজ্য ভারতবর্ষ যাহা-কিছু আরম্ভ করিয়াছিল, যাহা প্রত্যহ বাড়িয়া উঠিয়া জগতের ঐশ্বর্য বিস্তার করিতেছিল, তাহা আজ আর বাড়িতেছে না, তাহা খোওয়া-ই যাইতেছে।

জ্ঞানের অধিকার, ধর্মের অধিকার, তপস্কার অধিকার আমাদের সমাজের যথার্থ প্রাণের আধার ছিল। যখন হইতে আচারপালন-মাত্রই তপস্কার স্থান গ্রহণ করিল তখন হইতে আমরা অণুকেও কিছু দিতেছি না, আপনার যাহা ছিল তাহাকেও অকর্মণ্য ও বিকৃত করিতেছি।

ইহা নিশ্চয় জানা চাই, প্রত্যেক জাতিই বিশ্বমানবের অঙ্গ। বিশ্ব-মানবকে দান করিবার, সহায়তা করিবার সামগ্রী কী উদ্ভাবন করিতেছে, ইহারই সছত্তর দিয়া প্রত্যেক জাতি প্রতিষ্ঠালাভ করে। যখন হইতে সেই উদ্ভাবনের প্রাণশক্তি কোনো জাতি হারায়, তখন হইতেই সেই বিরাট মানবের কলেবরে পক্ষাঘাতগ্রস্ত অঙ্গের স্থায় সে কেবল ভারস্বরূপে বিরাজ করে। বস্তুত, কেবল টি কিয়া থাকাই গৌরব নহে।

ভারতবর্ষ রাজ্য লইয়া মারামারি, বাণিজ্য লইয়া কাড়াকাড়ি করে নাই। আজ যে তিব্বত-চীন-জাপান অভ্যাগত যুরোপের ভয়ে সমস্ত দ্বার-বাতায়ন রুদ্ধ করিতে ইচ্ছুক, সেই তিব্বত-চীন-জাপান ভারতবর্ষকে গুরু বলিয়া সমাদরে নিরুৎকণ্ঠ তর্কিত গৃহের মধ্য ডাকিয়া লইয়াছে। ভারতবর্ষ সৈন্ত এবং পণ্য লইয়া সমস্ত পৃথিবীকে অস্থিমজ্জায় উদ্বেজিত করিয়া ফিরে নাই— সর্বত্র শান্তি, সাহুনা ও ধর্মব্যবস্থা স্থাপন করিয়া মানবের ভক্তি অধিকার করিয়াছে। এইরূপে যে-গৌরব সে লাভ করিয়াছে, তাহা তপস্বীর দ্বারা করিয়াছে এবং সে-গৌরব রাজচক্র-বর্তিত্বের চেয়ে বড়।

সেই গৌরব হারাইয়া আমরা যখন আপনার সমস্ত পুঁটলি-পাঁটলা লইয়া ভীতভিত্তে কোণে বসিয়া আছি, এমন সময়ে ইংরেজ আসিবার প্রয়োজন ছিল। ইংরেজের প্রবল আঘাতে এই ভীকু পলাতক সমাজের ক্ষুদ্র বেড়া অনেকস্থানে ভাঙিয়াছে। বাহিরকে ভয় করিয়া যেমন দূরে ছিলাম, বাহির তেমনি ছুড়মুড় করিয়া একেবারে ধাড়ের উপরে আসিয়া পড়িয়াছে— এখন ইহাকে ঠেকায় কাহার সাধ্য। এই উৎপাতে আমাদের যে প্রাচীর ভাঙিয়া গেল, তাহাতে দুইটা জিনিস আমরা আবিষ্কার করিলাম। আমাদের কী আশ্চর্য শক্তি ছিল, তাহা চোখে পড়িল, আমরা কী আশ্চর্য অশক্ত হইয়া পড়িয়াছি, তাহাও ধরা পড়িতে বিলম্ব হইল না।

আজ আমরা ইহা উত্তমরূপে বুঝিয়াছি যে, ৩ফা৩ গা-ঢাকা দিয়া বসিয়া থাকাকেই আত্মরক্ষা বলে না। নিজেব অন্তর্নিহিত শক্তিকে সর্বতোভাবে জাগ্রত করা ও চালনা করাই আত্মরক্ষার প্রকৃত উপায়। ইহা বিধাতার নিয়ম। কোণে বসিয়া কেবল 'গেল' 'গেল' বলিয়া হাহাকার করিয়া মরিলে কোনো ফল নাই। সকল বিষয়ে ইংরেজের অনুকরণ করিয়া ছদ্মবেশ পরিয়া বাঁচিবার যে-চেষ্টা তাহাও নিজেকে জোলানো মাত্র। আমরা প্রকৃত ইংরেজ হইতে পারিব না, নকল ইংরেজ হইয়াও আমরা ইংরেজকে ঠেকাইতে পারিব না।

আমাদের বুদ্ধি, আমাদের হৃদয়, আমাদের রুচি যে প্রতিদিন জপের দরে বিকাইয়া যাইতেছে, তাহা প্রতিবোধ করিবার একমাত্র উপায়— আমরা নিজে যাহা তাহাই সজ্ঞানভাবে, সবলভাবে, সচলভাবে, সম্পূর্ণভাবে হইয়া উঠা।

আমাদের যে-শক্তি আবদ্ধ আছে, তাহা বিদেশ হইতে বিরোধের আঘাত পাইয়াই মুক্ত হইবে— কারণ, আজ পৃথিবীতে তাহার কাজ আসিয়াছে। আমাদের দেশের তাপসেরা তপস্তাব দ্বারা যে-শক্তি সঞ্চয় করিয়া গিয়াছেন, তাহা মহামূল্য, বিধাতা তাহাকে নিষ্ফল করিবেন না। সেইজন্য উপযুক্ত সময়েই তিনি নিশ্চেষ্ট ভারতকে সুকঠিন পীড়নের দ্বারা জাগ্রত করিয়াছেন।

বহুর মধ্যে ঐক্য-উপলব্ধি, বিচিত্রের মধ্যে ঐক্যস্থাপন, ইহাই ভারতবর্ষের অন্তর্নিহিত ধর্ম। ভারতবর্ষ পার্থক্যকে বিরোধ বলিয়া জানে না, সে পরকে শত্রু বলিয়া কল্পনা করে না। এইজন্যই ত্যাগ না করিয়া, বিনাশ না করিয়া, একটি বৃহৎ ব্যবস্থার মধ্যে সকলকেই সে স্থান দিতে চায়। এইজন্য সকল পক্ষকেই সে স্বীকার করে, স্বস্থানে সকলেরই মাহাত্ম্য সে দেখিতে পায়।

ভারতবর্ষের এই গুণ থাকতে কোনো সমাজকে আমাদের বিরোধী

কল্পনা করিয়া আমরা ভীত হইব না। প্রত্যেক নব নব সংঘাতে আমরা আমাদের বিস্তারেরই প্রত্যাশা করিব। হিন্দু, বৌদ্ধ, মুসলমান, খ্রীষ্টান ভারতবর্ষের ক্ষেত্রে পুরস্পর লড়াই করিয়া মরিবে না—এইখানে তাহারা সামঞ্জস্য খুঁজিয়া পাইবে। এই সামঞ্জস্যের অঙ্গপ্রত্যঙ্গ যতই দেশবিদেশের হউক, তাহার প্রাণ, তাহার আত্মা ভারতবর্ষের।

আমরা ভারতবর্ষের বিধাতৃনির্দিষ্ট এই নিয়োগটি যদি স্বরণ করি তবে আমাদের লক্ষ্য স্থির হইবে, লজ্জা দূর হইবে— ভারতবর্ষের মধ্যে যে-একটি মৃত্যুহীন শক্তি আছে তাহার সন্ধান পাইব। আমরা যাকে ইহা মনে রাখিতেই হইবে যে, যুরোপের জ্ঞানবিজ্ঞানকে যে চিরকালই আমরা শুদ্ধমাত্র ছাত্তরের মতো গ্রহণ করিব, তাহা নহে; ভারতবর্ষের সরস্বতী জ্ঞানবিজ্ঞানের সমস্ত দল ও দলাদলিকে একটি শতদল পক্ষের মধ্যে দিকশিত করিয়া তুলিবেন, তাহাদের খণ্ডতা দূর করিবেন। ঐক্যসাধনাই ভারতবর্ষীয় প্রতিভার প্রধান কাজ। ভারতবর্ষ কাহাকেও ত্যাগ করিবার, কাহাকেও দূরে রাখিবার পক্ষ নহে; ভারতবর্ষ সকলকেই স্বীকার করিবার, গ্রহণ করিবার, বিরাট একের মধ্যে সকলকেই স্বস্বপ্রধান প্রতিষ্ঠা উপলব্ধি করিবার পক্ষ। এই বিবাদ-নিরত ব্যবধানসংকুল পৃথিবীর সম্মুখে একদিন নির্দেশ করিয়া দিবে।

সেই সুমহৎ দিন আসিবার পূর্ব— ‘একবার তোরা মা বলিয়া ডাক!’ যে-মা দেশের প্রত্যেককে কাছে টানিবার, অনৈক্য ঘুচাইবার, রক্ষা করিবার জন্ত নিয়ত ব্যাপৃত রহিয়াছেন,—যিনি আপন ভাণ্ডারের চিরসঞ্চিত জ্ঞানধর্ম নানা আকারে নানা উপলক্ষ্যে আমাদের প্রত্যেকের অন্তঃকরণের মধ্যে অশ্রান্তভাবে সঞ্চার করিয়া আমাদের চিত্তকে সুদীর্ঘ পরাবীনতার নিশীথ রাত্রে বিনাশ হইতে রক্ষা করিয়া আসিয়াছেন— দেশের মধ্যস্থলে সন্তানপরিবৃত যজ্ঞশালায় তাঁহাকে প্রত্যক্ষ উপলব্ধি করো। আমাদের দেশ তো একদিন ধনকে তুচ্ছ

করিতে জানিত, একদিন দারিদ্র্যকেও শোভন ও মহিমাদ্বিত্য কবিত্তে শিখিয়াছিল ; আজ আমরা কি টাকার কাছে গাঠানে ধূল্যবনু ৩ হইয়া আমাদের সনাতন স্বধর্মকে অপমানিত করিব । আজ আবার আমরা সেই গুচিগুহ, সেই মিতসংযম, সেই স্বল্পোপকরণ জীবনযাত্রা গ্রহণ করিয়া আমাদের তপস্বিনী জননীৰ সেবার নিযুক্ত হইতে পারিব না ? একদিন যাহা আমাদের পক্ষে নিতান্তই সহজ ছিল তাহা কি আমাদের পক্ষে আজ একেবারেই অসাধ্য হইয়া উঠিয়াছে ।— কখনই নহে । নিরতিশয় দুঃসময়েও ভারতবর্ষের নিঃশব্দ প্রকাণ্ড প্রভাব ধীদভাবে, নিগূঢ়ভাবে আপনাকে জয় করিয়া তুলিতেছে । আনি নিশ্চয় জানি, ভারতবর্ষের সুগভীর আত্মান প্রতি মুহূর্তে আমাদের বক্ষঃকুহরে ধ্বনি হইয়া উঠিতেছে ; এবং আমরা নিজের অলক্ষ্য শনৈঃ শনৈঃ সেই ভারতবর্ষের দিকেই চলিয়াছি । আজ যেখানে পথটি আমাদের মঙ্গল দীপোজ্জল গৃহব দিকে চলিয়া গিয়াছে, সেইখানে, আমাদের গৃহ-যাত্রারস্তুর অভিমুখে দাঁড়াইয়া ‘একবার তোরা না বলিয়া ডাক !’

সমস্যা

আমাদের দেশের সকলের চেয়ে বড়ো সমস্যা যে কী, অল্পদিন হইল বিধাতা তাহার প্রতি আমাদের সমস্ত চেতনাকে আকর্ষণ করিয়াছিলেন। আমরা সেদিন মনে করিয়াছিলাম, পার্টিশন-ব্যাপারে আমরা যে অত্যন্ত ক্ষুধ হইয়াছি ইহাই ইংরেজকে দেখাইব, আমরা বিলাতি নিমকের সম্বন্ধ কাটিব এবং দেশের বিলাতিবস্ত্র হরণ না করিয়া জলগ্রহণ করিব না। পরের সঙ্গে যুদ্ধধোষণা যেমনি করিয়াছি অমনি ঘরের মধ্যে এমন একটা গোল বাদিল যে, এমন তরো আর কখনো দেখা যায় নাই। হিন্দু ও মুসলমানের বিবাদ হঠাৎ অত্যন্ত মর্মান্তিকরূপে দীভংস হইয়া উঠিল।

এই ব্যাপার আমাদের পক্ষে যতই একান্ত কষ্টকর হউক, কিন্তু আমাদের সম্পূর্ণ নিশ্চিতরূপে জানা আবশ্যিক ছিল, আজও আমাদের দেশে হিন্দু ও মুসলমান যে পৃথক এই বাস্তবটিকে বিশ্বত হইয়া আমরা যে-কাজ করি-তাই যাই না কেন, এই বাস্তবটি আমাদের কখনোই বিশ্বত হইবে না। এ-কথা বলিয়া নিজেকে ভুলাইলে চলিবে না যে, হিন্দু মুসলমানের সম্বন্ধে মধ্য কোনো পাপই ছিল না, ইংরেজই মুসলমানকে আমাদের বিরুদ্ধ করিয়াছে।

এই সঙ্গে একটা কথা বিশেষ করিয়া মনে রাখিতে হইবে যে হিন্দু ও মুসলমান, অথবা হিন্দুদের মধ্যে ভিন্ন ভিন্ন বিভাগ বা উচ্চ ও নীচ বর্ণের মধ্যে মিলন না হইলে আমাদের কাজের ব্যাধাত হইতেছে, অতএব কোনোমতে মিলনসাধন করিয়া আমরা বললাভ করিব— এই কথাটাই সকলের চেয়ে বড়ো কথা নয়, সুতরাং ইহাই সকলের চেয়ে সত্য কথা নহে।

কেবলমাত্র প্রয়োজনসাধনের সুযোগ, কেবলমাত্র সুব্যবস্থার চেয়ে অনেক বেশি নহিলে মানুষের প্রাণ বাঁচে না। যিও বলিয়া গিয়াছেন, মানুষ কেবলমাত্র কুটির দ্বারা জীবনধারণ করে না; তাহার কারণ, মানুষের কেবল শারীর জীবন নহে।

এই যে বৃহৎজীবনের খাড়াভাব, এ যদি কেবল বাহির হইতেই ইংরেজ-শাসন হইতেই ঘটত, তাহা হইলে কোনোপ্রকারে বাহিরের সংশোধন করিতে পারিলেই আমাদের কার্য সমাধা হইয়া যাইত। আমাদের নিজের অন্তঃপুরের ব্যবস্থাতেও দীর্ঘকাল হইতেই এই উপবাসের ব্যাপার চলিয়া আসিতেছে। আমরা হিন্দু ও মুসলমান, আমরা ভারতবর্ষের ভিন্ন ভিন্ন প্রদেশীয় হিন্দুজাতি এক জায়গায় বাস করিতেছি বটে, কিন্তু মানুষ মানুষকে কুটির চেয়ে যে উচ্চতর খাড়া জোগাইয়া প্রাণে শক্তিতে আনন্দে পরিপুষ্ট করিয়া তোলে, আমরা পরস্পরকে সেই খাড়া হইতেই বঞ্চিত করিয়া আসিয়াছি। আমাদের সমস্ত হৃদয়বৃত্তি, সমস্ত হিতচেষ্টা পরিবার ও বংশের মধ্যে এবং এক-একটি সংকীর্ণ সমাজের মধ্যে এতই অতিশয় পরিমাণে নিবদ্ধ হইয়া পড়িয়াছে যে, সাধারণ মানুষের সঙ্গে সাধারণ আত্মীয়তার যে বৃহৎ সম্বন্ধ তাহাকে স্বীকার করিবার সম্বল আমরা কিছুই উদ্ভূত রাখি নাই। সেই কারণে আমরা দ্বীপপুঞ্জের মতোই খণ্ড খণ্ড হইয়া আছি, মহাদেশের মতো ব্যাপ্ত বিস্তৃত ও এক হইয়া উঠিতে পারি নাই।

প্রত্যেক ক্ষুদ্র মানুষটি বৃহৎ মানুষের সঙ্গে নিজের ঐক্য নানা মঙ্গলের দ্বারা নানা আকারে উপলব্ধি করিতে থাকিবে। এই উপলব্ধি তাহার কোনো বিশেষ কার্যসিদ্ধির উপায় বলিয়াই গৌরবের নহে, ইহা তাহার প্রাণ, ইহাই তাহার মনুষ্যত্ব অর্থাৎ তাহার ধর্ম। এই ধর্ম হইতে সে যে-পরিমাণেই বঞ্চিত হয়, সেই পরিমাণেই সে গুণ্ড হয়। আমাদের দুর্ভাগ্যক্রমে বহুদিন হইতেই ভারতবর্ষে আমরা এই গুণ্ডতানে

প্রশ্রয় দিয়া আসিয়াছি। আগাদের জ্ঞান, কর্ম, আচারব্যবহারের, আমাদের সর্বপ্রকার আদানপ্রদানের বড়ো বড়ো রাজপথ এক-একটা ছোটো ছোটো মণ্ডলীর সম্মুখে আসিয়া খণ্ডিত হইয়া গিয়াছে, আমাদের হৃদয় ও চেষ্ঠা প্রধানত আগাদের নিজের ঘর ও নিজের গ্রামের মধ্যেই ঘুরিয়া বেড়াইয়াছে, তাহা বিশ্বমানবের অভিমুখে নিজেকে উদ্ঘাটিত করিয়া দিবার অবসর পায় নাই। এই কারণে আমরা পারিবারিক আরাম পাইয়াছি, ক্ষুদ্র সমাজের সহায়তা পাইয়াছি, কিন্তু বৃহৎ মানুষের শক্তি ও সম্পূর্ণতা হইতে আমরা অনেক দিন চইতে বঞ্চিত হইয়া দীন-হীনের মতো বাস করিতেছি।

সেই প্রকাণ্ড অভাব পূরণ করিবার উপায় আমরা নিজের মধ্য হইতেই যদি বাধিয়া তুলিতে না পারি তবে বাহির হইতে তাহা পাইব কেমন করিয়া। ইংরেজ চলিয়া গেলেই আমাদের এই ছিদ্র পূরণ হইবে, আমরা এ কল্পনা কেন করিতেছি। আমরা যে পরস্পরকে শ্রদ্ধা করি নাই, সহায়তা করি নাই, আমরা যে পরস্পরকে চিনিবার মাত্র ও চেষ্ঠা করি নাই, আমরা যে এককাল 'ঘর হইতে আড়িনা বিদেশ' করিয়া বসিয়া আছি— পরস্পর সম্বন্ধে আমাদের সেই ঔনাসীক্ত, অবজ্ঞা, সেই নিবোধ আমাদেরকে যে একান্তই ঘৃণাইতে হইবে, সে কি কেবলমাত্র বিলাতি কাপড় ত্যাগ করিবার সুবিধা হইবে বলিয়া— সে কি কেবলমাত্র ইংরেজ কর্তৃপক্ষের নিকট নিজের শক্তি প্রচার করিবার উদ্দেশ্যে। এ নহিলে আমাদের ধর্ম পীড়িত হইতেছে, আমাদের মনুষ্যত্ব সংকুচিত হইতেছে; এ নহিলে আমাদের বুদ্ধি সংকীর্ণ হইবে, আমাদের জ্ঞানের নিকাশ হইবে না;— আমাদের দুর্বল চিত্ত শত শত অন্ধ সংস্কারের দ্বারা জড়িত হইয়া থাকিবে, আমরা আমাদের অন্তর-বাহিরের সমস্ত অধীনতার বন্ধন ছেদন করিয়া নির্ভয়ে নিঃসংকোচে বিশ্বসমাজের মধ্যে মাথা তুলিতে পারিব না। সেই নিভীক নির্বাধ বিপুল মনুষ্যত্বের

অধিকারী হইবার জন্তই আমরাগকে পরম্পরের সঙ্গে পরস্পরকে ধর্মের বন্ধনে বাধিতে হইবে। ইহা ছাড়া মানুষ কোনোমতেই বড়ো হইতে পারে না, কোনোমতেই সত্য হইতে পারে না। ভারতবর্ষে যে-কেহ আছে, যে-কেহ আসিয়াছে, সকলকে লইয়াই আমরা সম্পূর্ণ হইব— ভারতবর্ষে বিশ্বমানবের একটি প্রকাণ্ড সমস্তার মীমাংসা হইবে। সে-সমস্তা এই যে পৃথিবীতে মানুষ বর্ণে ভাষায় স্বভাবে আচরণে ধর্মে বিচিত্র— নরদেবতা এই বিচিত্রকে লইয়াই বিরাট— সেই বিচিত্রকে আমরা এই ভারতবর্ষের মন্দিরে একাঙ্গ করিয়া দেখিব। পার্থক্যকে নির্বাসিত বা বিলুপ্ত করিয়া নহে কিন্তু সর্বত্র ব্রহ্মের উদার উপলব্ধি দ্বারা ; মানবের প্রতি সর্বসহিষ্ণু পরম প্রেমের দ্বারা ; উচ্চনীচ, আত্মীয়পর, সকলের সেবাতেই ভগবানের সেবা স্বীকার করিয়া। আর কিছু নহে, শুভচেষ্টার দ্বারা দেশকে জয় করিয়া লও— যাহারা তোমাকে সন্দেহ করে তাহাদের সন্দেহকে জয় করো, যাহারা তোমাব প্রতি বিদ্বেষ করে তাহাদের বিদ্বেষকে পরাস্ত করো। রুদ্ধ দ্বারে আঘাত করো, বারংবার আঘাত করো,— কোনো নৈরাশ্য, কোনো আত্মাভিমানের ক্ষুধতায় ফিরিয়া যাইয়ো না ; মানুষের হৃদয় মানুষের হৃদয়কে চিরদিন কখনোই প্রত্যাখ্যান করিতে পারে না।

ভারতবর্ষের আহ্বান আমাদের অন্তঃকরণকে স্পর্শ করিয়াছে। আমাদের নিকট যে-আহ্বান আসিয়াছে তাহাতে সমস্ত সংকীর্ণতার অন্তরাল হইতে আমরাগকে বাহিরে আনিবে— ভারতবর্ষে এবার মানুষের দিকে মানুষের টান পড়িয়াছে। এবারে, যেখানে যাহার কোনো অভাব আছে তাহা পূরণ করিবার জন্ত আমরাগকে যাইতে হইবে ; অন্ন, স্বাস্থ্য ও শিক্ষা বিতরণের জন্ত আমরাগকে নিভৃত পল্লীর প্রান্তে নিজের জীবন উৎসর্গ করিতে হইবে ; আমরাগকে আর কেহই নিজের স্বার্থ ও স্বচ্ছন্দতার মধ্যে ধরিয়া রাখিতে পারিবে না।

বহুদিনের শুষ্কতা ও অনাবৃষ্টির পর বর্ষা যখন আসে তখন সে ঝড় লইয়াই আসে, কিন্তু নববর্ষার সেই আরম্ভকালীন ঝড়টাই এই নূতন আবির্ভাবের সকলের চেয়ে বড়ো অঙ্গ নহে, তাহা স্থায়ীও হয় না। বিছাতের চাঞ্চল্য ও বজ্রের গর্জন এবং বায়ুর উন্মত্ততা আপনি শাস্ত হইয়া আসিবে,— তখন মেঘে মেঘে জোড়া লাগিয়া আকাশের পূর্বপশ্চিম স্নিগ্ধতায় আবৃত হইয়া যাইবে, চারিদিকে ধারাবর্ষণ হইয়া ভূমিতের পাত্রে জল ভরিয়া উঠিবে এবং ক্ষুধিতের ক্ষেত্রে অন্নর আশা অঙ্কুরিত হইয়া দুই চক্ষু জুড়াইয়া দিবে। মঙ্গলে পরিপূর্ণ সেই বিচিত্র সফলতার দিন বহুকাল প্রতীক্ষার পরে আজ ভারতবর্ষে দেখা দিয়াছে, এই কথা নিশ্চয় জানিয়া আমরা যেন আনন্দে প্রস্তুত হই। কিসের জন্ত। ঘর ছাড়িয়া মাঠের মধ্যে নামিদার জন্ত, মাটি চমিদার জন্ত, বীজ বুনিদার জন্ত,— তাহার পরে সোনার ফসলে যখন লক্ষীর আবির্ভাব হইবে তখন সেই লক্ষীকে ঘরে আনিয়া নিত্যোৎসবের প্রতিষ্ঠা করিদার জন্ত।

পূর্ব ও পশ্চিম

ভারতবর্ষের ইতিহাস কাহাদের ইতিহাস ।

একদিন যে খেতকার আর্যগণ প্রকৃতির এবং মানুষের সমস্ত দুঃস্বপ্ন বাধা ভেদ করিয়া ভারতবর্ষে প্রবেশ করিয়াছিলেন, যে অন্ধকাবময় সুবিশীর্ণ অরণ্য এই বৃহৎ দেশকে আচ্ছন্ন করিয়া পূর্বে পশ্চিমে প্রসারিত ছিল, তাহাকে একটা নিবিড় যবনিকার মতো সরাইয়া দিয়া ফলশস্ত্র-বিচিত্র, অলোকময়, উন্মুক্ত রঙ্গভূমি উদ্ঘাটিত করিয়া দিলেন, তাঁহাদের বুদ্ধি শক্তি ও সাধনা একদিন এই ইতিহাসের ভিত্তিরচনা করিয়াছিল। কিন্তু এ-কথা তাঁহারা বলিতে পারেন নাই যে, ভারতবর্ষ আমাদেরই ভারতবর্ষ।

আর্যরা অনার্যদের সঙ্গে মিশিয়া গিয়াছিলেন। প্রথম যুগে আর্যদেব ক্ষমতা যখন অক্ষুণ্ণ ছিল তখনও অনার্য শূদ্রদের সহিত তাঁহাদের প্রতিলোম বিবাহ চলিয়াছে। তারপরে বৌদ্ধযুগে এই মিশ্রণ আরও অবাধ হইয়া উঠিয়াছিল। এই যুগের অবসানে যখন হিন্দুসমাজ আপনাদের বেড়াগুলির পুনঃসংস্কার করিতে প্রবৃত্ত হইল এবং খুব শক্ত পাথর দিয়া আপন প্রাচীর পাকা করিয়া গাঁথিতে চাহিল, তখন দেশের অনেক স্থলে এমন অবস্থা ঘটিয়াছিল যে ক্রিয়াকর্ম পালন করিবার জন্য বিস্তৃত ব্রাহ্মণ খুঁজিয়া পাওয়া কঠিন হইয়াছিল; অনেক স্থলে ভিন্ন দেশ হইতে ব্রাহ্মণ আমন্ত্রণ করিয়া আনিতে হইয়াছে এবং অনেক স্থলে রাজ্যস্বায়ত্ত্ব উপবীত পরাইয়া ব্রাহ্মণ রচনা করিতে হইল, এ-কথা প্রসিদ্ধ। বর্ণের যে

শুভ্রতা লইয়া একদিন আর্থরা গৌরববোধ করিয়াছিলেন, সে-শুভ্রতা মলিন হইয়াছে ; এবং আর্থগণ শূদ্রদের সহিত মিশ্রিত হইয়া তাহাদের বিবিধ আচার ও ধর্ম, দেবতা ও পূজাপ্রণালী গ্রহণ করিয়া তাহাদিগকে সমাজের অন্তর্গত করিয়া লইয়া হিন্দুসমাজ বলিয়া এক সমাজ রচিত হইয়াছে ; বৈদিকসমাজের সহিত কেবল যে তাহার ঐক্য নাই তাহা নহে, অনেক বিরোধও আছে ।

অতীতের সেই পবেই কি ভারতবর্ষের ইতিহাস দাঁড়ি টানিতে পারিয়াছে । বিধাতা কি তাহাকে একথা বলিতে দিয়াছেন যে, ভারতবর্ষের ইতিহাস হিন্দুর ইতিহাস । হিন্দুর ভারতবর্ষে যখন রাজপুত্র রাজারা পরস্পর মারামারি কাটাকাটি করিয়া দীরত্বের আত্মঘাতী অভিমান প্রচার করিতেছিলেন, সেই সময়ে ভারতবর্ষের সেই বিচ্ছিন্নতার ফাঁক দিয়া মুসলমান এ-দেশে প্রবেশ করিল, চারিদিকে ছড়াইয়া পড়িল এবং পুরুষানুক্রমে জন্মিয়া ও মরিয়া এ-দেশের মাটিকে আপন করিয়া লইল ।

যদি এইখানেই ছেদ দিয়া বলি, বাসু, আর নয়— ভারতবর্ষের ইতিহাসকে আমরা হিন্দু-মুসলমানেরই ইতিহাস করিয়া তুলিব, তবে যে-দিশ্বকর্মা মানবসমাজকে সংকীর্ণ কেন্দ্র হইতে ক্রমশ বৃহৎ পরিধির দিকে গড়িয়া তুলিতেছেন, তিনি কি তাহার প্ল্যান বদলাইয়া আমাদেরই অহংকারকে সার্থক করিয়া তুলিবেন ।

ভারতবর্ষ আমার হইবে কি তোমার হইবে, হিন্দুর হইবে কি মুসলমানের হইবে, কি আর-কোনো জাত আসিয়া এখানে আধিপত্য করিবে, বিধাতার দরদারে যে সেই কথাটাই সবচেয়ে বড়ো করিয়া আলোচিত হইতেছে, তাহা নহে । তাহার আদালতে নানা পক্ষের উকিল নানা পক্ষের দরখাস্ত লইয়া লড়াই করিতেছে, অবশেষে এক-দিন মকদ্দমা শেষ হইলে পর হয় হিন্দু, নয় মুসলমান, নয় ইংরেজ,

নয় আর-কোনো জাতি চূড়ান্ত ডিক্রি পাইয়া নিশান গাড়িয়া বসিবে, একথা সত্য নহে। (আমরা মনে করি জগতে স্বপ্নের লড়াই চলিতেছে, সেটা আমাদের অহংকার ; লড়াই যা সে সত্যের লড়াই।)

যাহা সকলের চেয়ে শ্রেষ্ঠ, যাহা সকলের চেয়ে পূর্ণ, যাহা চরম সত্য, তাহা সকলকে লইয়া ; এবং তাহাই নানা আঘাত-সংঘাতের মধ্য দিয়া হইয়া উঠিবার দিকে চলিয়াছে,— আমাদের সমস্ত ইচ্ছা দিয়া তাহাকে আমরা যে-পরিমাণে অগ্রসর করিতে চেষ্টা করিব সেই পরিমাণেই আমাদের চেষ্টা সার্থক হইবে ; নিজেকে— ব্যক্তি হিসাবেই হউক আর জাতি হিসাবেই হউক— জয়ী করিবার যে-চেষ্টা, বিশ্ববিধানের মধ্যে তাহার গুরুত্ব কিছুই নাই। গ্রীসের জয়পতাকা আলেকজান্ডারকে আশ্রয় করিয়া সমস্ত পৃথিবীকে যে একচ্ছত্র করিতে পারে নাই, তাহাতে গ্রীসের দস্তই অকৃতার্থ হইয়াছে— পৃথিবীতে আজ সে দস্তুর মূল্য কী। রোমের বিশ্বসাম্রাজ্যের আয়োজন ববরের সংঘাতে ফাটিয়া গান্ খান্ হইয়া সমস্ত ইউরোপময় যে বিকীর্ণ হইল, তাহাতে রোমকের অহংকার অসম্পূর্ণ হইয়াছে ; কিন্তু সেই ক্ষতি লইয়া জগতে আজ কে বিলাপ করিবে। গ্রীস এবং রোম মহাকালের সোনার তরীতে নিজের পাকা ফসল সমস্তই বোঝাই করিয়া দিয়াছে ; কিন্তু তাহারা নিজেরাও সেই তরণীর স্থান আশ্রয় করিয়া আজ পর্যন্ত যে বসিয়া নাই, তাহাতে কালের অনাদৃশ্যক ভারলাঘব করিয়াছে মাত্র, কোনো ক্ষতি করে নাই।)

ভারতবর্ষেও যে-ইতিহাস গঠিত হইয়া উঠিতেছে এ-ইতিহাসের শেষ তাৎপর্য এ নয় যে, এদেশে হিন্দুই বড়ো হইবে বা আর-কেহ বড়ো হইবে। (ভারতবর্ষ মানবের ইতিহাস একটি বিশেষ সার্থকতার মূর্তি পরিগ্রহ করিবে, পরিপূর্ণতাকে একটি অপূর্ব আকার দান করিয়া তাহাকে সমস্ত মানবের সামগ্রী করিয়া তুলিবে ;—ইহা অপেক্ষা কোনো ক্ষুদ্র অভিপ্রায় ভারতবর্ষের ইতিহাসে নাই।) এই পরিপূর্ণতার প্রতিমা-

গঠনে হিন্দু, মুসলমান বা ইংরেজ যদি নিজের বর্তমান বিশেষ আকারটিকে একেবারে বিলুপ্ত করিয়া দেয়, তাহাতে স্বাভাৱিক অভিমানের অপমৃত্যু ঘটিতে পারে কিন্তু সত্যের বা মঙ্গলের অপচয় হয় না।

আমরা বৃহৎ ভারতবর্ষকে গড়িয়া তুলিবার জ্ঞাত আছি। আমরা তাহার একটা উপকরণ। কিন্তু উপকরণ যদি এই বলিয়া বিদ্রোহ প্রকাশ করিতে থাকে যে আমরাই চরম, আমরা সমগ্রের সহিত মিলিব না, আমরা স্বতন্ত্র থাকিব, তবে সকল হিসাবেই ব্যর্থ হয়। দিরাট রচনার সহিত যে খণ্ড সামগ্ৰী কোনোমতেই মিশ খাইবে না, যে বলিবে আমিই টিকিতে চাই, সে একদিন বাদ পড়িয়া যাইবে। ভারতবর্ষেরও যে-অংশ সমস্তের সহিত মিলিতে চাহিত না, যাহা কোনো-একটা বিশেষ অতীত কালের অন্তরালের মধ্যে প্রচ্ছন্ন থাকিয়া অল্প সকল হইতে বিচ্ছিন্ন হইয়া থাকিতে চাহিত, যে আপনার চারিদিকে কেবল বাধা রচনা করিয়া তুলিবে, ভারত-ইতিহাসের বিধাতা তাহাকে আঘাতের পর আঘাতে, হয় পরম দুঃখ সকলের সঙ্গে সমান করিয়া দিবে, নয় তাহাকে অনাদর্শক দ্যাঘাত বলিয়া একেবারে বর্জন করিবে। কারণ, (ভারত-বর্ষের ইতিহাস আমাদেরই ইতিহাস নহে, আমরাই ভারতবর্ষের ইতিহাসের জ্ঞাত সমাজত) আমরা নিজেকে যদি তাহার যোগ্য না করি তবে আমরাই নষ্ট হইব। আমরা সর্বপ্রকারে সকলের সংস্রব বাঁচাইয়া অতি বিশুদ্ধভাবে স্বতন্ত্র থাকিব, এই বলিয়া যদি গৌরব করি এবং যদি মনে করি এই গৌরবকেই আমাদের বংশপরম্পরায় চিরন্তন করিয়া রাখিবার ভার আমাদের ইতিহাস গ্রহণ করিয়াছে,— যদি মনে করি আমাদের ধর্ম কেবলমাত্র আমাদেরই, আমাদের আচার বিশেষভাবে আমাদেরই, আমাদের পূজাক্ষেত্রে আর-কেহ পদার্পণ করিবে না, আমাদের জ্ঞান কেবল আমাদেরই লৌহপেটকে আবদ্ধ থাকিবে, তবে না জানিয়া আমরা এই কথাই বলি যে, বিশ্বসমাজে আমাদের মৃত্যুদণ্ডের

আদেশ হইয়া আছে, এক্ষণে তাহারই জগু আত্মরচিত কারাগারে অপেক্ষা করিতেছি।

সম্প্রতি পশ্চিম হইতে ইংরেজ আসিয়া ভারতবর্ষের ইতিহাসের একটি প্রধান স্থান অধিকার করিয়াছে। এই ঘটনা অনাত্ম আকস্মিক নহে। পশ্চিমের সংস্রব হইতে বঞ্চিত হইলে ভারতবর্ষ সম্পূর্ণতা হইতে বঞ্চিত হইত। যুরোপের প্রদীপের মুখে শিখা এখন জলিতেছে। সেই শিখা হইতে আমাদের প্রদীপ জ্বলাইয়া লইয়া আমাদিগকে কালের পথে আর-একবার যাত্রা করিয়া বাহির হইতে হইবে। (বিশ্বজগতে আমরা যাহা পাইতে পারি, তিনহাজার বৎসর পূর্বেই আমাদের পিতামহেরা তাহা সমস্তই সঞ্চয় করিয়া চুকাইয়া দিয়াছেন, আমরা এমন হতভাগ্য নহি এবং জগৎ এত দরিদ্র নহে;) আমরা যাহা করিতে পারি তাহা আমাদের পূর্বেই করা হইয়া গিয়াছে, একথা যদি সত্য হয় তবে জগতের কর্মক্ষেত্রে আমাদের প্রকাণ্ড অনাদৃশ্যকতা লইয়া আমরা তো পৃথিবীর ভার হইয়া থাকিতে পারিব না। পৃথিবীতে আমাদেরও যে প্রয়োজন আছে, সে-প্রয়োজন আমাদের নিজের ক্ষুদ্রতার মধ্যেই বদ্ধ নহে, তাহা নিখিল মানুষের সঙ্গে জ্ঞান প্রেম কর্মের নানা পরিবর্তমান সম্বন্ধে, নানা উদ্ভাবনে, নানা প্রবর্তনায় জাগ্রত থাকিবে ও জাগরিত করিবে, আমাদের মধ্যে সেই উষ্ণ সম্বন্ধ করিবার জগু ইংরেজ জগতের যজ্ঞেশ্বরের দূতের মতো জীর্ণ দ্বার ভাঙিয়া আমাদের ঘরের মধ্যে প্রবেশ করিয়াছে। তাহাদের আগমন যে-পর্যন্ত না সফল হইবে, জগৎমন্ডল নিমন্ত্রণে তাহাদের সঙ্গে যে-পর্যন্ত না যাত্রা করিতে পারিব সে-পর্যন্ত তাহারা আমাদিগকে পীড়া দিবে, তাহারা আমাদিগকে আরামে নিদ্রা যাইতে দিবে না।

ইংরেজের আহ্বান যে-পর্যন্ত আমরা গ্রহণ না করিব, তাহাদের সঙ্গে মিলন যে-পর্যন্ত না সার্থক হইবে, সে পর্যন্ত তাহাদিগকে

বলপূর্বক বিদায় করিব, এমন শক্তি আমাদের নাই। যে-ভারতবর্ষ অতীতে অক্ষুরিত হইয়া ভবিষ্যতের অভিমুখে উদ্ভিন্ন হইয়া উঠিতেছে, ইংরেজ সেই ভারতের জন্ত প্রেরিত হইয়া আসিয়াছে। সেই ভারতবর্ষ সমস্ত মানুষের ভারতবর্ষ— আমরা সেই ভারতবর্ষ হইতে অসময়ে ইংরেজকে দূর করিব, আমাদের এমন কী অধিকার আছে। বৃহৎ ভারতবর্ষের আমরা কে। এ কি আমাদেরই ভারতবর্ষ। সেই আমরা কাহার। সে কি বাঙালী, না নারায়ণী, না পাঞ্জাবী, হিন্দু না মুসলমান। একদিন যাহারা সম্পূর্ণ সত্যের সচিৎ বলিতে পারিবে, আমরাই ভারতবর্ষ, আমরাই ভারতবর্ষী— সেই অগণ্ড প্রকাণ্ড আমরা'র মধ্যে যে-কেহই মিলিত হউক, তাহার মধ্যে হিন্দু মুসলমান ইংরেজ অথবা আরও যে-কেহ আসিয়াই এক হউক না— তাহারাই হুকুম করিবার অধিকার পাইবে এখানে কে থাকিবে আর কে না থাকিবে।

ইংরেজের সঙ্গে আমাদের মিলন সার্থক করিতে হইবে। মহা-ভারতবর্ষ গঠন-ব্যাপারে এই ভার আজ আমাদের উপরে পড়িয়াছে।

অধুনাতন কালে দেশের মধ্যে যাহারা সকলের চেয়ে বড়ো মনীষী, তাহার পশ্চিমের সঙ্গে পূর্বকে মিলাইয়া লইবার এই কাজেই জীবন-যাপন করিয়াছেন। তাহার দৃষ্টান্ত রামমোহন রায়। তিনি মনুষ্যত্বের ভিত্তির উপরে ভারতবর্ষকে সমস্ত পৃথিবীর সঙ্গে মিলিত করিবার জন্ত একদিন একাকী দাঁড়াইয়াছিলেন। কোনো প্রথা কোনো সংস্কার তাহার দৃষ্টিকে অবরুদ্ধ করিতে পারে নাই। আশ্চর্য উদার হৃদয় ও উদার বুদ্ধির দ্বারা তিনি পূর্বকে পরিত্যাগ না করিয়া পশ্চিমকে গ্রহণ করিতে পারিয়াছিলেন। তিনিই একলা সকল দিকেই নব্যবঙ্গের পত্তন করিয়া দিয়াছেন। এইরূপে তিনিই স্বদেশের লোকের সকল বিরোধ স্বীকার করিয়া আমাদের জ্ঞানের ও কর্মের ক্ষেত্রকে পূর্ব হইতে পশ্চিমের দিকে প্রশস্ত করিয়া দিয়াছেন; আমাদের মানবের চিরন্তন অধিকার,

সত্যের অবাধ অধিকার দান করিয়াছেন ; আমাদিগকে জানিতে দিয়াছেন আমরা সমস্ত পৃথিবীর ; আমাদেরই জ্ঞান বুদ্ধ খ্রীষ্ট মহম্মদ জীবন গ্রহণ ও জীবন দান করিয়াছেন । ভারতবর্ষের ঋষিদের সাধনার ফল আমাদের প্রত্যেকের জ্ঞানই সঞ্চিত হইয়াছে : [পৃথিবীর যে দেশই যে-কেহ জ্ঞানেব বাধা দূর করিয়াছেন, জড়ত্বের শৃঙ্খল মোচন করিয়া মানুষের আবদ্ধ শক্তিকে মুক্তি দিয়াছেন, তিনি আমাদেরই আপন, তাঁহাকে লইয়া আমরা প্রত্যেকে ধন্য] রামমোহন রায় ভারতবর্ষেব চিত্তকে সংকুচিত ও প্রাচীরবদ্ধ করেন নাই, তাহাকে দেশ ও কাল প্রসারিত করিয়াছেন, ভারতবর্ষ ও যুরোপের মধ্যে তিনি সেতু স্থাপন করিয়াছেন ; এই কারণেই ভারতবর্ষেব সৃষ্টিকার্যে আজও তিনি শক্তিরূপে বিরাজ করিতেছেন । কোনো অন্ধ অভ্যাস, কোনো ক্ষুদ্র অহংকার-বশত মহাকালের অভিপ্রায়েব বিরুদ্ধ মূঢ়তা মতো তিনি বিদ্রোহ করেন নাই ; যে-অভিপ্রায় কেবল অতীতের মধ্যে নিঃশেষিত নহে, বাধা ভবিষ্যতের দিকে উন্নত, তাহারই জয়পতাকা সমস্ত বিপ্লব বিরুদ্ধ বীরের মতো বহন করিয়াছেন ।

পশ্চিম ভারতে রানাডে পূর্বপশ্চিমের সেতুবন্ধনকায়ে জীবন স্থাপন করিয়াছেন । যাহা মানুষকে বাধে, সমাজকে গড়ে, অসামঞ্জস্যকে দূর করে, জ্ঞান প্রেম ও ইচ্ছাশক্তির বাধাগুলিকে নিরস্ত করে, সেই সৃজনশক্তি, সেই মিলনতত্ত্ব রানাডের প্রকৃতির মধ্যে ছিল ; সেই জ্ঞান ভারতবাসী ও ইংরেজের মধ্যে নানা প্রকার ব্যবহারনিরোধ ও স্বার্থসংঘাত সত্ত্বেও তিনি সমস্ত সাময়িক ক্ষোভক্ষুদ্রতাদ উর্ধ্বে উঠিতে পারিয়াছিলেন । 'ভারত-ইতিহাসের যে-উপকরণ ইংরেজের মধ্যে আছে, তাহা গ্রহণের পথ যাহাতে নিস্তৃত হয়, যাহাতে ভারতবর্ষের সম্পূর্ণতাসাধনের কোনো ব্যাঘাত না ঘটে, তাহার প্রশস্ত হৃদয় ও উদার বুদ্ধি সেই চেষ্টায় চিরদিন প্রবৃত্ত ছিল ।

অল্পদিন পূর্বে বাংলাদেশে যে-মহাত্মার মৃত্যু হইয়াছে, সেই বিবেকানন্দও পূর্ব ও পশ্চিমকে দক্ষিণে ও বামে রাখিয়া মাঝখানে দাঁড়াইতে পারিয়াছিলেন। ভারতবর্ষের ইতিহাসের মধ্যে পাশ্চাত্যকে অস্বীকার করিয়া ভারতবর্ষকে সংকীর্ণ সংস্কারের মধ্যে চিরকালের জঞ্জ সংকুচিত করা তাহার জীবনের উপদেশ নহে। গ্রহণ করিবার, মিলন করিবার, সৃজন করিবার প্রতিভাই তাহার ছিল। (তিনি ভারতবর্ষের সাধনাকে পশ্চিম ও পশ্চিমের সাধনাকে ভারতবর্ষে দিবার ও লইবার পথ-রচনার জঞ্জ জীবন-উৎসর্গ করিয়াছিলেন।)

বঙ্কিমচন্দ্র বঙ্গদর্শনে যেদিন অকস্মাৎ পূর্বপশ্চিমের মিলনযন্ত্র আহ্বান করিলেন, সেইদিন হইতে বঙ্গসাহিত্যে অমরতার আবাহন হইল, সেইদিন হইতে বঙ্গসাহিত্যে মহাকাালের অভিপ্রায়ে যোগদান করিয়া সার্থক গান পথ দাঁড়াইল। বঙ্গসাহিত্য যে দেখিতে দেখিতে এমন বৃদ্ধিলাভ করিয়া উঠিতেছে, তাহার কারণ এ-সাহিত্যে সেই-সকল কৃত্রিম বন্ধন ছেদন করিয়াছে যাহাতে বিশ্বসাহিত্যের সহিত ইহার ঐক্যের পথ বাধা গ্রস্ত হয়। ইহা ক্রমশই এমন করিয়া রচিত হইয়া উঠিয়াছে, যাহাতে পশ্চিমের জ্ঞান ও ভাব ইহা সহজে আপনাই করিয়া গ্রহণ করিতে পারে। (বঙ্কিম যাহা রচনা করিয়াছেন, কেবল তাহার জঞ্জই যে তিনি দাড়া তাহা নহে, তিনিই বাংলাসাহিত্যে পূর্ব-পশ্চিমের আদান-প্রদানের রাজপথকে প্রতিভাবে ভালো করিয়া মিলাইয়া দিতে পারিয়াছেন) এই মিলনতন্ত্র বাংলাসাহিত্যের মাঝখানে প্রতিষ্ঠিত হইয়া ইহার সৃষ্টিশক্তিকে জাগ্রত করিয়া তুলিয়াছে।

শিক্ষিতসম্প্রদায়ের মধ্যে আজ আমরা অনেকই মনে করি যে, ভারতবর্ষে আমরা নানা জাতি যে একত্রে মিলিত হইবার চেষ্টা করিতেছি ইহার উদ্দেশ্য পোলিটিক্যাল বল লাভ করা। এমন করিয়া যে-ছিনিসটা বড়ো তাহাকে আমরা ছোটোর দাস করিয়া দেখিতেছি। ভারতবর্ষে

আমরা সকল মানুষে মিলিব, ইহা অল্প সকল উদ্দেশ্যের চেয়ে বড়ো, কারণ ইহা মনুষ্যত্ব। মিলিতে যে পারিতেছি না ইহাতে আমাদের মনুষ্যত্বের মূলনীতি ক্ষুধ হইতেছে, সুতরাং সবপ্রকার শক্তিই ক্ষীণ হইয়া সর্বত্রই বাধা পাইতেছে, ইহা আমাদের পাপ; ইহাতে আমাদের ধর্ম নষ্ট হইতেছে বলিয়া সকলই নষ্ট হইতেছে।

[সেই ধর্মবুদ্ধি হইতে এই মিলনচেষ্টাকে দেখিলে তবেই এই চেষ্টা সার্থক হইবে। কিন্তু ধর্মবুদ্ধি তো কোনো ক্ষুদ্র অহংকার বা প্রয়োজনের মধ্যে বদ্ধ নহে। সেই বুদ্ধির অমুগত হইলে আমাদের মিলনচেষ্টা কেবল যে ভারতবর্ষের ভিন্ন ভিন্ন ক্ষুদ্র জাতির মধ্যেই বদ্ধ হইবে তাহা নহে, এই চেষ্টা ইংরেজকেও ভারতবর্ষের করিয়া লইবার জন্ত নিয়ত নিযুক্ত হইবে।

সম্প্রতি ইংরেজের সঙ্গে ভারতবর্ষের শিক্ষিত, এমন কি অশিক্ষিত সাধারণের মধ্যেও যে-বিরোধ জন্মিয়াছে, তাহাকে আমরা কী ভাবে গ্রহণ করিব। তাহার মধ্যে কি কোনো সত্য নাই। কেবল তাহা কৃষ্ণকজন চক্রান্তকারীর ইচ্ছাজাল মাত্র? ভারতবর্ষের মহাক্ষেত্রে যে নানা জাতি ও নানাশক্তির সমাগম হইয়াছে, ইহাদের সংঘাতে সম্মিলনে যেইতিহাস গঠিত হইয়া উঠিতেছে, বর্তমান বিরোধের আদর্ভ কি একবারেই তাহার প্রতিকূল। তাহা নহে, বিরোধের যথার্থ তাৎপর্য নী তাহা আমাদেরই বুদ্ধিতে হইবে।

আমাদের দেশভুক্তি তত্ত্ব বিরোধকেও মিলনসাধনার একটা অঙ্গ বলা হয়।)লোকপ্রসিদ্ধি আছে যে, (রাবণ ভগবানের শক্রতা করিয়া মুক্তিলাভ করিয়াছিল।) ইহার অর্থ এই যে, (সত্যের নিকট পরাস্ত হইলে নিবিড়ভাবে সত্যের উপলব্ধি হইয়া থাকে।) [সত্যকে অবিরোধে অসংশয়ে সহজে গ্রহণ করিলে তাহাকে সম্পূর্ণ গ্রহণ করা হয় না।] এইজন্য সন্দেহ এবং প্রতিবাদের সঙ্গে অত্যন্ত কঠোরভাবে লড়াই করিয়া তবেই বৈজ্ঞানিকতত্ত্ব প্রতিষ্ঠালাভ করে।

আমরা একদিন মুগ্ধভাবে জড়ভাবে যুরোপের কাছে ভিক্ষাবৃত্তি অবলম্বন করিয়াছিলাম ; আমাদের বিচারবুদ্ধি একেবারে অভিভূত হইয়া গিয়াছিল ; এমন করিয়া যথার্থভাবে লাভ করা যায় না । জ্ঞানই বলা আর রাষ্ট্রীয় অধিকারই বলা, তাহা উপার্জনের অপেক্ষা রাখে— অর্থাৎ বিরোধ ও ব্যাঘাতের ভিতর দিয়া আত্মশক্তির দ্বারা লাভ করিলেই তবে তাহার উপলব্ধি ঘটে— কেহ তাহা আমাদের হাতে তুলিয়া দিলে তাহা আমাদের হস্তগত হয় না । যে-ভাবে গ্রহণে আমাদের অবমাননা হয়, সে-ভাবে গ্রহণ করিলে ক্ষতিই হইতে থাকে ।

এইজগত্বে কিছুদিন হইতে পাশ্চাত্য শিক্ষা ও ভাবের বিরুদ্ধে আমাদের মনে একটা বিদ্রোহ উপস্থিত হইয়াছে । একটা আত্মাভিমান জন্মিয়া আমাদের ক ধাক্কা দিয়া নিজের দিকে ঠেলা দিতেছে ।

যে মহাকালের অভিপ্রায়ের কথা বলিয়াছি, সেই অভিপ্রায়ের অমুগত হইয়াই এই আত্মাভিমানের প্রয়োজন ঘটয়াছিল । আমরা নির্বিচারে নির্বিরোধে দুর্বলভাবে দীনভাবে যাহা পাইয়াছিলাম, তাহা যাচাই করিয়া তাহার মূল্য বুঝিয়া তাহাকে আপন করিতে পারিতে-ছিলাম না, তাহা বাহিরের জিনিস, পোশাকী জিনিস হইয়া উঠিতেছিল বলিয়াই আমাদের মধ্যে একটা পশ্চাদ্বর্তনের তাড়না আসিয়াছে ।

রামমোহন রায় যে পশ্চিমের ভাবকে আত্মসাৎ করিতে পারিয়া-ছিলেন, তাহার প্রধান কারণ পশ্চিম তাঁহাকে অভিভূত করে নাই ; তাঁহার আপনার দিকে দুর্বলতা ছিল না । তিনি নিজের প্রতিষ্ঠাভূমির উপরে দাঁড়াইয়া বাহিরের সামগ্রী আহরণ করিয়াছিলেন । ভারতবর্ষের ঐশ্বর্য কোথায় তাহা তাঁহার অগোচর ছিল না, এবং তাহাকে তিনি নিজস্ব করিয়া লইয়াছিলেন ; এইজগত্বে যেখান হইতে যাহা পাইয়াছেন, তাহা বিচার করিবার নিক্তি ও মানদণ্ড তাঁহার হাতে ছিল ; কোনো মূল্য না বুঝিয়া তিনি মুগ্ধের মতো আপনাকে বিকাইয়া দিয়া অঞ্জলিপূরণ করেন নাই ।

যে শক্তি নব্যভারতের আদি অধিনায়কের প্রকৃতির মধ্যে সহজেই ছিল, আমাদের মধ্যে তাহা নানা ঘাতপ্রতিঘাতে ক্রিয়াপ্রতিক্রিয়ার স্বন্দের মধ্য দিয়া অভিব্যক্ত হইবার চেষ্টা করিতেছে। এই কারণে সেই চেষ্টা পর্যায়ক্রমে বিপরীত সীমার চূড়ান্তে গিয়া ঠেকিতেছে। একান্ত অভিমুখতা এবং একান্ত বিমুখতায় আমাদের গুতিকে আঘাত করিতে করিতে আমাদের লক্ষ্যপথে লইয়া চলিয়াছে

বর্তমানে ইংরেজ-ভারতবাসীর যে বিরোধ জাগিয়া উঠিয়াছে, তাহাব একটা কারণ এই প্রতিক্রিয়ার প্রভাব; ইংরেজের জ্ঞান ও শক্তিকে ক্রমাগত নিশ্চেষ্টভাবে মাথা পাতিয়া গ্রহণ করিতে করিতে আমাদের অন্তরাখা পীড়িত হইয়া উঠিতেছিল। সেই পীড়ার মাত্রা অলক্ষিতভাবে জমিতে জমিতে আজ হঠাৎ দেশের অন্তঃকরণ প্রবলবেগে ঝাঁকিয়া দাঁড়াইয়াছে।

কিন্তু কারণ শুধু এই একটিমাত্র নহে। ভারতবর্ষের গৃহের মধ্যে পশ্চিম আসিয়া উপস্থিত হইয়াছে; তাহাকে কোনোমতেই ব্যর্থ ফিরাইয়া দিতে পারিব না, তাহাকে আপনার শক্তিতে আপনার করিয়া লইতে হইবে। আমাদের তরফে সেই আপন করিয়া লইবার আত্ম-শক্তির যদি অভাব ঘটে তবে তাহাতে কালের অভিপ্রায়বেগ ব্যাঘাত পাইয়া বিপ্লব উপস্থিত করিবে। আবার অন্তঃপক্ষেও পশ্চিম যদি নিজেই সত্যভাবে প্রকাশ করিতে রূপগতা কবে, তবে তাহাতেও বিক্ষোভ উপস্থিত হইবে।

ইংরেজের যাহা শ্রেষ্ঠ যাহা সত্য তাহাব সহিত আমাদের যদি সংশ্রব না ঘটে, ইংরেজের মধ্যে যদি প্রধানত আমরা সৈনিকের বা বণিকের পরিচয় পাই, অথবা যদি কেবল শাসনতন্ত্রচালকরূপে তাহাকে আপিসের মধ্যে যন্ত্রাক্রম দেখিতে থাকি; যে-কোনো মানুষের সঙ্গে মানুষ আত্মীয়-ভাবে মিশিয়া পরস্পরকে অন্তরে গ্রহণ করিতে পারে সে-কোনো যদি

তাহার সঙ্গে আমাদের সংস্পর্শ না থাকে, যদি পরস্পর ব্যবহিত হইয়া পৃথক হইয়া থাকি, তবে আমরা পরস্পরের পক্ষে পরম নিরানন্দের বিষয় হইয়া উঠিবই। একদা ডেভিড্ হেয়ারের মতো মহাত্মা অত্যন্ত নিকটে আসিয়া ইংরেজ-চরিত্রের মহত্ত্ব আমাদের হৃদয়ের সম্মুখে আনিয়া ধরিতে পারিয়াছিলেন ; তখনকার ছাত্রগণ সত্যই ইংরেজজাতির নিকট হৃদয় সমর্পণ করিয়াছিল। পূর্বকালের ছাত্রগণ ইংরেজের সাহিত্য ইংরেজের শিক্ষা যেমন সমস্ত মন দিয়া গ্রহণ করিত, এখনকার ছাত্ররা তাহা করে না, তাহারা গ্রাস করে, তাহারা ভোগ করে না। সেকালের ছাত্রগণ যেরূপ আন্তরিক অনুরাগের সহিত শেক্সপীয়ার, বায়রনের কাব্যরসে চিত্তকে অভিষিক্ত করিয়া রাখিয়াছিলেন, এখন তাহা দেখিতে পাই না। সাহিত্যের ভিতর দিয়া ইংরেজজাতির সঙ্গে যে প্রেমের সম্বন্ধ সহজে ঘটিতে পারে, তাহা এখন বাধা পাইয়াছে। অধ্যাপক বনো ম্যাজিস্ট্রেট বনো, সদাগর বনো, পুলিশের কর্তা বনো, সকল প্রকার সম্পর্কেই ইংরেজ তাহার ইংরেজি সভাতার চরম অভিব্যক্তির পরিচয় অবাধে আমাদের নিকট স্থাপিত করিতেছে না— সুতরাং ভারতবর্ষে ইংরেজ-আগমনের যে সর্বশ্রেষ্ঠ লাভ, তাহা হইতে ইংরেজ আমাদেরকে বঞ্চিত করিতেছে। শাসন এবং ভালো আইনই যে মানুষের পক্ষে সকলের চেয়ে বড়ো লাভ তাহা নহে। আপিস আদালত আইন এবং শাসন তো মানুষ নয়। মানুষ যে মানুষকে চায়— তাহাকে যদি পায় তবে অনেক দুঃখ অনেক অভাব সহিতেও সে রাজি আছে। (মানুষের পরিবর্তে আইন, কুটির পরিবর্তে পাথরেরই মতো।) সে-পাথর ছলভ এবং মূল্যবান হইতে পারে কিন্তু তাহাতে ক্ষুধা দূর হয় না।

এইরূপে পূর্ব ও পশ্চিমের সম্যক মিলনের বাধা ঘটিতেছে বলিয়াই আজ যত-কিছু উৎপাত জাগিয়া উঠিতেছে। কাছে থাকিব অথচ মিলিব না, এ অবস্থা মানুষের পক্ষে অসহ্য এবং অনিষ্টকর। সুতরাং

একদিন না একদিন ইহার প্রতিকারের চেষ্টা দুর্দম হইয়া উঠিবেই। এ বিদ্রোহ নাকি হৃদয়ের বিদ্রোহ, সেইজন্য ইহা ফলাফলের হিসাব বিচার করে না, ইহা আত্মহত্যা স্বীকার করিতেও প্রস্তুত হয়।

তৎসত্ত্বেও ইহা সত্য যে, এ-সকল বিদ্রোহ ক্ষণিক, কারণ পশ্চিমের সঙ্গে আমাদের সত্যভাবেই মিলিতে হইবে, এবং তাহার যাহা-কিছু গ্রহণ করিবার তাহা গ্রহণ না করিয়া ভারতবর্ষের অব্যাহতি নাই।

এইবার একটি কথা বলিয়া প্রবন্ধ শেষ করিব। ইংরেজের যাহা-কিছু শ্রেষ্ঠ, ইংরেজ তাহা যে সম্পূর্ণভাবে ভারতবর্ষে প্রকাশ করিতে পারিতেছে না, সেজন্যও আমরা দায়ী আছি। আমাদের দৈন্য ঘুচাইলে তবে তাহাদেরও কৃপণতা ঘুচিবে। বাইবেলে লিখিত আছে, যাহার আছে তাহাকেই দেওয়া হইবে।

সকল দিকেই আমাদের শক্তিশালী হইতে হইবে; তবেই ভারতবর্ষকে ইংরেজ যাহা দিতে আসিয়াছে, তাহা দিতে পারিবে। আমরা রিক্তহস্তে তাহাদের দ্বারে দাঁড়াইলে বার বার ফিরিয়া আসিতে হইবে।

[ইংরেজের মধ্যে যাহা সকলের চেয়ে বড়ো এবং সকলের চেয়ে ভালো তাহা আরামে গ্রহণ করিবার নহে, তাহা আমাদের জয় করিয়া লইতে হইবে। ইংরেজ যদি দয়া করিয়া আমাদের প্রতি ভালো হয় তবে তাহা আমাদের পক্ষে ভালো হইবে না। আমরা মনুষ্যত্ব দ্বারা তাহার মনুষ্যত্বকে উদ্বোধিত করিয়া লইব।] ইহা ছাড়া সত্যকে গ্রহণ করিবার আর কোনো সহজ পন্থা নাই। একথা মনে রাখিতে হইবে যে, ইংরেজের যাহা শ্রেষ্ঠ তাহা ইংরেজের কাছেও কঠিন দুঃখেই উপলব্ধ হইয়াছে, তাহা দারুণ মন্থনে মথিত হইয়া উঠিয়াছে, তাহার যথার্থ সাক্ষাৎলাভ যদি করিতে চাই তবে আমাদের মধ্যেও শক্তির আবশ্যক। আমাদের মধ্যে যাহারা উপাধি বা সম্মান বা চাকরির লোভে হাত

জোড় করিয়া মাথা হেঁট করিয়া ইংরেজের দরবারে উপস্থিত হয়, তাহারা ইংরেজের ক্ষুদ্রতাকেই আকর্ষণ করে, তাহারা ভারতবর্ষের নিকট ইংরেজের প্রকাশকে বিক্রত করিয়া দেয়। অগ্রপক্ষ যাহারা কাণ্ড-জ্ঞানবিহীন অসংযত ক্রোধের দ্বারা ইংরেজকে উন্নতভাবে আঘাত করিতে চায়, তাহারা ইংরেজের পাপপ্রকৃতিকেই জাগরিত করিয়া তোলে। ভারতবর্ষ অভ্যন্ত অধিক পরিমাণে ইংরেজের লোভকে, ঔদ্ধত্যকে, ইংরেজের কাপুরুষতা ও নির্ধুরতাকেই উদ্বোধিত করিয়া তুলিতেছে, এ-কথা যদি সত্য হয় তবে সেজন্য ইংরেজকে দোষ দিলে চলিবে না, এ অপরাধের প্রধান অংশ আমাদেরই গ্রহণ করিতে হইবে।

স্বদেশে ইংরেজের সমাজ ইংরেজের নীচতাকে দমন করিয়া তাহার মহত্বকেই উদ্দীপিত রাখিবার জন্য চারিদিক হইতে নানা চেষ্টা নিয়ত প্রয়োগ করিতে থাকে, সমস্ত সমাজের শক্তি প্রত্যেককে একটা উচ্চ ভূমিতে ধারণ করিয়া রাখিবার জন্য অশ্রাস্তভাবে কাজ করে ; এমনই করিয়া মোটের উপর নিজের নিকট হইতে যতদূর পর্যন্ত পূর্ণফল পাওয়া সম্ভব, ইংরেজসমাজ তাহা জাগিয়া থাকিয়া বলের সহিত আদায় করিয়া লইতেছে।

কিন্তু যে-ভারতবর্ষের সঙ্গে ইংরেজের কারবার, সেই ভারতবর্ষের সমাজ নিজের দুর্গতি দুর্বলতা বশতই ইংরেজের ইংরেজত্বকে উদ্বোধিত করিয়া রাখিতে পারিতেছে না ; সেইজন্য যথার্থ ইংরেজ এদেশে আসিলে ভারতবর্ষ যে ফল পাইত সে-ফল হইতে সে বঞ্চিত হইতেছে। সেই-জন্যই পশ্চিমের বণিক, সৈনিক এবং আপিস-আদালতের বড়ো সাহেবদের সঙ্গেই আমাদের সাক্ষাৎ ঘটে ; পশ্চিমের মানুষের সঙ্গে পূর্বের মানুষের মিলন ঘটিল না। পশ্চিমের সেই মানুষ প্রকাশ পাইতেছে না বলিয়াই এদেশে যাহা-কিছু বিপ্লব বিরোধ, আমাদের যাহা কিছু দুঃখ অপমান ; এবং এই যে প্রকাশ পাইতেছে না এমন-কি প্রকাশ বিক্রত হইয়া

যাইতেছে, সেজন্য আমাদের পক্ষেও যে পাপ আছে তাহা আমাদেরকে স্বীকার করিতে হইবে। নায়মাত্মা বলহীনের লভ্যঃ— পরমাত্মা বলহীনের কাছে প্রকাশ পান না ; কোনো মহৎ সত্যই বলহীনের দ্বারা লভ্য নহে।

শক্ত কথা বলিয়া বা অকস্মাৎ হুঃসাহসিক কাজ করিয়া বলপ্রকাশ হয় না। ত্যাগের দ্বারাই বলের পরিচয় ঘটে। ভারতবাগী যতক্ষণ পর্যন্ত ত্যাগশীলতার দ্বারা শ্রেয়কে বরণ করিয়া না লইবে, ভয়কে স্বার্থকে আরামকে সমগ্র দেশের হিতের জন্য ত্যাগ করিতে না পাবিবে, ততক্ষণ ইংরেজের কাছে যাহা চাহিব তাহাতে ভিক্ষা চাওয়াই হইবে, এবং যাহা পাইব তাহাতে লজ্জা এবং অক্ষমতা বাড়িয়া উঠিবে। নিজের দেশকে যখন আমরা নিজের চেষ্টা নিজের ত্যাগেব দ্বাৰা নিজের করিয়া লইব, যখন দেশের শিক্ষার জন্য স্বাস্থ্যের জন্য আমাদের সমস্ত সামর্থ্য প্রয়োগ করিয়া দেশের সর্বপ্রকার অভাবমোচন ও উন্নতিসাধনেব দ্বাৰা আমরা দেশের উপর আমাদের সত্য অধিকার স্থাপন করিয়া লইব, তখন দীনভাবে ইংরেজের কাছে দাঁড়াইব না। তখন ভারতবর্ষে আমরা ইংরেজদের সহযোগী হইব, তখন আমাদের সঙ্গে ইংরেজকে আপস করিয়া চলিতে হইবে, তখন আমাদের পক্ষে দীনতা না থাকিলে ইংরেজের পক্ষেও হীনতা প্রকাশ হইবে না। আমরা যতক্ষণ পর্যন্ত ব্যক্তিগত বা সামাজিক মূঢ়তাবশত নিজের দেশের লোকের প্রতি মনুষ্যোচিত ব্যবহার না করিতে পারিব, যতক্ষণ আমাদের দেশের জমিদার প্রজাদিগকে নিজের সম্পত্তির অঙ্গমাত্র বলিয়াই গণ্য করিবে, আমাদের দেশের প্রবলপক্ষ দুর্বলকে পদানত করিয়া রাগাই সনাতন রীতি বলিয়া জানিবে, উচ্চবর্ণ নিম্নবর্ণকে পশুর অপেক্ষা ঘৃণা করিবে, ততক্ষণ পর্যন্ত আমরা ইংরেজের নিকট হইতে সন্যবহারকে প্রাপ্য বলিয়া দাবি করিতে পারিব না ; ততক্ষণ পর্যন্ত ইংরেজের প্রকৃতিকে

আমরা সত্যভাবে উদ্বোধিত করিতে পারিব না এবং ভারতবর্ষ কেবলই বঞ্চিত অপমানিত হইতে থাকিবে।

ভারতবর্ষ আজ সকল দিক হইতে শাস্ত্রে ধর্মে সমাজে নিজেকেই নিজে বঞ্চনা ও অপমান করিতেছে; নিজের আত্মাকে সত্যের দ্বারা ত্যাগের দ্বারা উদ্বোধিত করিতেছে না, এইজন্যই অন্ধের নিকট হইতে যাহা পাইবার তাহা পাইতেছে না। এইজন্যই পশ্চিমের সঙ্গে মিলন ভারতবর্ষে সম্পূর্ণ হইতেছে না; সে-মিলনে আমরা অপমান এবং পীড়াই ভোগ করিতেছি। (ইংরেজকে ছলে বলে ঠেলিয়া ফেলিয়া আমরা এই দুঃখ হইতে নিষ্কৃতি পাইব না; ইংরেজের সঙ্গে ভারতবর্ষের সংযোগ পরিপূর্ণ হইলে এই সংঘাতের সমস্ত প্রয়োজন সমাপ্ত হইয়া যাইবে।) তখন ভারতবর্ষে দেশের সঙ্গে দেশের, জাতির সঙ্গে জাতির, জ্ঞানের সঙ্গে জ্ঞানের, চেষ্টার সঙ্গে চেষ্টার যোগসাধন হইবে; তখন বর্তমানে ভারত-ইতিহাসের যে-পর্বটা চলিতেছে সেটা শেষ হইয়া যাইবে এবং পৃথিবীর মহত্তর ইতিহাসের মধ্যে সে উত্তীর্ণ হইবে।

মেঘদূত

রামগিরি হইতে হিমালয় পর্যন্ত প্রাচীন ভারতবর্ষের যে দীর্ঘ এক খণ্ডের মধ্য দিয়া মেঘদূতের মন্দাক্রান্ত-ছন্দে জীবনশ্রোত প্রবাহিত হইয়া গিয়াছে, সেখান হইতে কেবল বর্ষাকাল নহে, চিরকালের মতো আমরা নির্বাসিত হইয়াছি। সেই যেথানকার উপবনে কেতকীব বেড়া ছিল এবং বর্ষার প্রাক্কালে গ্রামচৈত্যে গৃহবলিভুক পাখিবা নীড আরম্ভ করিতে মহাব্যস্ত হইয়া উঠিয়াছিল, এবং গ্রামের প্রান্তে জম্বুনে ফল পাকিয়া মেঘের মতো কালো হইয়াছিল, সেই দশার্ণ কোথায় গেল। সেই যে অবস্খীতে গ্রামবৃদ্ধেরা উদয়ন এবং বাসবদত্তার গল্প বলিত, তাহারাই বা কোথায়। আর সেই সিপ্রাতটবর্তিনী উজ্জয়িনী। অবশ্য তাহার বিপুল শ্রী, বহুল ঐশ্বর্য ছিল, কিন্তু তাহার বিস্তারিত বিবরণে আমাদের স্মৃতি ভারাক্রান্ত নহে— আমরা কেবল সেই যে হর্গ্যবাতায়ন হইতে পুরবধুদিগের কেশসংস্কারধূপ উড়িয়া আসিতেছিল, তাহারই একটু গন্ধ পাইতেছি, এবং অন্ধকার রাত্রে যখন ভবনশিখরের উপর পারাবতগুলি ঘুমাইয়া থাকিত, তখন বিশাল জনপূর্ণ নগরীর পরিভ্রম্য পথ এবং প্রকাণ্ড সুষুপ্তি মনের মধ্যে অনুভব করিতেছি, এবং সেই রুদ্ধহার সুষুপ্তসৌধ রাজধানীর নির্জন পথের অন্ধকার দিয়া কম্পিতহৃদয়ে ব্যাকুল চরণক্ষেপে যে অভিসারিণী চলিয়াছে, তাহারই একটুখানি ছায়ার মতো দেখিতেছি, এবং ইচ্ছা করিতেছে— তাহার পায়ের কাছে নিকষে কনকরেখার মতো যদি অমনি একটুখানি আলো করিতে পারা যায়।

সেই প্রাচীন ভারতগণ্ডুকুর নদীগিরিনগরীর নামগুলিই বা কি স্মরণ। অবন্তী, বিদিশা, উজ্জয়িনী, বিক্র্যা, কৈলাস, দেবগিরি, রেবা, সিপ্রা, বেত্রবর্তী। নামগুলির মধ্যে একটি শোভা সম্মত স্তম্ভতা আছে। সময় যেন তখনকার পর হইতে ক্রমে ক্রমে ইতর হইয়া আসিয়াছে, তাহার ভাষা ব্যবহার মনোবৃত্তির যেন জীর্ণতা এবং অপভ্রংশতা ঘটিয়াছে। এখনকার নামকরণও সেই অনুযায়ী। মনে হয়, ঐ রেবা সিপ্রা নিক্ক্যা নদীর তীরে অবন্তী-বিদিশার মধ্যে প্রবেশ করিবার কোনো পথ যদি থাকিত, তবে এখনকার চারিদিকের ইতর কলকাকলি হইতে পরিভ্রাণ পাওয়া যাইত।

অতএব, যক্ষর যে-মেঘ নগনদীনগরীর উপর দিয়া উড়িয়া চলিয়াছে, পাঠকের বিরহকাতরতার দীর্ঘনিশ্বাস তাহার সহচর হইয়াছে। সেই কবির ভারতবর্ষ, যোগানকার জনপদবৃদ্ধিগের প্রীতিনিগ্ধলোচন ক্রবিকার শিশু নাই, এবং পুরবৃদ্ধিগের ক্রলতাবিত্রমে পরিচিত নিবিড়পক্ষ কক্ষনেত্র হইতে কোতুললদৃষ্টি মধুকরশ্রেণীর মতো উৎসর্গ উৎক্লিপ্ত হইতেছে, সেখান হইতে আমরা বিচ্যুত হইয়াছি, এখন কবির মেঘ ছাড়া সেখানে আর কাহারকও দূত পাঠাইতে পারি না।

মনে পাউতেছে, কোনো ইংরেজ কবি লিখিয়াছেন, মামুবেরা এক-একটি বিচ্ছিন্ন দ্বীপের মতো, পরস্পরের মধ্যে অপরিমেয় অশ্রলবণাক্ত সমুদ্র। দূর হইতে যখনই পরস্পরের দিকে চাহিয়া দেখি, মনে হয়, এককালে আমরা এক মহাদেশ ছিলাম, এখন কাহার অভিশাপে মধ্যে বিচ্ছেদের বিলাপরাশি ফেনিল হইয়া উঠিতেছে। আমাদের এই সমুদ্র-বেষ্টিত ক্ষুদ্র বর্তমান হইতে যখন কাব্যবর্ণিত সেই অতীত ভূখণ্ডের ভেটের দিকে চাহিয়া দেখি, তখন মনে হয়, সেই সিপ্রাতীরের যুধীবনে যে পুষ্পলাবী রমণীরা ফুল তুলিত, অবন্তীর নগরচত্বরে যে বৃহৎগণ উদয়নের গল্প বলিত, এবং আষাঢ়ের প্রথম মেঘ দেখিয়া যে পশিক

প্রবাসীরা নিজ নিজ স্ত্রীর জগ্ন বিরহব্যাকুল হইত, তাহাদের এবং আমাদের মধ্যে যেন সংযোগ থাকা উচিত ছিল। আমাদের মধ্যে মনুষ্যত্বের নিবিড় ঐক্য আছে, অথচ কালের নির্ভর ব্যবধান। কবির কল্যাণে এখন সেই অতীতকাল অমর সৌন্দর্যের অলকাপুরীতে পরিণত হইয়াছে; আমরা আমাদের বিরহবিচ্ছিন্ন এই বর্তমান মর্তলোক হইতে সেখানে কল্পনার মেঘদূত প্রেরণ করিয়াছি।

কিন্তু কেবল অতীত বর্তমান নহে, প্রত্যেক মানুষের মধ্যে অতল-স্পর্শ বিরহ। আমরা যাহার সহিত মিলিত হইতে চাই, সে আপনার মানস-সরোবরের অগম্য তীরে বাস করিতেছে, সেখানে কেবল কল্পনাকে পাঠান যায়, সেখানে সশরীরে উপনীত হইবার কোনো পথ নাই। আমিই বা কোথায় আর তুমিই বা কোথায়। মাঝখানে একবারে অনন্ত। কে তাহা উত্তীর্ণ হইবে। অনন্তের কেন্দ্রবর্তী সেই প্রিয়তম অবিনশ্বর মানুষটির সাক্ষাৎ কে লাভ করিবে। আজ কেবল ভাষাম-ভাবে আভাসে-ইঙ্গিতে ভুল-ভ্রান্তিতে আলো-আঁধারে দেহে-মনে জন্ম-মৃত্যুর দ্রুততর স্রোতাবেগের মধ্যে তাহার একটুখানি বাতাস পাওয়া যায় মাত্র। যদি তোমার কাছ হইতে একটা দক্ষিণেব হাওয়া আমার কাছে আসিয়া পৌঁছে, তবে সেই আমার বহুভাগ্য, তাহাব অধিক এই বিরহলাকে কেহই আশা করিতে পারে না।

শিখা সঙ্গঃ কিসলরপুটান্ দেবদাক্রমাণাঃ
যে তৎকোরক্রতিস্বরভরো দক্ষিণেন প্রবৃতাঃ
আলিন্দ্যন্তে গুণবতি মগ্না তে তুবারাতিবাতাঃ
পূর্বং স্পৃষ্টং যদি কিল ভবেদনমেতিগুবেতি ।

এই চিরবিবর্তন কথা উল্লেখ করিয়া বৈষ্ণব কবি গাহিয়াছেন,—

হুঁচ কোল হুঁচ কাধে বিচ্ছেদ ভাবিয়া ।

আমরা প্রত্যেকে নির্জন গিরিশৃঙ্গ একাকী দণ্ডায়মান হইয়া উত্তব-

মুখে চাহিয়া আছি— মাঝখানে আকাশ এবং মেঘ, এবং সূন্দরী পৃথিবীর
রেবা-সিপ্রা, অবন্তী-উজ্জয়িনী, সুখ-সৌন্দর্য-ভোগ-ঐশ্বর্যের চিত্রলেখা ;
যাহাতে মনে করাইয়া দেয় কাছে আসিতে দেয় না, আকাঙ্ক্ষার উদ্বেক
করে নিবৃত্তি করে না। দুটি মানুষের মধ্যে এতটা দূর।

কিন্তু একথা মনে হয়, আমরা যেন কোনো-এক কালে একত্র এক
মানসলোকে ছিলাম, সেখান হইতে নির্বাসিত হইয়াছি। তাই বৈষ্ণব
কবি বলেন, তোমায় 'হিমার ভিতর হইতে কে কৈল বাহির।' এ
কী হইল। যে আমার মনোরাজ্যের লোক, সে আজ বাহিরে আসিল
কেন। ওখানে তো তোমার স্থান নয়। বলরাম দাস বলিতেছেন, 'তেঁই
বলবামের, পছ, চিত্ত নহে স্থির।' যাহারা একটি সর্বব্যাপী মনের মধ্যে
এক হইয়াছিল, তাহারা আজ সব বাহির হইয়া পড়িয়াছে। তাই
পরস্পরকে দেখিয়া চিত্ত স্থির হইতে পারিতেছে না— বিরহে বিধুর,
বাসনায় ব্যাকুল হইয়া পড়িতেছে। আমার হৃদয়ের মধ্যে এক হইবার
চেষ্টা করিতেছি, কিন্তু মাঝখানে বৃহৎ পৃথিবী।

হে নির্জন গির্জাঘরের বিদহী, স্বপ্নে যাহাকে আলিঙ্গন করিতেছ,
মেঘের মুখে যাহাকে সংবাদ পাঠাইতেছ, কে তোমাকে আশ্বাস দিল যে,
এক অপূর্ণ সৌন্দর্যলোকের শরৎপূর্ণিমারাত্রী তাহার সহিত চিরমিলন
হইবে। তোমার তো চেতন-অচেতনে পার্থক্য জ্ঞান নাই, কী জানি,
যদি সত্য ও করুণার মধ্যেও প্রভেদ হারাইয়া থাক।

শকুন্তলা

শেকস্পীয়রের টেম্পেস্ট নাটকের সহিত কালিদাসের শকুন্তলায় তুলনা মনে সহজেই উদয় হইতে পারে। ইহাদের বাহ্য সাদৃশ্য এবং আন্তরিক অনৈক্য আলাচনা করিয়া দেখিবার বিষয়।

নির্জনলালিতা মিরান্দার সহিত রাজকুমার ফার্দিনান্ডের প্রণয় তাপসকুমারী শকুন্তলার সহিত ছয়্যন্তুর প্রণয়ের অনুরূপ। ঘটনাস্থলটিও সাদৃশ্য আছে; এক পক্ষে সমুদ্রবেষ্টিত দ্বীপ, অপর পক্ষে তপোবন।

এইরূপে উভয়ের আখ্যানমূলে ঐক্য দেখিতে পাই, কিন্তু কাব্যরসের স্বাদ সম্পূর্ণ বিভিন্ন, তাহা পড়িলেই অনুভব করিতে পারি।

যুরোপের কবিকুলগুরু গোট একটিমাত্র শ্লোক শকুন্তলার সমালোচনা লিখিয়াছেন, তিনি কাব্যিক খণ্ড খণ্ড বিচ্ছিন্ন করেন নাহি। তাঁহার শ্লোকটি একটি দীপনভিকার শিখার আয় ক্রম, কিন্তু তাহা দীপশিখার মতোই সমগ্র শকুন্তলাকে একমুহূর্তে উদ্ভাসিত করিয়া দেখাইবার উপায়। তিনি এক কথায় বলিয়াছিলেন, কেহ যদি 'বৃক্ষ' বৎসরের ফল ও পরিণত বৎসরের ফল, কেহ যদি মর্ত্য ও স্বর্গ একত্র দেখিতে চায়, তবে শকুন্তলায় তাহা পাইবে।

অনেকেই এই কথাটি কবির উচ্ছ্বাসমাত্র মনে করিয়া লম্বভায়ে পঠ করিয়া থাকেন। তাঁহারা মোটামুটি মনে করেন, ইহার অর্থ এই যে, গোটের মতে শকুন্তলা কাব্যখানি অতি উপাদেয়। কিন্তু তাহা নাহি। গোটের এই শ্লোকটি আনন্দের অত্যাঙ্কি নাহি, ইহা রসজ্ঞের বিচার। ইহার মধ্যে বিশেষত্ব আছে। কবি বিশেষভাবেই বলিয়াছেন, শকুন্তলার

মধ্যে একটি গভীর পরিণতির ভাব আছে ; সে পরিণতি, ফুল হইতে ফলে পরিণতি, মর্ত্য হইতে স্বর্গে পরিণতি, স্বভাব হইতে ধর্মে পরিণতি । মেঘদূতে যেমন পূর্বমেঘ ও উত্তরমেঘ আছে— পূর্বমেঘে পৃথিবীর বিচিত্র সৌন্দর্যে পর্গটন করিয়া উত্তরমেঘে অলকাপুরীর নিত্য সৌন্দর্যে উত্তীর্ণ হইতে হয়, তেমনি শকুন্তলায় একটি পূর্বমিলন ও একটি উত্তরমিলন আছে । প্রথম-অঙ্কদ্বিতী সেই মর্ত্যের চঞ্চল-সৌন্দর্যময় বিচিত্র পূর্বমিলন হইতে স্বর্গভোগেপাদনে শাস্বত-আনন্দময় উত্তরমিলনে যাত্রাই অভিজ্ঞানশকুন্তল নাটক ।

স্বর্গ ও মর্ত্যের এই যে মিলন, কালিদাস ইহা অত্যন্ত সহজেই করিয়াছেন । ফুলকে তিনি এমন স্বভাবত ফলে ফলাইয়াছেন, মর্ত্যের সৌন্দর্যকে তিনি এমন করিয়া স্বর্গের সজ্জিত মিশাইয়া দিয়াছেন যে, মাঝে কোনো ব্যতন কাহারও চোখে পড়ে না । প্রথম অঙ্কে শকুন্তলার পতনের মধ্যে কবি মর্ত্যের মাটি কিছুই গোপন রাখেন নাই ; তাহার মধ্যে বাসনার প্রভাব যে কতদূর বিদ্যমান, তাহা ছদ্মশকুন্তলা উভয়ের ব্যবহারেই কবি সুস্পষ্ট দেখাইয়াছেন । যৌবনমত্ততার হাবভাব-লীলাচাঞ্চল্য, পদম লজ্জাব সহিত প্রবল আত্মপ্রকাশের সংগ্রাম, সমস্তই কবি ব্যক্ত করিয়াছেন । ইহা শকুন্তলার সরলতার নিদর্শন । অমুকুল অবস্থার এই ভাবাবেগের আকস্মিক আবির্ভাবের জন্ত সে পূর্ব হইতে প্রস্তুত ছিল না । সে আপনাকে দমন করিবার, গোপন করিবার উপায় করিয়া রাখেন নাই । যে-হরিণী ব্যাধকে চেনে না, তাহার কি বিদ্ধ হইতে বিলম্ব লাগে । শকুন্তলা পঞ্চশরকে ঠিকমতো চিনিত না, এইজন্যই তাহার মনস্থান অরক্ষিত ছিল । সে না কন্দর্পকে, না ছদ্মশরকে, কাহাকেও অবিশ্বাস করে নাই ।

শকুন্তলার পরাভব যেমন অতি সহজে চিত্রিত হইয়াছে, তেমনি সেই পরাভবসত্ত্বেও তাহার চরিত্রের গভীরতর পবিত্রতা, তাহার

স্বাভাবিক অক্ষুণ্ণ সতীত্ব অতি অনায়াসেই পরিস্ফুট হইয়াছে। ইহাও তাহার সরলতার নিদর্শন। ঘরের ভিতরে যে কৃত্রিম ফুল সাজাইয়া রাখা যায়, তাহার ধূলা প্রত্যহ না ঝাড়িলে চলে না, কিন্তু অরণ্যফুলের ধূলা ঝাড়িবার জ্ঞান লোক রাখিতে হয় না—সে অনাদৃত থাকে, তাহার গায়ে ধূলাও লাগে, তবু সে কেমন করিয়া সহজে আপনার সুন্দর নির্মলতাটুকু রক্ষা করিয়া চলে। শকুন্তলাকেও ধূলা লাগিয়াছিল, কিন্তু তাহা সে নিজে জানিতেও পারে নাই—সে অরণ্যেব সরলা মৃগীর মতো, নির্ঝরের জলধারার মতো, মলিনতার সংশ্রবেও অনায়াসেই নির্মল।

কালিদাস তাঁহার এই আশ্রমপালিতা উদ্ভিন্নযৌবনা শকুন্তলাকে সংশয়বিরহিত স্বভাবের পথে ছাড়িয়া দিয়াছেন, শেষ পর্যন্ত কোথাও তাহাকে বাধা দেন নাই। আবার অন্তর্দিকে তাহাকে অপ্রগল্ভা হুঃখশীলা, নিয়মচারিণী, সতীধর্মের আদর্শরূপিণী করিয়া ফুটাইয়া তুলিয়াছেন। একদিকে তরলতা ফলপুষ্পের ন্যায় সে আত্মবিস্মৃত স্বভাবধর্মের অনুগতা, আবার অন্তর্দিকে তাহাব অস্বভাব নারীপ্রকৃতি সংযত, সহিষ্ণু, সে একাগ্রতপঃপবরাগা, কল্যাণধর্মের শাসনে একান্ত নিয়ন্ত্রিতা। কালিদাস অপরূপ কৌশলে তাঁহাব নায়িকাকে লীলা ও ধৈর্ষের, স্বভাব ও নিয়মের, নদী ও সমুদ্রের ঠিক মোহানার উপর স্থাপিত করিয়া দেখাইয়াছেন। তাহার পিতা ঋষি, তাহার মাতা অমরা; ব্রতভঙ্গে তাহার জন্ম, ভপোবনে তাহার পালন। ভপোবন স্থানটি এমন যেখানে স্বভাব এবং ভপশ্রা, সৌন্দর্য এবং সংযম একত্র মিলিত হইয়াছে। সেখানে সমাজের কৃত্রিম বিধান নাই, অথচ ধর্মের কঠোর নিয়ম বিরাজমান। গান্ধর্ববিবাহ ব্যাপারটিও তেমনি; তাহাতে স্বভাবের উদ্দামতাও আছে, অথচ বিবাহের সামাজিক বন্ধনও আছে। বন্ধন ও অবন্ধনের সংগমস্থলে স্থাপিত হইয়াই শকুন্তলা নাটকটি একটি বিশেষ অপরূপত্ব লাভ করিয়াছে। তাহার সুখহুঃখ মিলনবিচ্ছেদ

সমস্তই এই উভয়ের ঘাতপ্রতিঘাতে। গেটে যে কেন তাহার সমালোচনায় শকুন্তলার মধ্যে ছুই বিসদৃশের একত্র সমাবেশ ঘোষণা করিয়াছেন, তাহা অভিনিবেশপূর্বক দেখিলেই বুঝা যায়।

টেম্পেস্ট এ ভাবটি নাই। কেনই বা থাকিবে। শকুন্তলাও সুনন্দরী মিরান্দাও সুনন্দরী, তাই বলিয়া উভয়ের নাগাচক্রুর অবিকল সাদৃশ্য কে প্রত্যাশা করিতে পারে। উভয়ের মধ্যে অবস্থার, ঘটনার, প্রকৃতির সম্পূর্ণ প্রভেদ। মিরান্দা যে-নির্জনতার শিশুকাল হইতে পালিত, শকুন্তলার সে-নির্জনতা ছিল না। মিরান্দা একমাত্র পিতার সাহচর্যে বড়ো হইয়া উঠিয়াছে, সূতরাং তাহার প্রকৃতি স্বাভাবিকভাবে বিকশিত হইবার আনুকূল্য পায় নাই। শকুন্তলা সমানবয়সী সখীদের সহিত বর্ধিত; তাহারা পরম্পরের উত্তাপে, অনুকরণে, ভাবের আদানপ্রদানে হস্তপরিহাসে কথাপকথনে স্বাভাবিক বিকাশলাভ করিতেছিল। শকুন্তলা যদি অহরহ কণ্ঠমুনির সঙ্গেই থাকিত, তবে তাহার উন্মেষ বাধা পাইত, তবে তাহার সরলতা অজ্ঞতার নামাস্তর হইয়া তাহাকে স্ত্রী-ঋণ্যশূন্য করিয়া তুলিতে পারিত। বস্তুত শকুন্তলার সরলতা স্বভাবগত এবং মিরান্দার সরলতা বহির্ঘটনাগত। উভয়ের মধ্যে অবস্থার যে প্রভেদ আছে তাহাতে এইরূপ সংগত। মিরান্দার গুণ শকুন্তলার সরলতা অজ্ঞানের দ্বারা চতুর্দিকে পরিরক্ষিত নহে। শকুন্তলার যৌবন সত্ত্ব বিকশিত হইয়াছে এবং কোতুকশীলা সখীরা সে সম্বন্ধে যে তাহাকে আত্মবিস্মৃত থাকিতে দেয় নাই, তাহা আমরা প্রথম অঙ্কেই দেখিতে পাই। সে লজ্জা করিতেও শিখিয়াছে। কিন্তু এ সকলই বাহিরের জিনিস। তাহার সরলতা গভীরতর, তাহার পবিত্রতা অস্তরতর। বাহিরের কোনো অভিজ্ঞতা তাহাকে স্পর্শ করিতে পারে নাই, কবি তাহা শেখ পঞ্চদশ দেখাইয়াছেন। শকুন্তলার সরলতা আত্মস্বরিক। সে যে সংসারের কিছুই জানে না তাহা নহে; কারণ, তপোবন সমাজের

একেবারে বহির্বর্তী নহে, তপোবনেও গৃহধর্ম পালিত হইত। বাহিরের সম্বন্ধে শকুন্তলা অনভিজ্ঞ বটে, তবু অজ্ঞ নহে; কিন্তু তাহার অন্তরের মধ্যে বিশ্বাসের সিংহাসন। সেই বিশ্বাসনিষ্ঠ সরলতা তাহাকে ক্ষণকালের জ্ঞান পতিত করিয়াছে, কিন্তু চিরকালের জ্ঞান উদ্ধার করিয়াছে; দারুণতম বিশ্বাসঘাতকতার আঘাতেও তাহাকে ধৈর্যে ক্ষমায় কল্যাণে স্থির রাখিয়াছে। মিরান্দার সরলতার অগ্নিপরীক্ষা হয় নাই, সংসার-জ্ঞানের সহিত তাহার আঘাত ঘটে নাই; আমরা তাহাকে কেবল প্রথম অবস্থার মধ্যে দেখিয়াছি, শকুন্তলাকে কবি প্রথম হইতে শেষ অবস্থা পর্যন্ত দেখাইয়াছেন।

এমন স্থলে তুলনায় সমালোচনা বৃথা। আমরাও তাহা স্বীকার কবি। এই দুই কাব্যকে পাশাপাশি রাখিলে উভয়ের ঐক্য অপেক্ষা বৈসাদৃশ্যই বেশি ফুটিয়া উঠে। সেই বৈসাদৃশ্যের আলোচনাতেও দুই নাটককে পরিষ্কার করিয়া বুঝিবার সহায়তা করিতে পারে। আমরা সেই আশায় এই প্রবন্ধে হস্তক্ষেপ করিয়াছি।

মিরান্দাকে আমরা তরঙ্গঘাতমুখর শৈলধক্কুর জনহীন দ্বীপের মধ্যে দেখিয়াছি, কিন্তু সেই দ্বীপপ্রকৃতির সঙ্গে তাহার কোনো ঘনিষ্ঠতা নাই। তাহার সেই আশৈশব-ধাত্রীভূমি হইতে তাহাকে তুলিয়া আনিতে গেলে তাহার কোনো জায়গায় টান পড়িবে না। সেখানে মিরান্দা মাহুসের সঙ্গ পায় নাই, এই অভাবটুকুই কেবল তাহার চিত্রে প্রতিফলিত হইয়াছে; কিন্তু সেখানকার সমুদ্রপর্বতের সহিত তাহার অন্তঃকরণের কোনো ভাবাত্মক যোগ আমরা দেখিতে পাই না। নির্জন দ্বীপকে আমরা ঘটনাচ্ছলে কবির বর্ণনায় দেখি মাত্র, কিন্তু মিরান্দার ভিতর দিয়া দেখি না। এই দ্বীপটি কেবল কাব্যের আখ্যানের পক্ষেই আবশ্যিক, চরিত্রের পক্ষে অত্যাৱশ্যক নহে।

শকুন্তলা সম্বন্ধে সে-কথা বলা যায় না। শকুন্তলা তপোবনের

অঙ্গীভূত। তপোবনকে দূরে রাখিলে কেবল নাটকের আখ্যানভাগ ব্যাঘাত পায় তাহা নহে, স্বয়ং শকুন্তলাই অসম্পূর্ণ হয়। শকুন্তলা মিরান্দার মতো স্বতন্ত্র নহে, শকুন্তলা তাহার চতুর্দিকের সহিত একাত্মভাবে বিজড়িত। তাহার মধুর চরিত্রখানি অরণ্যের ছায়া ও মাধবীলতার পুষ্পমঞ্জরীর সহিত ব্যাপ্ত ও নিকশিত, পশুপক্ষীদের অকৃত্রিম সৌহার্দের সহিত নিবিড়ভাবে আকৃষ্ট। কালিদাস তাঁহার নাটকে যে বহিঃপ্রকৃতির বর্ণনা করিয়াছেন, তাহাকে বাহিরে ফেলিয়া রাখেন নাই, তাহাকে শকুন্তলার চরিত্রের মধ্যে উন্মেষিত করিয়া তুলিয়াছেন। সেই-জন্য বলিতেছিলাম, শকুন্তলাকে তাহার কাব্যগত পরিবেষ্টন হইতে বাহির করিয়া আনা কঠিন।

ফার্দিনান্ডের সহিত প্রণয়ব্যাপারই মিরান্দার প্রধান পরিচয়; আর ঝড়ের সময় ভয়তরী হতভাগ্যদের জন্য ব্যাকুলতায় তাহার ব্যথিত হৃদয়ের করুণা প্রকাশ পাইয়াছে। শকুন্তলার পরিচয় আরো অনেক ব্যাপক। ছদ্মস্ত না দেখা দিলেও তাহার মাধুর্য বিচিত্রভাবে প্রকাশিত হইয়া উঠিত। তাহার হৃদয়লতিকা চেতন অচেতন সকলকেই স্নেহের ললিতবেষ্টনে সুন্দর করিয়া বাঁধিয়াছে। সে তপোবনের তরুণলিকে জলসেচনের সঙ্গে সঙ্গে সোদরস্নেহে অভিষিক্ত করিয়াছে। সে নবকুম্ভ-শ্যাবনা বনজ্যাংমাকে স্নিগ্ধ দৃষ্টির দ্বারা আপনার কোমল হৃদয়ের মধ্যে গ্রহণ করিয়াছে। শকুন্তলা যখন তপোবন ত্যাগ করিয়া পতিগৃহে যাইতেছে তখন পদে পদে তাহার আকর্ষণ, পদে পদে তাহার বেদনা। বনের সহিত মানুষের বিচ্ছেদ যে এমন মর্মান্তিক সঙ্করণ হইতে পারে, তাহা জগতের সমস্ত সাহিত্যের মধ্যে কেবল অভিজ্ঞানশকুন্তলের চতুর্থ অঙ্কে দেখা যায়।

টেম্পেস্ট বহিঃপ্রকৃতি এরিয়েলের মধ্যে মানুষ-আকার ধারণ করিয়াছে, কিন্তু তবু সে মানুষের আত্মীয়তা হইতে দূরে রহিয়াছে।

মানুষের সঙ্গে তাহার অনিচ্ছুক ভৃত্যের সম্বন্ধ। সে স্বাধীন হইতে চায়, কিন্তু মানবশক্তি দ্বারা পীড়িত আবদ্ধ হইয়া দাসের মতো কাজ করিতেছে। তাহার হৃদয়ে স্নেহ নাই, চক্ষে জল নাই। মিরান্দার নারীহৃদয়ও তাহার প্রতি স্নেহ বিস্তার করে নাই। দ্বীপ হইতে যাত্রাকালে প্রম্পেরো ও মিরান্দার সহিত এরিয়েলের স্নিগ্ধ বিদায়সম্ভাষণ হইল না। টেম্পেস্টে পীড়ন, শাসন, দমন—শকুন্তলায় শ্রীতি, শাস্তি, সম্ভাব। টেম্পেস্টে প্রকৃতি মানুষের আকার ধারণ করিয়াও তাহার সহিত হৃদয়ের সম্বন্ধে বন্ধ হয় নাই—শকুন্তলার গাছপালা-পশুপক্ষী আত্মভাব রক্ষা করিয়াও মানুষের সহিত মধুর আত্মীয়ভাবে মিলিত হইয়া গেছে।

শকুন্তলার আরম্ভেই যখন ধনুর্বাণধারী রাজার প্রতি এই করুণ নিবেদন উদ্ভিত হইল—“ভো ভো রাজন্ আশ্রমমৃগোহয়ং ন হস্তব্যো ন হস্তব্যঃ”, তখন কাব্যের একটি মূল স্তব বাজিয়া উঠিল। এই নিবেদনটি আশ্রমমৃগের সঙ্গে সঙ্গে তাপসকুমারী শকুন্তলাকেও করুণাচ্ছাদনে আবৃত করিতেছে। ঋষি বলিতেছেন :

মৃদু এ-মৃগদেহে

মেরো না শর।

আগুন দেবে কে হে

ফুলের 'পর।

কোথা হে মহারাজ,

মৃগের প্রাণ,

কোথায় যেন বাজ

তোমার বাণ।

এ-কথা শকুন্তলা সম্বন্ধেও খাটে। শকুন্তলার প্রতিও রাজার প্রণয়-শরনিক্ষেপ নিদারুণ। প্রণয়ব্যবসায়ের রাজা পরিপক্ব ও কঠিন—কত কঠিন,

অগ্রত তাহার পরিচয় আছে— আর এই আশ্রমপালিতা বালিকার অনভিজ্ঞতা ও সরলতা বড়োই সুকুমার ও সুরঙ্গ। হায়, যুগটি যেমন কাতরনাক্যে রক্ষণীয়, শকুন্তলাও তেমনি। হৌ অপি অত্র আরণ্যকৌ।

যুগের প্রতি এই ককণানাক্যের প্রতিধ্বনি মিলাইতেই দেখি, বঙ্কল-বসনা তাপসকণা সর্গীদের সহিত আলবালে জলপূরণে নিযুক্ত, তরু-সোদর ও লতা-ভগিনীদের মধ্যে তাহার প্রাত্যহিক স্নেহসেবার কর্মে প্রবৃত্ত। কেবল বঙ্কলবসন নহে, তবে ভঙ্গীতেও শকুন্তলা যেন তরু-লতার মধ্যেই একটি। তাই দুঃস্থ বলিয়াছেন :

অধর কিসলয়-রাঙিমা-আঁকা,
যুগল বাহ যেন কোমল শাখা,
হৃদয়লোভনীয় কুসুম হেন
তমুতে যৌবন কুটেছে যেন।

নাটকের আরম্ভেই শান্তি-সৌন্দর্যসংবলিত এমন একটি সম্পূর্ণ জীবন, নিভৃত পুষ্পপল্লবের মাঝখানে প্রাত্যহিক আশ্রমধর্ম, অতিথি-সেবা, সখীস্নেহ ও বিশ্ববাৎসল্য লইয়া আমাদের সম্মুখে দেখা দিল। তাহা এমনি অখণ্ড এমনি আনন্দকর যে আমাদের কেবলই আশঙ্কা হয়, পাছে আঘাত লাগিলেই ইহা ভাঙিয়া যায়। দুঃস্থকে দুই উত্তম বাহু দ্বারা প্রতিরোধ করিয়া বলিতে ইচ্ছা হয়, বাণ মারিয়ে না, মারিয়ে না— এই পরিপূর্ণ সৌন্দর্যটি ভাঙিয়ে না।

যখন দেখিতে দেখিতে দুঃস্থশকুন্তলার প্রণয় প্রগাঢ় হইয়া উঠিতেছে তখন প্রথম অঙ্কের শেষে নেপথ্যে অকস্মাৎ আতঁরব উঠিল, “ভো ভো তপস্বীগণ, তোমরা তপোবনপ্রাণীদের রক্ষার জন্ত সতর্ক হও। যুগয়া-বিহারী রাজা দুঃস্থ প্রত্যাঙ্গর হইয়াছেন।”

ইহা সমস্ত তপোবনভূমির ক্রন্দন— এবং সেই তপোবনপ্রাণীদের মধ্যে শকুন্তলাও একটি। কিন্তু কেহ তাহাকে রক্ষা করিতে পারিল না।

সেই তপোবন হইতে শকুন্তলা যখন যাইতেছে, তখন কথ ডাক
দিয়া বলিলেন :

“ওগো সন্নিহিত তপোবনতরুগণ,

তোমাদের জল না করি দান
যে আগে জল না করিত পান,
সাধ ছিল তার সাজিতে— তবু
স্নেহে পাতাটি না ছিঁড়িত কভু,
তোমাদের কুল ফুটিত যবে
যে জন মাতিত মহোৎসবে,
পতিগৃহে সেই বালিকা যার,
তোমরা সকলে দেহ বিদায়।”

চেতন-অচেতন সকলের সঙ্গে এমনি অন্তরঙ্গ আত্মীয়তা, এমনি
প্রীতি ও কল্যাণের বন্ধন।

শকুন্তলা কহিল, “হলা প্রিয়ংবদে, আর্যপুত্রকে দেখিবার জন্তু আমার
প্রাণ আকুল, তবু আশ্রম ছাড়িয়া যাইতে আমার গা যেন উঠিতেছে
না।” প্রিয়ংবদা কহিল, “তুমিই যে কেবল তপোবনের বিরহে কাঁড়,
তাহা নহে, তোমার আসন্নবিয়োগে তপোবনেরও সেই একই দশা—

মৃগের গলি পড়ে মুখের তৃণ,
ময়ূর নাচে না যে আর,
খসিয়া পড়ে পাতা লতিকা হতে
যেন সে আঁধিজলধার।”

শকুন্তলা কথকে কহিল, “তাত, এই যে কুটিরপ্রাস্তুচারিণী গর্ভমহুয়া
মৃগবধু, এ যখন নির্বিঘ্নে প্রসব করিবে, তখন সেই প্রিয়সংবাদ নিবেদন
করিবার জন্তু একটি লোককে আমার কাছে পাঠাইয়া দিয়ো।”

কথ কহিলেন, “আমি কখনো ভুলিব না।”

শকুন্তলা পশ্চাৎ হইতে বাধা পাঠিয়া কহিল, “আর, কে আমার কাপড় ধরিয়া টানেন।”

কথ কহিলেন, “বৎস,—

ইন্দ্রদ্রির তৈল দিতে স্নেহমহকারে

কুশকৃত হলে দুখ গার,

শ্যামাধামুষ্টি দিয়ে পালিয়াছ গারে

এই যুগ পুত্র সে তোমার।”

শকুন্তলা তাহাকে কহিল, “ওরে বাছা, মহাদাসপরিভ্রাত্যাগিনী আমাকে আবহকেন অনুসরণ করিস। প্রসন্ন করিয়াই তোরে জননী যখন ধরিয়াছিল, তখন হইতে আমিই তোকে বড়া করিয়া তুলিয়াছি। এখন আমি চলিলাম, তাত তোকে দেখিবেন, তুই ফিরিয়া যা।”

এইরূপ সমুদয় তরুলতা যুগপক্ষীর নিকট হইতে বিদায় লইয়া কাঁদিতে কাঁদিতে শকুন্তলা তপোবন ত্যাগ করিয়াছে।

লতার সহিত কুলের যেরূপ সঙ্গ, তপোবনের সহিত শকুন্তলার সেইরূপ স্বাভাবিক সঙ্গ।

অভিজ্ঞানশকুন্তল নাটকের অননুয়া প্রিয়ংবদা যেমন, কথ যেমন, ছয়স্তু যেমন, তপোবনপ্রকৃতি ও তেমনি একজন বিশেষ পাত্র। এই যুক প্রকৃতিকে কোনো নাটকের ভিতরে যে এমন প্রধান— এমন অত্যাশ্চর্য স্থান দেওয়া যাইতে পারে, তাহা বোধ করি সংস্কৃতসাহিত্য ছাড়া আর কোথাও দেখা যায় নাই। প্রকৃতিকে মানুষ করিয়া তুলিয়া তাহার মুখে কথাবার্তা বসাইয়া রূপকনাট্য রচিত হইতে পারে— কিন্তু প্রকৃতিকে প্রকৃত রাখিয়া তাহাকে এমন সজীব, এমন প্রত্যক্ষ, এমন ব্যাপক, এমন অচরিত্র করিয়া তোলা, তাহার দ্বারা নাটকের এত কার্যসাধন করাইয়া লওয়া, এ তো অসম্ভব দেখি নাই।

উত্তরচরিতেও প্রকৃতির সহিত মানুষের আত্মীয়বৎ সৌহার্দ এইরূপ

ব্যক্ত হইয়াছে। রাজপ্রাসাদে থাকিয়াও সীতার প্রাণ সেই অরণ্যের
অন্ত কাঁদিতেছে। সেখানে নদী তমসা ও বসন্তবনলক্ষ্মী তাঁহার
প্রিয়সখী, সেখানে ময়ূর ও করিশিশু তাঁহার কৃতকপুত্র, তরুলতা
তাঁহার পরিজনবর্গ।

টেম্পেস্ট নাটকের নামও যেমন, তাহার ভিতরকার ব্যাপারও
সেইরূপ। মানুষে-প্রকৃতিতে বিরোধ, মানুষে-মানুষে বিরোধ— এদং
সে বিরোধের মূলে ক্ষমতাভাবের প্রয়াস। ইহার আগাগোড়াই
বিক্ষোভ।

মানুষের ছুর্বাধ প্রবৃত্তি এইরূপ ঝড় তুলিয়া থাকে। শাসনদমন-
পীড়নের দ্বারা এই সকল প্রবৃত্তিকে হিংস্রপশুর মতো সংযত করিয়াও
রাখিতে হয়। কিন্তু এইরূপ বলের দ্বারা বলকে ঠেকাইয়া রাখা, ইহা
কেবল একটা উপস্থিতমতো কাজ চালাইবার প্রণালী মাত্র। আমাদের
আধ্যাত্মিক প্রকৃতি ইহাকেই পরিণাম বলিয়া স্বীকার করিতে পারে না।
সৌন্দর্যের দ্বারা, প্রেমের দ্বারা, মঙ্গলের দ্বারা পাপ একেবারে ভিতর
হইতে বিলুপ্ত বিলীন হইয়া যাইবে, ইহাই আমাদের আধ্যাত্মিক প্রকৃতির
আকাঙ্ক্ষা। সংসারে তাহার সহস্র বাধাব্যতিক্রম থাকিলেও ইহার প্রতি
মানবের অন্তরতর লক্ষ্য একটি আছে। সাহিত্য সেই লক্ষ্যসাধনের নিগূঢ়
প্রয়াসকে ব্যক্ত করিয়া থাকে। ফলাফল নির্ণয় ও দিভাদিকা দ্বারা
আমাদিগকে কল্যাণের পথে প্রবৃত্ত রাখা বাহিরের কাজ— তাহা
দণ্ডনীতি ও ধর্মনীতির আলোচ্য হইতে পারে, কিন্তু উচ্চসাহিত্য
অন্তরাচার ভিতরের পথটি অবলম্বন করিতে চায়; তাহা স্বভাবনিঃসৃত
অশ্রুজলের দ্বারা কলঙ্কক্ষালন করে, আন্তরিক ঘৃণার দ্বারা পাপকে দগ্ধ
করে এবং সহজ আনন্দের দ্বারা পুণ্যকে অভ্যর্থনা করে।

কালিদাসও তাঁহার নাটকে ছুরন্ত প্রবৃত্তির দাবদাচকে অমৃতপু
চিত্তের অশ্রুবর্ষণে নির্বাচিত করিয়াছেন। কিন্তু তিনি ব্যাধিকে লইয়া

অতিমাত্রায় আলোচনা করেন নাই— তিনি তাহার আভাস দিয়া তাহার উপরে একটি আচ্ছাদন টানিয়াছেন। সংসারে একরূপ স্থলে যাহা স্বভাবত হইতে পারিত, তাহাকে তিনি ছূর্বাসার শাপের দ্বারা ঘটাইয়াছেন। নতুবা তাহা এমন একান্ত নিষ্ঠুর ও ক্ষোভজনক হইত যে, তাহাতে সমস্ত নাটকের শাস্তি ও সামঞ্জস্য ভঙ্গ হইয়া যাইত। শকুন্তলায় কালিদাস যে রসের প্রতি লক্ষ্য করিয়াছেন, একরূপ অত্যুক্তি আন্দোলনে তাহা রক্ষা পাইত না। ছুঃখবেদনাকে তিনি সমানই রাখিয়াছেন, কেবল দীভৎস কদম্বতাকে কবি আবৃত্ত করিয়াছেন।

কিঞ্চ কালিদাস সেই আদরণের মধ্যে এতটুকু ছিদ্র রাখিয়াছেন, যাহাতে পাপের আভাস পাওয়া যায়। সেই কথার উত্থাপন করি।

পঞ্চম অঙ্কে শকুন্তলাব প্রত্যাহান। সেই অঙ্কের আরম্ভেই কবি বাজার প্রণয়রসভূমির যদনিকা ক্ষণকালের জন্য একটুখানি সরাইয়া দেখাইয়াছেন। রাজ্য-প্রয়সী হংসপদিকা নেপথ্য সংগীতশালার আপন মনে বসিয়া গান গাহিতেছেন :

নবমধুলোভী ওগো মধুকর,

চুতমঞ্জরী চুমি

কমলনিবাসে যে স্রীতি পেয়েছ

কেমনে ভুলিলে তুমি।

রাজাস্তম্ভঃপূর্ব হইতে ব্যথিত জনসৈন্য এই অশ্রুসিক্ত গান আমাদের কাছে বড়ো আঘাত করে। বিশেষ আঘাত করে এইজন্য যে, তাহার পূর্বই শকুন্তলায় স্ফুটিত ছুঃখবেদ প্রেমলীলা আমাদের চিত্ত অধিকার করিয়া আছে। ইহার পূর্ব অঙ্কেই শকুন্তলা ঋষিবৃদ্ধ কণ্ঠের আশীর্বাদ ও সমস্ত অরণ্যানীর মঙ্গলাচরণ গ্রহণ করিয়া বড়ো স্নিগ্ধকরণ বড়ো পবিত্রমধুর ভাবে পতিগৃহে যাত্রা করিয়াছে। তাহার জন্য যে-প্রেমের যে-গৃহের

চিত্রে আমাদের আশাপটে অঙ্কিত হইয়া উঠে, পরবর্তী অঙ্কের আরম্ভেই সে-চিত্রে দাগ পড়িয়া যায়।

বিদূষক যখন জিজ্ঞাসা করিল, 'এই গানটির অক্ষরার্থ বুঝিলে কি', রাজা ঈষৎ হাসিয়া উত্তর করিলেন, "সক্লৎকৃতপ্রণয়োহয়ং জনঃ। আমরা একবার মাত্র প্রণয় করিয়া তাহার পরে ছাড়িয়া দিই, সেইজন্য দেবী বসুমতীকে লইয়া আমি ইহার মহৎ ভৎসনের যোগ্য হইয়াছি। সখে মাধব্য, তুমি আমার নাম করিয়া হংসপদিকাকে বলা, 'বড়ো নিপুণভাবে তুমি আমাকে ভৎসনা করিয়াছ।' ... যাও, বেশ নাগরিকবৃত্তি দ্বারা এই কথাটি তাহাকে বলিবে।"

পঞ্চম অঙ্কের প্রারম্ভে রাজার চপল প্রণয়ের এই পরিচয় নিরর্থক নহে। ইহাতে কবি নিপুণ কৌশলে জানাইয়াছেন, ছর্বাসার গাপে যাহা ঘটয়াছে, স্বভাবের মধ্যে তাহার বীজ ছিল। কাব্যের খাতির যাহাকে আকস্মিক করিয়া দেখানো হইয়াছে, তাহা প্রাকৃতিক।

চতুর্থ অঙ্ক হইতে পঞ্চম অঙ্কে আমরা হঠাৎ আর-এক বাতাস আসিয়া পড়িলাম। এতক্ষণ আমরা যেন একটি মানসলোকে ছিলাম—সেখানকার যে-নিয়ম, এখানকার সে-নিয়ম নহে। সেই ভ্রমপাবনের সুর এখানকার সুরের সঙ্গে মিলিবে কি করিয়া। সেখানে যে-ব্যাপারটি হৃৎস্পন্দরভাবে অতি অনায়াসে ঘটয়াছিল, এখানে তাহার কী দশা হইবে, তাহা চিন্তা করিলে আশঙ্কা জন্মে। তাই পঞ্চম অঙ্কের প্রথমই নাগরিকবৃত্তির মধ্যে যখন দেখিলাম যে, এখানে হৃদয় বড়ো কঠিন, প্রণয় ডো কুটিল এবং মিলনের পথ সহজ নহে, তখন আমাদের সেই বনের গান্দর্ঘস্বপ্ন ভাঙিবার মতো হইল। ঋষিশিষ্য শাক্তের রাজভ্রমের প্রবেশ করিয়া কহিলেন, "যেন অধিবেষ্টিত গৃহের মধ্যে আসিয়া পড়িলাম।" 'রহত কহিলেন, "তৈলাক্তকে দেখিয়া স্নাত ব্যক্তির, অশুচিকে দেখিয়া চি ব্যক্তির, সুপ্তকে দেখিয়া জাগ্রত জনের এবং বন্ধকে দেখিয়া

স্বাধীন পুরুষের যে-ভাব মনে হয়, এই সকল বিষয়ী লোককে দেখিয়া আমার সেইরূপ মনে হইতেছে।”— একটা যে সম্পূর্ণ স্বতন্ত্র লোকের মধ্যে আসিয়াছেন, ঋষিকুমারগণ তাহা সহজেই অনুভব করিতে পারিলেন। পঞ্চম অঙ্কের আরম্ভে কনি নানা প্রকার আভাসের দ্বারা আশাদিগকে এইভাবে প্রস্তুত করিয়া রাখিলেন, যাহাতে শকুন্তলা-প্রত্যাগমনদ্বাপার অকস্মৎ অতিমাত্র আঘাত না করে। হংসপদিকার মরল করুণগীত এই ক্রমকারেও ব ভূমিকা হইয়া রছিল।

তাঁহার পরে প্রত্যাগমন যখন অকস্মৎ দলের মধ্যে শকুন্তলার মাথার উপরে ভাঙিয়া পড়িল, তখন তাপাদনের দুহিতা বিশ্বস্ত হস্ত হইতে বাগাইত যুগল মধ্যে বিশ্বাস্য ব্রাহ্ম বেননায় দিচ্ছিল হইয়া ব্যাকুলনেত্র চাহিয়া রছিল। তাপাদনের পুষ্পলক্ষিত উপর অগ্নি আসিয়া পড়িল। শকুন্তলাকে অস্তর-বাহিরে ছায়ায়-সৌন্দর্য আচ্ছন্ন করিয়া যে একটি তাপাদন লক্ষ্য-অলক্ষ্য নিরাজ করিয়াছিল, এই বজ্রাঘাতে তাহা শকুন্তলার চতুর্দিক হইতে চিরদিনের জন্য বিলিষ্ট হইয়া গেল, শকুন্তলা একবারে অনাবৃত হইয়া পড়িল। কোথায় তাত কথ, কোথায় মাতা গৌতমী, কোথায় অননুয়া-প্রিয়ংবদা, কোথায় সেই সকল তরুণতা পশুপক্ষীর সহিত স্নেহের সঙ্গ, মাদুযেদ যোগ, সেই সুন্দর শাস্তি, সেই নিমল জীবন। এই এক যুহুতের প্রলয়ভিৎসত শকুন্তলার যে কতখানি বিলুপ্ত হইয়া গেল, তাহা দেখিয়া আমরা স্তম্ভিত হইয়া যাই। নটকের প্রথম চারি অঙ্ক যে-সংগীতধ্বনি উঠিয়াছিল তাহা এক নিমেষেই নিঃশব্দ হইয়া গেল।

তাঁহার পরে শকুন্তলার চতুর্দিক কী গভীর স্তব্ধতা, কী বিরলতা। যে-শকুন্তলা কোমল জনয়ের প্রভাব তাহার চারিদিকের বিশ্ব জুড়িয়া সকলকে আপনায় করিয়া থাকিত, সে আজ কী একাকিনী। তাহার সেই বৃহৎ শৃঙ্খতাকে শকুন্তলা আপনায় একমাত্র মহৎ হৃৎকের দ্বারা পূর্ণ

করিয়া বিরাজ করিতেছে। কালিদাস যে তাহাকে কথের তপোবনে ফিরাইয়া লইয়া যান নাই, ইহা তাহার অসামান্য কবিত্বের পরিচয়। পূর্বপরিচিত বনভূমির সহিত তাহার পূর্বের মিলন আর সম্ভবপর নহে। কথাশ্রম হইতে যাত্রাকালে তপোবনের সহিত শকুন্তলার কেবল বাহ্যবিচ্ছেদমাত্র ঘটিয়াছিল, দুঃস্বপ্নভবন হইতে প্রত্যাখ্যাত হইয়া সে-বিচ্ছেদ সম্পূর্ণ হইল— সে-শকুন্তলা আর রহিল না, এখন বিশ্বের সহিত তাহার সম্বন্ধপরিবর্তন হইয়া গেছে, এখন তাহাকে তাহার পুরাতন সম্বন্ধের মধ্যে স্থাপন করিলে অসামঞ্জস্য উৎকট নির্ভূরভাবে প্রকাশিত হইত। এখন এই দুঃখিনীর জন্য তাহার মহৎ দুঃখের উপযোগী বিরলতা আবশ্যিক। কালিদাস শকুন্তলার বিরহদুঃখের প্রত্যক্ষ অবতারণা করেন নাই। কবি নীরব থাকিয়া শকুন্তলার চারিদিকের নীরবতা ও শূন্যতা আমাদের চিত্তের মধ্যে ঘনীভূত করিয়া দিয়াছেন। কবি যদি শকুন্তলাকে কথাশ্রমের মধ্যে ফিরাইয়া লইয়া একরূপ চূপ করিয়াও থাকিতেন, তবে সেই আশ্রম কথা কহিত। সেখানকার তরুলতার ক্রন্দন, সখীজনের বিলাপ, আপনিই আমাদের অস্তরের মধ্যে ধ্বনিত হইতে থাকিত। কিন্তু অপরিচিত মারীচের তপোবনে সমস্তই আমাদের নিকট স্তব্ধ, নীরব— কেবল বিশ্ববিরহিত শকুন্তলার নিয়মসংযত ধৈর্যগম্ভীর অপরিমেয় দুঃখ আমাদের মানসনেত্রের সম্মুখে ধ্যানাসনে বিরাজমান। এই ধ্যানমগ্ন দুঃখের সম্মুখে কবি একাকী দাঁড়াইয়া আপন ওষ্ঠাধরের উপরে তর্জনী স্থাপন করিয়াছেন এবং এই নিষেধের সংকেতে সমস্ত প্রপঞ্চকে নীরব ও সমস্ত বিশ্বকে দূরে অপসারিত করিয়া রাখিয়াছেন।

দুঃস্বপ্ন এখন অমুতাপে দগ্ধ হইতেছেন। এই অমুতাপ তপস্বী। এই অমুতাপের ভিতর দিয়া শকুন্তলাকে লাভ না করিলে শকুন্তলালাভের কোনো গৌরব ছিল না। হাতে পাইলেই যে পাওয়া, তাহা পাওয়া

নহে— লাভ করা অত সহজ ব্যাপার নয়। যৌবনমত্ততার আকস্মিক ঝড়ে শকুন্তলাকে এক মুহূর্তে উড়াইয়া লইলে তাহাকে সম্পূর্ণভাবে পাওয়া যাইত না। লাভ করিবার প্রকৃষ্ট প্রণালী সাধনা, তপস্বী। যাচা অনায়াসেই হস্তগত হইয়াছিল তাচা অনায়াসেই হারাষ্টয়া গেল। যাচা আনন্দেশ্বর মুষ্টিতে আশ্রিত হয় তাচা শিথিলভাবই স্থলিত হইয়া পড়ে। সেইজন্য কবি পরম্পরকে যথার্থভাবে চিরস্থানভায়ে লাভের জন্য ছুয়াস্ত-শকুন্তলাকে দীর্ঘদুঃসহ তপস্যায় প্রবৃত্ত করিলেন। রাজসভায় প্রবেশ করিবারাত্র ছুয়াস্ত যদি তৎক্ষণাৎ শকুন্তলাকে গ্রহণ করিতেন, তবে শকুন্তলা তৎসপদিকার দলবৃদ্ধি করিয়া তাঁহার অদরোধের একপ্রায়ে স্থান পাইত। বহুবল্লভ রাজার এমন বড় স্তম্ভক প্রেমসী কণকালীন সৌভাগ্যের স্বত্বটুকু মাত্র লইয়া অনাদরের অন্ধকারে অনাবশ্যক জীবন যাপন করিতেন।— ‘সকলক্রতপ্রণয়েহয়ং জনঃ।’

শকুন্তলায় সৌভাগ্যদশতই ছুয়াস্ত নির্ভর কঠোরতার সহিত তাহাকে পরিহার করিয়াছিলেন। নিঃস্বদের উপর নিঃস্বদের সেই নির্ভরতার প্রত্যভিঘাতই ছুয়াস্তকে শকুন্তলা সম্বন্ধে আর অচেতন থাকিতে দিল না, অহরহ পদমঃদনীর উত্তাপে শকুন্তলা তাঁহার দিগলিত হৃদয়ের সহিত মিশ্রিত হইতে লাগিল, তাহার অপরদাহিরক ওড়াপ্রাপ্ত করিয়া দিল। এমন অভিজ্ঞতা রাজার জীবন করনা হয় নাই— তিনি যথার্থ প্রেমের উপায় ও অদমদ পান নাই। রাজা বলিয়া এ-সম্বন্ধে তিনি হতভাগ্য। ইচ্ছা তাঁহার অনায়াসেই মিটে বলিয়াই সাধনার ধন তাঁহার অন্যন্ত ছিল। এখানে বিধাতা কঠিন দুঃখের মধ্য ফেলিয়া রাজাকে প্রকৃত প্রেমের অধিকারী করিয়াছেন— এখন হইতে তাঁহার নাগদিকবৃত্তি একবারে বন্ধ।

এইরূপে কালিদাস পাপকে হৃদয়ের ভিতর দিক হইতে আপনার অনলে আপনি দগ্ধ করিয়াছেন— বাহির হইতে তাহাকে ছাইচাপা দিয়া রাখেন নাই। সমস্ত অমঙ্গলের নিঃশেষে অগ্নিসংকার করিয়া তবে

নাটকখানি সমাপ্ত হইয়াছে ; পাঠকের চিত্ত একটি সংশয়হীন পরিপূর্ণ পরিণতির মধ্যে শান্তিলাভ করিয়াছে । বাহির হইতে অকস্মাৎ বীজ পড়িয়া যে বিষবৃক্ষ জন্মে, তিতর হইতে গভীরভাবে তাহাকে নিমূল না করিলে তাহার উচ্ছেদ হয় না । কালিদাস ছয়শত-শকুন্তলার বাহিরের মিলনকে ছুঃখ-কাটা পথ দিয়া লইয়া গিয়া অভ্যন্তরের মিলনে সার্থক করিয়া তুলিয়াছেন । এইজগুই কবি গেটে বলিয়াছেন, “তরুণ বৎসরের ফুল ও পরিণত বৎসরের ফল, মর্ত্য এবং স্বর্গ যদি কেহ একাধারে পাইতে চায়, তবে শকুন্তলায় তাহা পাওয়া যাইবে ।”

শকুন্তলাকে আমরা কাব্যের আরম্ভে একটি নিষ্কলুষ সৌন্দর্যলোকের মধ্যে দেখিলাম— সেখানে সরল আনন্দে সে আপন সখীজন ও তরুলতা যুগের সহিত মিশিয়া আছে । সেই স্বর্গের মধ্যে অলক্ষ্য অপরাধ আসিয়া প্রবেশ করিল— স্বর্গসৌন্দর্য কীটদষ্ট পুষ্পের ন্যায় বিকীর্ণ, মস্ত হইয়া পড়িয়া গেল । তাহার পরে লজ্জা, সংশয়, ছুঃখ, বিচ্ছেদ, অমুতাপ । এবং সর্বশেষে বিস্ময়জনক উন্নততর স্বর্গলোকের ক্ষমা, শ্রীতি ও শান্তি । শকুন্তলাকে একটি Paradise Lost এবং Paradise Regained বলা-যাইতে পারে ।

প্রথম স্বর্গটি বড়ো মুছ এবং অরক্ষিত— যদিও তাহা সুন্দর এবং সম্পূর্ণ টে, কিন্তু পদ্যপত্রের শিশিরের মতো তাহা সন্ধ্যাপাতী । এই সংকীর্ণ স্পূর্ণতার সৌকুমার্য হইতে মুক্তি পাওয়াই ভাল:— ইচ্ছা চিরদিনের হে এবং ইচ্ছাতে আমাদের সর্বাঙ্গীণ তৃপ্তি নাই । অপরাধ মস্ত গজের যি আসিয়া এখানকার পদ্যপত্রের বেড়া ভাঙিয়া দিল, আলোড়নের কোণে সমস্ত চিত্তকে উন্নীত করিয়া তুলিল । সহজ স্বর্গ এইরূপ হইবেই নষ্ট হইল, বাকি রহিল সাধনার স্বর্গ । অমুতাপের দ্বারা পশ্চার দ্বারা সেই স্বর্গ যখন জিত হইল, তখন আর কোনো শঙ্কা রহিল । এ স্বর্গ শাস্ত ।

মানুষের জীবন এইরূপ— শিশু যে সরল স্বর্গে থাকে, তাহা সুন্দর, তাহা সম্পূর্ণ, কিন্তু ক্ষুদ্র। মধ্যবয়সের সমস্ত বিকল্প ও বিকোভ, সমস্ত অপরাধের আঘাত ও অমুতাপের দাঙ্ জীবনের পূর্ণবিকাশের পক্ষে আবশ্যিক। শিশুকালের শাস্তির মধ্য চট্‌তে বাহির হইয়া সংসারের বিরোধনিপ্লবের মতো না পড়িলে পবিত্র বয়সের পরিপূর্ণ শাস্তির আশা রুখা। প্রভাতের স্নিগ্ধতাকে মধ্যাহ্নতাপ দগ্ধ করিয়া তদেই সায়াকুর লোকলোকান্তরব্যাপী বিরাম। পাপে-অপরাধে ক্রমভঙ্গুরকে ভাঙিয়া দেয়, এবং অমুতাপে বেদনায় চিদস্থায়াকে গুড়িয়া তোলে। শকুন্তলা কাব্যে কবি সেই স্বর্গচ্যুতি চট্‌তে স্বর্গপ্রাপ্তি পর্যন্ত সমস্ত বিবৃত করিয়াছেন।

বিশ্বপ্রকৃতি যেমন বাহিরে প্রশান্ত সুন্দর, কিন্তু তাহার প্রচণ্ড শক্তি অহরহ অত্যন্তরে কাজ করে, অভিজ্ঞানশকুন্তল নাটকখানির মধ্য আমরা তাহার প্রতিক্রম দেখিতে পাই। ছব্যস্ত-শকুন্তলাদ মধ্য যেটুকু প্রেমালাপ আছে, তাহা অত্যন্ত সংক্ষিপ্ত, তাহার অধিকাংশই আভাসে ইঙ্গিত ব্যক্ত হইয়াছে, কালিনাস কোথাও বেশ আলাপ করিয়া দেন নাই। অন্য কবি যেখানে লেখনীকে নোড় দিবার অবসর অনুমতি করিত, তিনি সেইখানেই তাহার চট্‌তে নিবস্ত করিয়াছেন। ছব্যস্ত তপোবন হইতে বাজধানীতে ফিরিয়া গিয়া শকুন্তলাদ কোনো খোজ লইতেছেন না। এই উপলক্ষা বিলাপপবিত্রতাপের কথা অনেক হইতে পারিত, তবু শকুন্তলার মুখে কবি একটি কথাও দেন নাই। কেবল ছব্যস্তের প্রতি আতিথেয় অনন্যদান লক্ষ্য করিয়া হতভাগিনীর অবস্থার আমরা যথাসম্ভব করণা করিতে পারি। শকুন্তলার প্রতি কথের একান্ত স্নেহ বিদায়কালে কী সক্রম গাঞ্জীর্থ ও সংযমের সহিত কত অল্প কথাতেই ব্যক্ত হইয়াছে। অমুসুয়া-প্রিয়ংবদার সখীবিচ্ছেদবেদনা ক্রমে ক্রমে দুটি-একটি কথায় যেন বাধ লঙ্ঘন করিবার চেষ্টা করিয়া তখন

আবার অস্তরের মধ্যে নিরস্ত হইয়া যাইতেছে। প্রত্যাখ্যান-দৃশ্যে ভয়, লজ্জা, অভিমান, অনুনয়, ভৎসনা, বিলাপ, সমস্তই আছে, অথচ কত অস্তরের মধ্যে। যে শকুন্তলা সুখের সময় সরল অসংশয়ে আপনাকে বিসর্জন দিয়াছিল, দুঃখের সময় দারুণ অপমানকালে সে যে আপন হৃদয়বৃত্তির অপ্রগল্ভ মর্যাদা এমন আশ্চর্য সংযমেব সহিত রক্ষা করিবে, এ কে মনে করিয়াছিল। এই প্রত্যাখ্যানের পন্থা নীচতা কী ব্যাপক, কী গভীর। কথ নীরব, অননুয়া-প্রিয়ংবদা নীরব, মালিনীতীর-তপোবন নীরব। সর্বাপেক্ষা নীরব শকুন্তলা। হৃদয়বৃত্তিকে আলোড়ন করিয়া তুলিবার এমন অবসর কি আর কোনো নাটকে এমন নিঃশব্দে উপেক্ষিত হইয়াছে। ছ্যাস্তুর অপবাধকে ছ্যাসাব শাপের আচ্ছাদনে আবৃত করিয়া রাখা, সেও কবির সংযম। দুষ্ট প্রবৃত্তিব হুরস্তপনাকে অব্যাহিতভাবে উচ্ছ্বলভাবে দেখাইবার যে-প্রলোভন, তাহাও কবি সংবরণ করিয়াছেন। তাঁহার কাব্যলক্ষী তাঁহাকে নিষেধ করিয়া বলিয়াছেন :

ন ধলু ন পলু বাণঃ সন্নিপাত্যোহরমস্মিন্

মূছনি মৃগশরীরে পুষ্পরাশাবিবাগ্নিঃ ।

ছ্যাস্ত যখন কাব্যের মধ্যে বিপুল বিক্ষোভের কাবণ লইয়া মস্ত হইয়া প্রবেশ করিলেন, তখন কবির অস্তরের মধ্যে এই ধ্বনি উঠিল :

মূর্তো বিয়স্তপস ইব নো ভিন্নসারঙ্গযুগো

ধর্মারণ্যং প্রবিশতি গজঃ স্তম্বনালোকভীতঃ ।

তপস্তার মূর্তিমান বিয়ের ঞ্চায় গজবাজ ধর্মারণ্যে প্রবেশ করিয়াছে। এইবার বুঝি কাব্যের শান্তিভঙ্গ হয়— কালিদাস তখনি ধর্মারণ্যের, কাব্যকাননের এই মূর্তিমান বিয়্যকে শাপের বন্ধনে সংযত করিলেন ; ইহাকে দিয়া তাঁহার পদ্যবনের পঙ্ক আলোড়িত করিয়া তুলিতে দিলেন না।

যুরোপীয় কবি হইলে এইখানে সাংসারিক সত্যের নকল করিতেন—
সংসারে ঠিক যেমন, নাটকে তাহাই ঘটাইতেন। শাপ ও অলৌকিক
ব্যাপারের দ্বারা কিছুই আবৃত করিতেন না। যেন তাঁহাদের 'পরে
সমস্ত দাবি কেবল সংসারের, কাব্যের কোনো দাবি নাই। কালিদাস
সংসারকে কাব্যের চেয়ে বেশি খাতির করেন নাই; পদে ঘাটে যাহা
ঘটিয়া থাকে তাহাকে নকল করিতেই হইবে, এমন দাসত্ব তিনি
কাহাকেও লিগিয়া দেন নাই— কিন্তু কাব্যের শাসন কবিকে মানিতেই
হইবে। কাব্যের প্রত্যেক ঘটনাটিকে সমস্ত কাব্যের সহিত তাঁহাকে
থাপ খাওয়াইয়া লইতেই হইবে। তিনি সত্যের আভ্যন্তরিক মূর্তিকে
অক্ষুণ্ণ রাখিয়া সত্যের বাহ্য মূর্তিকে তাঁহার কলাসৌন্দর্যের সহিত সংগত
করিয়া লইয়াছেন। তিনি অমৃতাপ ও তপস্বীকে সমুজ্জ্বল করিয়া
দেখাইয়াছেন, কিন্তু পাপকে তিব্বতদেব দ্বারা কিঞ্চিৎ প্রচ্ছন্ন করিয়াছেন।
শকুন্তলা নাটক প্রথম হইতে শেষ পর্যন্ত যে-একটি শাস্তি সৌন্দর্য ও
সংযমের দ্বারা পরিবেষ্টিত, এইরূপ না করিলে তাহা বিপর্যস্ত হইয়া
যাইত। সংসারের নকল ঠিক হইত, কিন্তু কাব্যলক্ষী সূকঠার আঘাত
পাইতেন। কবি কালিদাসের করুণনিপুণ লেখনীর দ্বারা তাহা কখনোই
সম্ভবপর হইত না।

কবি এইরূপ বাহিরের শাস্তি ও সৌন্দর্যকে কোথাও অতিমাত্র
ক্ষুণ্ণ না করিয়া তাঁহার কাব্যের আভ্যন্তরিক শক্তিকে নিস্তরতার মধ্যে
সর্বদা সক্রিয় ও স্বেচ্ছা করিয়া রাখিয়াছেন। এমন কি, তাঁহার তপোবনের
বহিঃপ্রকৃতি ও সর্বদা অন্তরের কাছেই যোগ দিয়াছে। কখনো-বা তাহা
শকুন্তলার যৌবননীলার আপনার লীলামাধুর্য অর্পণ করিয়াছে, কখনো-বা
মঙ্গল-আশীষদের সহিত আপনার কল্যাণ-মর্মর মিশ্রিত করিয়াছে,
কখনো-বা বিচ্ছিন্নকাঙ্গীন ব্যাকুলতার সহিত আপনার মুক বিদায়বাণী
করণা জড়িত করিয়া দিয়াছে এবং অপরূপ মঙ্গলে শকুন্তলার চরিত্রের

মধ্যে একটি পবিত্র নির্মলতা, একটি স্নিগ্ধ মাধুর্যের রশ্মি নিয়ত বিকীর্ণ করিয়া রাখিয়াছে। এই শকুন্তলাকাব্যে নিস্তরতা যথেষ্ট আছে, কিন্তু সকলের চেয়ে নিস্তরভাবে অথচ ব্যাপকভাবে কবির তপোবন এই কাব্যের মধ্যে কাজ করিয়াছে। সে-কাজ টেম্পেস্টের এরিয়েলের ঞায় শাসনবদ্ধ দাসত্বের বাহ্য কাজ নহে— তাহা সৌন্দর্যের কাজ, প্রীতির কাজ, আত্মীয়তার কাজ, অভ্যস্তরের নিগূঢ় কাজ।

টেম্পেস্টে শক্তি, শকুন্তলায় শান্তি; টেম্পেস্টে বলের দ্বারা জয়, শকুন্তলায় মঙ্গলের দ্বারা সিদ্ধি; টেম্পেস্টে অর্ধপথে ছেদ, শকুন্তলায় সম্পূর্ণতায় অবসান। টেম্পেস্টে মিরান্দা সরল মাধুর্যে গঠিত, কিন্তু সে সরলতার প্রতিষ্ঠা অজ্ঞতা-অনভিজ্ঞতার উপরে; শকুন্তলার সরলতা অপরাধে দুঃখে অভিজ্ঞতায় ধৈর্যে ও ক্ষমায় পরিপক, গম্ভীর ও স্থায়ী। গেটের সমালোচনার অনুসরণ করিয়া পুনবার বলি, শকুন্তলায় আরম্ভেব তরুণ সৌন্দর্য মঙ্গলময় পরম পরিণতিতে সফলতা লাভ করিয়া মর্ত্যকে স্বর্গের সহিত সম্মিলিত করিয়া দিয়াছে।

ছেলে-ভুলানো ছড়া

বাংলাভাষায় ছেলে ভুলাইবার জন্য যে-সকল মেয়েলি ছড়া প্রচলিত আছে, কিছুকাল হইতে আমি তাহা সংগ্রহ করিতে প্রবৃত্ত ছিলাম। আমাদের ভাষা এবং সমাজের ইতিহাস নির্ণয়ের পক্ষে সে ছড়াগুলির বিশেষ মূল্য থাকিতে পারে, কিন্তু তাহাদের মধ্যে যে একটি সহজ স্বাভাবিক কাব্যরস আছে, সেইটিই আমার নিকট অধিকতর আদরণীয় বোধ হইয়াছিল।

আমার কাছে কোন্টা ভালো লাগে বা না লাগে এই কথা বলিয়া সমালোচনার মুখ বন্ধ করিতে ভয় হয়। কাব্য, বাহারা সুনিপুণ সমালোচক, এরূপ রচনাকে তাঁহারা অহমিকা বলিয়া অপরাধ লইয়া থাকেন।

কিন্তু আজ আমি যে-কথা বলিতে বসিয়াছি তাহার মধ্যে আত্ম-কথার কিঞ্চিৎ অংশ থাকিতেই হইবে। ছেলে-ভুলানো ছড়ার মধ্যে আমি যে দৃশ্যাদি কবি, ছেলেরলাকার স্মৃতি হইতে তাহাকে বিচ্ছিন্ন করিয়া দেখা আমার পক্ষে অসম্ভব। এই ছড়াগুলির মাধুর্য কতটা নিজেব বাল্যস্মৃতি এবং কতটা সাহিত্যের চিবস্বায়ী আদর্শের উপর নির্ভর করিতেছে, তাহা নির্ণয় করিবার উপযুক্ত বিশ্লেষণশক্তি বর্তমান লেখকের নাই। এ-কথা গোড়াতেই কবুল করা ভালো।

‘বৃষ্টি পড়ে টাপুব টুপুর নদী এল বান’ এই ছড়াটি বাল্যকালে আমার নিকট মোহমন্ত্রের মতো ছিল এবং সেই মোহ এখনও আমি ভুলিতে পারি নাই। আমি আমার সেই মনের মুগ্ধ অবস্থা স্মরণ করিয়া না দেখিলে স্পষ্ট বুঝিতে পারিব না ছড়ার মাধুর্য এবং উপযোগিতা।

কী। বুদ্ধিতে পারিব না, কেন এত মহাকাব্য এবং খণ্ডকাব্য, এত তত্ত্বকথা এবং নীতিপ্রচার, মানবের এত প্রাণপণ প্রযত্ন, এত গলদঘর্ম ব্যায়াম প্রতিদিন ব্যর্থ এবং বিস্মৃত হইতেছে, অথচ এই সকল অসংগত অর্থহীন যদৃচ্ছাকৃত শ্লোকগুলি লোকস্মৃতিতে চিরকাল প্রবাহিত হইয়া আসিতেছে।

এই সকল ছড়ার মধ্যে একটি চিরত্ব আছে। কোনোটির কোনো কালে কোনো রচয়িতা ছিল বলিয়া পরিচয়মাত্র নাই এবং কোন্ শকের কোন্ তারিখে কোন্টা রচিত হইয়াছিল এমন প্রশ্ন কাহারও মনে উদয় হয় না। (এই স্বাভাবিক চিরত্বগুণে ইহারা আজ রচিত হইলেও পুরাতন এবং সহস্র বৎসর পূর্বে রচিত হইলেও নূতন।)

ভালো করিয়া দেখিতে গেলে শিশুর মতো পুরাতন আর কিছুই নাই। দেশ কাল শিক্ষা প্রথা অনুসারে বয়স্ক মানবের কত নূতন পরিবর্তন হইয়াছে, কিন্তু শিশু শত সহস্র বৎসর পূর্বে যেমন ছিল আজও তেমনি আছে; সেই অপরিবর্তনীয় পুরাতন বারংবার মানবের ঘরে শিশুমূর্তি ধরিয়া জন্মগ্রহণ করিতেছে— অথচ সর্বপ্রথম দিন সে যেমন নবীন, যেমন সুকুমার, যেমন মূঢ়, যেমন মধুর ছিল, আজও ঠিক তেমনি আছে। (এই নবীন চিরত্বের কারণ এই যে, শিশু প্রকৃতির সৃজন; কিন্তু বয়স্ক মানুষ বহুলপরিমাণে মানুষের নিজস্ব রচনা।) তেমনি ছড়াগুলিও শিশুসাহিত্য; তাহারা মানব-মনে আপনি জন্মিয়াছে।

আপনি জন্মিয়াছে এ-কথা বলিবার একটু বিশেষ তাৎপর্য আছে।— স্বভাবত আমাদের মনের মধ্যে বিশ্বজগতের প্রতিবিম্ব এবং প্রতিধ্বনি ছিন্নবিচ্ছিন্নভাবে ঘুরিয়া বেড়ায়। তাহারা বিচিত্র রূপ ধারণ করে এবং অকস্মাৎ প্রসঙ্গ হইতে প্রসঙ্গান্তরে গিয়া উপনীত হয়। যেমন বাতাসের মধ্যে পথের ধূলি, পুষ্পের রেণু, অসংখ্য গন্ধ, বিচিত্র শব্দ, বিচ্ছিন্ন পল্লব, জলের শীকর, পৃথিবীর বাষ্প— এই আবর্তিত আলোড়িত জগতের

বিচিত্র উৎকৃষ্ট উদ্ভীর্ণ খণ্ডাংশসকল—সর্বদাই নিরর্থকভাবে ঘুরিয়া ফিরিয়া বেড়াইতেছে, আমাদের মনের মধ্যেও সেইরূপ। সেখানেও আমাদের নিত্যপ্রবাহিত চেতনার মধ্যে কত বর্ণ-গন্ধ-শব্দ-কল্পনার বাষ্প, কত চিন্তার আভাস, কত ভাষার ছিন্ন খণ্ড, আমাদের ব্যবহার-জগতের কত শত পরিত্যক্ত নিস্কৃত বিচ্যুত পদার্থসকল অলক্ষিত অনাবশ্যক ভাবে ভাসিয়া ভাসিয়া বেড়ায়।

যখন আমরা সচেতনভাবে কোনো একটা বিশেষ দিকে লক্ষ্য করিয়া চিন্তা করি তখন এই সমস্ত গুঞ্জন ধামিয়া যায়, এই সমস্ত রেণুজাল উড়িয়া যায়, এই সমস্ত ছায়াময়ী মরীচিকা মুহূর্তের মধ্যে অপসারিত হয়, আমাদের কল্পনা, আমাদের বুদ্ধি একটা বিশেষ ঐক্য অবলম্বন করিয়া একাগ্রভাবে প্রবাহিত হইতে থাকে। আকাশে পাখির ডাক, পাতার মর্মর, জলের কল্লোল, লোকালয়ের মিশ্রিত ধ্বনি, ছোটো বড়ো কত সহস্র প্রকার কলশব্দ নিরন্তর ধ্বনিত হইতেছে, এবং আমাদের চতুর্দিকে কত কম্পন কত আন্দোলন, কত গমন কত আগমন, ছায়ালোকের কতই চঞ্চল লীলাপ্রবাহ প্রতিনিয়ত আকর্ষিত হইতেছে— অথচ তাহার মধ্যে কতই যৎসামান্য অংশ আমাদের গোচর হইয়া থাকে ; (তাহার প্রধান কারণ এই যে, ধীরে ধীরে গ্রাম আশানের মন ঐক্যজাল ফেলিয়া একেবারে এক ক্ষেপে যতখানি ধরিতে পারে সেইটুকু গ্রহণ করে, বাকি সমস্তই তাহাকে এড়াইয়া যায়।) সে যখন দেখে তখন ভালো করিয়া শোনে না, যখন শোনে তখন ভালো করিয়া দেখে না এবং সে যখন চিন্তা করে তখন ভালো করিয়া দেখেও না শোনেও না। তাহার উদ্দেশ্যের পথ হইতে সমস্ত অনাবশ্যক পদার্থকে সে অনেকটা পরিমাণে দূর করিয়া দিতে পারে।

কিন্তু সহজ অবস্থায় আমাদের মানসাকাশে স্বপ্নের মতো যে-সকল ছায়া, এবং শব্দ যেন কোন্ অলক্ষ্য বায়ুপ্রভাবে দৈবচালিত হইয়া কখনও

সংলগ্ন কখন বিচ্ছিন্নভাবে বিচিত্র আকার ও বর্ণ পরিবর্তনপূর্বক ক্রমাগত মেঘরচনা করিয়া বেড়াইতেছে, তাহারা যদি কোনো অচেতন পটের উপর নিজের প্রতিবিম্বপ্রবাহ চিহ্নিত করিয়া যাইতে পারিত, তবে তাহার সহিত আমাদের আলোচ্য এই ছড়াগুলির অনেক সাদৃশ্য দেখিতে পাইতাম। (এই ছড়াগুলি আমাদের নিয়তপরিবর্তিত অন্তরাকাশের ছায়ামাত্র, তরল স্বচ্ছ সরোবরের উপর মেঘকীড়িত নভোমণ্ডলের ছায়ার মতো) সেইজন্যই বলিয়াছিলাম, ইহা বা আপনি জন্মিয়াছে।

উদাহরণস্বরূপে এইখানে দুই-একটি ছড়া উদ্ধৃত করিবার পূর্বে পাঠকদের নিকট মার্জনা ভিক্ষা করি। প্রথমত, এই ছড়াগুলির সংগ্রহ চিরকাল যে স্নেহাদ্র' সরল মধুর কণ্ঠ ধ্বনিত হইয়া আসিয়াছে, আমার মতো মর্যাদাতীক গম্ভীরস্বভাব বয়স্ক পুরুষের লেখনী হইতে স্বে-ধ্বনি কেমন করিয়া ক্ষরিত হইবে। পাঠকগণ আপন গৃহ হইতে, আপন বাল্যস্মৃতি হইতে সেই সুধানিষ্ক সুরটুকু মনে মনে সংগ্রহ করিয়া লইবেন। ইহার সহিত যে স্নেহটি, যে সংগীতটি, যে সন্ধ্যাপ্রদীপালোকিত সৌন্দর্য-ছবিটি চিরদিন একাত্মভাবে মিশ্রিত হইয়া আছে, সে আমি কোন্ মোহমত্তে পাঠকদের সম্মুখে আনিয়া উপস্থিত করিব।

দ্বিতীয়ত, আটঘাটবাধা রীতিমতো সাধুভাষার প্রবন্ধের মাঝখানে এষ্ট সমস্ত গৃহচারিণী অক্লতবেশা অসংস্কৃত ছড়াগুলিকে দাঁড় করা হইয়া দিলে তাহাদের প্রতি কিছু অত্যাচার করা হয়, যেন আদালতের সাক্ষ্যমঞ্চের বধূকে উপস্থিত করিয়া জেরা করা। কিন্তু উপায় নাই। আদালতের নিয়মে আদালতের কাজ হয়, প্রবন্ধের নিয়মানুসারে প্রবন্ধ রচনা করিতে হয়— নির্দুরতাটুকু অপরিহার্য।

যমুনাবতী সরস্বতী কাল যমুনার বিয়ে।

যমুনা যাবেন স্বপ্নবাড়ি কামিতলা দিয়ে।

কাজিফুল কুড়োতে গেরে গেলুম মালা ।
 হাত-ঝুমঝুম পা-ঝুমঝুম সীতারামের খেলা ॥
 নাচো তো সীতারাম কাকাল বেকিয়ে ।
 আলোচাল দেব টাপাল ভরিয়ে ॥
 আলোচাল খেতে খেতে গলা হোলো কাঠ ।
 হেথায় তো মল নেই ত্রিপুর্নির ঘাট ॥
 ত্রিপুর্নির ঘাটে দুটো মাছ ভেসেছে ।
 একটি নিলেন গুণ্ঠাকুর একটি নিলেন কে ।
 তার বোনকে বিয়ে করি ওড়ফুল দিয়ে ॥
 ওড়ফুল ষড়োতে হয়ে গেল বেলা ।
 তার বোনকে বিয়ে করি ঠিক দুপুর বেলা ॥

ইহার মধ্য ভাবের পরস্পরস্বক নাই, সে-কথা নিতান্ত পক্ষপাতী সমালোচককেও স্বীকার করিতে হইবে। কতকগুলি অসংলগ্ন ছবি নিতান্ত সামান্য প্রসঙ্গসূত্র অবলম্বন করিয়া উপস্থিত হইয়াছে। দেখা যাইতেছে কোনো প্রকার বাছ-বিচার নাই। যেন কবিত্বের সিংহদ্বারে নিস্তক শারদ মধ্যাহ্নের মধুর উত্তাপ দ্বারবান বেটা দিব্য পা ছড়াইয়া দিয়া ঘুমাইয়া পড়িয়াছে। কথাগুলো ভাবগুলো কোনো প্রকার পরিচয় প্রদানের অপেক্ষা না রাখিয়া, কোনোরূপ উপলক্ষ্য অন্বেষণ না করিয়া, অনায়াসে তাহার পা ডিঙাইয়া, এমন কি, মাঝে মাঝে লঘুকরস্পর্শে তাহার কান মলিয়া দিয়া কল্পনার অন্তর্ভুক্তি মায়াপ্রাসাদে ইচ্ছাসুখে আনাগোনা করিতেছে। (দ্বারবানটা যদি তুলিতে তুলিতে হঠাৎ একবার চমক খাইয়া জাগিয়া উঠিত, তবে সেই মুহূর্তেই তাহার কে কোথায় দৌড় দিত তাহার আর ঠিকানা পাওয়া যাইত না।)

যমুনাবতী সরস্বতী যিনিই হউন, আগামী কল্য যে তাঁহার শুভ-বিবাহ সে-কথার স্পষ্টই উল্লেখ দেখা যাইতেছে। অবশ্য বিবাহের পর যথাকালে কাজিতলা দিয়া যে তাঁহাকে খণ্ডরবাড়ি যাইতে হইবে,

সে-কথা আপাতত উত্থাপন না করিলেও চলিত ; যাহা হউক তথাপি কথাটা নিতান্তই অপ্রাসঙ্গিক হয় নাই। কিন্তু বিবাহের জন্ত কোনো প্রকার উদ্যোগ অথবা সেজন্ত কাহারও তিলমাত্র ঐশুক্য আছে, এমন কিছুই পরিচয় পাওয়া যায় না। ছড়ার রাজ্য তেমন রাজ্যই নহে। সেখানে সকল ব্যাপারই এমন অনায়াসে ঘটিতে পারে এবং এমন অনায়াসে না-ঘটিতেও পারে যে, কাহাকেও কোনো-কিছুর জন্তই কিছুমাত্র দুশ্চিন্তাগ্রস্ত বা ব্যস্ত হইতে হয় না। অতএব আগামী কল্যা শ্রীমতী যমুনাবতীর বিবাহের দিন স্থির হইলেও সে-ঘটনাকে বিন্দুমাত্র প্রাধান্য দেওয়া হয় নাই। তবে সে-কথাটা আদৌ কেন উত্থাপিত হইল, তাহার জবাবদিহির জন্তও কেহ ব্যস্ত নহে। কাজিফুল যে কী ফুল আমি নগরবাসী তাহা ঠিক করিয়া বলিতে পারি না, কিন্তু ইহা স্পষ্ট অনুমান করিতেছি যে, যমুনাবতী নামক কন্যাটির আসন্ন বিবাহের সহিত উক্ত পুষ্পসংগ্রহের কোনো যোগ নাই। এবং হঠাৎ মাঝখান হইতে সীতারাম কেন যে হাতের বলয় এবং পায়ের নুপুর ঝুমঝুম করিয়া নৃত্য আরম্ভ করিয়া দিল, আমরা তাহার বিন্দুবিসর্গ কারণ দেখাইতে পারি না। আলোচালের প্রলোভন একটা মস্ত কারণ হইতে পারে, কিন্তু সেই কারণ আমাদেরকে সীতারামের আকস্মিক নৃত্য হইতে ভলাইয়া হঠাৎ ত্রিপুরার ঘাটে আনিয়া উপস্থিত করিল। সেই ঘাটে দুটি মৎস্ত ভাসিয়া উঠা কিছুই আশ্চর্য নহে বটে, কিন্তু বিশেষ আশ্চর্যের বিষয় এই যে, দুটি মৎস্তের মধ্যে একটি মৎস্ত যে-লোক লইয়া গেছে তাহার কোনোরূপ উদ্দেশ্য না পাওয়া সত্ত্বেও আমাদের দৃঢ়প্রতিজ্ঞ রচয়িতা কী কারণে তাহারই ভগিনীকে বিবাহ করিবার জন্ত হঠাৎ স্থিরসংকল্প হইয়া বসিলেন, অথচ প্রচলিত বিবাহের প্রথা সম্পূর্ণ উপেক্ষা করিয়া একমাত্র ওড়ফুল সংগ্রহ দ্বারাই শুভকর্মের আয়োজন যথেষ্ট বিবেচনা করিলেন এবং যে-লগ্নটি স্থির করিলেন তাহাও

নূতন অথবা পুরাতন কোনো পত্রিকাকারের মতেই প্রশস্ত
নহে।

এই তো কবিতার বাধুনি। আমাদের হাতে যদি রচনার ভার
ধাকিত, তবে নিশ্চয় এমন কৌশলে প্লট বাধিতাম যাহাতে প্রথমোক্ত
যমুনাবতীই গ্রন্থের শেষ পরিচ্ছেদে সেই ত্রিপুর্নির ঘাটে অনির্দিষ্ট
ব্যক্তির অপরিচ্ছন্ন ভগ্নীরূপে দাঁড়াইয়া যাইত এবং ঠিক মধ্যাহ্নকালে
ওড়ফুলের মালা বদল করিয়া যে গান্ধর্ববিবাহ ঘটিত তাহাতে সহস্র
পাঠকগণেরই হৃদয়লাভ করিতেন।

কিন্তু বালকের প্রকৃতিতে মনের প্রভাপ অনেকটা ক্ষীণ। জগৎ-
সংসার এবং তাহার নিজেদের কল্পনাগুলি তাহাকে বিচ্ছিন্নভাবে আঘাত
কবে, একটার পর আর-একটা আসিয়া উপস্থিত হয়। মনের বন্ধন
তাহার পক্ষে পাঁড়াজনক। সুসংলগ্ন কার্যকারণসূত্র ধরিয়া জিনিসকে
প্রথম হইতে শেষ পর্যন্ত অনুসরণ করা তাহার পক্ষে হুঃসাধ্য। বহি-
জগতে সমুদ্রতীরে বসিয়া বালক বালির ঘর রচনা করে, মানস-জগতের
সিক্ততীরেও সে আনন্দে বসিয়া বালির ঘর বাধিতে থাকে। (বালিতে
বালিতে ছোড়া লাগে না, তাহা স্থায়ী হয় না, কিন্তু বালুকার মধ্যে
এই যোজনশীলতার অভাববশতই বাল্যস্থাপত্যের পক্ষে তাহা
সর্বোৎকৃষ্ট উপকরণ।) যুহুর্ভের মধ্যেই যুঠাযুঠা করিয়া তাহাকে একটা
উচ্চ আকারে পরিণত করা যায়—মনোনীত না হইলে অনায়াসে
তাহাকে সংশোধন করা সহজ এবং শ্রান্তি বোধ হইলেই তৎক্ষণাৎ
পদাঘাত তাহাকে সমভূম করিয়া দিয়া লীলাময় সৃজনকর্তা লঘুহৃদয়ে
বাড়ি ফিবিতে পারে। কিন্তু যেখানে গাধিয়া গাধিয়া কাজ করা
আবশ্যক, সেখানে কতর্ককেও অবিলম্বে কাজের নিয়ম মানিয়া চলিতে
হয়। (বালক নিয়ম মানিয়া চলিতে পারে না, সে সম্প্রতিমাত্র নিয়ম-
হীন ইচ্ছানন্দময় স্বর্গলোক হইতে আসিয়াছে।) আমাদের মতো

সুদীর্ঘকাল নিয়মের দাসত্বে অভ্যস্ত হয় নাই, (এইজন্য সে ক্ষুদ্র শক্তি অনুসারে সমুদ্রতীরে বালির ঘর এবং মনের মধ্যে ছড়ার ছবি স্বেচ্ছামত রচনা করিয়া মর্ত্যলোকে দেবতার জগৎলীলার অনুসরণ করে।)

পূর্বোক্ত ছড়াটিতে সংলগ্নতা নাই, কিন্তু ছবি আছে। কাঙ্ক্ষিতলা, ত্রিপুরার ঘাট এবং ওড়বনের ঘটনাগুলি স্বপ্নের মতো অস্মৃত, কিন্তু স্বপ্নের মতো সত্যবৎ।

স্বপ্নের মতো সত্য বলাতে পাঠকগণ আমার বুদ্ধির সজাগতা সন্দেহে সন্দিহান হইবেন না। অনেক দার্শনিক পণ্ডিত প্রত্যক্ষ জগৎটাকে স্বপ্ন বলিয়া উড়াইয়া দিয়াছেন। কিন্তু সেই পণ্ডিত স্বপ্নকে উড়াইতে পারেন নাই। তিনি বলেন, প্রত্যক্ষ সত্য নাই— তবে কী আছে। না, স্বপ্ন আছে। অতএব দেখা যাইতেছে, (প্রবল বুদ্ধির দ্বারা সত্যকে অস্বীকার করা সহজ কিন্তু স্বপ্নকে অস্বীকার করিবার জো নাই।) কেবল সজাগ স্বপ্ন নহে, নিদ্রাগত স্বপ্ন সন্দেহেও এই কথা খাটে। স্মৃতিবুদ্ধি পণ্ডিতেরও সাধ্য নাই স্বপ্নাবস্থায় স্বপ্নকে অবিশ্বাস করেন। জাগ্রত অবস্থায় তাঁহারা সম্ভব সত্যকেও সন্দেহ করিতে ছাড়েন না, কিন্তু স্বপ্নাবস্থায় তাঁহারা চরমতম অসম্ভবকে অসংশয়ে গ্রহণ করেন। (অতএব বিশ্বাস-জনকতা নামক যে-গুণটি সত্যের সর্বপ্রধান গুণ হওয়া উচিত, সেটি স্বপ্নের যেমন আছে এমন আর কিছুই নাই।)

এতদ্বারা পাঠক এই কথা বুঝিবেন যে, (প্রত্যক্ষ জগৎ আমাদের কাছে ষতটা সত্য, ছড়ার স্বপ্ন-জগৎ নিত্যস্বপ্নদর্শী বালকের নিকট তদপেক্ষা অনেক অধিক সত্য।) এইজন্য অনেক সময় সত্যকেও আমরা অসম্ভব বলিয়া ত্যাগ করি এবং তাহারা অসম্ভবকেও সত্য বলিয়া গ্রহণ করে।

বৃষ্টি পড়ে টাপুর টুপুর নদী এল বান।

শিব ঠাকুরের বিয়ে হোলো তিন কস্তে দান।

এক কণ্ঠে রাধেন নাড়েন, এক কণ্ঠে খান।

এক কণ্ঠে না খেয়ে বাপের বাড়ি যান ॥

এ-বয়সে এই ছড়াটি গুনিবামাত্র বোধ করি প্রথমেই মনে হয়, শিবুঠাকুর যে তিনটি কল্পাকে বিবাহ করিয়াছেন তন্মধ্যে মধ্যমা কল্পাটিই সর্বাপেক্ষা বুদ্ধিমতী। কিন্তু এক বয়স ছিল যখন এতাদৃশ চরিত্র-বিশ্লেষণের ক্ষমতা ছিল না। তখন এই চারিটি ছত্র আমার বাল্যকালের মেঘদূতের মতো ছিল। আমার মানসপটে একটি ঘনমেঘাকার বাদলার দিন এবং উত্তালতরঙ্গিত নদী যুক্তিমান হইয়া দেখা দিত। তাছাড়া পর দেখিতে পাইতাম, সেই নদীর প্রান্তে বালুর চরে গুটিছয়েক পানসি নৌকা বাধা আছে এবং শিবুঠাকুরের নদবিবাহিতা বধূগণ চড়ায় নামিয়া বাধাদাড়া করিতেছেন। সত্য কথা বলিতে কি, শিবুঠাকুরের জীবনটিকে বড়ো সুখের জীবন মনে করিয়া চিত্র কিছু ব্যাকুল হইত। এমন কি, তৃতীয়া বধুঠাকুরানী মর্মস্বিক রাগ করিয়া দ্রুতচরণে বাপের বাড়ি অভিযুক্ত চলিয়াছেন, সেই ছবিতেও আমার এই সুখচিত্রের কিছুমাত্র ব্যাঘাত সংঘন করিতে পারি নাই। এই নির্বোধ তখনও বুঝিতে পারিত না, ঐ একটিমাত্র ছত্র হতভাগ্য শিবুঠাকুরের জীবনে কী এক হৃদয়বিদারক শোকাবহ পরিণাম সূচিত হইয়াছে। কিন্তু পূর্বেই বলিয়াছি, চরিত্রবিশ্লেষণ অপেক্ষা চিত্রবিরচনের দিকেই তখন মনের গতিটা ছিল। এখন বুঝিতে পারিতেছি, হতবুদ্ধি শিবুঠাকুর তদীয় কনিষ্ঠ জায়ার অকস্মাৎ পিতৃগৃহপ্রয়াগ-দৃশ্যটিকে ঠিক মনোরম চিত্র হিসাবে দেখেন নাই।

এই শিবুঠাকুর কি কস্মিন্ কালে কেহ ছিল এক-একবার এ-কথাও মনে উদয় হয়। হয়তো বা ছিল। হয়তো এই ছড়ার মধ্যে পুরাতন বিশ্বত ইতিহাসের অতি ক্ষুদ্র এক ভগ্ন অংশ থাকিয়া গিয়াছে। আর-কোনো ছড়ায় হয়তো বা ইহার আর-এক টুকরা থাকিতে পারে।

এপার গঙ্গা ওপার গঙ্গা মধ্যখানে চর ।
 তারি মধ্যে বসে আছে শিব সদাগর ।
 শিব গেল স্বপ্নবাড়ি বসতে দিল গিঁড়ে ।
 জলপান করিতে দিল শালিধানের চিঁড়ে ।
 শালিধানের চিঁড়ে নয় রে, বিন্দিধানের খই ।
 মোটা মোটা সবরি কলা, কাগমারে দই ।

ভাবে-গতিকে আমার সন্দেহ হইতেছে শিবুঠাকুর এবং শিবু সদাগর লোকটি একই হইবেন । দাম্পত্যসম্বন্ধে উভয়েরই একটু বিশেষ শখ আছে এবং বোধ করি আহারসম্বন্ধেও অবহেলা নাই । উপরস্থ গঙ্গার মাঝখানটিতে যে-স্থানটুকু নির্বাচন করিয়া লওয়া হইয়াছে, তাহাও নব-পরিণীতের প্রথমপ্রণয়যাপনের পক্ষে অতি উপযুক্ত স্থান ।

এইস্থলে পাঠকগণ লক্ষ্য করিয়া দেখিবেন, প্রথমে অনবধানতাক্রমে শিবু সদাগরের জলপানের স্থলে শালিধানের চিঁড়ার উল্লেখ করা হইয়াছিল, কিন্তু পরক্ষণেই সংশোধন করিয়া বলা হইয়াছে, 'শালিধানের চিঁড়ে নয় রে, বিন্দিধানের খই' । যেন ঘটনার সত্যসম্বন্ধে তিলমাত্র স্থলন হইবার জো নাই । অথচ এই সংশোধনের দ্বারা বর্ণিত ফলাহারের খুন যে একটা ইতরবিশেষ হইয়াছে, জামাই-আদর সম্বন্ধে স্বপ্নবাড়ির গৌরব খুব উজ্জলতরূপে পরিস্ফুট হইয়া উঠিয়াছে, তাহাও বলিতে পারি না । কিন্তু এক্ষেত্রে স্বপ্নবাড়ির মর্যাদা অপেক্ষা সত্যের মর্যাদা রক্ষার প্রতি কবির যে অধিক লক্ষ্য দেখা যাইতেছে, তাও ঠিক বলিতে পারি না । বোধ করি ইহাও স্বপ্নের মতো । বোধ করি শালিধানের চিঁড়া দেখিতে দেখিতে পরমুহূর্তে বিন্দিধানের খই হইয়া উঠিয়াছে । বোধ করি শিবুঠাকুরও কখন এমনি করিয়া শিবু সদাগরে পরিণত হইয়াছে, কেহ বলিতে পারে না ।

শুনা যায় মঙ্গল ও বৃহস্পতির কক্ষ মধ্যে কতকগুলি টুকরা গ্রহ আছে । কেহ কেহ বলেন একখানা আস্ত গ্রহ ভাঙিয়া খণ্ড খণ্ড হইয়া

গিয়াছে। এই ছড়াগুলিকেও সেইরূপ টুকরা জগৎ বলিয়া আমার মনে হয়। অনেক প্রাচীন ইতিহাস, প্রাচীন স্মৃতির চূর্ণ অংশ এই-সকল ছড়ার মধ্যে বিক্ষিপ্ত হইয়া আছে, কোনো পুরাতত্ত্ববিৎ আর তাহাদিগকে জোড়া দিয়া এক করিতে পারেন না, কিন্তু আমাদের কল্পনা এই ভগ্নাবশেষগুলির মধ্যে সেই বিস্মৃত প্রাচীন জগতের একটি সুদূর অথচ নিকট পরিচয় লাভ করিতে চেষ্টা করে।

অবশ্য বালকের কল্পনা এই ঐতিহাসিক ঐক্য রচনার জন্ত উৎসুক নহে। তাহার নিকট সমস্তই বর্তমান এবং তাহার নিকট বর্তমানেরই গৌরব। সে কেবল প্রত্যক্ষ ছবি চাহে এবং সেই ছবিকে ভাবের অক্ষরদ্বারা ব্যাপসা করিতে চাহে না।

নিম্নোক্ত ছড়াটির অসংলগ্ন ছবি যেন পাঠির কাঁকের মতো উড়িয়া চলিয়াছে। ইহাদের প্রত্যেকের স্বতন্ত্র ক্রান্তিতে বালকের চিত্ত উপন্যূপরি নদ নদ আঘাত পাঠিয়া বিচলিত হইতে থাকে।

নোটন নোটন পায়রাগুলি কোটন রেখেছে।

বড়োনাচেহের বিবিগুলি নাইতে এসেছে।

দু-পারে দুই কই কাংলা ভেসে উঠেছে।

দাদার হাতে কলম ছিল ছুঁড়ে মেরেছে।

ওপারেতে দুটি মেরে নাইতে নেমেছে।

কুমু কুমু চুলগাচটি ঝড়তে নেগেছে।

কে রেখেছে কে রেখেছে দাদা রেখেছে।

আজ দাদার ঢেলা ফেলা, কাল দাদার বে।

দাদা যাবে কোন্‌খান যে, বকুলতা যে ॥

বকুলফুল কুড়োতে কুড়োতে পেরে গেলুম মালা।

রামধনুকে বাদি বাজে সীতেনাথের খেলা।

সীতেনাপ বলে রে তাই চালকড়াই খাব।

চালকড়াই খেতে খেতে গলা হোলো কাঠ।

হেথা হেথা, জল পাব চিৎপুরের মাঠ।

চিংপুরের মাঠে বালি চিকচিক করে ।

সোনামুখে রোদ বেগে রক্ত কেটে পড়ে ॥

ইহার মধ্যে কোনো ছবিই আমাদেরকে ধরিয়ে রাখে না, আমরাও কোনো ছবিকে ধরিয়ে রাখিতে পারি না। ঝাঁটনবিশিষ্ট নোটন-পায়রাগুলি, বড়োসাহেবের বিবিগণ, দুই পারে ভাসমান দুই কুই-কাংলা, পরপারে স্নাননিরত দুই মেয়ে, দাদার বিবাহ, রামধনুকের বাস্তবসহকারে সীতানাথের খেলা, এবং মধ্যাহ্নরৌদ্রে তপ্তবালুকাচিকণ মাঠের মধ্যে খরতাপক্লিষ্ট রক্তমুখছবি— এ সমস্তই স্বপ্নের মতো। ওপারে যে দুইটি মেয়ে নাহিতে বসিয়াছে এবং দুই হাতের চুড়িতে চুড়িতে বুনুন শব্দ করিয়া চুল ঝাড়িতেছে তাহারা ছবির হিসাবে প্রত্যক্ষ সত্য, কিন্তু প্রাসঙ্গিকতা হিসাবে অপরূপ স্বপ্ন।

এ-কথাও পাঠকদের স্ববনে রাখা কর্তব্য যে, স্বপ্ন রচনা করা বড়ো কঠিন। হঠাৎ মনে হইতে পারে যে, যেমন-তেমন করিয়া লিখিলেই ছড়া লেখা যাইতে পারে। কিন্তু সেই যেমন-তেমন ভাবটি পাওয়া সহজ নহে। সংসারের সকল কার্যই আমাদের এমনি অভ্যাস হইয়া গেছে যে, সহজ ভাবের অপেক্ষা সূচষ্ট ভাবটাই আমাদের পক্ষে সহজ হইয়া দাঁড়াইয়াছে। না ডাকিলেও ব্যস্তবাগীশ চেষ্টা সকল কাজের মধ্যে আপনি আসিয়া হাজির হয়। এবং সে যেখানেই হস্তক্ষেপ করে সেইখানেই ভাব আপন লঘু মেঘাকার ত্যাগ করিয়া দানা বাধিয়া উঠে, তাহার আর বাতাসে উড়িবার ক্ষমতা থাকে না। এইজন্য ছড়া জিনিসটা যাহার পক্ষে সহজ তাহার পক্ষে নিরতিশয় সহজ, কিন্তু যাহার পক্ষে কিছুমাত্র কঠিন তাহার পক্ষে একবারেই অসাধ্য। যাহা সর্বাপেক্ষা সরল তাহা সর্বাপেক্ষা কঠিন; সহজের প্রধান লক্ষণই এই।

পাঠক বোধ করি ইহাও লক্ষ্য করিয়া দেখিয়া থাকিবেন, আমাদের

প্রথমোক্ত ছড়াটির সহিত এই ছড়া কেমন করিয়া মিশিয়া গিয়াছে। যেমন মেঘে মেঘে স্বপ্নে স্বপ্নে মিলাইয়া যায়, এই ছড়াগুলিও তেমনি পরস্পর জড়িত মিশ্রিত হইতে থাকে, সেজন্য কোনো কবি চুরির অভিযোগ করেন না এবং কোনো সমালোচকও ভাববিপর্যয়ের দোষ দেন না। বাস্তবিকই এষ্ট ছড়াগুলি মানসিক মেঘরাজ্যের লীলা, সেখানে সীমা বা আকার বা অধিকার নির্ণয় নাই। সেখানে পুলিশ বা আইনকানুনের কোনো সম্পর্ক দেখা যায় না।

অন্যত্র হইতে প্রাপ্ত নিম্নের ছড়াটির প্রতি মনোযোগ করিয়া দেখুন।

ওপারে জন্তি গাছটি জন্তি বড়ো ফলে।
 গো জন্তির মাথা খেয়ে প্রাণ কেমন করে।
 প্রাণ করে হাইগাই গলা হোলো কাঠ।
 কতকণে যান রে ভাই হরগৌরীর মাঠ।
 হরগৌরীর মাঠ রে ভাই পাকা পাকা পান।
 পান কিনলাম, চুন কিনলাম, নন্দে ভাজে খেলাম।
 একটি পান হারালে দাধাকে ব'লে দেলাম।
 দাদা দাদা ডাক ছাড়ি দাদা নাইকো বাড়ি।
 সুবল সুবল ডাক ছাড়ি সুবল আছে বাড়ি ॥
 আজ সুবলের অধিবাস, কাল সুবলের নিরে।
 সুবল নিরে ঘাঘ আঁম সিংগরের দিঘে।
 সিংগরের মেয়েগুলি নাইতে বসেছে।
 মোটামোটা চুলগুলি গো পেতে বসেছে।
 চিকন চিকন চুলগুলি ঝাড়তে নেগেছে।
 হাতে তাদের দেবনাথ মেঘ নেগেছে ॥
 গলায় তাদের তক্তমালা রক্ত ছুটেছে।
 পরনে তার ডুরে শাড়ি ঘুরে পড়েছে।
 দুই দিকে দুই কাৎলা মাছ ভেসে উঠেছে।
 একটি নিলেন গুরুঠাকুর একটি নিলেন টিমে।

টিয়ের মার বিয়ে ।

নাল পামছা দিয়ে ।

অশখের পাতা ধনে ।

গৌরী বেটি ক'নে ।

নকা বেটা বয় ।

ঢাম কুড়্‌কুড়্‌ বান্দি বাজে চড়কডাঙার ঘর ॥

এই সকল ছড়ার মধ্যে হইতে সত্য অন্বেষণ করিতে গেলে বিষম বিভ্রাটে পড়িতে হইবে। প্রথম ছড়ায় দেখিয়াছি আলোচাল খাইয়া সীতারামনামক নৃত্যপ্রিয় লুক্ক বালকটিকে ত্রিপুর্নির ঘাটে জল খাইতে যাইতে হইয়াছিল ; দ্বিতীয় ছড়ায় দেখিতে পাই সীতানাথ চালকডাই খাইয়া জলের অন্বেষণে চিৎপুরের মাঠে গিয়া উপস্থিত হইয়াছিল ; কিন্তু তৃতীয় ছড়ায় দেখা যাইতেছে— সীতারামও নহে সীতানাথও নহে, পরন্তু কোনো এক হতভাগিনী ভ্রাতৃজ্ঞার বিশেষপদায়ণা ননদিনী জস্তিফল ভক্ষণের পর তৃষাতুর হইয়া হরগৌরীর মাঠে পান খাইতে গিয়াছিল এবং পরে অসাবধানা ভ্রাতৃবধুর তুলু অপরাধটুকু দাদাকে বলিয়া দিবার জন্য পাড়া তোলপাড় করিয়া তুলিয়াছিল।

এই তো তিন ছড়ার মধ্যে অসংগতি। তার পর প্রত্যেক ছড়ার নিজের মধ্যেও ঘটনার ধারাবাহিকতা দেখা যায় না। বেশ বুঝা যায় অধিকাংশ কথাই বানানো। কিন্তু ইহাও দেখিতে পাই, কথা বানাইতে গেলে লোকে প্রমাণের প্রাচুর্য দ্বারা সেটাকে সত্যের অপেক্ষা অধিকতর বিশ্বাসযোগ্য করিয়া তোলে ; অথচ একত্রে সে-পক্ষে খেরালমাত্র নাই। ইহাদের কথা সত্যও নহে মিথ্যাও নহে ; দুইয়ের বা'র। ঐ যে ছড়ার এক জায়গায় সুবলের বিবাহের উল্লেখ আছে, সেটা কিছু অসম্ভব ঘটনা নহে। কিন্তু সত্য বলিয়াও বোধ হয় না। 'দাদা দাদা ডাক ছাড়ি দাদা নাইকো বাড়ি ; সুবল সুবল ডাক ছাড়ি সুবল আছে বাড়ি।'

যেমনি সুবলের নামটা মুখে আসিল অমনিই বাহির হইয়া গেল—‘আজ সুবলের অধিবাস, কাল সুবলের বিয়ে।’ সে-কথাটাও স্থায়ী হইল না, অনতিবিলম্বেই দিগুনগরের দীর্ঘকেশা মেয়েদের কথা উঠিল। স্বপ্নও ঠিক এইরূপ ঘটে। চরিত্রা শব্দসাদৃশ্য অথবা অন্য কোনো অলীক তুচ্ছ সম্বন্ধ অবলম্বন করিয়া মুহূর্তে মুহূর্তে একটা কথা হইতে আর-একটা কথা রচিত হইয়া উঠিতে থাকে। মুহূর্তকাল পূর্বে তাহাদের সম্ভাবনার কোনোই কারণ ছিল না, মুহূর্তকাল পরেও তাহারা সম্ভাবনার রাজ্য হইতে বিনাচেষ্টায় অপমৃত হইয়া যায়। সুবলের বিবাহকে যদি-বা পাঠকগণ তৎকালীন ও তৎস্থানীয় কোনো সত্য ঘটনার আভাস বলিয়া জ্ঞান করেন, তথাপি সকলেই একদিকে স্বীকার করিবেন, ‘নাল গামছা দিয়ে টিয়েব মার দিয়ে’ কিছুতেই সাময়িক ইতিহাসের মধ্য স্থান পাইতে পারবে না। কারণ, বিধবাবিদ্বাহ টিয়েছাত্রির মধ্যে প্রচলিত থাকিলেও নাল গামছাদ ব্যবহার উক্ত সম্প্রদায়ের মধ্যে কন্ঠিন কালে শুনা যায় নাই। কিন্তু যাহাদের কাছে চন্দর তালে তালে স্মৃষ্টি কঠে এই-সকল অসংলগ্ন অসম্ভব ঘটনা উপস্থিত করা হইয়া থাকে, তাহারা বিশ্বাসও করে না, সন্দেহও করে না, তাহারা মনশ্চক্রে স্বপ্নবৎ প্রত্যক্ষবৎ ছবি দেখিয়া যায়।

বালকরা ছবিও অতিশয় সহজে স্বপ্নায়াজন দেখিতে পায়। বালক যত সহজে ইচ্ছামাত্রই সৃজন করিতে পারে আমরা তেমন পারি না। ভাবিয়া দেখো, একটা গ্রহিবাধা বস্ত্রখণ্ডকে যুগুবিশিষ্ট মনুষ্য কল্পনা করিয়া তাহাকে আপনার সম্ভানরূপে লালন করা সামান্য ব্যাপার নহে। আমাদের একটা মূর্তিকে মানুষ বলিয়া কল্পনা করিতে হইলে ঠিক সেটাকে মানুষের মতো গড়িতে হয়—যেখানে যতটুকু অমুকরণের ক্রটি থাকে তাহাতেই আমাদের কল্পনার ব্যাঘাত করে। বহির্জগতের জড়ভাবের শাসনে আমরা নিয়ন্ত্রিত; আমাদের চক্ষে যাহা পড়িতেছে

আমরা কিছুতেই তাহাকে অন্তরূপে দেখিতে পারি না। কিন্তু শিশু চক্ষে যাহা দেখিতেছে, তাহাকে উপলক্ষ্যমাত্র করিয়া আপন মনের মতো জিনিস মনের মধ্যে গড়িয়া লইতে পারে, যজ্ঞযুক্তির সহিত বস্তুরচিত্রিত খেলনকের কোনো বৈসাদৃশ্য তাহার চক্ষে পড়ে না, সে আপনার ইচ্ছারচিত্রিত সৃষ্টিকেই সম্মুখে জাজ্জল্যমান করিয়া দেখে।

কিন্তু (তথাপি ছড়ার এই-সকল অবতরচিত্রিত চিত্রগুলি কেবল যে বালকের সহজ সৃজনশক্তি দ্বারা সৃষ্টিত হইয়া উঠে তাহা নহে; তাহার অনেক স্থানে রেখার এমন সুস্পষ্টতা আছে যে, তাহার আামাদের সংশয়ী চক্ষেও অতি সংক্ষেপ বর্ণনায় বৃত্ত-চিত্র আনিয়া উপস্থিত করে)

এই ছবিগুলি একটি-রেখা একটি-কথার ছবি। দেশানাই যেমন এক আঁচড়ে দপ করিয়া জলিয়া উঠে, বালকের চিত্রে তেমনি একটি কথার টানে একটি সমগ্র চিত্র পলকের মধ্যে জাগাইয়া তুলিতে হয়। অংশ যোজনা করিয়া কিছু গড়িয়া তুলিলে চলিবে না। 'চিৎপুরের মাঠেতে বালি চিক্‌চিক্‌ করে,' এই একটিমাত্র কথায় একটি বৃহৎ অমুখব মাঠ মধ্যাহ্নের রোদ্রালোকে আামাদের দৃষ্টিপথে আসিয়া উদয় হয়।

'পরনে তার ডুরে শাড়ি ঘুরে পড়েছে।' ডুরে শাড়ির ডোবা রেখাগুলি ঘূর্ণাজলের আবর্তধারার মতো ভঙ্গুগাত্রযষ্টিকে যেমন গুরিয়া ঘুরিয়া বেষ্টন করিয়া ধরে, তাহা ঐ এক ছত্রে এক মুহুর্তে চিত্রিত হইয়া উঠিয়াছে। আবার পাঠাস্তবে আছে, 'পরনে তাব ডুরে কাপড় উড়ে পড়েছে'— সে ছবিটিও মন্দ নহে।

আর ঘুম আর ঘুম বাগদিপাড়া দিয়ে।

বাগদিদের ছেলে ঘুমোর জাল মুড়ি দিয়ে।

ঐ শেষ ছত্রে জালমুড়ি দিয়া বাগদিদের ছেলেটা যেখানে-সেখানে পড়িয়া বিরূপ অকাতরে ঘুমাইতেছে সে ছবি পাঠকমাত্রই উপলক্ষি করিতে পারিবেন। আধক কিছু নহে, ঐ জাল মুড়ি দেওয়ার কথা

বিশেষ কবিয়া পলাতক বাগদি গুণানব গুম বিশেষরূপে প্রত্যক্ষ
হইয়াছে ।

আর রে আর হেলের গাল মাছ ধরতে বাই ।
মাছের কাটা পারে কুটল দোলায় চেপে বাই ।
দোলায় আছে চ-পণ কড়ি গুনতে গুনতে যাই ।
এ নদীর জলটুকু টলমল করে ।
এ নদীর ধারে রে ভাই বালি কুরকুর করে ।
চাঁদমুখেতে রোদ লেগেছে রক্ত ফুটে পড়ে ।

দোলায় কবিয়া ছয় পণ কড়ি গুনতে গুনতে যাওয়ায় যদি পাঠকেরা
ছবির হিসাবে অকিঞ্চিৎকর জ্ঞান করেন, তথাপি শেষ তিন ছত্রকে
উাহাবা উপেক্ষা কবিবেন না । নদীর জলটুকু টলমল কবিতেছে এবং
ভাঁদেব বালি কুরকুর কবিয়া গুমিষা গুমিষা পড়িতেছে, বালুতটবর্তী
নদীর এমন সংক্ষিপ্ত সমস্ত অঞ্চল সম্পৃষ্ট ছবি আব কী হইতে পারে ।

এই তো একশ্রেণীর ছবি গোল । আর-এক শ্রেণীর ছবি আছে
যাহা বর্ণনায় নিম্ন অল্পকাল কবিয়া একটা সমগ্র ব্যাপার আদ্যন্তর মনের
মধ্যে ছাপ্রণ কবিয়া দেয় । ছয়তে একটা তুচ্ছ বিনয়ের উল্লেখ সমস্ত
বঙ্গগৃহ বঙ্গসমাজ সমস্ত চাইয়া উঠিয়া আদ্যন্তর জনমকে স্পর্শ করে ।
সে-সমস্ত তুচ্ছ কথা বড় বড় সংহিতায় তেমন সহজে তেমন অবাধে
তেমন অসংকোচে প্রবেশ কবিতো পারবে না ; এবং প্রবেশ কবিলেও
আপনিছ তাহাব কপালব ও ভাবান্তর হইয়া যায় ।

দাদা গো দাদা শহরে যাও ।
তিন টাকা করে মাইনে পাও ।
দাদার গলায় তুলসীমালা ।
বউ বরনে চলুকলা ।
হেই দাদা তোমার পারে পড়ি ।
বউ এনে দাও খেলা করি ।

দাদার বেতন অধিক নহে, কিন্তু বোনটির মতো তাহাই প্রচুর।
এই তিন টাকা বেতনের স্বচ্ছলতার উদাহরণ দিয়াই ভগ্নাটি অমুনয়
করিতেছেন—

হেই দাদা তোমার পায়ে পড়ি।

বউ এনে দাও খেলা করি।

চতুরা বালিকা নিজের এই স্বার্থ-উদ্ধারের জন্য দাদাকেও প্রলোভনে
ছলে আভাস দিতে ছাড়ে নাই যে, 'বউ বরনে চন্দ্রকলা'। যদিও ভগ্নীর
খেলনাটি তিন টাকা বেতনের পক্ষে অনেক মহাঘা, তথাপি নিশ্চয়
বলিতে পারি, তাহার কাতর অনুরোধ রক্ষা করিতে দিলম্ব হয় নাই,
এবং সেটা কেবলমাত্র সৌভ্রাত্ৰবশত নহে।

উলু উলু মাদারের ফুল।

বর আসছে কত দূর।

বর আসছে বাগ্নাপাড়া।

বড়ো বউ গো রান্না চড়া।

ছোটো বউ লো জল্কে যা।

জলের মধ্যে স্নাকাজোকা।

কুল ফুটেছে চাকা চাকা।

ফুলের বরন কড়ি।

ন'টে শাকের বড়ি।

জামাতৃসমাগম-প্রত্যাশিনী পল্লীরমণীগণের ত্রৈলোক্য এবং আনন্দ-
উৎসবের ছবি আপনি ফুটিয়া উঠিয়াছে। এবং সেট উপলক্ষ্যে শেওড়া-
গাংহর বেড়াদেওয়া পাড়ারগণের পথ ঘাট দন পুষ্করিণী খটকক বধু এবং
শিখিলগুঠন ব্যস্তসমস্ত গৃহিণীগণ ইন্দ্রজালের মতো জাগিয়া উঠিয়াছে।

এমন প্রায় প্রত্যেক ছড়ার প্রত্যেক তুচ্ছ কথায় বাংলা দেশের
একটি মূর্তি, গ্রামের একটি সংগীত, গৃহের একটি আশ্বাদ পাওয়া যায়।

কিছু সে-সমস্ত অধিক পরিমাণে উদ্ধৃত করিত আশঙ্কা করি, ক'রণ, ভিন্নকির্চি লোকঃ ।

ছবি যদি কিছু অদ্ভুতগোচর হয় তাহাতে কোনো ক্ষতি নাই, বরঞ্চ ভালোই । কাবণ, নূতনত্ব চিত্তে আবণ্ড অধিক করিয়া আঘাত করে । ছেলেব কাছে অদ্ভুত কিছুই নাই, কাবণ, তাহাব নিকট অসম্ভব কিছুই নাই । (সে এখনও জগতে সম্ভাব্যতার শেষসীমান্তী প্রাচীরে গিয়া চাবিদিক হইতে মাথা চুকিয়া ফিরাইয়া আসে নাই । সে বলে, যদি কিছুই সম্ভব হয় তবে সকলই সম্ভব । একটা জিনিস যদি অদ্ভুত না হয় তবে আর-একটা জিনিসই না কেন অদ্ভুত হইবে । সে বলে, একমুণ্ড ওয়াল মাছুসের মাতি কোনো প্রশ্ন না করিয়া নিশ্বাস করিয়া লইয়াছি, কাবণ, সে অ'র নিকটে প্রত্যক্ষ হইয়াছে । দুইমুণ্ডওয়াল মাছুসের সম্বন্ধে আমি যেমন বিকল্প প্রশ্ন করিতু চাহিন, কাবণ, আমি তো তাহ'র ম'নদ ম'না স্পষ্ট দেখিতু পাইতুছি ; আবার স্বন্ধকাটা মাছুসও আমার পক্ষ সম'ন স'ত্র, ক'রণ, সে তো আমার অমুভাবব অগম্য ন'ত । এদটি গল্প আছে, কোনো লোক সভাস্থলে উপস্থিত হইয়া কছিল, অ'র প'র এক আশ্চর্য ব্যাপার দেখিয়া অ'সিলাম : বিনামে একটি লোক'র মুণ্ড বাটা পড়িল, তথাপি সে দ'শ পা চলিয়া গেল । সকলেই আশ্চর্য হইয়া কছিল, বল কি হে, দ'শ পা চলিয়া গেল ? তাহ'রদে ম'দা একটি স্ত্রী'র'ক ছিলন, তিনি বলিলন, দ'শ পা চলা কিছুই আশ্চর্য ন'হে, উহ'র সেই প্রথম পা চল'টাই আশ্চর্য ।

(সৃষ্টিবও সেইরূপ প্রথম পদ'র'পটাই আশ্চর্য, কিছু যে হইয়াছে ইহাই প্রথম বিষয় এবং পদ'র' বিষয়, তাহ'র প'র আ'র যে কিছু হইতে পাবে, তাহ'তে আশ্চর্য কী ।) বালক সেই প্রথম আশ্চর্যটাব প্রতি প্রথম দৃষ্টিপাত করিতেছে—সে চক্ষু মেলিবামাত্র দেখিতেছে

অনেক জিনিস আছে, আরও অনেক জিনিস থাকার পক্ষে কিছুই অসম্ভব নহে : এইজন্য ছড়ার দেশে সম্ভব-অসম্ভবের মধ্যে সীমানাঘটিত কোনো বিবাদ নাই।

আর রে আর টিরে।

নারে ভরা দিরে।

না' নিরে গেল বোয়াল মাছে।

তা দেখে দেখে ভৌদড় নাচে।

ওরে ভৌদড় কিরে চা।

খোকর নাচন দেখে যা।

প্রথমত, টিরে পাখি নৌকা চড়িয়া আসিতেছে, এমন দৃশ্য কোনো বালক তাহার পিতার বয়সেও দেখে নাই; বালকের পিতার সম্বন্ধেও সে-কথা খাটে। কিন্তু সেই অপূর্বতাই তাহার প্রধান কৌতুক। বিশেষত, হঠাৎ যখন অগাধ জলের মধ্য হইতে একটা ক্ষীণকায় বোয়াল মাছ উঠিয়া, বলা নাই কথা নাই, গামকা তাহার নৌকাখানা লইয়া চলিল, এবং ক্রুদ্ধ ও ব্যতিব্যস্ত টিয়া মাথার রোঁয়া ফুলাইয়া পাখা ঝাপটাইয়া অত্যাচ্চ চীৎকাবে আপত্তি প্রকাশ করিতে থাকিল, তখন কৌতুক আরও বাড়িয়া উঠে। টিরে বেচারার দুর্গতি এবং জলচর প্রাণীটার নিতান্ত অভদ্র ব্যবহার দেখিয়া অকস্মাৎ ভৌদড় ছুনিবার নৃত্যস্পৃহাও বড়ো চমৎকার। এবং সেই আনন্দনতনপর নিষ্ঠুর ভৌদড়টিকে নিজের নৃত্যবেগ সংবরণপূর্বক খোকর নৃত্য দেখিবার জন্য ফিরিয়া চাহিতে অমুবোধ করার মধ্যেও বিস্তর রস আছে। যেমন মিষ্ট ছন্দ শুনিলেই তাহাকে গান বাঁধিয়া গাহিতে ইচ্ছা করে, তেমনি এই সকল ভাবার চিত্র দেখিলেই ইহাদিগকে রেখার চিত্রে অমুবাদ করিয়া আঁকিয়া ফেলিতে ইচ্ছা করে। কিন্তু হায়, এ-সকল চিত্রের রস নষ্ট না করিয়া— ইহাদের বাল্য সরলতা, উজ্জ্বল নবীনতা, অসংশয়তা, অসম্ভবের

সহজ সম্ভবতা রক্ষা করিয়া আঁকিতে পারে, এমন চিত্রকর আমাদের দেশে কোথায়, এবং বোধ কবি সর্বত্রই দুর্লভ।

গোকা যাবে মাছ ধরতে কীরনদীর কূলে।

ছিপ নিয়ে গেল কোলা বেড়ে, মাছ নিয়ে গেল চলে।

গোকা বলে পাখিটি কোন বিলে চরে।

গোকা বলে ডাক দিলে উড়ে এসে পড়ে।

কীরনদীর কূলে মাছ ধরিতে গিয়া গোকা যে কী সংকটেই পড়িয়াছিল তাহা কি তুলি দিয়া না আঁকিলে মনের ক্ষোভ মেটে। অবশ্য, কীরনদীর ভূগোলবৃত্তান্ত গোকাবাবু আমাদের অপেক্ষা অনেক ভালো জানেন মন্দই নাই; কিন্তু যে-নদীর এই হোক, তিনি যে প্রাকৃতিক বৈশ্যবলম্বন করিয়া পল্লব গষ্ঠীরভাবে নিছক অসমতনের চতুর্ভুজ দীর্ঘ এক ছিপ ফেলিয়া মাছ ধরিতে বসিয়াছেন তাহাই যথেষ্ট কৌতুকাদহ, তাহার উপর যখন জল হইতে ড্যাং চক্র মেলিয়া একটা অত্যন্ত উৎকট-গোড়ের কোলা বেড় গোকার ছিপ লইয়া টান মারিতেছে এবং অত্রদিকে ডাঙা হইতে চল আসিয়া মাছ টোঁ মাঝি লইয়া চলিয়াছে, তখন তাহার বিব্রত নিশ্চিত ব্যাকুল মূগ্ধ ভাব— একবার বা প্রাণপণ শক্তিতে পশ্চাতে ঝুঁকিয়া পড়িয়া ছিপ লইয়া টানাটানি, একবার বা— সেই উদ্ভীর্ণ চৌরদের উদ্দেশে দুই উৎসর্গ ব্যগ্র হস্ত উর্ধ্ব উৎসর্গ— এ-সমস্ত চিত্র স্ননিপুণ সহৃদয় চিত্রকরের প্রত্যাশায় বহুকাল হইতে প্রতীক্ষা করিতেছে।

আবার গোকার পক্ষীমূর্তিও চিত্রের বিষয় বটে। মস্ত একটা বিল চোখে পড়িতেছে। তাহার ওপাশটা ভালো দেখা যায় না। এপাশে তীব্র কাছে একটা কোণে মতো জাহগাষ বড়ো বড়ো ঘাস, বেতব ঝাড় এবং ঘন কচুব সমাবেশ; জলে শৈবাল এবং নালফুলের বন; তাহারই মধ্যে লম্বচঞ্চু দীর্ঘপদ গম্ভীরপ্রকৃতি ধ্যানপরায়ণ গোটাকতক বক-শাবসের

সহিত মিশিয়া খোকাবাবু ডানা গুটাইয়া নতশিরে অত্যন্ত নিবিষ্টভাবে চরিয়া বেড়াইতেছেন, এ দৃশ্যটিও বেশ ;—এবং বিলের অনতিদূরে ভাদ্রমাসের জলমগ্ন পক্ণীর্ষ ধাতুক্লেত্রের সংলগ্ন একটি কুটির ; সেই কুটিরপ্রাঙ্গণে বাঁশের বেড়ার উপরে বাম হস্ত রাখিয়া দক্ষিণ হস্ত বিলের অভিমুখে সম্পূর্ণ প্রসারিত করিয়া দিয়া অপরাহ্নের অবসান সূর্যালোকে জননী তাঁহার খোকাবাবুকে ডাকিতেছেন ; বেড়ার নিকটে ঘরে-ফেরা বাঁধা গোকুটিও স্তিমিত কোতূহলে সেইদিকে চাহিয়া দেখিতেছে, এবং ভোজনতৃপ্ত খোকাবাবু নালবন শৈবালবনের মাঝখানে হঠাৎ মায়ের ডাক শুনিয়া সচকিতে কুটিরের দিকে চাহিয়া উড়ি-উড়ি করিতেছে, সেও সূন্দর দৃশ্য ;—এবং তাহার পর তৃতীয় দৃশ্য পাখিটি মার বুকে গিয়া তাঁহার কাঁধে মুখ লুকাইয়াছে এবং ছুই ডানায় তাঁহাকে অনেকটা ঝাঁপিয়া ফেলিয়াছে এবং নিমীলিতনেত্রে মা ছুই হস্তে স্নকোথল ডানাশুদ্ধ তাহাকে বেষ্টন করিয়া নিবিড় স্নেহবন্ধনে বুকে বাঁধিয়া ধরিয়াছেন, সেও সূন্দর দেখিতে হয় ।

জ্যোতির্বিদগণ ছায়াপথের নীহারিকা পর্যবেক্ষণ করিতে করিতে দেখিতে পান, সেই জ্যোতির্ময় বাষ্পরাশির মধ্যে এক-এক জায়গায় যেন বাষ্প সংহত হইয়া নক্ষত্রে পরিণত হইবার উপক্রম করিতেছে । (আমাদের এই ছডার নীহারিকারাশির মধ্যেও সহস্রা স্থানে স্থানে সেইরূপ অর্ধসংহত আকারবদ্ধ কবিত্বের মূর্তি দৃষ্টিপথে পড়ে) সেই সকল নবীনমুষ্টি কল্পনামণ্ডলের মধ্যে জটিলতা কিছু নাই,—প্রথম বয়সের শিশু-পৃথিবীর গায় এখনও সে কিঞ্চিৎ তরলাবস্থায় আছে, কঠিন হইয়া উঠে নাই । একটা উদ্ধৃত করি—

“জাহ্ন, এ তো বড়ো রঙ্গ, জাহ্ন, এ তো বড়ো রঙ্গ ।

চার কালো দেখাতে পারো, যাব তোমার সঙ্গ ।”

“কাক কালো, কোকিল কালো, কালো কিঙের বেশ ।

তাহার অধিক কালো কল্লে, তোমার মাথার বেশ ।”

- “জাহ্ন, এ তো বড়ো রঙ্গ, জাহ্ন, এ তো বড়ো রঙ্গ ।
চার ধলো দেখাতে পারে, যাব তোমার সঙ্গ ॥”
“বক ধলো, বগ্ন ধলো, ধলো রাজহংস ।
তাহার অধিক ধলো কণ্ঠে, তোমার হাতের শঙ্গ ॥”
- “জাহ্ন, এ তো বড়ো রঙ্গ, জাহ্ন, এ তো বড়ো রঙ্গ ।
চার রাঙা দেখাতে পারে, যাব তোমার সঙ্গ ॥”
“জবা রাঙা, করবী রাঙা, র'ঙা কুমুমফুল ।
তাহার অধিক রাঙা, কণ্ঠে, তোমার মাথার সিঁদুর ॥”
- “জাহ্ন, এ তো বড়ো রঙ্গ, জাহ্ন, এ তো বড়ো রঙ্গ ।
চর তিত্তো দেখাতে পারে, যাব তোমার সঙ্গ ॥”
“নিম তিত্তো, নিমুলে তিত্তো, তিত্তো মাকাল ফল ।
তাহার অধিক তিত্তো কণ্ঠে, বোন-সতিনের ঘর ॥”
- “জাহ্ন, এ তো বড়ো রঙ্গ, জাহ্ন, এ তো বড়ো রঙ্গ ।
চার হিম দেখাতে পারে, যাব তোমার সঙ্গ ॥”
“হিম জল, হিম গুল, হিম শাতলপাটি ।
তাহার অধিক হিম, কণ্ঠে, তোমার বুকের ছাতি ॥”

কবিসম্প্রদায় কবিত্বশৃষ্টির আনন্দকাল হইতে বিবিধ ভাষায় বিচিত্র ছন্দে নানীজ্ঞাতিবন্দ গান কবিত্ব আশ্রিতাছেন, কিন্তু উপরি-উদ্ধৃত শুবগানের মতো যেমন একটি সরল সহজ ভাব এবং একটি সরল সহজ চিত্র আছে, এমন অর্থাৎ অন্য কাব্যেই পাওয়া যায়। ইহাদ মধ্যে অজ্ঞাত-সংস্কৃত একটুকুনি সরল কোতুকও আছে। সীতার ধনুকভাঙা এবং দ্রৌপদীর লক্ষ্যবেধ পণ বৃন্দ কঠিন পণ ছিল সন্দেহ নাই; কিন্তু এই সরলা কণ্ঠাটি যে পণ কবিত্বা বসিযাছে, সেটি তেমন কঠিন বলিষা বোধ হয় না। পৃথিবীতে এত কালো ধলো বাঙা মিষ্টি আছে যে, তাহার মধ্যে কেবল চারিটিমাত্র নমুনা দেখাইয়া এমন কণ্ঠা লাভ করা ভাগ্যবানের কাজ। আজকাল কবির শেষ দশায় সমস্ত পুরুষের ভাগ্য

ফিরিয়াছে ; ধনুর্ভঙ্গ, লক্ষ্যবেধ, বিচারে জয়— এ-সমস্ত কিছুই আবশ্যিক হয় না ; উল্টিয়া তাঁহাবাহি কোম্পানির কাগজ পণ বদিকা বসেণ এবং সেই কাপুরুষোচিত নীচতার জন্ত তিলমাত্র আত্মখানি অমৃতদ বন্দন না। ইহা অপেক্ষা, আমাদের আলোচিত ছড়াটির নাথকমহাশয়কে যে সামান্য সহজ পরীক্ষায় উত্তীর্ণ হইয়া কত্না লাভ করিতে হইয়াছিল, সেও অনেক ভালো। যদিও পরীক্ষার শেষ ফল উক্ত ছড়াটির মধ্যে পাওয়া যায় নাই, তথাপি অল্পমানে বলিতে পারি লোকটি পুবা নম্বর পাইয়াছিল। কারণ, দেখা যাইতেছে, প্রত্যেক শ্লোকের চারিটি উত্তরের মধ্যে চতুর্থ উত্তরটি দিব্য সন্তোষজনক হইয়াছিল। কিন্তু পরীক্ষয়িত্রী যখন স্বয়ং শরীরে সম্মুখে উপস্থিত ছিলেন, তখন সে-উত্তরগুলি জোগানো আমাদের নায়কের পক্ষে যে কিছুমাত্র কঠিন হইয়াছিল তাহা আমরা বলিতে পারি না, ও যেন ঠিক বই খুলিয়া উত্তর দেখিয়া দিতো। কিন্তু সেজন্য নিষ্ফল ঈর্ষা প্রকাশ করিতে চাহি না। যিনি পরীক্ষক ছিলেন তিনি যদি সন্দেহ হইয়া থাকেন, তবে আমাদের আদ কিছু বলিবার নাই।

প্রথম ছত্রেই কত্না কহিতেছেন, 'জাহু, এ তো বড়ো রঙ্গ, জাহু, এ তো বড়ো রঙ্গ।' ইহা হইতে বোধ হইতেছে, পরীক্ষা আবে পূর্বেই আদন্ত হইয়াছে এবং পরীক্ষার্থী এমন মনের মতন আনন্দজনক উত্তরটি দিয়াছে যে, কত্নার প্রশ্নজিজ্ঞাসার ইচ্ছা উত্তরোত্তর বাড়িয়া উঠিতেছে। দাস্তবিক এমন রঙ্গ আর-কিছু নাই।

যাহা হউক, আমাদের উপরে এই ছড়াটি রচনার ভার থাকিলে খুব সম্ভব ভূমিকাটা রীতিমতো ফাঁদিয়া দসিতাম ; এমন আচমকা মাঝখানে আরম্ভ করিতাম না। প্রথমে একটা পরীক্ষাশালার বর্ণনা করিতাম, সেটা যদি-বা ঠিক সেনেট-হলের মতো না হইত, অনেকটা টেড্‌ন্‌ গার্ডেনের অনুরূপ হইতে পারিত। এবং তাহার সহিত জ্যোৎস্নার আলোক,

দক্ষিণের বাতাস এবং কোকিলের কুতূহলি যোগ করিয়া ব্যাপারটিকে বেশ একটুখানি হেজনাট করিয়া তুলিতাম— আয়োজন অনেক বন্দম করিতে পারিতাম, কিন্তু এত সুন্দর কথাটি—মাহার মাথার কেশ ফিড়ুর অপেক্ষা কালো, হাতের শাখা দাজহংসের অপেক্ষা ধলো, সিংধার সিঁচুর কুমুমফুলের অপেক্ষা রাঙা, মেহের কোল ছেলেদের কথার অপেক্ষা মিষ্ট এবং বক্ষঃস্থল শীতল জলের অপেক্ষা স্নিগ্ধ, সেই মেয়েটি—ষে-মেয়ে সামান্য কয়েকটি স্তুতিবাক্য শুনিয়া সহজ বিশ্বাসে ও সরল আনন্দে আত্মবিসর্জন করিতে প্রস্তুত হইয়াছে, তাহাকে আমাদের সেই বর্ণনাবহুল মার্জিত ছন্দর বন্ধনের মধ্যে এমন করিয়া চিরকালের মতো ধরিয়া রাখিতে পারিতাম না।

কেবল এই ছড়াটি কেন, আমাদের উপর ভার দিলে আমরা অধিকাংশ ছড়াই সম্পূর্ণ সংশোধন করিয়া নূতন সংস্করণের যোগ্য করিয়া তুলিতে পারি। এমন কি, উহাদের মধ্যে সর্বজনবিদিত নীতি এবং সর্বজনছন্দোত্তম ভঙ্গিমাগুলিও বাস্তব নিমাণ করিতে পারি। কিছু না হউক, উহাদিগকে আমাদের বর্তমান শিক্ষা ও সামাজিক অবস্থার উন্নততর শ্রেণিতে উত্তীর্ণ করিয়া দিতে পারি। বিবেচনা করিয়া দেখুন, আমরা যদি কখনও আমাদের বর্তমান সভ্যসমাজে চাঁদকে নিম্নস্থান করিয়া আনিতে ইচ্ছা করি, তবে কি তাহাকে নিম্নলিখিতরূপে তুচ্ছ প্রলোভন দেখাইতে পারি।

সার সার চাঁদা মামা টা দিবে যা।

চাঁদের কপালে চাঁদ টা দিবে যা।

মাছ কুটলে মুড়ো দেব,

ধান ভানলে কুড়ো দেব,

কালো গোরুর দুধ দেব,

দুধ খাবার বাটি দেব,

চাঁদের কপালে চাঁদ টা দিবে যা।

এ কোন্ চাঁদ। নিতান্তই বাঙালির ঘরের চাঁদ। এ আমাদের বাল্যসমাজের সর্বজ্যেষ্ঠ সাধারণ মাতুল চাঁদ। এ আমাদের গ্রামের কুটিরের নিকটে বায়ু-আন্দোলিত বাঁশবনের রন্ধুগুলির ভিতর দিয়া পরিচিত মেহহাস্তমুখে প্রাক্গন্ধলিবিলুপ্তিত উলঙ্গ শিশুর খেলা দেখিয়া থাকে; ইহার সঙ্গে আমাদের গ্রামসম্পর্ক আছে। নতুবা এত বড়ো লোকটা— যিনি সপ্তবিংশতি নক্ষত্রসুন্দরীর অন্তঃপুরে বর্ষ যাপন করিয়া থাকেন, যিনি সমস্ত সুরলোকের সুধারস আপনার অক্ষয় রৌপ্য-পাত্রে রাত্রিদিন রক্ষা করিয়া আসিতেছেন— সেই শশলাঙ্গন হিমাংশু-মালীকে মাছের মুড়া, ধানের কুঁড়া, কালো গোকুর দুধ খাবার বাটির প্রলোভন দেখাইতে কে সাহস করিত। আমরা হইলে বোধ করি পারিজাতের মধু, রজনীগন্ধার সৌরভ, বৌ-কথা-কণ্ঠের গান, মিলনেব হাসি, হৃদয়ের আশা, নয়নের স্বপ্ন, নবধুর লজ্জা প্রভৃতি বিবিধ অপূর্ণ-জাতীয় দুর্লভ পদার্থের ফর্দ করিয়া বসিতাম— অথচ চাঁদ তখনও যেখানে ছিল এখনও সেইখানেই থাকিত। কিন্তু ছড়ার চাঁদকে ছড়ার লোকেরা মিথ্যা প্রলোভন দিতে সাহস করিত না,—থোকাব কপাল টী দিয়া যাইবার জন্ত নামিয়া আসা চাঁদের পক্ষে যে একবারেই অসম্ভব ভাড়া তাহারা মনে করে নাই। সুতরাং ভাঙানে যাত্রা বন্ধুত্ব আছে, ৩৮দিনে যাত্রা কুলাইয়া উঠে, কবিরের উৎসাহে তাহা অপেক্ষা অত্যন্ত অধিক কিছু স্বীকার করিয়া বসিত পানিত না। আমাদের বাংলাদেশে চাঁদামায়া বাংলাদেশের সহস্র কুটির চর্চায় স্বকণ্ঠে ৩৮শ নিঃসঙ্গ প্রাপ্ত হইয়া চুপিচুপি ছাত্র করিত; ই-ও বলিত না, না-ও বলিত না, এমন ভাব দেখাইত যেন কোন্ দিন, কাঠাকেও কিছু সংবাদ না দিয়া পূর্বদিগন্তে যাত্রারস্ত করিবার সময়, অমনি পথের মধ্যে, কোতুক-প্রফুল্ল পরিপূর্ণ হাস্তমুগ্ধানি লইয়া ঘরের কানোচে আসিয়া দাঁড়াইবে।

আমরা পূর্বেই বলিয়াছি, এই ছড়াগুলিকে একটি আন্ত জগতের

ভাঙা টুকরা বলিয়া মনে হয়। উচ্চাদের মধ্যে বিচিত্র বিস্মৃত সুগন্ধঃশ শতধাবিক্ষিপ্ত হইয়া রহিয়াছে। যেমন পুরাতন পৃথিবীর প্রাচীন সমুদ্রতীরে কর্দমতটের উপর নিলুপ্তবংশ সেকালের পাখিদের পদচিহ্ন পড়িয়াছিল—অন্যথায় কালক্রমে কঠিন চাপে সেই কর্দম, পদচিহ্ন-রেখাসমেত, পাথর হইয়া গিয়াছে--সে-চিহ্ন আপনি পড়িয়াছিল এবং আপনি রহিয়া গেছে; কেহ খোঁজা দিয়া খুঁদে নাই, কেহ বিশেষ যত্নে তুলিয়া রাখে নাই—(তেমনি এই ছড়াগুলির মধ্যে অনেক দিনের অনেক হাসিকার্না আপনি অক্ষিত হইয়াছে, ভাঙা-চারা ছন্দগুলির মধ্যে অনেক হৃদয়বেদনা সংলগ্ন হইয়া রহিয়াছে। (কত কালের এক-টুকরা মামুলের মন কালসমুদ্রে ভাসিত ভাসিত এই বহুদূরবর্তী বর্তমানের তীরে আসিয়া উৎক্ষিপ্ত হইয়াছে;—আমাদের মনের কাছ সংলগ্ন হইনামাত্র কাছের সমস্ত বিস্মৃত বেদনা জীবনের উত্তাপে লালিত হইয়া আবার অশ্রুস্রব সজীব হইয়া উঠিতেছে।)

“এপারেতে কালো রঙ,

দষ্ট পড়ে অমরম,

এপারেতে লক্ষাগাছটি রাঙা টুকটুক করে।

শ্রাবতী ভাই আমার, মন কেমন করে।”

“এ মাসটা থাক, দিদি, কেঁদে ককিয়ে।

ও মানেতে নিয়ে যাব পালকি লাঞ্জে।”

“হাড হোলো ভাঙ্গা ভাঙ্গা, মাস হোলো বড়ি।

আমি রে আয় নদীর ধলে কাপ দিবে পড়ি।”

এই অস্বব্যথা, এই রুদ্ধ সঞ্চিত অশ্রুজ্বলোচ্ছ্বাস কোন্ কালে কোন্ গোপন গৃহকোণে হইতে, কোন্ অজ্ঞাত অখ্যাত বিস্মৃত নবদধুর কোমল হৃদয়খানি বিদীর্ণ করিয়া বাহির হইয়াছিল। এমন কত অসহ্য কষ্ট জগতে কোনো চিহ্ন না রাখিয়া অদৃশ্য দীর্ঘনিঃশ্বাসের মতো বায়ুশ্রোতে

বিলীন হইয়াছে। এটা কেমন করিয়া দৈবক্রমে প্লোকেয় মধ্যে আবদ্ধ হইয়া গিয়াছে।

ওপারেতে কালো রঙ ; বৃষ্টি পড়ে ঝমঝম।

এমন দিনে এমন অবস্থায় মন-কেমন না কবিতা থাকিতে পারে না। চিরকালই এমনই হইয়া আসিতেছে। বহুপূর্ব উজ্জয়িনী-বাজসভাব মহাকবিও বলিয়া গিয়াছেন,

মেঘালোকে ভবতি স্থধিনোহপাশ্চথাবৃষ্টিচেতঃ

... .. কিং পুনর্দূরসংগেহ।

কালিদাস যে-কথাটি ঈষৎ দীর্ঘনিশ্বাস ফেলিয়া উল্লেখ করিয়াছেন মাত্র, এই ছডাঘ সেই কথাটা বুক ফাটিয়া কানিয়া উঠিয়াছে,

“গুণবতী ভাই আমার, মন কেমন করে।”

“হাড হোলো ভাড়া ভাড়া, মাস হোলো দড়ি।

আর রে আর নদীর জলে ঝাপ দিয়ে পড়ি।” —

ইহার ভিতরকার সমস্ত মনোস্তম্বক কাহিনী, সমস্ত ছন্দময় বেদনা-পরম্পরা কে বলিয়া দিবে। দিনে-দিনে দাত্রে-দাত্রে মুহূর্ত-মুহূর্ত কত সহ্য করিতে হইয়াছিল— এমন সময়, সেই স্নেহস্বতীহীন স্মৃতিহীন পবন ঘরে হঠাৎ একদিন তাহার পিতৃগৃহের চিবপবিচিত ব্যপাদ ব্যধি ভাই আপন ভগিনীটির তত্ত্ব লইতে আসিয়াছে,— হৃদয়দ স্তব্ধ-স্তব্ধ-সঙ্কীর্ণ নিগূঢ় অশ্রুশি সেদিন আর কি বাধা মানিতে পারে। সেই ঘর, সেই খেলা, সেই বাপ-মা, সেই স্মৃতিশৈশব, সমস্ত মনে পড়িয়া আব কি একদণ্ড ছরস্ব উতলা হৃদয়কে বাধিয়া বাধা যায়। সেদিন কিছুতে আর একটি মাসের প্রতীকাও প্রাণে সহিতেছিল না— বিশেষত, সেদিন নদীর ওপার নিবিড় মেঘে কালো হইয়া আসিয়াছিল, বৃষ্টি ঝমঝম কবিতা পড়িতেছিল, ইচ্ছা হইতেছিল বর্ষার বৃষ্টিধারামুগ্ধরিত মেঘচ্ছায়াশ্রামল

কুলে-কুলে-পরিপূর্ণ অগাধ শীতল নদীটির মধ্যে ঝাঁপ দিয়া পড়িয়া এখনই হাড়ের ভিতরকার জ্বালাটা নিবাইয়া আসি।— ইহার মধ্যে একটি ব্যাকরণের ভুল আছে, সেটিকে বঙ্গভাষার সতর্ক অভিভাবকগণ মার্জনা করিবেন, এমন কি, তাহার উপরেও একবিন্দু অশ্রুপাত করিবেন। ভাইয়ের প্রতি ‘গুণবতী’ বিশেষণ প্রয়োগ করিয়া উক্ত অজ্ঞাতনামী কণ্ঠাটি অপরিমেয় মূর্খতা প্রকাশ করিয়াছিল। সে হতভাগিনী স্বপ্নেও জানিত না তাহার সেই একটি দিনেই মর্মভেদী ক্রন্দনধ্বনির সহিত এই ব্যাকরণের ভুলটুকুও জগতে চিরস্থায়ী হইয়া যাইবে। জানিলে লজ্জায় মরিয়া যাইত। হয়তো ভুলটি গুরুতর নহে; হয়তো ভাগিনীকে সংশোধন করিয়া কপাটা দলা হইতেছে, এমনও হইতে পারে। সম্প্রতি যাহারা বঙ্গভাষার দিশুদ্ধিকারের ভাষাগত প্রথা এবং পুরাতন সৌন্দর্যগুলিকে বিন্দান করিতে উদ্যত হইয়াছেন, ভরসা করি তাঁহারাও মাতন-মাতন মেহবশত আত্মবিস্মৃত হইয়া ব্যাকরণ লঙ্ঘনপূর্বক ভাগিনীকে ভাঙি নিয়া থাকেন, এমন কি, পত্নীশরণীয় সম্পর্কের দ্বারা প্রীতিপূর্ণ ভ্রাতৃসঙ্গের অন্তর্স্থিত হইলে তৎক্ষণাৎ তাঁহাদের ভ্রম সংশোধন করিয়া দেন না।

আমাদের বাংলাদেশের এক কঠিন অন্তর্বেদনা আছে— মেয়েকে স্বপ্নরবাড়ি-পাঠানো। অপ্রাপ্তবয়স্ক অনভিজ্ঞ দৃঢ় কণ্ঠাকে পরের ঘরে যাইতে হয়, সেইজন্য বাঙালি কল্যাণ মূর্খ সমস্ত বঙ্গদেশের একটি ব্যাকুল করুণ দৃষ্টি নিপতিত রহিয়াছে। সেই করুণ কাতর মেহ বাংলার শারদোৎসব স্বর্গীয়তা লাভ করিয়াছে। আমাদের এই ঘরের মেহ, ঘরের ছুঃখ, বাঙালির গৃহের এই চিরস্থান বেদনা হইতে অশ্রুজল আর্কষণ করিয়া লইয়া বাঙালির হৃদয়ের মাঝখানে শারদোৎসব পল্লবে ছায়ায় প্রতিষ্ঠিত হইয়াছে। ইহা বাঙালির অধিকাংশ এবং বাঙালির কণ্ঠাপূজাও বটে। আগমনী এবং বিজয়া বাংলার মাতৃহৃদয়ের গান।

অতএব সহজেই ধরিয়া লওয়া যাইতে পারে যে, আমাদের ছড়ার মধ্যেও বঙ্গজননী এই মর্মব্যথা নানা আকারে প্রকাশ পাইয়াছে।

আজ ছুর্গার অধিবাস, কাল ছুর্গার বিয়ে।
 ছুর্গা যাবেন স্বশুরবাড়ি সংসার কাঁদিয়ে।
 মা কাঁদেন মা কাঁদেন ধুলার লুটায়ে।
 সেই যে-মা পলাকাটি দিবেছেন গলা সাজায়ে।
 বাপ কাঁদেন বাপ কাঁদেন দরবারে বসিয়ে।
 সেই যে-বাপ টাকা দিবেছেন সিন্দুক সাজায়ে।
 মাসি কাঁদেন মাসি কাঁদেন হৈশেলে বসিয়ে।
 সেই যে-মাসি ভাত দিবেছেন পাখর সাজিয়ে ॥
 পিসি কাঁদেন পিসি কাঁদেন গোয়ালে বসিয়ে।
 সেই যে-পিসি দুধ দিবেছেন বাটি সাজিয়ে।
 ভাই কাঁদেন ভাই কাঁদেন আঁচল ধরিয়ে।
 সেই যে-ভাই কাপড় দিবেছেন আলনা সাজিয়ে ॥
 বোন কাঁদেন বোন কাঁদেন খাটের খুরো ধ'রে।
 সেই যে-বোন —

এইখানে, পাঠকদিগের নিকট অপরাধী হইবার আশঙ্কায় ছড়াটি শেষ করিবার পূর্বে দুই-একটি কথা বলা আবশ্যিক বোধ করি। যে-ভঙ্গিমাটি আজ খাটের খুরা ধরিয়া দাঁড়াইয়া নাড়াইয়া অল্প অল্প অশ্রুমাচন করিতেছেন, তাহার পূর্বব্যবহার কোনো ভদ্রকণ্ঠার অনুরোধেই নহে। বোনে বোনে কলহ না হওয়াই ভালো, তথাপি সাধাৎ একরূপ কলহ নিত্য ঘটিয়া থাকে। কিন্তু তাই ধরিয়া কণ্ঠাটির মুখে এমন ভাষা ব্যবহার হওয়া উচিত হয় না, যাহা আমি অল্প ভদ্রসমাজে উচ্চারণ করিতে কুণ্ঠিত বোধ করিতেছি। তথাপি সে-ছড়াটি একবারেই বাদ দিতে পারিতেছি না। কারণ, তাহার মধ্যে কণ্ঠকটা ইহুদ ভাষা আছে বটে কিন্তু তদপেক্ষা অনেক অধিক পরিমাণে বিশুদ্ধ করুণরস

আছে। ভাষান্তরিত করিয়া বলিতে গেলে মোট কথা এই দাঁড়ায় যে, এই রোক্তমান্না বালিকাটি ইতিপূর্বে কলহকালে তাহার সহোদরকে 'ভর্তৃখাদিকা' বলিয়া অপমান করিয়াছেন। আমরা সেই গালিটিকে অপেক্ষাকৃত অনতিক্রম ভাষায় পরিবর্তন করিয়া নিম্নে ছন্দ পূরণ করিয়া দিলাম।

বোন কাঁদেন বোন কাঁদেন খাটের খুরা ধরে।

সেই যে-বোন গাল দিয়েছেন সমাগাকী বলে।

মা অলংকার দিয়াছেন, বাপ অর্ঘ দিয়াছেন, মাসি ভাত খাওয়াইয়াছেন, পিসি দুধ খাওয়াইয়াছেন, ভাই কাপড় কিনিয়া দিয়াছেন; আশা করিয়াছিলাম এমন মোহন পরিবারে ভগিনীও অক্ষুন্ন কোণে প্রিয় কার্য করিয়া থাকিবেন। কিন্তু হঠাৎ শেষ ছত্রটা পড়িয়াই বক্ষ একটা আঘাত লাগে এবং চক্ষুও ছলছল করিয়া উঠে। মা-বাপের পূর্বতন স্নেহব্যবহারের সহিত বিদায়কালীন রোদনের একটা সমঞ্জস্য আছে— তাহা প্রত্যাশিত। কিন্তু যে-ভগিনী সর্বদা ঝগড়া করিত এবং অকথ্য গালি দিত, বিদায়কালে তাহার কার্না যেন সব চেয়ে সঙ্করণ। হঠাৎ আজ বাঁহির হইয়া পড়িল যে, তাহার সমস্ত হৃদকলহের মাঝখানে একটি স্বকামল স্নেহ গোপনে সঞ্চিত হইতছিল— সেই অলঙ্কিত স্নেহ সহসা স্ত্রীর অনুশোচনার সহিত আজ তাহাকে বড়ো কঠিন আঘাত করিল। সে খাটের খুরা ধরিয়া কাঁদিত লাগিল। বাল্যকালে এই এক খাটে তাহার দুই ভগিনী শয়ন করিত, এই শয়নগৃহই তাহাদের সমস্ত কলহ-বিবাদ এবং সমস্ত খেলাধুলার লীলাক্ষেত্র ছিল। বিচ্ছেদের দিনে এই শয়ন-ঘরে আসিয়া, এই খাটের খুরা ধরিয়া নিজনে গোপনে দাঁড়াইয়া ব্যথিত বালিকা যে ব্যাকুল অশ্রুপাত করিয়াছিল, সেই গভীর স্নেহ উৎসের নিম্নল জলধারায় কলহভাষার সমস্ত কলহ প্রক্ষালিত হইয়া শুভ্র হইয়া গিয়াছে।

এই-সমস্ত ছড়ার মধ্যে একটি ছত্রে একটি কথায় সুখছঃখের এক-
একটি বড়ো বড়ো অধ্যায় উছ রহিয়া গিয়াছে। নিরে যে-ছড়াটি উদ্ধৃত
করিতেছি তাহার দুই ছত্রে আত্মকাল হইতে অত্মকাল পর্যন্ত বঙ্গীয়
জননী কতদিনের শোকের ইতিহাস ব্যক্ত হইয়াছে।

দোল দোল হুনি ।

রাঙা মাথার চিরনি ।

বর আসবে এখনি ।

নিরে যাবে তখনি ।

কেঁদে কেন মরো ।

আপনি বুঝিয়া দেখো কার ঘর করো ।

একটি শিশুকন্যাকেও দোল দিতে দিতে দূর ভবিষ্যৎবতী বিচ্ছেদ-
সম্ভাবনা স্বতই মনে উদয় হয় এবং মায়ের চক্ষু জল আসে। তখন
একমাত্র সাধনার কথা এই যে, এমনি চিরদিন হইয়া আসিবে। তখন
তুমিও একদিন মাকে কান্দাইয়া পদেব ঘবে চলিয়া আসিয়াছিলে,—
আজিকার সংসার হইতে সেদিনকার নিদারুণ বিচ্ছেদের সেই ক্ষণ-
বেদনা সম্পূর্ণ আরাগ্য হইয়া গিয়াছে :—তোমার মেয়েও যথাকালে
তোমাকে ছাড়িয়া চলিয়া যাইবে এবং সে-দুঃখও বিশ্বভাগ্যে অধিক দিন
স্থায়ী হইবে না।

পুঁটুর খসুরবাড়ি-প্রয়াণের অনেক ছবি এবং অনেক প্রসঙ্গ পাওয়া
যায়। সে-কথাটা সর্বদাই মনে লাগিয়া আছে।

পুঁটু যাবে খসুরবাড়ি সঙ্গে যাবে কে ।

ঘরে আছে কুনো বেড়াল কোমর বেঁধেছে ।

আমি কাঠালের বাগান দেব ছায়ার ছায়ার বেতে ।

চার মিন্বে কাহার দেব পালকি বহাতে ।

সরু ধানের চিঁড়ে দেব পথে মল খেতে ।

চার বাগী দাসী দেব পারে ভেল দিতে ।

উড়কি ধানের মুড়কি দেব শাশুড়ি ভুলাতে ।

শেষ ছত্র দেখিলেই বিদিত হওয়া যায়, শাশুড়ি কিসে ভুলিবে এই পরম চুশ্চিস্তা তখনো সম্পূর্ণ ছিল । উক্ত উড়কিধানের মুড়কি দ্বারাই সেই ছুঃসাধ্য ব্যাপার সাধন করা যাইত এ-কথা যদি বিশ্বাসযোগ্য হয়, তবে নিঃসন্দেহ এখনকার অনেক কন্ঠার মাতা সেই সত্যযুগের অন্ত গভীর দীর্ঘনিঃশ্বাস সহকারে আক্ষেপ করিবেন । (এখনকার দিনে কন্ঠার শাশুড়িকে যে কী উপায় ভুলাইতে হয় কন্ঠার পিতা তাহা ইহজন্মেও ভুলিতে পারেন না ।)

কন্ঠার সঞ্চিত বিচ্ছেদ একমাত্র পোকেব কারণ নহে, অযোগ্য পাত্রের সঞ্চিত বিবাহ, সেও একটা বিষয় শেল । অথচ অনেক সময় জানিয়া-জানিয়া মা-বাপ এবং আত্মীয়েরা স্বার্থ অথবা ধন অথবা কুলের প্রতি দৃষ্টি করিয়া নিক্রপাম বালিকাকে অপাত্র উৎসর্গ করিয়া থাকেন । সেই অত্যায়েব বেদনা সমাজ মাঝে মাঝে প্রকাশ করে । ছড়ায় তাহার পদচয় আছে । কিন্তু পাঠকদের এ-কথা মনে রাখিতে হইবে যে, ছড়ার সকল কথাই তাৎপার্য, হাম্বিত কান্নাতে অদ্ভুত মেশানো ।

ডালিম গাছে পরু নাকে ।

তাক্খুমাধুম বাদি ব'জে ॥

আই গো চিন্তে পারে ।

গোটা-দুই অন্ন বাড়ে ॥

অন্নপূর্ণা দুধের সর ।

কাল যায গো পরের ঘর ॥

পরের বেটা মারে চড় ।

কান্তে কান্তে খুড়োর ঘর ।

খুড়া দিলে বুড়ে বর ॥

হেই খুড়ো, তোর পারে খরি ।
 খুরে আরগা মারের বাড়ি ।
 মারে দিল সর শাখা, বাপে দিল শাড়ি ।
 ভাই দিল হড়কো ঠেঙা, চলু বস্তুরবাড়ি ।

তখন ইংরেজের আইন ছিল না । অর্থাৎ দাম্পত্য অধিকারের পুনঃ প্রতিষ্ঠার ভার পাহারাওয়ালার হাতে ছিল না । সুতরাং আত্মীয়গণকে উদ্যোগী হইয়া সেই কাজটা যথাসাধ্য সহজে এবং সংক্ষেপে সাধন করিতে হইত । কিন্তু হাল নিয়মেই হউক আর সাবেক নিয়মেই হউক, নিতান্ত পাশব বলের দ্বারা অসহায় কন্যাকে অযোগ্যের সহিত যোজনা— এতো বড়ো অস্বাভাবিক বর্বর নৃশংসতা জগতে আর আছে কি না সন্দেহ ।

বাপ-মায়ের অপরাধ সমাজ দিশ্রুত হইয়া আসে, কিন্তু বুড়ো ববটা তাহার চক্ষুশূল । সমাজ স্ত্রীত্র বিক্রমের দ্বারা তাহার উপরেই মনের সমস্ত আক্রোশ মিটাইতে থাকে ।

ভালগাছ কাটম্ বোসের বাটম্ গৌরী এল কি ।
 তোর কপালে বুড়ো বর আমি করব কী ।
 টকা ভেঙে শখা দিলাম, কানে মদন-কড়ি ।
 বিয়ের বেলা দেখে এলুম বুড়ো চাপদাড়ি ।
 চোখ খাও গো বাপ মা, চোখ খাও গো খুড়ো ।
 এমন বরকে বিয়ে দিরেছিলে তানাক পেগো বুড়ো ।
 বুড়োর হঁকো গেল ভেসে, বুড়ো মরে কেশে ।
 নেড়ে চেড়ে দেখি বুড়ো মরে রয়েছে ।
 ফেন গালবার সময় বুড়ো নেচে উঠেছে ।

বৃদ্ধের এমন লাঞ্ছনা আর কী হইতে পারে ।

একণে বঙ্গগৃহের যিনি সত্রাট,— যিনি বয়সে ক্ষুদ্রতম অথচ প্রতাপে

প্রবলতম সেই মহামহিম গোকা-থুকু বা থুকুনের কথাটা বলা বাকি আছে।

(প্রাচীন ঋগ্বেদ ঈশ্বর চন্দ্র নক্ষত্রের স্তবগান উপলক্ষ্যে বচিত— আর, যা ঋগ্বেদের যুগলদেবতা গোকা-থুকু স্তব হইতে ছড়ার উৎপত্তি।)

প্রাচীনতা হিসাবে কোনোটাই ন্যূন নহে। কাবণ (ছড়ার পুরাতন ইতিহাসিক পুরাতন নহে, তাহা সহস্রাব্দে পুরাতন।) তাহা আপনাদের আদিম মননভাৱে নান্দ-নন্দনার সদ্ব্যপন। সে এই উনবিংশ-শতাব্দীর বাঙ্গালেশূন্য তার মধ্য-বৌদ্ধের মধ্যেও নান্দনন্দনের নবীন অক্ষয়ময়ঙ্গ দক্ষ কবিতা আছে।

এই চিত্রপুস্তক নব-বন্দন মন্যে যে-স্নেহগাথ', যে-শিশুস্তবগুলি বহিষ্যত তাহাদেব বৈচিত্র্য, মৌলিক এবং আনন্দ-উচ্ছ্বাসে আব সীমা নাই। যুগলদেবতা বন্দন কাবিনীগণ নব-নব স্নেহেব হাঁচ ঢালিয়া এক থুকু-দেবতার কত মূর্ত্তিই প্রতিষ্ঠা কবিয়াছে, — সে কখনো পাশি, কখনো টান, কখনো মাটি, কখনো কুলেব বন।

ধনকে নিয়ে বনকে যাব সেখানে থাক কী।

নিরলে বসিয়ে চাঁদের মুখ নিবধি ॥

ভালোবাসার মতো এমন সৃষ্টিছাড়া পদার্থ আব কিছুই নাই। সে আবক্ষকণ হইতে এই সৃষ্টিব অর্নি অস্ত্র অভ্যস্তবে ব্যাপ্ত হইয়া বহিষ্যতে, তথাপি সৃষ্টিব নিবন সমস্তই লজ্জন কবিত চায়। সে যেন সৃষ্টিব নৌহপিঞ্জরদেব মধ্য অকাশেব পাশি। শত সহস্র ব'ব প্রতিবন্ধ, প্রতিবোধ, প্রতিবাদ, প্রতিঘাত পাইয়াও তাহাব এ-বিশ্বাস কিছুতেই গেল না যে, সে অন্যায়সেই নিষম না মানিয়া চলিত পাবে। সে মনে মনে জানে আমি উড়িত পারি, এইজন্যই সে লোহাব শলাকাগুলোকে বাবংবাব ভুলিয়া যায়। বনকে লইয়া বনকে যাইবাব কোনো আবশ্যক নাই, ঘবে থাকিলে সকল পক্ষেই সুবিধা। অবশ্য বনে অনেকটা নিবাল

পাওয়া যায় সন্দেহ নাই, কিন্তু তাহা ছাড়া আর বিশেষ কিছু পাওয়া যায় না। বিশেষত নিজেই স্বীকার করিতেছে সেখানে উপযুক্ত পরিমাণে আহার্য দ্রব্যের অসম্ভাব ঘটিতে পারে। কিন্তু তবু ভালোবাসা জোর করিয়া বলে, তোমরা কি মনে করো আমি পারি না। তাহার এই অসংকোচ স্পর্ধাবাক্য শুনিয়া আমাদের মতো প্রবীণবুদ্ধি বিবেচক লোকেরও হঠাৎ বুদ্ধিব্রংশ হইয়া যায়, আমরা বলি, তাও তো বটে, কেনই বা না পারিবে। যদি কোনো সংকীর্ণহৃদয় বস্তুজগৎবদ্ধ সংশয়ী জিজ্ঞাসা করে, খাইবে কী। সে তৎক্ষণাৎ অন্নানমুখে উত্তর দেয়, 'নিরলে বসিয়া টাদের মুখ নিরখি'। শুনিবামাত্র আমরা মনে করি, ঠিক সংগত উত্তরটি পাওয়া গেল। অন্নের মুখে যাহা ঘোরতর স্বতঃসিদ্ধ মিথ্যা, যাহা উন্মাদের অত্যাক্তি, ভালোবাসার মুখে তাহা অবিসম্বাদিত প্রামাণিক কথা।

ভালোবাসার আর-একটি গুণ এই যে, সে এককে আর করিয়া দেয়, ভিন্ন পদার্থের প্রভেদ-সীমা মানিতে চাহে না। পাঠক পূর্বেই তাহার উদাহরণ পাইয়াছেন— দেখিয়াছেন একটা ছড়ায় কিছুমাত্র ভূমিকা না করিয়া খোকাকে অনার্যাসেই পক্ষীজাতীরের সামিল করিয়া দেওয়া হইয়াছে, কোনো প্রাণীবিজ্ঞানবিৎ তাহাতে আপত্তি করিতে আসেন না। আবার পরমুহূর্তেই খোকাকে যখন আকাশের চন্দ্রের অভেদ আত্মীয়রূপে বর্ণনা করা হয়, তখন কোনো জ্যোতির্বিৎ তাহার প্রতিবাদ করিতে সাহস করেন না। কিন্তু সর্বাপেক্ষা ভালোবাসার স্বেচ্ছাচারিতা প্রকাশ পায় যখন সে আড়ম্বরপূর্বক যুক্তির অবতারণা করিয়া ঠিক শেষ মুহূর্তে তাহাকে অবজ্ঞাতরে পদাঘাত করিয়া ভাঙিয়া ফেলে। নিম্নে তাহার একটি দৃষ্টান্ত দেওয়া যাইতেছে।

চাঁদ কোথা পাব বাহা, জাহ্নবী।

মাটির চাঁদ নয় গ'ড়ে দেব,

গাছের চাঁদ নয় পেড়ে দেব,
তোমর মতন চাঁদ কোথায় পাব।
তুই চাঁদের শিরোমণি।
যুমো রে আমার খোকামণি।

চাঁদ আয়ত্তগম্য নহে, চাঁদ নাটির গড়া নহে, গাছের ফল নহে,—
এ-সমস্তই বিশুদ্ধ সৃষ্টি, অকাট্য এবং নূতন— ইহার কোথাও কোনো
ছিদ্র নাই। কিন্তু এতদূর পর্যন্ত আসিয়া অবশেষে যদি খোকাকে
বলিতে হয় যে, তুমিই চাঁদ এবং তুমি সকল চন্দ্রের শ্রেষ্ঠ, তবে তো
মাটির চাঁদও সম্ভব, গাছের চাঁদও আশ্চর্য নহে। তবে গোড়ার যুক্তির
কথা পাড়িবার প্রয়োজন কী ছিল।

এইখানে বোধ করি একটি কথা বলা নিতান্ত অপ্রাসঙ্গিক হইবে না।
স্বীলোকদের মধ্যে যে বহুল পরিমাণে বুদ্ধিহীনতা দেখা যায় তাহা বুদ্ধি-
হীনতার পরিচায়ক নহে।) তাহার। যে-জগতে থাকেন সেখানে ভালো-
বাসারই একাধিপত্য। ভালোবাসা স্বর্গের মানুষ। সে বলে আমার
অপেক্ষা আর-কিছু কেন প্রধান হইবে। আমি ইচ্ছা করিতেছি
বলিয়াই বিশ্ব-নিয়মের সমস্ত বাধা কেন অপসারিত হইবে না। সে
স্বপ্ন দেখিতেছে এখন। সে স্বর্গই আছে। কিন্তু হায়, মর্ত্য পৃথিবীতে
স্বর্গের মতো ঘোরতর অযৌক্তিক পদার্থ আর কী হইতে পারে। তথাপি
পৃথিবীতে যেটুকু স্বর্গ আছে, সে কেবল রমণীতে বালক প্রেমিকে
ভাবুক মিলিয়া সমস্ত বুদ্ধি এবং নিয়মের প্রতিকূল শ্রোতেও ধরাতলে
আবদ্ধ করিয়া রাখিয়াছে। (পৃথিবী যে পৃথিবীই, এ-কথা তাহার অনেক
সময় ভুলিয়া যায় বলিয়াই সেই ভ্রমক্রমেই পৃথিবীতে দেবলোক স্থানিত
হইয়া পড়ে।)

ভালোবাসা একদিকে যেমন প্রভেদ-সীমা লোপ করিয়া চাঁদে কুলে
খোকায় পাখিতে একমুহূর্তে একাকার করিয়া দিতে পারে, তেমনি

আবার আর-একদিকে যেখানে গীমা নাই সেখানে গীমা টানিয়া দেয়,
যেখানে আকার নাই সেখানে আকার গড়িয়া বসে।

এ পর্যন্ত কোনো প্রাণিতত্ত্ববিৎ পণ্ডিত ঘুমকে স্বপ্নপারী অথবা স্বপ্ন
কোনো জীবশ্রেণীতে বিভক্ত করেন নাই। কিন্তু ঘুম নাকি খোকার
চোখে আসিয়া থাকে এইজন্য তাহার উপরে সর্বদাই ভালোবাসার সূক্ষ্ম-
হস্ত পড়িয়া সেও কখন একটা মানুষ হইয়া উঠিয়াছে।

হাটের ঘুম ঘাটের ঘুম পথে পথে করে।

চার কড়া দিবে কিন্নরের ঘুম, নদীর চোখে আর রে।

রাত্রি অধিক হইয়াছে, এখন তো আর হাটে ঘাটে লোক নাই।
সেইজন্য সেই হাটের ঘুম ঘাটের ঘুম নিরাশ্রয় হইয়া অন্ধকারে পথে
পথে মানুষ খুঁজিয়া বেড়াইতেছে। বোধ করি সেইজন্যই তাহাকে এত
সুলভ মূল্যে পাওয়া গেল। নতুবা সমস্ত রাত্রির পক্ষে চার কড়া কড়ি
এখনকার কালের মজুরির তুলনার নিতান্তই যৎসামান্য।

সুনা যার গ্রীক কবিগণ এবং মাইকেল মধুসূদন দত্তও ঘুমকে স্বপ্ন
মানবীরূপে বর্ণনা করিয়াছেন; কিন্তু নৃত্যকে একটা নির্দিষ্ট বস্তুরূপে গণ্য
করা কেবল আমাদের ছড়ার মধ্যেই দেখা যায়।

ধেনা নাচন ধেনা।

বট পাকুড়ের ধেনা ॥

বলদে খালো চিনা, ছাগলে খালো খান।

সোনার জাহুর তন্তু যারে নাচনা কিনে আন।

কেবল তাহাই নহে। পোকাকার প্রত্যেক অঙ্গপ্রত্যঙ্গের মধ্যে এত
নৃত্যকে স্বতন্ত্র সীমাবদ্ধ করিয়া দেখা সেও বিজ্ঞানের দূরদীক্ষণ বা অণু-
বীক্ষণের দ্বারা সাধ্য নহে, স্নেহবীক্ষণের দ্বারাষ্ট সম্ভব।

হাতের নাচন, পায়ের নাচন, বাটা মুখের নাচন,

নাটা চোখের নাচন, কাঁটালি ভুরুর নাচন,

বাঁশির নাকের নাচন, বাঁজা বেহুর নাচন.

আর নাচন কী ।

অনেক গাধন ক'রে জাহু পেয়েছি ।

ভালোবাসা কখনো অনেককে এক করিয়া দেখে, কখনো এককে অনেক করিয়া দেখে, কখনো বৃহৎকে তুচ্ছ এবং কখনো তুচ্ছকে বৃহৎ করিয়া তুলে । “নাচ রে নাচ রে, জাহু, নাচনখানি দেখি ।” নাচনখানি । যেন জাহু হইতে তাহার নাচনখানিকে পৃথক করিয়া একটি স্বতন্ত্র পদার্থের মতো দেখা যায় ; যেন সেও একটি আদরের জিনিস । “খোকা যাবে বেড়ু করতে তেলিমাগীদের পাড়া । এহলে ‘বেড়ু করতে’ না বলিয়া ‘বেড়াইতে’ বলিলেই প্রচলিত ভাষার গৌরব রক্ষা করা হইত, কিন্তু তাহাতে খোকাবাবুর বেড়ানোর গৌরব হ্রাস হইত । পৃথিবীস্থল লোক বেড়াইয়া থাকে, কিন্তু খোকাবাবু ‘বেড়ু’ করেন । উহাতে খোকাবাবুর বেড়ানোটি একটু বিশেষ পদার্থরূপে প্রকাশ পায় ।

খোকা এল বেড়িয়ে ।

দুধ দাও গো জুড়িয়ে ।

দুধের বাটি লুপ্ত ।

খোকা হলেন খ্যাপ্ত ।

খোকা যাবেন নায়ে ।

লাল জুতায় পায়েরে ।

অদৃশ্য, খোকাবাবু লক্ষণ সমাধা করিয়া আসিয়া দুধের বাটি দেখিয়া কিপ্ত হইয়া উঠিয়াছেন সে-ঘটনাটি গৃহরাজ্যের মধ্যে একটি বিষম ঘটনা, এবং তাহার যে নোকারোচণে ভ্রমণের সংকল্প আছে ইহাও ইতিহাসে লিপিবদ্ধ করিয়া রাখিবার যোগ্য, কিন্তু পাঠকগণ শেষ ছত্রের প্রতি বিশেষ লক্ষ্য করিয়া দেখিবেন । আমরা যদি সবশ্রেষ্ঠ ইংরেজের দোকান হইতে আজাদু-সমৃথিত বুট কিনিয়া অত্যন্ত মচ্ মচ্ শব্দ করিয়া বেড়াই, তথাপি লোকে তাহাকে জুতা অথবা জুতি বলিবে মাত্র । কিন্তু

খোকাবাবুর অতি ক্ষুদ্র কোমল চরণযুগলে ছোটো ঘুটি-দেওয়া অতি ক্ষুদ্র সামান্ত-মূল্যের রাঙা কুতাজোড়া, সেটা হইল কুতুরা। স্পষ্টই দেখা বাইতেছে কুতার আদরও অনেকটা পদ-সঙ্গমের উপরেই নির্ভর করে, তাহার অল্প মূল্য কাহারো খবরেই আসে না।

সর্বশেষে, উপসংহারকালে আর-একটি কথা লক্ষ্য করিয়া দেখিবার আছে। (যেখানে মানুষের গভীর বেহ, অকৃত্রিম প্রীতি, সেইখানেই তাহার দেবপূজা) যেখানে আমরা মানুষকে ভালোবাসি সেইখানেই আমরা দেবতাকে উপলক্ষি করি। ঐ যে বলা হইয়াছে 'নিরলে বসিয়া চাঁদের মুখ নিরখি', ইহা দেবতারই ধ্যান। শিশুর ক্ষুদ্রমুখপানির মধ্যে এমন কী আছে যাহা নিরীক্ষণ করিয়া দেখিবার জ্ঞান, যাহা পরিপূর্ণরূপে উপলক্ষি করিবার জ্ঞান অরণ্যের নিরালার মধ্যে গমন করিতে ইচ্ছা হয়, মনে হয়, সমস্ত সংসার সমস্ত নিত্যনৈমিত্তিক ক্রিয়াকর্ম এই আনন্দ-ভাণ্ডার হইতে চিত্তকে বিক্ষিপ্ত করিয়া দিতেছে। যোগীগণ যে-অমৃত-লালসায় পানাহার ত্যাগ করিয়া অরণ্যের অন্ধক অবসর অন্বেষণ করিতেন, জননী নিজের সন্তানের মুখে সেই দেবচূর্ণিত অমৃত-রসের সন্ধান প্রাপ্ত হইয়াছেন, তাই তাহার অস্তরের উপাসনা-মন্দির হইতে এই গাথা উচ্ছ্বসিত হইয়া উঠিয়াছে :

ধনকে নিরে বনকে বাব—সেখানে বাব কী।

নিরলে বসিয়া চাঁদের মুখ নিরখি।

সেইজন্ত ছড়ার মধ্যে প্রায়ই দেখিতে পাওয়া যায় নিজের পুত্রের সহিত দেবকীর পুত্রকে অনেক স্থলেই মিশাইয়া ফেলা হইয়াছে। অল্প দেশের মনুষ্যে দেবতায় এরূপ মিশাইয়া দেওয়া দেবাপমান বলিয়া গণ্য হইত। (কিন্তু আমার বিবেচনার মনুষ্যের উচ্চতম মধুরতম গভীরতম সঙ্কসকল হইতে দেবতাকে স্মদুরে স্বতন্ত্র করিয়া রাখিলে মনুষ্যকেও অপমান করা হয় এবং দেবকেও আদর করা হয় না।) আমাদের

ছড়ার মধ্যে মর্ত্যের শিশু স্বর্গের দেবশ্রুতিমার সঙ্গে যখন-তখন এক হইয়া গিয়াছে— সেও অতি সহজে অবহেলে— তাহার জন্ত স্বতন্ত্র চাল-চিত্রেরও আবশ্যক হইতেছে না। শিশু-দেবতার অতি অদ্ভুত অসংগত অর্থহীন চালচিত্রের মধ্যেই স্বর্গের দেবতা কখন অলঙ্কিতে শিশুর সহিত মিশিয়া আপনি আসিয়া দাঁড়াইতেছেন।

খোকা বাবে বেড়, করতে তেলিমাগীদের পাড়া।

তেলিমাগীরা মুখ করেছে কেন রে মাখনচোরা।

ভাঁড় তেঙেছে, ননি পেয়েছে, আর কি দেখা পাব।

কদমতলার দেখা পেলে বাঁশি কেড়ে নেব।

ইচ্ছা তেলিমাগীদের পাড়ার ক্ষুদ্র খোকাবাবু কখন যে বৃন্দাবনের বাঁশি আনিয়া ফেলিয়াছেন, তাহা, সে-বাঁশি যাহাদের কানের ভিতর দিয়া মরমে প্রবেশ করিয়াছে তাহাবাই বুঝিতে পারিবে।

(আমি ছড়াকে মেঘের সহিত তুলনা করিচ্ছি। উভয়েই পরিবর্তন-শীল, বিবিধ রূপে রঞ্জিত, বায়ুশ্রান্তে যদৃচ্ছা ভাসমান। দেখিয়া মনে হয় নিরর্থক) ছড়াও কলাবিচার-শাস্ত্রের বাহির, মেঘবিজ্ঞানও শাস্ত্র-নিয়মের মধ্যে ভাঙিয়া ধরা দেয় নাই। অথচ জড়জগতে এবং মানবজগতে এই দুই উচ্ছৃঙ্খল অদ্ভুত পদার্থ চিরকাল মহৎ উদ্দেশ্য সাধন করিয়া আসিতেছে। মেঘ বাত্মিকবায়ু নামিয়া আসিয়া শিশু-শব্দকে প্রাণদান করিতেছে, এবং ছড়াগুলিও স্নেহরসে বিগলিত হইয়া কল্পনা-বৃষ্টিতে শিশুহৃদয়কে উবর করিয়া তুলিতেছে। লঘুকায় বন্ধনহীন মেঘ আপন লঘুত্ব এবং বন্ধনহীনতা গুণেই জগদ্ব্যাপী হিতসাধনে স্বভাবতই উপযোগী হইয়া উঠিয়াছে : এবং ছড়াগুলিও ভারহীনতা, অর্থবন্ধনশূন্যতা এবং চিত্রবৈচিত্র্যবশতই চিরকাল ধরিয়া শিশুদের মনোরঞ্জন করিয়া আসিতেছে—শিশু-মনোবিজ্ঞানের কোনো সূত্র সম্মুখে ধরিয়া রচিত হয় নাই।

রাজসিংহ

‘রাজসিংহ’ প্রথম হইতে উলটাইয়া গেলে এই কথাটি বারংবার মনে হয় যে, কোনো ঘটনা কোনো পরিচ্ছেদ কোথাও বসিয়া কালক্ষেপ করিতেছে না। সকলেই অবিশ্রাম চলিয়াছে। এবং সেই অগ্রসর-গতিতে পাঠকের মন সবলে আকৃষ্ট হইয়া গ্রন্থের পরিণামের দিকে বিনা আরাগমে ছুটিয়া চলিতেছে।

এই অনিবার্য অগ্রসরগতি সঞ্চার করিবার জন্য বহুমুখী তাঁহার প্রত্যেক পরিচ্ছেদ হইতে সমস্ত অনাবশ্যক ভার দূর ফেলিয়া দিয়াছেন। অনাবশ্যক কেন, অনেক আবশ্যক ভারও বজন করিয়াছেন, কেবল অত্যাশঙ্কটুকু রাখিয়াছেন মাত্র। —

কোনো ভীক লেখকের হাতে পড়িলে ইহার মধ্য অনেকগুলি পরিচ্ছেদে বড়ো বড়ো কৈফিয়ত বসিত। জ্ঞানসিঁহির ভার তাহাকে অনেক কথা বাড়াইয়া লিখিতে হইত। (১) সম্রাটের অস্তঃপুরের মধ্য প্রবেশ করিয়া বাদশাহজাদীর সহিত মোবারকের প্রণয়ব্যাপার, গাভী লইয়া দুঃসাহসিকা আতরওয়ালী দরিয়ার প্রণয়ভাণ্ডা, চঞ্চলকুমারীর নিকট আপন পরামর্শ ও পাঞ্জা-সমত যোধপুরী বেগমের দুঃপ্রবেশ, সেনাপতির নিকট নৃত্যকোশল দেগাইয়া দরিয়ার পুরুষদর্শী অখারোষ্ঠী সৈনিক সাজিবার সম্মতি গ্রহণ—এ-সমস্ত যে একবারেই সমুদায় তাহা না হইতে পারে, কিন্তু ইহাদের সত্যতার বিশিষ্ট প্রমাণ আবশ্যক। বহুমুখী এক-একটি ছোটো ছোটো পরিচ্ছেদ ইহাদিগকে এমন অবলীলাক্রমে অসংকাচে ব্যক্ত করিয়া গেছেন যে, কেহ তাহাকে সংকল্প করিতে সাহস করে না। ভীক লেখকের কলম এই-সকল জায়গায় ইতস্তত করিত, অনেক কথা বলিত এবং অনেক কথা বলিতে গিয়াই পাঠকের সন্দেহ আরো বেশি করিয়া আকর্ষণ করিত।

বন্ধিমবাবু একে তো কোথাও কোনোরূপ জবাবদিহি করেন নাই, তাহার উপরে আবার মাঝে-মাঝে নির্দোষ পাঠকদিগকেও ধমক দিতে ছাড়েন নাই। মানিকলাল যখন পথের মধ্যে হঠাৎ অপরিচিতা নির্মল-কুমারীকে তাহার সহিত এক ঘোড়ায় উঠিয়া বসিতে বলিল এবং নির্মল যখন তাহার নিকট বিবাহের প্রতিশ্রুতি গ্রহণ করিয়া অবিলম্বে মানিকলালের অক্ষুণ্ণ রক্ষা করিল, তখন লেখক কোথায় তাহার স্বরচিত পাত্রগুলির এইরূপ অপূর্ব ব্যবহারে কিঞ্চিৎ অপ্রতিভ হইবেন, তাহা না হইয়া উলটাইয়া তিনি বিস্মিত পাঠকবর্গের প্রতি কটাক্ষপাত করিয়া বলিয়াছেন :

— (বোধ হয় কোটশিপটা পাঠকের বড়ো ভালো লাগিল না। আমি কী করিব। ভালোবাসাবাসির কথা একটাও নাই— বহুকালসঞ্চিত প্রণয়ের কথা কিছু নাই—‘হে প্রাণ’, ‘হে প্রাণাধিকা’, সে-সব কিছুই নাই—ধিক।

এই গ্রন্থ-বর্ণিত পাত্ৰগণের চরিত্রের, বিশেষত স্ত্রীচরিত্রের মধ্যে বড়ো একটা দ্রুততা আছে। তাহার বড়ো বড়ো সাহসের এবং নৈপুণ্যের কাজ করে, অপচ তৎপূৰ্ণ যত্নে ইতস্তত অথবা চিন্তা করে না। (সুন্দরী বিদ্যাভারতীর মতো এক নিমেষে মেধাবরোধ ছিন্ন করিয়া লক্ষ্যের উপর গিয়া পড়ে, কোনো প্রস্তুতভিত্তি সেই প্রলয়গতিকে বাধা দিতে পারেন না।)

স্ত্রীলোক যখন কাজ করে তখন এমনি করিয়াই কাজ করে। তাহার সমগ্র মন প্রাণ লাইয়া, বিবেচনা চিন্তা বিসর্জন দিয়া, একবারে অব্যবহিত ভার উদ্ভোগসাধনে প্রবৃত্ত হয়। কিন্তু যে-অদয়বৃত্তি প্রবল হইয়া তাহার প্রাত্যহিক গৃহকর্মসীমার বাহিরে তাহাকে অনিবার্য বেগে আকর্ষণ করিয়া থাকে, পাঠককে পুন হইতে তাহার একটা পরিচয় একটু সংবাদ দেওয়া আবশ্যিক। বন্ধিমবাবু তাহা পুরাপুরি দেন নাই।

সেইজন্য রাজসিংহ প্রথম পড়িতে পড়িতে মনে হয়, সহসা এই

উপন্যাস-জগৎ হইতে মাধ্যাকর্ষণশক্তির প্রভাব যেন অনেকটা হ্রাস হইয়া গিয়াছে। আমাদেরকে যেখানে কষ্টে চলিতে হয়, এই উপন্যাসের লোকেরা সেখানে লাকাইয়া চলিতে পারে। সংসারে আমরা চিন্তা শক্তি সংশয়ভারে ভারাক্রান্ত, কার্যক্ষেত্রে সর্বদাই বিধাপরায়ণ মনের বোঝাটা বহিয়া বেড়াইতে হয়— কিন্তু রাজসিংহ-জগতে অধিকাংশ লোকের যেন আপনার ভার নাই।

স্বাহারা আজকালকার ইংরেজি নভেল বেশি পড়ে তাহাদের কাছে এই লঘুতা বড়ো বিষয়জনক। আধুনিক ইংরেজি নভেলে পদে পদে বিশ্লেষণ—একটা সামান্ত্রতম কার্যের সহিত তাহার দূরতম কারণপরম্পরা গাঁথিয়া দিয়া সেটাকে বৃহদাকার করিয়া তোলা হয়। ব্যাপারটা হয়তো ছোটো, কিন্তু তাহার নথিটা বড়ো বিপর্ষয়। আজকালকার নভেলিস্টরা কিছুই বাদ দিতে চান না, তাহাদের কাছে সকলই গুরুতর। এইজন্য উপন্যাসে সংসারের ওজন ভয়ংকর বাড়িয়া উঠিয়াছে। ইংরেজের কথা জানি না, কিন্তু আমাদের মতো পাঠককে তাহাতে অভ্যস্ত ক্রিষ্ট করে।

✓✓ এইজন্য আধুনিক উপন্যাস আরম্ভ করিতে ভয় হয়। মনে হয়, কর্মক্রান্ত মানবহৃদয়ের পক্ষে বাস্তবজগতের চিন্তাতার অনেক সময় যথেষ্টের অপেক্ষা বেশি হইয়া পড়ে, আবার যদি সাহিত্যও নির্ভর হয় তবে আর পলায়নের পথ থাকে না। (সাহিত্যে আমরা জগতের সত্য চাই, কিন্তু জগতের ভার চাই না।)

কিন্তু সত্যকে সম্যক প্রতীক্ষমান করিয়া তুলিবার জন্য কিয়ৎপরিমাণে ভারের আবশ্যক, সেটুকু ভারে কেবল সত্য ভালোরূপে অনুভবগম্য হইয়া হৃদয়ে আনন্দ উৎপাদন করে; করনাজগৎ প্রত্যক্ষবৎ দৃঢ় স্পর্শযোগ্য ও চিরস্থায়ীরূপে প্রতিষ্ঠিত বোধ হয়।

// বঙ্কিমবাবু রাজসিংহে সেই আবশ্যক ভারেরও কিয়দংশ যেন বাদ দিয়াছেন বোধ হয়। ভারে যেটুকু কম পড়িয়াছে গতির ধারায় তাহা

পূরণ করিয়াছেন। উপত্যাসের প্রত্যেক অংশ অসম্বন্ধরূপে সম্ভবপর ও প্রসঙ্গ সহ করিয়া তুলেন নাই, কিন্তু সমস্তটার উপর দিয়া এমন ক্রত অবলীলাভঙ্গীতে চলিয়া গিয়াছেন যে, প্রসঙ্গ করিবার আবশ্যক হয় নাই।

এমন হইবার কারণও স্পষ্ট পড়িয়া রহিয়াছে। যখন বৃহৎ সৈন্যদল যুদ্ধ করিতে চলে তখন তাহারা সমস্ত ঘরকবুনা কাঁধে করিয়া লইয়া চলিতে পারে না। বিস্তর আবশ্যক দ্রব্যের মায়াও তাহাদিগকে ত্যাগ করিতে হয়। চলৎশক্তির বাধা তাহাদের পক্ষে মারাত্মক। গৃহস্থ-মাছুষের পক্ষেই উপকরণের প্রাচুর্য এবং ভারবাহন্য শোভা পায়।

(রাজসিংহের গল্পটা সৈন্যদলের চলার মতো— ঘটনাগুলো বিচিত্র ব্যূহ-রচনা করিয়া বৃহৎ আকারে চলিয়াছে।) এই সৈন্যদলের নায়ক যাহারা তাহারাও সমান বেগে চলিয়াছেন, নিজের সুখদুঃখের খাতিরে কোথাও বেশিক্ষণ থামিতে পারিতেছেন না।

একটা দৃষ্টান্ত দেওয়া যাক। রাজসিংহের সহিত চঞ্চলকুমারীর প্রণয়ব্যাপারটা তেমন ঘনাইয়া উঠে নাই বলিয়া কোনো কোনো পাঠক এবং সম্ভবত বহুসংখ্যক পাঠিকা আক্ষেপ করিয়া থাকেন। বঙ্কিমবাবু বড়ো একটা দুর্লভ অবসর পাইয়াছিলেন— এই সুযোগে কন্দর্পের পঞ্চশরে এবং করুণরসের বরুণবাণে দিগ্বিদিক সমাকুল করিয়া তুলিতে পারিতেন।

কিন্তু তাহার সময় ছিল না। (ইতিহাসের সমস্ত প্রবাহ তখন একটি সংকীর্ণ সন্ধিপথে বজ্রস্তনিতরবে ফেনাইয়া চলিতেছিল— তাহারই উপর দিয়া সামান্ সামান্ তরী। তখন রহিয়া-বসিয়া ইনিয়া-বিনিয়া প্রেমান্বিত করিবার সময় নহে।

তখনকার যে প্রেম, সে অত্যন্ত বাহ্যাবর্জিত সংকীর্ণ সংহত। সে তো বাসররাত্রে প্রথমবার বাসন্তী প্রেম নহে— ঘন বর্ষার কালরাত্রে মৃত্যু হঠাৎ পশ্চাৎ হইতে আসিয়া দোলা দিয়াছে— মান-অভিমান

লাজ-লজ্জা বিসর্জন দিয়া ত্রস্ত নায়িকা চকিত বাহুপাশে নারককে বাধিয়া ফেলিয়াছে। এখন সুদীর্ঘ সুমধুর ভূমিকার সময় নহে।

এই অকস্মাৎ মৃত্যুর দোলায় সকলেই সজাগ হইয়া উঠিয়াছে এবং আপনার অন্তরবাগী মহাপ্রাণীর আলিঙ্গন অসম্ভব করিতেছে।) কোথায় ছিল ক্ষুদ্র রূপনগরের অন্তঃপুরপ্রান্তে একটি বালিকা,— কালক্রমে সে কোনো ক্ষুদ্র রাজপুত্র নৃপতির শত রাজ্ঞীর মধ্যে অসম্ভব-চিত্রিত লতার উপরে অসম্ভব-চিত্রিত পক্ষীখচিত খেতপ্রস্তরচিত কক্ষপ্রাচীর মধ্যে পুরু গালিচার বসিয়া রত্নসজ্জিনীগণের হাসি-টিটকারি-পরিবৃত হইয়া আলবোলায় তামাকু টানিত, সেই পুষ্পপ্রতিমা সুকুমার সুন্দর বালিকাটুকুর মধ্যে কী এক দুর্বার দুর্ধর্ষ প্রাণশক্তি জাগ্রত হইয়া উঠিল— সে আজ বাধমুক্ত বস্ত্রের একটি গবোদ্ধত প্রদল তরঙ্গের জায় দিল্লির সিংহাসনে গিয়া আঘাত করিল। কোথায় ছিল যোগল রাজ-প্রাসাদের রত্নখচিত রঙমহলে সুন্দরী জেবউন্নিসা -- সে স্তম্ভের উপর স্তম্ভ, বিলাসের উপর বিলাস বিকীর্ণ করিয়া আপনার অন্তরাঘ্নাকে আরামের পুষ্পরাশির মধ্যে আচ্ছন্ন অচেতন করিয়া রাখিয়াছিল, সে-দিনের সেই মৃত্যুদোলায় হঠাৎ তাহার অন্তরশয্যা হইতে জাগ্রত হইয়া তাহাকে কোন্ মহাপ্রাণী এমন নিষ্ঠুর কঠিন বাহুবর্ষ্টনে পীড়ন করিয়া ধরিল, সম্রাটহুহিতাকে কে সেই সর্বত্রগামী হুংগের হস্তে সমর্পণ করিল যে-হুংগ প্রাসাদের রাজরাজেশ্বরীকেও কুটিরবাসিনী কুমককন্ঠার সহিত এক বেদনাশয্যায় শয়ান করাইয়া দেয়। দস্যু মানিকলাল চইল দার, রূপমুগ্ধ মোবারক মৃত্যুসাগরে আত্মবিসর্জন করিল, গৃহপিণ্ডের নিমল-কুমারী বিপ্লবের নহিরাকাশে উড়িয়া আসিল, এবং নৃত্যকুশলা পতঙ্গ-চপলা দরিয়। সহসা অট্টহাস্ত মুক্তকণ্ঠে কালনৃত্য আসিয়া যোগ দিল।

অর্ধরাত্রির এই বিশ্বব্যাপী ভয়ংকর জাগরণের মধ্যে কি মধ্যাহ্ন-কুমারবাগী প্রণয়ের করুণ কপোতকূজন প্রত্যাশা করা যায়।

রাজসিংহ দ্বিতীয় 'বিমবৃক্ষ' হয় নাই বলিয়া আক্ষেপ করা সাজে না। বিমবৃক্ষের স্মৃতির স্মৃৎস্বঃখের পাকগুলি প্রথম হইতেই পাঠকের মনে কাটিয়া কাটিয়া বসিতেছিল। অবশেষে শেষ কয়টা পাকে হস্তাগ্য পাঠকের একেবারে কঠরুদ্ধ হইয়া আসে। রাজসিংহের প্রথম দিকের পরিচ্ছেদগুলি মনের উপর সেরূপ রক্তবর্ণ স্মৃগভীর চিহ্ন দিয়া যায় না, তাহার কারণ রাজসিংহ স্বতন্ত্রজাতীয় উপন্যাস।

প্রবন্ধ লিপিতে বসিয়াছি বলিয়াই মিথ্যা কথা বলিবার আবশ্যক দেখি না। কাল্পনিক পাঠক খাড়া করিয়া তাহাদের প্রতি দোষারোপ করা আমার উচিত হয় না। আসল কথা এই যে, রাজসিংহ পড়া আরম্ভ করিয়া আমারই মনে প্রথম-প্রথম খটকা লাগিতেছিল। আমি ভাবিতেছিলাম, বড়োই বেশি তাড়াতাড়ি দেখিতেছি— কাহারো যেন মিষ্টমুখে ছুটা ভদ্রতার কথা বলিয়া যাইবারও অবসর নাই। মনের ভিতর এমন আঁচড় দিয়া না গিয়া আর-একটু গভীরতরূপে কৰ্ষণ করিয়া গেলে ভালো হইত। যখন এই-সকল কথা ভাবিতেছিলাম তখন রাজসিংহের ভিতরে গিয়া প্রবেশ করি নাই।

পর্বত হইতে প্রথম বাহির হইয়া যখন নির্ঝরগুলা পাগলের মতো ছুটিতে আরম্ভ করে, তখন মনে হয় তাহারা খেলা করিতে বাহির হইয়াছে,— মনে হয় না তাহারা কোনো কাজের। পৃথিবীতে তাহারা গভীর চিহ্ন অঙ্কিত করিতে পারে না। কিছুদূর তাহাদের পশ্চাতে অনুসরণ করিলে দেখা যায় নির্ঝরগুলা নদী হইতেছে—ক্রমেই গভীরতর হইয়া ক্রমে প্রশস্ততর হইয়া পর্বত ভাঙিয়া পথ কাটিয়া জয়ধ্বনি করিয়া মহাবলে অগ্রসর হইতেছে— সমুদ্রের মধ্যে মহাপরিণাম প্রাপ্ত হইবার পূর্বে তাহার আর বিশ্রাম নাই।

রাজসিংহও তাই। তাহার এক-একটি খণ্ড এক-একটি নির্ঝরের মতো দ্রুত ছুটিয়া চলিয়াছে। প্রথম-প্রথম তাহাতে কেবল আলোকের

ঝিকিঝিকি এবং চঞ্চল লহরীর তরল কলধ্বনি— তাহার পর বর্ষখণ্ডে দেখি ধ্বনি গভীর, স্রোতের পথ গভীর এবং জলের বর্ণ ঘনকৃষ্ণ হইয়া আসিতেছে, তাহার পর সপ্তম খণ্ডে দেখি কতক-বা নদীর স্রোত, কতক-বা সমুদ্রের তরঙ্গ, কতক-বা অমোঘ পরিণামের মেঘগভীর গর্জন, কতক-বা তীব্র লবণাশ্রনিমগ্ন হৃদয়ের স্নগভীর ক্রন্দনোচ্ছ্বাস, কতক-বা কালপুরুষ-নিখিত ইতিহাসের অব্যাকুল বিরাট বিস্তার, কতক-বা ব্যক্তিবিশেষের মজ্জমান তরঙ্গীর প্রাণপণ হাহাধ্বনি। (সেখানে নৃত্য অতিশয় রুদ্র, ক্রন্দন অতিশয় তীব্র এবং ঘটনাবলী ভারত-ইতিহাসের এক যুগাবসান হইতে আর-এক যুগাস্তরের দিকে ব্যাপ্ত হইয়া গিয়াছে।)

রাজসিংহ ঐতিহাসিক উপন্যাস। ইহার নায়ক কে কে। ঐতিহাসিক অংশের নায়ক ঔরংজেব, রাজসিংহ এবং দিখাতাপুরুষ - উপন্যাস অংশের নায়ক আছে কিনা জানি না, নায়িকা জেবউন্নিসা।

রাজসিংহ, চঞ্চলকুমারী, নির্মলকুমারী, মানিকলাল প্রভৃতি ছোট্টা বড়ো অনেক মিলিয়া সেই মেঘছুর্দিন রথযাত্রার দিন ভারত-ইতিহাসের রথরজ্জু আর্কষণ করিয়া দুর্গম বন্ধুর পথে চলিয়াছিল। তাহাদের মধ্যে অনেক লেখকের করুণাপ্রসূত হইতে পারে, তথাপি তাহারা এই ঐতিহাসিক অংশেরই অন্তর্গত। তাহাদের জীবন-ইতিহাসের, তাহাদের সুখদুঃখের স্বতন্ত্র মূল্য নাই— অর্থাৎ এ-গ্রন্থে প্রকাশ পায় না।

জেবউন্নিসার সঙ্ঘিত ইতিহাসের যোগ আছে বটে, কিন্তু সে-যোগ গৌণভাবে। সে-যোগটুকু না থাকিলে এ-গ্রন্থের মধ্যে তাহার কোনো অধিকার থাকিত না। যোগ আছে, কিন্তু নিপুল ইতিহাস তাহাকে গ্রাস করিয়া আপনার অংশীভূত করিয়া লয় নাই, সে আপনার জীবন-কাহিনী লইয়া স্বতন্ত্রভাবে দীপ্যমান হইয়া উঠিয়াছে।

সাধারণ ইতিহাসের একটা গৌরব আছে। কিন্তু স্বতন্ত্র মানব-

জীবনের মহিমাও তদপেক্ষা ন্যূন নহে। ইতিহাসের উচ্চচূড় রথ চলিয়াছে, বিম্বিত হইয়া দেখো, সমবেত হইয়া মাতিয়া উঠ, কিছ সেই রথচক্রতলে যদি একটি মানবহৃদয় পিষ্ট হইয়া ক্রন্দন করিয়া যরিয়া যায় তবে তাহার সেই মর্মান্তিক আর্তধ্বনিও— রথের চূড়া যে গগনতল স্পর্শ করিতে স্পর্শ করিতেছে, সেই গগনপথে উচ্ছ্বসিত হইয়া উঠে, হয়তো সেই রথচূড়াকেও ছাড়াইয়া চলিয়া যায়।

বন্ধিমবাবু সেই ইতিহাস এবং মানব উভয়কেই একত্র করিয়া এই ঐতিহাসিক উপন্যাস রচনা করিয়াছেন।

(তিনি এই বহু জাতীয় ইতিহাসের এবং তীব্র মানব-ইতিহাসের পরম্পরের মধ্যে কিয়ৎপরিমাণে ভাবেরও যোগ রাখিয়াছেন।)

মোগল-সাম্রাজ্য যখন সম্পদে এবং ক্রমতায় স্ফীত হইয়া একান্ত স্বার্থপর হইয়া উঠিল, যখন সে সম্রাটের পক্ষে স্তায়পরতা অনাবশ্যক বোধ করিয়া, প্রজার সুখদুঃখ একেবারে অন্ধ হইয়া পড়িল, তখন তাহার জাগরণের দিন উপস্থিত হইল।

বিলাসিনী জেবউন্নিসাও মনে করিয়াছিল, সম্রাটছহিতার পক্ষে প্রেমের আবশ্যক নাই, সুখই একমাত্র শরণ্য। সেই সুখে অন্ধ হইয়া, যখন সে দয়ানর্মেব মস্তক আপন জরিজহরতজড়িত পাছুকাখচিত-সুন্দর বামচরণখানি দিয়া পদাঘাত করিল, তখন কোন্ অজ্ঞাত গুহাতল হইতে কুপিত প্রেম জাগ্রত হইয়া তাহার মর্মস্থলে দংশন করিল, শিরায় শিরায় সুখমধুরগামী রক্তশ্রোতের মধ্যে একেবারে আগুন বহিতে লাগিল, আরামের পুষ্পশয্যা চিতাশয্যার মতো তাহাকে দগ্ধ করিল— তখন সে ছুটিয়া বাহির হইয়া উপেক্ষিত প্রেমের কণ্ঠে বিনীত দীনভাবে সমস্ত সুখসম্পদের বরমাল্য সমর্পণ করিল— দুঃখকে বেছায় বরণ করিয়া হৃদয়গানে অভিষেক করিল। তাহার পরে আর সুখ পাইল না, কিছ আপন সচেতন অন্তরাছাকে ফিরিয়া পাইল। (জেবউন্নিসা সম্রাট-

শোণাদের অবরুদ্ধ অচেতন আরাগর্ভ হইতে তীব্র যন্ত্রণার পর ধূলার
ভূমিষ্ঠ হইয়া উদার জগতীতলে জন্মগ্রহণ করিল। এখন হইতে সে
অনন্তজগৎবাসিনী রমণী ।)

ইতিহাসের মহাকোলাহলের মধ্যে এই নবজাগ্রত হতভাগিনী
নারীর বিদীর্ণপ্রায় হৃদয় মাঝে মাঝে ফুলিয়া ফুলিয়া কাঁদিয়া কাঁদিয়া
উঠিয়া রাজসিংহের পরিণাম-অংশে বড়ো একটা রোমাঞ্চকর সুবিশাল
করণা ও ব্যাকুলতা বিস্তার করিয়া দিয়াছে। দুর্ধোগের রাত্রে এক দিকে
মোগলের অভভেদী পাষণপ্রাসাদ ভাঙিয়া ভাঙিয়া পড়িতেছে, আর-
এক দিকে সর্বভাগিনী রমণীর অব্যক্ত ক্রন্দন ফাটিয়া ফাটিয়া উঠিতেছে ;
সেই বৃহৎ ব্যাপারের মধ্যে কে তাহার প্রতি দৃকপাত করিব— কেবল
যিনি অন্ধকার রাত্রে অতন্ধ থাকিয়া সমস্ত ইতিহাসপর্ষায়কে নীরবে
নিয়মিত করিতেছেন, তিনি এই ধূলিনুষ্ঠামান ক্ষুদ্র মানদীকেও অনিয়ম
লোচনে নিরীক্ষণ করিতেছিলেন।

এই ইতিহাস এবং উপন্যাসকে একসঙ্গে চালাইতে গিয়া উভয়কেই
এক রাশের দ্বারা বাঁধিয়া সংযত করিতে হইয়াছে। ইতিহাসের ঘটনা-
বহুলতা এবং উপন্যাসের হৃদয়বিশ্লেষণ উভয়কেই কিছু পব করিতে
হইয়াছে— কেহ কাহারও অগ্রবর্তী না হয় এ-বিষয়ে গ্রন্থকারের বিশেষ
লক্ষ্য ছিল দেখা যায়। লেখক যদি উপন্যাসের পাত্রগণের সুখদুঃখ এবং
হৃদয়ের লীলা বিস্তার করিয়া দেখাইতে বসিতেন তবে ইতিহাসের গতি
অচল হইয়া পড়িত। (তিনি একটি প্রবল স্রোতস্থিনীর মধ্যে ছুটি-একটি
নৌকা ভাসাইয়া দিয়া নদীর স্রোত এবং নৌকা উভয়কেই একসঙ্গে
দেখাইতে চাহিয়াছেন।) এইজন্য চিত্রে নৌকার আয়তন অপেক্ষাকৃত
ক্ষুদ্র হইয়াছে, তাহার প্রত্যেক সূক্ষ্মসূক্ষ্ম অংশ দৃষ্টিগোচর হইতেছে না।
চিত্রকর যদি নৌকার ভিতরের ব্যাপারটাই বেশি করিয়া দেখাইতে
চাহিতেন তবে নদীর অধিকাংশই তাহার চিত্রপট হইতে বাদ পড়িত।

হইতে পারে কোনো কোনো অতিকৌতুহলী পাঠক ঐ নৌকার অভ্যন্তর-
ভাগ দেখিবার জন্য অতিমাত্র ব্যগ্র এবং সেইজন্য মনঃকোতে লেখককে
তাঁহারা নিন্দা করিবেন। কিন্তু সেরূপ বৃথা চপলতা পরিহার করিয়া
দেখা কর্তব্য, লেখক গ্রন্থবিশেষে কী করিতে চাহিয়াছেন এবং তাহাতে
কতদূর কৃতকাৰ্য হইয়াছেন। পূর্ব হইতে একটি অমূলক প্রত্যাশা
কাঁদিয়া বসিয়া তাহা পূর্ণ হইল না বলিয়া লেখকের প্রতি দোষারোপ
করা নিবেচনাসংগত নহে। গ্রন্থপাঠান্তে আমি নিজে এই অপরাধ
করিবার উপক্রম করিয়াছিলাম বলিয়াই এ-কথাটা বলিতে হইল।

চৈত্র, ১৩০০

মনুষ্ট

শ্রোতস্বিনী প্রাতঃকালে আমার বৃহৎ খাতাটি হাতে করিয়া আনিয়া কহিল, “এ সব তুমি কী লিখিয়াছ। আমি যে-সকল কথা কস্মিন-কালে বলি নাই, তুমি আমার মুখে কেন বলাইয়াছ।”

আমি কহিলাম, “তাহাতে দোষ কী হইয়াছে।”

শ্রোতস্বিনী কহিল, “এমন করিয়া আমি কখনো কথা কহি না এবং কহিতে পারি না। যদি তুমি আমার মুখে এমন কথা দিতে, যাহা আমি বলি বা না-বলি আমার পক্ষে বলা সম্ভব, তাহা হইলে আমি এমন লজ্জিত হইতাম না। কিন্তু এ যেন তুমি একখানা বই লিখিয়া আমার নামে চালাইতেছ।”

আমি কহিলাম, “তুমি আমারের কাছে কতটা বলিয়াছ, তাহা তুমি কী করিয়া বুঝিবে। তুমি কতটা বলা, তাহার সহিত তোমাকে যতটা জানি, ছই মিশিয়া অনেকখানি হইয়া উঠে। তোমার সমস্ত জীবনের দ্বারা তোমার কথাগুলি ভরিয়া উঠে। তোমার সেই অব্যক্ত উচ্চ কথাগুলি তো বাদ দিতে পারি না।”

শ্রোতস্বিনী চুপ করিয়া রহিল। জানি না, বুঝিল কি না বুঝিল। বোধ হয় বুঝিল, কিন্তু তথাপি আমার কহিলাম, “তুমি জীবন্ত বর্তমান, প্রতিক্ষণে নব নব ভাবে আপনাকে ব্যক্ত করিতেছ -- তুমি যে অাছ, তুমি যে সত্য, তুমি যে স্মরণ, এ বিশ্বাস উদ্ভূত করিবার জন্য তোমাকে কোনো চেষ্টাই করিতে হইতেছে না। কিন্তু লেখায় সেই প্রথম সত্যটুকু প্রমাণ করিবার জন্য অনেক উপায় অবলম্বন এবং অনেক বাক্য ব্যয় করিতে হয়। নতুবা প্রত্যক্ষের সহিত অপ্রত্যক্ষ সমকক্ষতা রক্ষা

করিতে পারিবে কেন। তুমি যে মনে করিতেছ, আমি তোমাকে বেশি বলাইয়াছি, তাহা ঠিক নহে— আমি বরং তোমাকে সংক্ষেপ করিয়া লইয়াছি— তোমার লক্ষ লক্ষ কথা, লক্ষ লক্ষ কাজ, চিত্রবিচিত্র আকার-ইন্দ্রিতের কেবলমাত্র সারসংগ্রহ করিয়া লইতে হইয়াছে। নহিলে, তুমি যে-কথাটি আমার কাছে বলিয়াছ ঠিক সেই কথাটি আমি আর কাহাণ্ড কর্ণগোচর করাইতে পারিতাম না— লোকে তের কম স্তুতিত এবং ভুল স্তুতিত।”

স্রোতস্বিনী দক্ষিণ পার্শ্ব দ্রুত মুখ ফিরাইয়া একটা দৃষ্টি স্থলিয়া তাহার পাতা উলটাউতে উলটাউতে কহিল, “তুমি আমাকে স্নেহ করে বলিয়া আমাকে যতখানি দয়া আমি তো দাস্তবিক ততখানি নহি।”

আমি কহিলাম, “আমার কি এত স্নেহ আছে যে, তুমি দাস্তবিক যতখানি আমি তোমাকে ততখানি দেখিতে পাইব। একটি মানুষের সমস্ত কে ঈশ্বর করিতে পারে, ঈশ্বরের দয়া কাহার স্নেহ।”

কিন্তু তো এতদ্বারা অস্থির হইয়া উঠিল, কহিল, “এ আবার তুমি কী কথা তুলিলে। স্রোতস্বিনী তোমাকে এক ভাব প্রশ্ন জিজ্ঞাসা করিলেন, তুমি অন্য-এক ভাব তাহার উত্তর দিলে।”

আমি কহিলাম, “আমি বলিতেছিলাম, যাহাকে আমরা ভালো-বাসি কেবল তাহা দই দয়া আমরা অন্যস্বত্ব পরিচয় পাই। এমন কি, জীবের মধ্যে অন্যস্বত্ব অমৃতের কদাচই অন্য নাম ভালোদাস। প্রকৃতির মধ্যে অমৃতের কদাচই নাম সৌন্দর্যসম্ভোগ। সমস্ত দৈবদর্শন মধ্যে এই গভীর তত্ত্বটি নিহিত রহিয়াছে।

“দৈবদর্শন পৃথিবীর সমস্ত প্রেম-সম্পর্কের মধ্যে ঈশ্বরকে অমৃতের করিতে চেষ্টা করিয়াছে। যখন দেখিয়াছে, যা আপনার সন্তানের মধ্যে আনন্দের আর অধি পায় না, সমস্ত হৃদয়খানি মুহুর্তে মুহুর্তে ভাঁজে ভাঁজে স্থলিয়া ঐ ক্ষুদ্র মানবাত্মকে সম্পূর্ণ বেটন করিয়া

শেষ করিতে পারে না, তখন আপনার সম্বন্ধে মধ্যে আপনার ঈশ্বরকে উপাসনা করিয়াছে। যখন দেখিয়াছে, প্রভুর জন্ত দাস আপনার প্রাণ দেয়, বন্ধুর জন্ত বন্ধু আপনার স্বার্থ বিসর্জন করে, প্রিয়তম এবং প্রিয়তমা পরস্পরের নিকটে আপনার সমস্ত আত্মাকে সমর্পণ করিবার জন্ত ব্যাকুল হইয়া উঠে, তখন এই-সমস্ত প্রেমের মধ্যে একটা সীমাতীত লোকাতীত ঐশ্বর্য অনুভব করিয়াছে।”

সমীর এতক্ষণ আমার খাতাটি পড়িতেছিল, শেষ করিয়া কহিল, “এ কী করিয়াছ। তোমার ডায়ারির এই লোকগুলো কি মানুষ, না যথার্থই ভূত? ইহারা দেখিতেছি, কেবল বড়ো বড়ো ভাঙ্গা ভাঙ্গা কথাই বলে, কিন্তু ইহাদের আকার-আয়তন কোথায় গেল।”

আমি বিবক্ষমুখে কহিলাম, “কেন বলে দেখি।”

সমীর কহিল, “তুমি মনে করিয়াছ, আত্মের অপেক্ষা অামসব ভাঙ্গা— তাহাতে সমস্ত আঁঠি আঁশ আদরণ এবং জলীয় অংশ পবিহৃত করা যায়— কিন্তু তাহান সেই লোভন গন্ধ, সেই শোভন আদর কোথায়। তুমি কেবল আমাদ সারটুকু লোককে দিবে, অামাদ মানুষটুকু কোথায় গেল। আমার বেনাক বাক্য কথাগুলো তুমি বাজেয়াপ্ত করিয়া যে একটি নিবেট মূর্তি লাভ কবাইয়াছ, তাহাতে দস্তফুট করা হুঃসাধ্য। আমি কেবল দুই-চারিটি চিন্তাশীল লোককে কাছে বাহবা পাইতে চাহি না, আমি সাধারণ লোকের মধ্যে বাচিম থাকিতে চাহি।”

আমি কহিলাম, “সেজন্ত কী করিতে হইবে।”

সমীর কহিল, “সে আমি কী জানি। আমি কেবল আপত্তি জানাইয়া রাখিলাম। আমার যেমন সার আছে তেমনি আমার স্বাদ আছে; সারাংশ মানুষের পক্ষে আবশ্যিক হইতে পারে, কিন্তু স্বাদ মানুষের নিকট প্রিয়। আমাকে উপলক্ষ্য করিয়া মানুষ কতকগুলো

যত কিছা তর্ক আহরণ করিনে এমন ইচ্ছা করি না, আমি চাই মানুষ আমাকে আপনার লোক বলিয়া চিনিয়া লইবে। এই ভ্রমসংকুল সাধের মানবজন্ম ত্যাগ করিয়া একটা মাসিকপত্রের নিভুল প্রবন্ধ আকারে জন্মগ্রহণ করিতে আমার প্রবৃত্তি হয় না। আমি দার্শনিক তত্ত্ব নষ্ট, আমি ছাপার নষ্ট নষ্ট, আমি তর্কের পুঙ্খ অথবা কুঙ্খ নষ্ট, আমার বন্ধুরা আমার আত্মীয়েরা আমাকে সর্বদা যাহা বলিয়া জানেন, আমি তাই।”

সমীর বলিয়া যাঁতে লাগিল, “তুচ্ছ বয়সে সংসারে মানুষ চোখে পড়িত না; মনে হইত, যথার্থ মানুষগুলি উপলক্ষ্য নাটক এবং মহাকাব্যেই অংশ লইয়াছে, সংসারে কেবল একটিমাত্র অদৃশ্য আছে। এখন দেখিতে পাঠ লোকালয়ে মানুষের আছে, কিন্তু ‘ভোলা মন, ও ভোলা মন, মানুষ কেন চিনিলি না।’ ভোলা মন, এই সংসারের মাঝখানে একদান প্রকাশ করিয়া দেন, এই মানবজন্মের ভিত্তির মধ্যে। সভ্যতলে যাহারা কথা কহিতে পারে না সেখানে তাহারা কথা কহিনে, সেখানে যাহারা এক প্রান্ত উপস্থিত হয় সেখানে তাহাদের এক নতুন পৌরব প্রকাশিত হইবে— পৃথিবীতে যাহাঙ্গিকে অনাদৃতক বেদন হয় সেখানে দেখিবে, তাহাদেরই সরল প্রেম, অশ্রাম সেবা, আত্মবিস্তৃত আত্মবিস্তৃতির উপরে পৃথিবী প্রতিষ্ঠিত হইয়া রহিয়াছে। ভীষ্ম দ্রোণ ভীষ্মজর্ন মহাকাব্যের নায়ক, কিন্তু আমাদের কৃত্ত কৃত্ত কুরুক্ষেত্রের মধ্যে তাহাদের আত্মীয়-স্বতাতি আছে, সেই আত্মীয়তা কোন্ নবদৈপায়ন আবিষ্কার করিবে এবং প্রকাশ করিবে।”

আমি কহিলাম, “না করিলে কী এমন আসে যায়। মানুষ পরস্পরকে না যদি চিনিবে তবে পরস্পরকে এত ভালোবাসে কী করিয়া। একটি যুবক তাহার জন্মস্থান ও আত্মীয়বর্গ হইতে বহুদূরে

ছ-দশটাকা বেতনে ঠিক। মুহুরিগিরি করিত। আমি তাহার প্রভু ছিলাম, কিন্তু প্রায় তাহার অস্তিত্বও অবগত ছিলাম না— সে এত সামান্ত লোক ছিল। একদিন রাত্রে সহসা তাহার ওলাউঠা হইল। আমার শয়নগৃহ হইতে শুনিতে পাইলাম সে ‘পিসিমা’ ‘পিসিমা’ করিয়া কাতরস্বরে কাঁদিতেছে। তখন সহসা তাহার গৌরবহীন ক্ষুদ্র জীবনটি আমার নিকট কতখানি বৃহৎ হইয়া দেখা দিল। সেই যে একটি অজ্ঞাত অখ্যাত মুখ নির্বোধ লোক বসিয়া বসিয়া ঈষৎ গ্রীবা হেলাইয়া কলম খাড়া করিয়া ধরিয়া একমনে নকল করিয়া বাইত, তাহাকে তাহার পিসিমা আপন নিঃসন্তান বৈধব্যের সমস্ত সঞ্চিত স্নেহরাশি দিয়া মালুস করিয়াছেন। সন্ধ্যাবেলায় শ্রান্তদেহে শূণ্য বাসায় ফিরিয়া যখন সে স্বহস্তে উনান ধরাইয়া পাক চড়াইত, যতক্ষণ অন্ন টগুবগু করিয়া না ফুটিয়া উঠিত ততক্ষণ কম্পিত অগ্নিশিখার দিকে একদৃষ্টে চাহিয়া সে কি সেই দূরকুটিনবাসিনী স্নেহশালিনী কল্যাণময়ী পিসিমার কথা ভাবিত না। একদিন যে তাহার নকলে ভুল হইল, ঠিকে মিল হইল না, তাহার উচ্চতন কর্মচারীর নিকট সে লাহিত হইল, সেদিন কি সকালের চিঠিতে তাহার পিসিমার পীড়ার সংবাদ পায় নাই। এই নগণ্য লোকটার প্রতিদিনের মঙ্গলবার্তার জন্য একটি স্নেহপরিপূর্ণ পবিত্র হৃদয়ে কি সামান্ত উৎকণ্ঠা ছিল। এই দরিদ্র বৃদ্ধের প্রবাসবাসের সহিত কি কম করুণা কাহরতা উদ্বেগ জড়িত হইয়া ছিল। সহসা সেই রাত্রে এই নির্বাণপ্রায় ক্ষুদ্র প্রাণশিখা এক অমূল্য মহিমার আমার নিকটে দীপ্যমান হইয়া উঠিল। সমস্ত বাস্তব জাগিয়া তাহার সেবাসুশ্রবা করিলাম, কিন্তু পিসিমার ধনকে পিসিমার নিকট ফিরাইয়া দিতে পারিলাম না— আমার সেই ঠিক। মুহুরির মৃত্যু হইল। ভীষ্ম দ্রোণ ভীমার্জুন খুব মহৎ, তথাপি এই লোকটিরও মূল্য অন্ন নহে। তাহার মূল্য কোনো কবি অমুমান করে নাই, কোনো পাঠক স্বীকার

করে নাই, তাই বলিয়া সে-মূল্য পৃথিবীতে অনাবিকৃত ছিল না— একটি জীবন আপনাকে তাহার জগৎ একান্ত উৎসর্গ করিয়াছিল— কিন্তু খোরাক-পোশাক সমেত লোকটার বেতন ছিল আট টাকা, তাহাও বারোমাস নহে। মহৎ আপনার জ্যোতিতে আপনি প্রকাশিত হইয়া উঠে, আর আমাদের মতো দাঁপিহীন ছোটো ছোটো লোকদিগকে বাহিরের প্রেমের আলোক প্রকাশ করিতে হয়— পিসিমার ভালো-বাসা দিয়া দেখিলে আমরা সচসী নীপ্যমান হইয়া উঠি। দেখানে অন্ধকারে কাছাকাছি দেখা যাউতেছিল না সেখানে প্রেমের আলোক ফেলিলে সচসী দেখা যায়, মানুষের পরিপূর্ণ।”

শ্রোতাবিনী দস্যমিধু মুখে কহিল, “তোমার ঐ বিদেশী দুহরিব কথা তোমার কাছে পূর্বে শুনিয়াছি। জানি না, উহার কথা শুনিয়া কেন আমাদের চিন্তস্থানী দেখারা নিচরক মন পড়ে। সম্প্রতি দুটি শিশু-সন্তান বাহিয়া তাহাদের জ্ঞান দরিদ্রা গিয়াছে। এখনও সে ক'তকম করে, দুপুরবেলা বাহিয়া পাখা উঠে, কিন্তু এখন শুক শীর্ণ ভয় লক্ষ্যীছ'ডার মতো হইয়া গেছে! প্রত্যেক মনই দেখি কষ্ট হয়— কিন্তু সে-কষ্ট মন ইহার একলার জগৎ ন'হে— আমি ঠিক বুঝাইতে পারি না, কিন্তু মন হয় যেন সমস্ত মানবের জগৎ একটা দেশের অন্তর্ভুক্ত হইতে থাকে।”

আমি ক'হলাম, “প্রত্যেক কালে, সমস্ত মানুষই ভালোবাসে এবং বিদেশ বিদেশে যত্নের ছাড়া পোড়ি ও ৫ টি। তোমার ঐ প'দ'ওয়ালী ভূত্যের আনন্দহারে নিম্ন মুখে সমস্ত পৃথিবীদাসী মানুষের বিবাহ অঙ্কিত হইয়া দেখিয়াছে।”

শ্রোতাবিনী কহিল, “কেবল তাহাই নয়। মন হয়, পৃথিবীতে যত ছুঃখ তত নয় কোথায় আছে। কত ছুঃখ আছে যেখানে মানুষের সাধনা কোনো কালে প্রবেশ ও করে না, অথচ কত জায়গা আছে যেখানে ভালোবাসার অনাবশ্যক অতিবৃষ্টি হইয়া যায়। যখন দেখি, আমার ঐ

বেহারী ধৈর্যসহকারে মুকভাবে পাখা টানিয়া যাইতেছে, ছেলে ছোটো উঠানে গড়াইতেছে, পড়িয়া গিয়া চীৎকারপূর্বক কাঁদিয়া উঠিতেছে, বাপ মুখ ফিরাইয়া কারণ জানিবার চেষ্টা করিতেছে, পাখা ছাড়িয়া উঠিয়া যাইতে পারিতেছে না, জীবনে আনন্দ অল্প অথচ পেটের জ্বালা কম নহে, জীবনে যত বড়ো দুর্ঘটনাই ঘটুক, ছুই মুষ্টি অন্নের অল্প নিয়মিত কাজ চালাইতেই হইবে, কোনো ক্রটি হইলে কেহ মাপ করিবে না— যখন ভাবিয়া দেখি, এমন অসংখ্য লোক আছে যাহাদের দুঃখ কষ্ট যাহাদের মনুষ্যত্ব আমাদের কাছে যেন অনাবিকৃত, যাহাদিগকে আমরা কেবল ব্যবহারে লাগাই এবং বেতন দিই, স্নেহ দিই না, সাহায্য দিই না, শ্রদ্ধা দিই না, তখন বাস্তবিকই মনে হয়, পৃথিবীর অনেকখানি যেন নিবিড় অন্ধকারে আবৃত, আমাদের দৃষ্টির একেবারে অগোচর। কিন্তু সেই অজ্ঞাতনামা দীপ্তিহীন দেশের লোকেরাও ভালোদাসে এবং ভালো-বাসার যোগ্য। আমার মনে হয়, যাহাদের মহিমা নাই, যাহাদের একটা অস্বচ্ছ আবরণের মধ্যে বন্ধ হইয়া আপনাকে ভালোরূপে বাস্তব করিতে পারে না, এমন কি, নিঃস্বার্থেও ভালোরূপে চেনে না, মুকমুগ্ধভাবে সুখদুঃখবেদনা সহ করে, তাহাদিগকে মানবরূপে প্রকাশ করে, তাহাদিগকে আমাদের আত্মীয়রূপে পরিচিত করাইয়া দেওয়া, তাহাদের উপরে কাব্যের আলোক নিঃসরণ করা আমাদের এখনকার কবিরের কর্তব্য।”

কিতি কহিল, “পূর্বকালে এক সময়ে সকল বিষয়ে প্রবলতার আদর কিছু অধিক ছিল। তখন মনুষ্যসমাজ অনেকটা অসহায় অরক্ষিত ছিল; যে প্রতিভাশালী, যে কন্মতাশালী সে-ই তখনকার সমস্ত স্থান অধিকার করিয়া লইত। এখন সত্যতার পুশাসনে পুশুখলায় বিয় বিপদ দূর হইয়া প্রবলতার অত্যধিক মর্যাদা হ্রাস হইয়া গিয়াছে। এখন অকর্তৃ অকমেয়াও সংসারের ধুব একটা বৃহৎ অংশের শরিক হইয়া

দাঁড়াইয়াছে। এখনকার কাব্য-উপন্যাসও ভীষ্মদ্রোণকে ছাড়িয়া এই সমস্ত মূকজাতির ভাষা এই সমস্ত ভাষাচ্ছন্ন অন্ধারের আলোক প্রকাশ করিতে প্রবৃত্ত হইয়াছে।”

সমীর কহিল, “নবোদিত সাহিত্যসূর্যের আলোক প্রথমে অত্যুচ্চ পর্বতশিখরের উপরেই পতিত হইয়াছিল, এখন ক্রমে নিম্নবর্তী উপত্যকার মধ্যে প্রসারিত হইয়া ক্ষুদ্র দরিদ্র কুটিরগুলিকেও প্রকাশমান করিয়া তুলিতেছে।”

বৈশাখ. ১৩০০

মন

এই যে মধ্যাহ্নকালে নদীর ধারে পাড়াগায়ের একটি একতলা ঘরে বসিয়া আছি ; টিকটিকি ঘরের কোণে টিকটিক করিতেছে ; দেয়ালে পাখা টানিবার ছিদ্রের মধ্যে একজোড়া চড়ুই পাখি বাসা তৈরি করিবার অভিপ্রায়ে বাহির হইতে কুটা সংগ্রহ করিয়া কিচমিচ শব্দে মহাব্যস্তভাবে ক্রমাগত যাতায়াত করিতেছে ; নদীর মধ্যে নৌকা ভাসিয়া চলিয়াছে—উচ্চতটের অস্তুরালে নীলাকাশে তাহাদের মাস্তুল এবং ক্ষীত পালের কিয়দংশ দেখা যাইতেছে ; বাতাসটি স্নিগ্ধ, আকাশটি পরিষ্কার, পরপাড়ের অতিদূর তীররেখা হইতে আব আমার বারান্দার সম্মুখবর্তী বেড়া-দেওয়া ছোটো বাগানটি পর্যন্ত উজ্জ্বল রৌদ্রে একধাও ছবির মতো দেখাইতেছে—এই তো বেশ আছি ; [মায়ের কোলের মধ্যে সন্তান যেমন একটি উত্তাপ, একটি আরাম, একটি স্নেহ পায়, তেমনি এই পুরাতন প্রকৃতির কোল ঘেঁষিয়া বসিয়া একটি জীবনপূর্ণ আদরপূর্ণ মৃদু উত্তাপ চতুর্দিক হইতে আমার সর্বাত্মক প্রবেশ করিতেছে] তবে এই ভাবে থাকিয়া গেলেন ক্ষতি কী । কাগজ-কলম লইয়া বসিবার জন্ত কে তোমাকে খোঁচাইতেছিল । কোন্ বিষয়ে তোমার কী মত, কিসে তোমার সম্মতি বা অসম্মতি সে-কথা লইয়া হঠাৎ ধুমধাম করিয়া কোমর বাঁধিয়া বসিবার কী দরকার ছিল । ঐ দেখো, মাঠের মাঝখানে, কোথাও কিছু নাই, একটা ঘূর্ণা বাতাস খানিকটা ধূলা এবং শুকনো পাতার ওড়না উড়াইয়া কেমন চমৎকার ভাবে ঘুরিয়া নাচিয়া গেল । পদাঙ্গুলিমাত্রের উপর ভর করিয়া দীর্ঘ সরল হইয়া কেমন ভঙ্গীটি করিয়া মুহূর্তকাল দাঁড়াইল, তাহার পর হস্হাস করিয়া সমস্ত

উড়াইয়া ছড়াইয়া দিয়া কোথায় চলিয়া গেল তাহার ঠিকানা নাই।
 গুল তো ভারি ! গোটাকতক খড়কুটা ধুলাবালি সুবিধা-মতো যাহা
 হাতের কাছে আসে তাহাই লইয়া বেশ একটু ভাবভঙ্গি করিয়া কেমন
 একটি খেলা খেলিয়া লইল। এমনি করিয়া জনহীন মধ্যাহ্নে সমস্ত
 মাঠময় নাচিয়া বেড়ায়। [না আছে তাহার কোনো উদ্দেশ্য, না আছে
 তাহার কেহ দর্শক। না আছে তাহার মত, না আছে তাহার তত্ত্ব ;
 না আছে সমাজ এবং ইতিহাস স্বয়ংক্রে অতি সমীচীন উপদেশ। (পৃথিবীতে!
 যাহা-কিছু সর্বাপেক্ষা অনাবশ্যক, সেই-সমস্ত নিস্কৃত পরিত্যক্ত পদার্থ-
 গুলির মধ্যে একটি উত্তপ্ত ফুৎকার দিয়া তাহাঙ্গিকে যুহুর্ভকালের অন্ত
 জীবিত জাগ্রত স্মার করিয়া তোলে।

অমনি যদি অত্যন্ত সহজে একনিশ্বাসে কতকগুলো যাহা-তাহা খাড়া
 করিয়া স্মার করিয়া গুরাইয়া উড়াইয়া লটিম খেলাইয়া চলিয়া যাইতে
 পারিতাম। অমনি অবলোকক্রমে স্মার করিতাম, অমনি কুঁ দিয়া
 ভাঙিয়া ফেলিতাম। [চিন্তা নাই, চেষ্টা নাই, লক্ষ্য নাই ; শুধু একটা
 নৃত্যের আনন্দ, শুধু একটা সৌন্দর্যের আবেগ, শুধু একটা জীবনের
 সূর্ণা। অবারিত প্রান্তর, অনাবৃত আকাশ, পরিব্যাপ্ত সূর্ণালোক—
 তাহারই মাঝখানে মুঠা মুঠা ধূলি লইয়া ইচ্ছাক্রমে নির্মাণ করা, সে কেবল
 ব্যাপা হৃদয়ের উদার উন্নাস।

এ হইলে তো বুঝা যায়। কিন্তু দসিরা বসিমা পাথরের উপর
 পাথর চাপাইয়া গলন্বয় হইয়া কতকগুলো নিশ্চল মতামত উচ্চ করিয়া
 তোলা ! (তাহার মধ্যে না আছে গতি, না আছে প্রীতি, না আছে
 প্রাণ। কেবল একটা কঠিন কীর্তি।) তাহাকে কেহ-বা হাঁ করিয়া দেখে
 কেহ-বা পা দিয়া ঠেলে— যোগ্যতা যেমনই থাক।

কিন্তু ইচ্ছা করিলেও এ-কাজে কাস্ত হইতে পারি কই। (সত্যতার
 খাতিরে মানুষ মন নামক আপনার এক অংশকে অপরিমিত প্রেরা

দিয়া অত্যন্ত বাড়াইয়া তুলিয়াছে, এখন তুমি যদি তাহাকে ছাড়িতে চাও
সে তোমাকে ছাড়ে না ।

লিখিতে লিখিতে আমি বাহিরে চাহিয়া দেখিতেছি, ঐ একটি লোক
রৌদ্র নিবারণের জন্য মাথায় একটি চাদর চাপাইয়া দক্ষিণ হস্তে শাল-
পাতের ঠোঙায় খানিকটা দহি লইয়া রক্তনশালা অভিযুখে চলিয়াছে ।
ওটি আমার ভৃত্য, নাম নারায়ণ সিং । দিবা স্তম্ভপুষ্ট, নিশ্চিন্ত, প্রকৃ-
'চিন্ত । উপযুক্ত সারপ্রাপ্ত পর্যাপ্ত পল্লবপূর্ণ মন্থণ চিকণ কাঠালগাছটির
মতো । এইরূপ মানুষ এই বহিঃপ্রকৃতির সহিত ঠিক মিশ খায় ।
প্রকৃতি এবং ইহার মাঝখানে বড়ো একটা বিচ্ছেদচিহ্ন নাই । এই
জীবধাত্রী শস্তশালিনী বৃহৎ বনুজরার অঙ্গসংলগ্ন হইয়া এ লোকটি বেশ
সহজে বাস করিতেছে, ইহার নিজের মধ্যে নিজের তিলমাত্র বিরোধ
বিসম্বাদ নাই । ঐ গাছটি যেমন শিকড় হইতে পল্লবগ্রন্থ পর্যন্ত কেবল
একটি আতাগাছ হইয়া উঠিয়াছে, তাহার আর কিছুর জন্য কোনো
মাথাব্যথা নাই, আমার স্তম্ভপুষ্ট নারায়ণ সিংটিও তেমনি অঃস্তাপাত্ত
কেবলমাত্র একখানি আন্ত নারায়ণ সিং ।

কোনো কৌতুকপ্রিয় শিশু-দেবতা যদি ছুটামি করিয়া ঐ আতা
গাছটির মাঝখানে কেবল একটি কোঁটা মন ফেলিয়া দেয়, তবে ঐ সঙ্গ
শ্রামল দারুজীবনের মধ্যে কী এক বিষয় উপদ্রব বাপিয়া যায় ।] তবে
চিন্তায় উহার চিকন সবুজ পাতাগুলি ভূঙ্গপত্রের মতো পাত্তবর্ণ হইয়া
উঠে, এবং গুঁড়ি হইতে প্রশাখা পর্যন্ত বৃদ্ধের ললাটের মতো কুঞ্চিত
হইয়া আসে । তখন বসন্তকালে আর কি অমন ছুই-চারিদিকের মধ্যে
সর্বত্র কচিপাতার পুলকিত হইয়া উঠে ; বর্ষাশেষে ঐ গুঁটি-ঝাঁক গোল
গোল গুচ্ছ গুচ্ছ ফলে প্রত্যেক শাখা আর কি ভরিয়া যায় । তখন সমস্ত
দিন এক পাতের উপর দাঁড়াইয়া দাঁড়াইয়া ভাবিতে থাকে, 'আমার কেবল
কতকগুলো পাতা হইল কেন, পাখা হইল না কেন । প্রাণপণে সিধা

হইয়া এত উঁচু হইয়া দাঁড়াইয়া আছি, তবু কেন যথেষ্ট পরিমাণে দেখিতে পাইতেছি না। ঐ দিগন্তের পরপারের কী আছে; ঐ আকাশের তারাগুলি যে-গাছের শাখায় ফুটিয়া আছে সে-গাছ কেমন করিয়া নাগাল পাইন। (আমি কোথা চাইতে আসিলাম, কোথায় যাইব, এ-কথ যতক্ষণ না স্থির হইবে ততক্ষণ আমি পাতা ঝরাইয়া, ডাল শুকাইয়া, কাঠ হইয়া দাঁড়াইয়া ধ্যান করিতে থাকিব। আমি আছি অথবা আমি নাই, অথবা আমি আছিও নাইও বটে, এ প্রশ্নের যতক্ষণ মৌমাংসা না হয় ততক্ষণ আমার জীবনে কোনো সুখ নাই। দীর্ঘ বর্ষার পব যদি প্রাতঃকাল প্রথম সূর্য ওঠে সেদিন আমার মস্তক মধ্যে যে একটি পুলকসঞ্চার হয় সেটা আমি ঠিক কেমন করিয়া প্রকাশ করিব, এবং নেতাস্ত্র ফাটনের মাঝামাঝি যেদিন হঠাৎ সায়ংকালে একটা দক্ষিণের বাতাস ওঠে, সেদিন ইচ্ছা করে—কী ইচ্ছা করে কে আমাকে বুঝাইয়া দিবে।)

এই সমস্ত কাণ্ড। গেল বেচারার কুল ফোটানো, রসশস্ত্রপূর্ণ আত্মফল পাকানো। (যাচা আছে তাহা অপেক্ষা বেশি হইবার চেষ্টা করিয়া, যে-রকম আছে আর-একরকম হইবার ইচ্ছা করিয়া, না হয় অসম্মত, না হয় ও দিক) (অবশেষে একদিন হঠাৎ অন্তর্বেদনার গুঁড়ি হইতে অগ্রশংখা পঞ্চক বিলীণ হইয়া বাহির হয়— একটা সাময়িক পত্রের প্রবন্ধ, একটা সমালোচনা, অরণ্যসমাজ সম্বন্ধে একটা অসাময়িক ভাষণাদেশ) তাহার মধ্যে না থাকে সেই পল্লবমর্মর, না থাকে সেই ছায়া, না থাকে স্বাভাব্যাপ্ত সর্বসম্পূর্ণতা।

[যদি কোনো প্রবল শরতান সন্ন্যাসের মতো লুকাইয়া মণ্ডির নিচে প্রবেশ করিয়া শত লক্ষ আকাবাকা শিকড়ের ভিতর দিয়া পৃথিবীর সমস্ত তরলতা-তৃণশস্যের মধ্যে মনঃসঞ্চার করিয়া দেয় তাহা হইলে পৃথিবীতে কোথায় জুড়াইবার স্থান থাকে] ভাগ্যে বাগানে আসিয়া

পাখির গানের মধ্যে কোনো অর্থ পাওয়া যায় না এবং অক্ষরহীন সবুজ পত্রের পরিবর্তে শাখায় শাখায় শুক খেতবর্ণ মাসিকপত্র সংবাদপত্র এবং বিজ্ঞাপন ঝুলিতে দেখা যায় না।

ভাগ্যে গাছেদের মধ্যে চিন্তাশীলতা নাই। ভাগ্যে ধুতুরাগাছ কামিনীগাছকে সমালোচনা করিয়া বলে না 'তোমার ফুলের কোমলতা আছে কিন্তু গুণবিতা নাই' এবং কুলফল কাঠালকে বলে না 'তুমি আপনাকে ঝড়ো মনে করো কিন্তু আমি তোমা অপেক্ষা কুম্বাণ্ডকে ঢের উচ্চ আসন দিই'। কদলী বলে না 'আমি সর্বাপেক্ষা অল্পমূল্যে সর্বাপেক্ষা বৃহৎ পত্র প্রচার করি' এবং কচু তাহার প্রতিযোগিতা করিয়া তদপেক্ষা মূল্যে তদপেক্ষা বৃহৎ পত্রের আয়োজন করে না!

[তর্কতাড়িত চিন্তাতাপিত বক্তৃতাশ্রান্ত মানুষ উদার উন্মুক্ত আকাশের চিন্তারথাহীন জ্যোতির্ময় প্রশস্ত ললাট দেখিয়া, অরণ্যের ভাষাহীন মর্মর ও তরঙ্গের অর্থহীন কলধ্বনি শুনিয়া, এই মনোবিহীন অগাধ প্রশান্ত প্রকৃতির মধ্যে অবগাহন করিয়া তবু কতকটা স্নিগ্ধ ও সংযত হইয়া আছে। (ঐ একটুখানি মনঃফুলিঙ্গের দাহ নিবৃত্তি কবিন্দুর জন্ত এই অনন্তপ্রসারিত অমনঃস্বপ্নের প্রশান্ত নীলাঘুদাশির আবরণ হইয়া পড়িয়াছে।)

আসল কথা পূর্বেই বলিয়াছি, আমাদের ভিতরকার সমস্ত সামগ্র্য নষ্ট করিয়া আমাদের মনটা অত্যন্ত বৃহৎ হইয়া পড়িয়াছে। তাছাড়া 'কোথাও আর কুলাইয়া উঠিতেছে না। খাইবার, পরিবার, জীবনধারণ করিবার, সুখে-স্বচ্ছন্দে থাকিবার পক্ষে যতখানি আবশ্যিক, মনটা তাহার অপেক্ষা ঢের বেশি বড়ো হইয়া পড়িয়াছে। এইজন্য প্রয়োজনীয় সমস্ত কাজ গারিয়া ফেলিয়াও চতুর্দিকে অনেকখানি মন বাকি থাকে] কানেট্টে সে বসিয়া বসিয়া ডায়ারি লেখে, তর্ক করে, সংবাদপত্রের সংবাদদাতা হয়, বাহাকে সহজে বোঝা যায় তাহাকে কঠিন করিয়া তোলে, বাহাকে

এক ভাবে বোঝা উচিত তাহাকে আর-এক ভাবে দাঁড় করায়, বাহা কোনোকালে কিছুতেই বোঝা যায় না, অন্য সমস্ত ফেলিয়া তাহা লইয়াই লাগিয়া থাকে, এমন কি, এ-সকল অপেক্ষাও অনেক গুরুতর গর্হিত কার্য করে।

কিন্তু, আমার ঐ অনতিশয় নারায়ণ সিংহের মনটি উহার শরীরের মাপে : উহার আবশ্যকর গায়-গায়ের ঠিক ফিট করিয়া লাগিয়া আছে। উহার মনটি উহার জীবনকে নীতাতপ, অসুখ, অস্বাস্থ্য এবং লজ্জা হইতে রক্ষা করে, কিন্তু যখন-তখন উনপকাশ বায়ুবেগে চতুর্দিকে উড়ু-উড়ু করে না। এক-আধটা বোতামের ছিদ্র দিয়া বাহিরের চোরা হাওয়া উহার মানস-আবরণের ভিতরে প্রবেশ করিয়া তাহাকে যে কখনো একটু-আধটু ক্ষতি করিয়া তোলে না তাহা বলিতে পারি না, কিন্তু ততটুকু মনঃসংকল্প তাহার জীবনের স্বাস্থ্যের পক্ষেই আবশ্যিক।

জ্যৈষ্ঠ, ১৯০০

কাব্যের তাৎপর্য

স্রোতধিনী আমাকে কহিলেন, “কচ-দেবযানী-সংবাদ সম্বন্ধে তুমি যে কবিতা লিখিয়াছ তাহা তোমার মুখে শুনিতে ইচ্ছা করি।”

শুনিয়া আমি মনে মনে কিঞ্চিৎ গর্ব অনুভব করিলাম, কিন্তু দর্পহারী মধুসূদন তখন সজাগ ছিলেন, তাই দীপ্তি অধীর হইয়া বলিয়া উঠিলেন, “তুমি রাগ করিও না, সে-কবিতার কোনো তাৎপর্য কিছা উদ্দেশ্য আমি তো কিছুই বুঝিতে পারিলাম না। ও লেখাটা ভালো হয় নাই।”

আমি চূপ করিয়া রহিলাম। মনে মনে কহিলাম, আর-একটু বিনয়ের সহিত মত প্রকাশ করিলে সংসারের বিশেষ ক্ষতি অথবা সত্যের বিশেষ অপলাপ হইত না; কারণ, লেখার দোষ থাকিও যেমন আশ্চর্য নহে তেমনি পাঠকের কাব্যবোধশক্তির খর্বতাও নিতান্তই অসম্ভব বলিতে পারি না। মুখে বলিলাম, “যদিও নিজের রচনা সম্বন্ধে লেখকের মনে অনেক সময়ে অসন্নিহিত মত থাকে তথাপি তাহা যে ভ্রান্ত হইতে পারে ইতিহাসে এমন অনেক প্রমাণ আছে— অপর পক্ষে সমালোচক-সম্প্রদায়ও যে সম্পূর্ণ ভ্রান্ত নহে, ইতিহাসে সে-প্রমাণেরও কিছুমাত্র অসম্ভাব নাই। অতএব, কেবল এইটুকু নিঃসংশয়ে বলা যাউতে পারে যে, আমার এ-লেখা ঠিক তোমার মনের মতো হয় নাই; সে নিশ্চয় আমার ছুর্ভাগ্য— হয়তো তোমার ছুর্ভাগ্যও হইতে পারে।”

দীপ্তি গম্ভীরমুখে অত্যন্ত সংক্ষেপে কহিলেন, “তা হইবে।” বলিয়া একখানা বই টানিয়া লইয়া পড়িতে লাগিলেন।

ইহার পরে স্রোতধিনী আমাকে সেই কবিতা পড়িবার জন্য আর দ্বিতীয়বার অহুরোধ করিলেন না।

য্যোম .জানালার বাহিরের দিকে দৃষ্টিক্ষেপ করিয়া যেন সূর

আকাশতলবর্তী কোনো-এক কাল্পনিক পুরুষকে সন্ধান করিয়া কহিল,
“যদি তাৎপর্যের কথা বলা, তোমার এবারকার কবিতার আমি
একটা তাৎপর্য গ্রহণ করিয়াছি।”

কিত্তি কহিল, “আগে বিষয়টা কী বলা দেখি। কবিতাটা পড়া
হয় নাই, সে-কথাটা কবিতার ভঙ্গ এতক্ষণ গোপন করিয়াছিলাম, এখন
কাম করিতে হইল।”

ব্যোম কহিল, “শুক্লাচার্গের নিকট হইতে সঞ্জীবনী-বিদ্যা শিখিবার
নিমিত্ত বৃহস্পতির পুত্র কচকে দেবতার নৈত্যগুরু আশ্রমে প্রেরণ
করেন। সেখানে কচ মহেশ্বরের নৃত্যগীতবাণী দ্বারা শুক্রভনয়া দেবযানীর
মনোবন্ধন করিয়া সঞ্জীবনী-বিদ্যা লাভ করিলেন। অবশেষে যখন
বিদায়ের সময় উপস্থিত হইল তখন দেবযানী তাঁহাকে প্রেম জানাইয়া
আশ্রম ত্যাগ করিয়া যাইতে নিষেধ করিলেন। দেবযানীর প্রতি
অন্তরের আনুকূল্যেও কচ নিষেধ না মানিয়া দেবলোকে গমন
করিলেন। গল্পটুকু এই। মহাভারতের সহিত একটুখানি অনৈক্য
আছে, কিন্তু সে সামান্য।”

কিত্তি বিস্মিত কাতরমুখে কহিল, “গল্পটি বারো হাত কাঁকুড়ের
আপকা বড়ো হইবে না, কিন্তু আশঙ্কা করিতেছি, ইহা হইতে তেরো
হাত পরিমাণের তাৎপর্য বাহির হইয়া পড়িবে।”

ব্যোম কিত্তির কথায় কর্ণপাত না করিয়া বলিয়া গেল, “কথাটা
দেহ এবং আশ্রা লইয়া।”

তিনিয়া সকলেই মশক হইয়া উঠিল।

কিত্তি কহিল, “আমি এইবেলা আমার দেহ এবং আশ্রা লইয়া
যানে যানে বিদায় হইলাম।”

সমীর ছই হাতে তাহার জামা ধরিয়া টানিয়া বসাইয়া কহিল,
“সংকটের সময় আমাদিগকে একলা ফেলিয়া যাও কোথায়।”

ব্যোম কহিল, “জীব স্বর্গ হইতে এই সংসারাত্মমে আসিয়াছে। সে এখানকার সুখদুঃখ বিপদসম্পদ হইতে শিক্ষা লাভ করে। যতদিন ছাত্র-অবস্থার থাকে, ততদিন তাহাকে এই আশ্রমকল্পা দেহটার মন জোগাইয়া চলিতে হয়। মন জোগাইবার অপূর্ব বিদ্যা সে জানে। দেহের ইঞ্জিরবীণায় সে এমন স্বর্গীয় সংগীত বাজাইতে থাকে যে, ধরাতলে সৌন্দর্যের নন্দনমরীচিকা বিস্তারিত হইয়া যায় এবং সমুদয় শব্দ গন্ধ স্পর্শ আপন জড়শক্তির বহ্নিনিয়ম পরিহারপূর্বক অপরূপ স্বর্গীয় নৃত্যে স্পন্দিত হইতে থাকে।”

বলিতে বলিতে স্বপ্নাবিষ্ট শূন্যদৃষ্টি ব্যোম উৎকুল হইয়া উঠিল, চৌকিতে সরল হইয়া উঠিয়া বসিয়া কহিল, “যদি এমনভাবে দেখো, তবে প্রত্যেক মানুষের মধ্যে একটা অনন্তকালীন প্রেমাত্মিনের দেখিতে পাইবে। জীব তাহার মূঢ় অধো নিৰ্ভরপরায়ণা সন্নিহীটিকে কেমন করিয়া পাগল করিতেছে দেখো। দেহের প্রত্যেক পদমাণ্ডুর মধ্যে এমন একটি আকাঙ্ক্ষার সঞ্চার করিয়া দিতেছে, দেহধর্মের দ্বারা যে-আকাঙ্ক্ষার পরিতৃপ্তি নাই। তাহার চক্ষু যে-সৌন্দর্য আনিয়া দিতেছে দৃষ্টিশক্তির দ্বারা তাহার সীমা পাওয়া যায় না, তাই সে বলিতেছে, ‘জনম অবধি হুম রূপ নেহারনু নয়ন না তিরপিত ভেল’;— তাহার কণে যে-সংগীত আনিয়া দিতেছে শ্রবণশক্তির দ্বারা তাহা আনন্দ হইতে পারে না, তাই সে ব্যাকুল হইয়া বলিতেছে, ‘সোই মধুর বোল শ্রবণহি শুননু শ্রুতি-পথে পরশ না গেল।’ আবার এই প্রাণপ্রদীপ্ত মূঢ় সন্নিহীটিও তাহার জ্ঞান সহস্র শাখাপ্রশাখা বিস্তার করিয়া প্রেমপ্রতাপ সুকোমল আলিঙ্গন-পাশে জীবকে আচ্ছন্ন প্রচ্ছন্ন করিয়া ধরে, অল্পে অল্পে তাহাকে মুগ্ধ করিয়া আনে, অপ্রান্ত বয়ে ছায়ার মতো সঙ্গ থাকিয়া বিবিধ উপচারে তাহার সেবা করে, প্রবাসকে বাহাতে প্রবাস জ্ঞান না হয়, বাহাতে আতিথ্যের ক্রটি না হইতে পারে, সেজন্ত সর্বদাই সে তাহার চক্ষুর্কণ হস্তপদকে

সতর্ক করিয়া রাখে। এত ভালোবাসার পরে তবু একদিন জীব এই চিরানুগতা অনন্তাসক্তা দেহলতাকে ধূলিশায়িনী করিয়া দিয়া চলিয়া যায়। বলে, 'প্রিয়ে, তোমাকে আমি আত্মনির্বিশেষে ভালোবাসি, তবু আমি কেবল একটি দীর্ঘনিশ্বাসমাত্র ফেলিয়া তোমাকে ত্যাগ করিয়া যাইব।' কারা তখন তাহার চরণ জড়াইয়া বলে, 'বন্ধু, অবশেষে আজ যদি আমাকে ধূলিতলে ধূলিযুষ্টির মতো ফেলিয়া দিয়া চলিয়া যাইবে, তবে এতদিন তোমার প্রেম কেন আমাকে এমন মহিমাশালিনী করিয়া তুলিয়াছিল। চার, আমি তোমার যোগ্য নই— কিন্তু তুমি কেন আমার এই প্রাণপ্রদীপদীপ্ত নিভৃত সোনার মন্দিরে একলা রহস্যাকার-নিশীথ অনন্ত সমুদ্র পাব হইয়া অভিসার আসিয়াছিল। আমার কোন্ গুণ তোমাকে মুগ্ধ করিয়াছিল।'— এই করুণ প্রশ্নের কোনো উত্তর না দিয়া এই বিদেশী কোথায় চলিয়া যায় তাহা কেহ জানে না। সেই অজন্মমিলনকালের অদর্শন, সেই মাধুৰ্য্যাত্রার বিনায়ের দিন, সেই কায়ার সঞ্চিত কনামিরাজের শেন সস্তাষণ— তাহার মতো এমন শোচনীয় দিনহৃৎ কোন্ প্রেমকার্য বর্ণিত আছে।'

কিভিন মৃত্যুর হইতে একটা আসন্ন পরিহাসের আশঙ্কা করিয়া দ্যোম কহিল, "তোমরা ইহাকে প্রেম বলিয়া মনে কর না; মনে করিতেছ, আমি কেবল রূপক অবলম্বন কথা কহিতেছি। তাহা নহে। জগতে ইচ্ছাই সর্বপ্রথম প্রেম এবং জীবনের সর্বপ্রথম প্রেম সর্বাপেক্ষা যেমন প্রবল হইয়া থাকে, জগতের সর্বপ্রথম প্রেমও সেইরূপ সরল অথচ সেইরূপ প্রবল। এই অর্থে প্রেম, এই দেহের ভালোবাসা যখন সংসারের দেখা দিয়াছিল তখনও পৃথিবীতে জলে স্থলে বিভাগ হয় নাই— সেদিন কোনো কবি উপস্থিত ছিল না, কোনো ঐতিহাসিক জন্মগ্রহণ করে নাই, কিন্তু সেইদিন এই জলময় পঙ্কময় অপরিণত ধরাতলে প্রথম ঘোষিত হইল যে, এ-জগৎ যন্ত্রজগৎমাত্র নহে— প্রেম নামক এক

অনির্বচনীয় আনন্দময় বেদনাময় ইচ্ছাশক্তি পঙ্কের মধ্য হইতে পঙ্কজবন জাগ্রত করিয়া তুলিতেছেন—এবং সেই পঙ্কজবনের উপরে আজ ভক্তের চক্ষে সৌন্দর্যরূপা লক্ষ্মী এবং ভাবরূপা সরস্বতীর অধিষ্ঠান হইয়াছে।”

কিত্তি কহিল, “আমাদের প্রত্যেকের ভিতরে যে এমন একটা বৃহৎ কাব্যকাণ্ড চলিতেছে শুনিয়া পুলকিত হইলাম— কিন্তু সরলা কাব্যটির প্রতি চঞ্চলস্বভাব আত্মাটার ব্যবহার সম্ভাবজনক নহে, ইহা স্বীকার করিতেই হইবে। আমি একান্তমনে আশা করি যেন আমার জীবাত্মা এরূপ চপলতা প্রকাশ না করিয়া অন্তত কিছু দীর্ঘকাল দেহ-দেবযানীর আশ্রমে স্থায়ীভাবে বাস করে। তোমরাও সেই আশীর্বাদ করে।”

ব্যোম চৌকিতে ঠেসান দিয়া বসিয়া জানালার উপর ছুই পা তুলিয়া দিল। কিত্তি কহিল, “যদি অবসর পাই তবে আমিও একটা তাৎপর্য শুনাইতে পারি। আমি দেখিতেছি এভোম্যানু ধিয়োরি অর্থাৎ অতি-ব্যক্তিবাদের মোট কথাটা এই কবিতার মধ্য রহিয়া গিয়াছে। সঞ্জীবনী-বিজ্ঞাটার অর্থ, বাচিয়া থাকিবার বিজ্ঞা। সংসারের স্পষ্টই দেখা যাউতেছে, একটা লোক সেই বিজ্ঞাটা অহরহ অভ্যাস করিতেছে— সহস্র বৎসর কেন, লক্ষসহস্র বৎসর ধরিয়া। কিন্তু যাহাকে অবলম্বন করিয়া সে সেই বিজ্ঞা অভ্যাস করিতেছে, সেই প্রাণীবংশের প্রতি তাহার কেবল কণিক প্রেম দেখা যায়। যেট একটা পরিচ্ছন্ন সমাপ্ত চর্চায় গায় অমনি নিষ্ঠুর প্রেমিক চঞ্চল অগ্রিধি তাহাকে অকাতরে ধ্বংসের যুগ ফেলিয়া দিয়া চলিয়া যায়। পৃথিবীর স্তরে স্তরে এট নিদয় বিদায়ের বিলাপগান প্রস্তরপটে অঙ্কিত রহিয়াছে—”

দীপ্তি কিত্তির কথা শেষ হইতে না হইতেই বিরক্ত হইয়া কহিল, “তোমরা এমন করিয়া যদি তাৎপর্য বাহির করিতে থাক তাহা হইলে তাৎপর্যের গীমা থাকে না। কাঠকে দগ্ধ করিয়া দিয়া অগ্নির বিদায়-

গ্রহণ, গুটি কাটিয়া ফেলিয়া প্রজাপতির পলারন, ফুলকে বিশির্ণ করিয়া ফলের বহিরাগমন, বীজকে বিদীর্ণ করিয়া অঙ্কুরের উদগম, এমন রাশি রাশি তাৎপর্য তুপাকার করা যাইতে পারে।”

ব্যোম গম্ভীরভাবে কহিতে লাগিল, “ঠিক বটে। গুণ্ডলা তাৎপর্য নহে, দৃষ্টান্ত মাত্র। উহাদের ভিতরকার আসল কথাটা এই, সংসারে আমরা অস্তিত্ব ছুই পা ব্যবহার না করিয়া চলিতে পারি না। বাম পদ যখন পশ্চাতে আবদ্ধ থাকে দক্ষিণ পদ সম্মুখে অগ্রসর হইয়া যায়, আবার দক্ষিণ পদ সম্মুখে আবদ্ধ হইলে পর বাম পদ আপন বন্ধন ছেদন করিয়া অগ্রে দাবিত হয়। আমরা একবার করিয়া আপনাকে বাধি, আবার পরক্ষণেই সেই বন্ধন ছেদন করি। আমরাইগকে ভালোবাসিতেও হইবে এবং সে-ভালোবাসা কাটিতেও হইবে,— সংসারের এই মহত্তম দুঃখ, এবং এই মহৎ দুঃখের মধ্য দিয়াই আমরাইগকে অগ্রসর হইতে হয়। সমাজ সঙ্গ্রহও এ-কথা খাটে। নতুন নিয়ম যখন কালক্রমে প্রাচীন প্রথাক্রমে আমরাইগকে একস্থানে আবদ্ধ করে, তখন সমাজবিপ্লব আসিয়া তাহাকে উৎপাটনপূর্বক আমরাইগকে মুক্তি দান করে। যে-পা ফেলি সে-পা পরক্ষণে তুলিয়া লইতে হয়, নতুবা চলা হয় না— অতএব অগ্রসর হওয়ার মত্থা পদ পদে নিচ্ছন্নবদন— ইহা বিধাতার বিধান।”

সমীর কহিল, “গল্পটার সর্বশেষে যে একটি অভিশাপ আছে তোমরা কেচ সেটার উল্লেখ করে না। কচ যখন বিদ্যা লাভ করিয়া দেবযানীর প্রেমবন্ধন বিচ্ছিন্ন করিয়া যাত্রা করেন তখন দেবযানী তাহাকে অভিশাপ দিলেন যে, তুমি যে-বিদ্যা শিক্ষা করিলে সে-বিদ্যা অন্তকে শিক্ষা দিতে পারিবে কিন্তু নিজ ব্যবহার করিতে পারিবে না ;— আমি সেই অভিশাপ-সম্মত একটা তাৎপর্য বাহির করিয়াছি, যদি ধৈর্য থাকে তো বলি।”

কিত্তি কহিল, “ধৈর্য থাকিবে কি না পূর্বে হইতে বলিতে পারি না,

প্রতিজ্ঞা করিয়া বসিয়া শেবে প্রতিজ্ঞা রক্ষা না হইতেও পারে। তুমি তো আরম্ভ করিয়া দাও, শেবে যদি অবস্থা বুঝিয়া তোমার দয়ার সঞ্চারণ হয় ধামিয়া গেলেই হইবে।

সমীর কহিল, “ভালো করিয়া জীবনধারণ করিবার বিজ্ঞাকে সম্ভীবনী-বিজ্ঞা বলা যাক। মনে করা যাক, কোনো কবি সেই বিজ্ঞা নিজে শিখিয়া অন্তকে দান করিবার জন্ত জগতে আসিয়াছে। সে তাহার সহজ স্বর্গীয় ক্রমতার সংসারকে বিমুক্ত করিয়া সংসারের কাছ হইতে সেই বিজ্ঞা উদ্ধার করিয়া লইল। সে যে সংসারকে ভালোবাসিল না তাহা নহে, কিন্তু সংসার যখন তাহাকে বলিল, তুমি আমার বন্ধনে ধরা দাও,— সে কহিল, ধরা যদি দিই, তোমার আবর্তের মধ্যে যদি আকৃষ্ট হই, তাহা হইলে এ সম্ভীবনী-বিজ্ঞা আমি শিখাইতে পারিব না : সংসারের সকলের মধ্যে থাকিয়াও আপনাকে বিচ্ছিন্ন রাখিতে হইবে। তখন সংসার তাহাকে অভিশাপ দিল, তুমি যে-বিজ্ঞা আমার নিকট হইতে প্রাপ্ত হইয়াছ সে-বিজ্ঞা অন্তকে দান করিতে পারিবে, কিন্তু নিজে ব্যবহার করিতে পারিবে না।— সংসারের এই অভিশাপ থাকিতে প্রায়ই দেখিতে পাওয়া যায় যে, গুরু শিষ্য ছাত্রের কাছে লাগিতোছে, কিন্তু সংসারজ্ঞান নিজের জীবনে ব্যবহার করিতে তিনি বলহীন হইয়া অপটু। তাহার কারণ, নির্লিপ্ততাবে দাঁড়ির হইতে বিজ্ঞা শিখিলে বিজ্ঞাটা ভালো করিয়া পাওয়া যাইতে পারে, কিন্তু সবদা কাজের মধ্যে লিপ্ত হইয়া না থাকিলে তাহার প্রায়ঃ শিষ্য হয় না।

“তোমরা যে-সকল কথা তুলিয়াছিলে সেগুলি বড়ো বেশি সাধারণ কথা। মনে করো যদি বলা যায়, রানারগের তাৎপর্ষ এই যে, রাজার গৃহে জন্মিয়াও অনেকে চুঃখ ভোগ করিয়া থাকে, অথবা শকুন্তলার তাৎপর্ষ এই যে, উপযুক্ত অবসরে স্ত্রীপুরুষের চিন্তে পরস্পরের প্রতি

প্রেমের সঞ্চার হওয়া অসম্ভব নহে, তবে সেটাকে একটা নূতন শিক্ষা বা বিশেষ বার্তা বলা যায় না।”

স্রোতস্বিনী কিঞ্চিৎ ইতস্তত করিয়া কহিল, “আমার তো মনে হয়, সেই-সকল সাধারণ কথাই কবিতার কথা। রাজগৃহে জন্মগ্রহণ করিয়াও, সর্বপ্রকার সুখের সম্ভাবনা সত্ত্বেও, আয়ত্মকাল অসীম দুঃখ রাম ও গীতাকে সংকট হইতে সংকটান্তর ব্যাধন জ্ঞায় অনুসরণ করিয়া ফিরিয়াছে; সংসারের এই অত্যন্ত সম্ভবপর, মানবদৃষ্টের এই অত্যন্ত পুরাতন দুঃখকাহিনীতে এই পাঠকের চিত্ত আকৃষ্ট এবং আর্দ্র হইয়াছে। কুসুমলার প্রেমদৃষ্টির মধ্যে দাস্তদিকই কোনো নূতন শিক্ষা বা বিশেষ বার্তা নাই, কেবল এই নিরতিশয় প্রাচীন এবং সাধারণ কথাটি আছে যে, শুভ অথবা অশুভ অবসরে প্রেম অলঙ্কিত অনিদারগনেগে আসিয়া দৃঢ়ক্লমে স্নাপূকসেদ জন্ম এক করিয়া দেয়। এই অত্যন্ত সাধারণ কথা থাকতেই সর্বসাধারণ উচ্চর রসভাগ করিয়া আসিতেছে। কেহ কেহ বলিতে পারেন, দ্রৌপদীর দম্ভহরণের বিশেষ অর্থ এই যে, মৃত্যু এই ভীষণ-তকলতাভগাচ্ছানিত দম্ভমর্তীর দম্ভ আকর্ষণ করিতেছে, কিন্তু বিধাতার আশীর্বাদে কোনোকালে তাহার বসনাঞ্চলের অন্ত হইতেছে না— চিরদিনই সে প্রাণময় সৌন্দর্যের নদবস্ত্রে ভূষিত থাকিতেছে। কিন্তু সত্যপতির যোগেই আমাদের জৎপিওর রক্ত তরঙ্গিত হইয়া উঠিয়াছিল এবং অবশেষে সংকটাপন্ন ভক্তের প্রতি দেবতার রূপের ছুই চক্ষু অশ্রুতে প্লাবিত হইয়াছিল, সে কি এই নূতন এবং বিশেষ অর্থ গ্রহণ করিয়া। না, অত্যাচারপীড়িত দম্ভীর লজ্জা ও সেই লজ্জানিবারণ-নামক অত্যন্ত সাধারণ, স্বাভাবিক এবং পুরাতন কথায়? কচ-দেবযানী-সংবানেও মানবজন্মের এক অঃ চিরন্তন এবং সাধারণ বিষাদকাহিনী বিবৃত আছে, সেটাকে যাহারা অকিঞ্চিৎকর জ্ঞান করেন এবং বিশেষ তত্ত্বকেই প্রাধান্য দেন তাহারা কাব্যরসের অধিকারী নহেন।”

সমীর হাসিয়া আমাকে সোধোন করিয়া কহিলেন, “শ্রীমতী শ্রোতস্থিনী আমাদিগকে কাব্যরসের অধিকারসীমা হইতে একেবারে নির্বাসিত করিয়া দিলেন, এক্ষণে স্বয়ং কবি কী বিচার করেন একবার শুনা যাক।”

শ্রোতস্থিনী অত্যন্ত লজ্জিত ও অনুতপ্ত হইয়া বারংবার এই অপবাদের প্রতিবাদ করিলেন।

আমি কহিলাম, “এই পর্যন্ত বলিতে পারি যখন কবিতাটা লিখিতে বসিয়াছিলাম তখন কোনো অর্ধই মাথায় ছিল না, তোমাদের কল্যাণে এখন দেখিতেছি লেখাটা বড়ো নিরর্থক হয় নাই, অর্থ অভিধানে কুলাইয়া উঠিতেছে না। কাব্যের একটা গুণ এই যে, কবির রচনাশক্তি পাঠকের রচনাশক্তি উদ্রেক করিয়া দেয়; তখন স্ব স্ব প্রকৃতি অনুসারে কেহ-বা সৌন্দর্য, কেহ-বা নীতি, কেহ-বা তত্ত্ব সৃজন করিতে থাকেন। এ যেন আতশবাকিতে আগুন ধরাইয়া দেওয়া— কাব্য সেই অগ্নিশিখা, পাঠকদের মন ভিন্ন ভিন্ন প্রকারের আতশবাকি। আগুন ধরিবামাত্র কেহ-বা হাউইয়ের মতো একবারে আকাশে উড়িয়া যায়, কেহ-বা তুবড়ির মতো উচ্ছ্বসিত হইয়া উঠে, কেহ-বা বোমার মতো আওয়াজ করিতে থাকে। তথাপি মোটের উপর শ্রীমতী শ্রোতস্থিনীও স্হিত আমার মতবিরোধ দেখিতেছি না। অনেক বলেন, ঋগ্বেদে ফলের প্রধান অংশ এবং বৈজ্ঞানিক বুদ্ধির দ্বারা তাহার প্রমাণ করাও যায়। কিন্তু, তথাপি অনেক রসজ্ঞ ব্যক্তি বলেন শস্ত্রটি গাইয়া তাহার ঋগ্বেদ ফেলিয়া দেন। তেমনি কোনো কাব্যের মধ্যে যদি বা কোনো বিশেষ শিক্ষা থাকে, তথাপি কাব্যরসজ্ঞ ব্যক্তি তাহার রসপূর্ণ কাব্যংশটুকু লইয়া শিক্ষাংশটুকু ফেলিয়া দিলে কেহ তাঁহাকে দোষ দিতে পারে না। কিন্তু যাহারা আগ্রহসহকারে কেবল ঐ শিক্ষাংশটুকুই বাহির করিতে চাছেন, আশীর্বাদ করি তাঁহারাও সকল হউন এবং শুধে থাকুন। আনন্দ

কাহাকেও বলপূর্বক দেওয়া যায় না। কুম্ভকুল হইতে কেহ-বা তাহার রঙ বাহির করে, কেহ-বা তৈলের স্রুতা তাহার বীজ বাহির করে, কেহ-বা যুদ্ধনেত্রে তাহার শোভা দেখে। কান্য হইতে কেহ-বা ইতিহাস আকর্ষণ করেন, কেহ-বা দর্শন উৎপাটন করেন, কেহ-বা নীতি, কেহ-বা বিষয়জ্ঞান উদ্ঘাটন করিয়া থাকেন—আবার কেহ-বা কাব্য হইতে কান্য ছাড়া আর কিছুই বাহির করিতে পারেন না। যিনি যাহা পাইলেন তাহাই লইয়া সম্বৃষ্টচিত্তে ঘরে ফিরিতে পারেন, কাহারও সহিত বিরোধের আবশ্যক দেখি না,—বিরোধে ফলও নাই।”

কৌতুকহাস্য

শীতের সকালে রাস্তা দিয়া খেজুররস হাঁকিয়া যাইতেছে। ভোরের দিককার ঝাপসা কুয়াশাটা কাটিয়া গিয়া তরুণ রোজে দিনের আরম্ভ-বেলাটা একটু উপভোগযোগ্য আতপ্ত হইয়া আসিয়াছে। সমীর চা খাইতেছে, কিত্তি খবরের কাগজ পড়িতেছে এবং ব্যোম মাথার চারিদিকে একটা অত্যন্ত উজ্জ্বল নীলে সবুজে মিশ্রিত গলাবন্ধের পাক জড়াইয়া একটা অসংগত মোটা লাঠি হস্তে সম্প্রতি আসিয়া উপস্থিত হইয়াছে।

অদূরে ঘরের নিকট দাঁড়াইয়া শ্রোতবিনী এবং দীপ্তি পরস্পরের কটিবেষ্টন করিয়া কী-একটা রহস্যপ্রসঙ্গে দারদ্বার হাসিয়া অস্থির হইতেছিল। কিত্তি এবং সমীর মনে করিতেছিল, এই উৎকট নীল-হরিত-পশমরাশি-পরিবৃত সুখাসীন নিশ্চিতচিত্ত ব্যোমই ঐ হাশ্ব-রসোচ্ছ্বাসের মূল কারণ।

এমন সময় অন্তমনস্ক ব্যোমের চিত্তও সেই হাশ্বরবে আকৃষ্ট হইল। চৌকিটা সে আমাদের দিকে দ্রবৎ ফিরাইয়া কছিল, “দূর হইতে একজন পুরুষমানুষের হঠাৎ ভ্রম হইতে পারে যে, ঐ ছুটি সখী বিশেষ কোনো একটা কৌতুককথা অবলম্বন করিয়া হাসিতেছেন, কিন্তু সেটা মায়ী। পুরুষজাতিকে পক্ষপাতী বিধাতা বিনাকৌতুকে হাসিবার ক্ষমতা দেন নাই, কিন্তু মেয়েরা হাসে কিজন্ত তাহা ‘দেবা ন জানন্তি কুতো মনুষ্যাঃ’। চকমকি-পাথর স্বভাবত আলোকহীন, উপযুক্ত সংঘর্ষ প্রাপ্ত হইলে সে অটুশব্দে জ্যোতিফুলিঙ্গ নিক্ষেপ করে; আর মানিকের টুকরা আপনা-আপনি আলোর ঠিকরিয়া পড়িতে থাকে— কোনো-একটা

সংগত উপলক্ষের অপেক্ষা রাখে না। মেয়েরা অল্প কারণে কাঁদিতে জানে এবং বিনা কারণে হাসিতে পারে; কারণ ব্যতীত কার্য হয় না, জগতের এই কড়া নিয়মটা কেবল পুরুষের পক্ষেই খাটে।”

সমীর নিঃশেষিত পাত্রে দ্বিতীয়বার চা ঢালিয়া কহিল, “কেবল মেয়েদের হাসি নয়, হাস্যরসটাই আমার কাছে কিছু অসংগত ঠেকে। দুঃখে কাঁদি, সুখে হাসি, এটুকু বুঝিতে বিলম্ব হয় না, কিন্তু কৌতুকে হাসি কেন। কৌতুক তো ঠিক সুখ নয়। মোটা মানুষ চৌকি ভাঙিয়া পড়িয়া গেল আমাদের কোনো সুখের কারণ ঘটে, এ-কথা বলিতে পারি না, কিন্তু হাসির কারণ ঘটে ইহা পরীক্ষিত সত্য। ভাবিয়া দেখিলে ইহার মধ্যে আশ্চর্যের বিষয় আছে।”

কিত্তি কহিল, “কথাটা এই যে কৌতুকে আমরা হাসি কেন। একটা কিছু ভালো লাগিবার বিষয় যেই আমাদের সম্মুখে উপস্থিত হইল, আমরা আমাদের গলার ভিতর দিয়া একটা অদ্ভুত প্রকারের শব্দ বাহির হইতে লাগিল এবং আমাদের মুখের সমস্ত মাংসপেশী বিকৃত হইয়া সম্মুখের দৃশ্যপট ক্রি বাহির হইয়া পড়িল—মানুষের মতো ভদ্র জীবনের পক্ষে এমন একটা অসংযত অসংগত ব্যাপার কি সামান্ত অদ্ভুত এবং অধমানজনক। যুরোপের ভদ্রলোক ভয়ের চিহ্ন দুঃখের চিহ্ন প্রকাশ করিতে সজ্জা বেঁধে করেন, আমরা প্রাচ্যজাতীয়েরা সভ্যসমাজে কৌতুকের চিহ্ন প্রকাশ করাটাকে নিতান্ত অসংযমের পরিচয় জ্ঞান করি—”

সমীর কিত্তির কথা শেষ করিতে না দিয়া কহিল, “তাহার কারণ, আমাদের মতে কৌতুক আমাদের অদ্ভুতত্ব করা নিতান্ত অযৌক্তিক। উহা ছেলমানুষেরই উপযুক্ত। এইজন্য কৌতুকরসকে আমাদের প্রবীণ লোকমাজেই ছেবগামি বলিয়া ঘৃণা করিয়া থাকেন। একটা গানে শুনিয়াছিলাম, শ্রীকৃষ্ণ নিদ্রাতলে প্রাতঃকালে হঁকা-হস্তে রাধিকার

কুটির কিঞ্চিৎ অঙ্গারের প্রার্থনার আগমন করিয়াছিলেন, ওনিয়া শ্রোতামাত্রের হস্ত উদ্রেক করিয়াছিল। কিন্তু হঁকা-হস্তে শ্রীকৃষ্ণের কল্পনা স্মরণও নহে, কাহারও পক্ষে আনন্দজনকও নহে— তবুও যে আমাদের হাসি ও আমোদের উদয় হয়, তাহা অদ্ভুত ও অমূলক নহে তো কী। এইজন্যই এরূপ চাপল্য আমাদের বিজ্ঞ সমাজের অনুমোদিত নহে। ইহা যেন অনেকটা পরিমাণে শারীরিক, কেবল স্নায়ুর উত্তেজনা মাত্র। ইহার সহিত আমাদের সৌন্দর্যবোধ, বুদ্ধিবৃত্তি, এমন কি, স্বার্থ-বোধেরও যোগ নাই। অতএব, অনর্থক সামান্য কারণে ক্ষণকালের জন্য বুদ্ধির এরূপ অনিবার্য পরাভব, স্বৈর্ঘ্যের এরূপ সম্যক বিচ্যুতি, মনস্বী জীবের পক্ষে লজ্জাজনক সন্দেহ নাই।”

ক্ষিত্তি একটু ভাবিয়া কহিল, “সে কথা সত্য। কোনো অখ্যাতনামা কবি-বিরচিত এই কবিতাটি বোধ হয় জানা আছে—

তৃষ্ণাত হইয়া চাহিলাম একঘটি জল।

তাড়াতাড়ি এনে দিলে আধখানা বেল।

তৃষ্ণার্ত ব্যক্তি যখন একঘটি জল চাহিতেছে, তখন অত্যন্ত তাড়া-তাড়ি করিয়া আধখানা বেল আনিয়া দিলে অপরাপর ব্যক্তির তাড়াতে আমোদ অনুভব করিবার কোনো ধর্মসংগত অথবা যুক্তিসংগত কারণ দেখা যায় না। তৃষিত ব্যক্তির প্রার্থনামতে তাহাকে একঘটি জল আনিয়া দিলে সমবেদনাবৃত্তিপ্রভাবে আমরা সুখ পাই; কিন্তু তাহাকে হঠাৎ আধখানা বেল আনিয়া দিলে, জানি না কী বৃত্তিপ্রভাবে আমাদের প্রচুর কৌতুক বোধ হয়। এই সুখ এবং কৌতুকের মধ্যে যখন শ্রেণীগত প্রভেদ আছে তখন দুইয়ের ভিন্নবিধ প্রকাশ হওয়া উচিত ছিল। কিন্তু প্রকৃতির গৃহীণীপনাই এইরূপ—কোথাও-বা অন্যথাও অপব্যয়, কোথাও অত্যাধিকারের বেলায় টানাটানি! এক হাসির দ্বারা সুখ এবং কৌতুক দুটোকে সারিয়া দেওয়া উচিত হয় নাই।”

ব্যোম কহিল, “প্রকৃতির প্রতি অন্তর অপবাদ আরোপ হইতেছে। সুখে আমরা স্মিতহাস্য হাসি, কৌতুকে আমরা উচ্চহাস্য হাসিয়া উঠি। একটা আন্দোলনজনিত স্থায়ী, অপরটি সংঘর্ষজনিত আকস্মিক।”

সমীর ব্যোমের কথার কর্ণপাত না করিয়া কহিল, “আমোদ এবং কৌতুক ঠিক সুখ নহে, বরঞ্চ তাহা নিম্নমাত্রার দুঃখ। স্বল্প পরিমাণে দুঃখ ও পীড়ন আমাদের চেতনার উপর যে আঘাত করে তাহাতে আমাদের সুখ হইতেও পারে। প্রতিদিন নিয়মিত সময়ে বিনা কষ্টে আমরা পাচকের প্রস্তুত অন্ন খাইয়া থাকি, তাহাকে আমরা আমোদ বলি না। কিন্তু যেদিন চড়িভাতি করা যায় সেদিন নিম্নম ভঙ্গ করিয়া, কষ্ট স্বীকার করিয়া, অসময়ের সম্ভবত অশাস্ত আহার করি, তবু তাহাকে বলি আমোদ। আমাদের জন্ত আমরা ইচ্ছাপূর্বক যে-পরিমাণে কষ্ট ও অশাস্তি জাগ্রত করিয়া তুলি, তাহাতে আমাদের চেতনাশক্তিকে উত্তেজিত করিয়া দেয়। কৌতুকও সেই জাতীয় সুখবহ দুঃখ। শ্রীকৃষ্ণ সর্বকালে আমাদের চিরকাল যেরূপ ধারণা আছে, তাহাকে হংকা-হস্তে রাধিকার কুটিরে আনিয়া উপস্থিত করিলে হঠাৎ আমাদের সেই ধারণার আঘাত করে; সেই আঘাত টমৎ পীড়াজনক; কিন্তু সেই পীড়ার পরিমাণ এমন নিয়মিত যে, তাহাতে আমাদেরকে যে-পরিমাণে দুঃখ দেয়, আমাদের চেতনাকে অকস্মৎ চঞ্চল করিয়া তুলিয়া তদপেক্ষা অধিক সুখী করে। এই গীমা ঈষৎ অতিক্রম করিলেই কৌতুক প্রকৃত পীড়ার পরিণত হইয়া উঠে। যদি যথার্থ ভক্তির কীর্তনের মাঝখানে কোনো রসিকতাবায়ুগ্রস্ত হোকরা হঠাৎ শ্রীকৃষ্ণের ঐ তাম্বকুটধ্ম পিপাসুতার গান গাহিত, তবে তাহাতে কৌতুক বোধ হইত না; কারণ আঘাতটা এত গুরুতর হইত যে, তৎকালে তাহা উন্নত মুষ্টি আকার ধারণ করিয়া উক্ত রসিক ব্যক্তির পৃষ্ঠাভিমুখে প্রবল প্রতিঘাতস্বরূপে ধাবিত হইত। অতএব, আমার মতে কৌতুক—চেতনাকে পীড়ন; আমোদও তাই।

এইজন্য প্রকৃত আনন্দের প্রকাশ শিতহাস্ত এবং আমোদ ও কৌতুকের প্রকাশ উচ্চহাস্ত ; সে হাস্ত যেন হঠাৎ একটা ক্রম আঘাতের পীড়নবেগে সশব্দে উর্ধ্বে উদ্গীর্ণ হইয়া উঠে ।”

কিতি কহিল, “তোমরা যখন একটা মনের-মতো খিওরির সঙ্গে একটা মনের-মতো উপমা জুড়িয়া দিতে পার, তখন আনন্দে আর সত্যাসত্য জ্ঞান থাকে না । ইহা সকলেরই জানা আছে, কৌতুকে যে কেবল আমরা উচ্চহাস্ত হাসি তাহা নহে, মৃদুহাস্তও হাসি, এমন কি, মনে মনেও হাসিয়া থাকি । কিন্তু ওটা একটা অবাস্তব কথা । আসল কথা এই যে, কৌতুক আমাদের চিন্তের উত্তেজনার কাবণ ; এবং চিন্তের অনতিপ্রবল উত্তেজনা আমাদের পক্ষে সুখজনক । আমাদের অন্তরে বাহিরে একটি সুস্বস্তিসংগত নিয়মশৃঙ্খলার আধিপত্য ; সমস্তই চিবাভাস্ত, চিরপ্রত্যাশিত ; এই সুনিয়মিত স্ক্রিডাজ্যের সমভূমিমধ্যে যখন আমাদের চিন্তা অবাধে প্রবাহিত হইতে থাকে, তখন তাহাকে বিশেষরূপে অনুভব করিতে পারি না । ইতিমধ্যে হঠাৎ সেই চারিদিকের সখাযোগ্যতা ও সখাপরিমিততার মধ্যে যদি একটা অসংগত ব্যাপারের অবতারণা হয়, তবে আমাদের চিন্তাপ্রবাহ অকস্মাৎ বাধা পাইয়া দুর্নিবাব হাস্ততরঙ্গে বিক্ষুব্ধ হইয়া উঠে । সেই বাধা সুখের নহে, সৌন্দর্যের নহে, সুবিধার নহে, তেমনি আবার অনতিদুঃখেরও নহে ; সেইজন্য কৌতুকের সেই বিস্তৃত অমিশ্র উত্তেজনার আমাদের আমোদ বোধ হয় ।”

আমি কহিলাম, “অনুভবক্রিয়া মাত্রই সুখের, যদি না তাহার সহিত কোনো গুরুতর দুঃখভয় ও স্বার্থহানি মিশ্রিত থাকে । এমন কি, ভয় পাইতেও সুখ আছে, যদি তাহার সহিত বাস্তবিক ভয়ের কোনো কারণ জড়িত না থাকে । ছেলেরা ভূতের গল্প শুনিতে একটা বিষম আকর্ষণ অনুভব করে, কারণ, ছৎকম্পের উত্তেজনার আমাদের যে চিন্তাচঞ্চল্য জন্মে তাহাতেও আনন্দ আছে । রামায়ণে সীতাবিরোগে রামের দুঃখে

আমরা ছুঃখিত হই, ওখেলোর অমূলক অহুয়া আমাদিগকে পীড়িত করে, ছুহিতার কৃতঘ্নতাশরবিদ্ধ উন্মাদ লিয়রের মর্মযাতনায় আমরা ব্যথা বোধ করি— কিন্তু সেই ছুঃখপীড়া বেদনা উদ্বেক করিতে না পারিলে সে-সকল কাব্য আমাদের নিকট তুচ্ছ হইত। বরঞ্চ ছুঃখের কাব্যকে আমরা সুখের কাব্য অপেক্ষা অধিক সমাদর করি; কারণ, ছুঃখানুভবে আমাদের চিত্তে অধিকতর আন্দোলন উপস্থিত করে। কৌতুক মনের মধ্যে হঠাৎ আঘাত করিয়া আমাদের সাধারণ অনুভবক্রিয়া জাগ্রত করিয়া দেয়। এইজন্য অনেক রসিক লোক হঠাৎ শরীরে একটা আঘাত করাকে পরিহাস জ্ঞান করেন; অনেক গালিকে ঠাট্টার স্বরূপে ব্যবহার করিয়া থাকেন; বাসরঘরে কর্ণমর্দন এবং অজ্ঞাত পীড়ননৈপুণ্যকে বঙ্গসীমন্তিনীগণ একশ্রেণীর হাস্যরস বলিয়া স্থির করিয়াছেন; হঠাৎ উৎকট বোমার আওয়াজ করা আমাদের দেশে উৎসবের অঙ্গ।”

ক্ষিত্তি কহিল, “বন্ধুগণ, কাস্ত হও। কথাতী একপ্রকার শেব হইয়াছে। যতটুকু পীড়ন স্থগৎদাধ হয় তাহা তোমরা অতিক্রম করিয়াছ, একারণ ছুঃখ ক্রমে প্রবল হইয়া উঠিতেছে। আমরা বেশ বুঝিয়াছি যে, কঃমডি়র হাস্য ও ট্র্যাঃজেডি়র অশ্রুজল ছুঃখের তারতম্যের উপর নির্ভর করে—”

ব্যোম কহিল, “ঃখমন বরফের উপর প্রথম রৌদ্র পড়িলে তাহা কিক্খিক্ করিতে থাকে এবং রৌদ্রের তাপ বাড়িয়া উঠিলে তাহা গলিয়া পড়ে। তুমি কতকগুলি প্রহসন ও ট্র্যাঃজেডি়র নাম করো, আমি তাহা হইতে প্রমাণ করিয়া দিতেছি—”

এমন সময় দীপ্তি ও স্রোতস্বিনী হাসিতে হাসিতে আসিয়া উপস্থিত হইলেন। দীপ্তি কহিলেন, “তোমরা কী প্রমাণ করিবার জন্য উদ্ভত হইয়াছ।”

ক্ষিত্তি কহিল, “আমরা প্রমাণ করিতেছিলাম যে, তোমরা এতক্ষণ বিনা কারণে হাসিতেছিলে।”

শুনিয়া দীপ্তি স্রোতস্বিনীর মুখের দিকে চাহিলেন, স্রোতস্বিনী দীপ্তির মুখের দিকে চাহিলেন, এবং উভয়ে পুনরায় কলকণ্ঠে হাসিয়া উঠিলেন।

ব্যোম কহিল, “আমি প্রমাণ করিতে যাইতেছিলাম যে, কামড়িত পরের অন্ন পীড়া দেখিয়া আমরা হাসি এবং ট্যাংজড়িত পরের অধিক পীড়া দেখিয়া আমরা কাঁদি।”

দীপ্তি ও স্রোতস্বিনীর স্মিষ্ট সম্মিলিত হাস্যরবে পুনশ্চ গৃহ কুজিত হইয়া উঠিল, এবং অনর্থক হাস্য উদ্বেকের জগু উভয়ে উভয়কে দেখা করিয়া, পরস্পরকে তর্জনপূর্বক হাসিত হাসিতে সলজ্জভাবে ছুই সখা গৃহ হইতে প্রস্থান করিলেন।

পুরুষ সভ্যগণ এই অকারণ চাশ্চাচ্ছাসদৃশ্য স্থিতমুখে অদ্যক হইয়া রহিল। কেবল সমীৰ কহিল, “ব্যোম, বেলা অনেক চইয়াছে, এখন তোমার ঐ বিচিত্রবর্ণের নাগপশবন্ধনটা খুলিয়া ফেলিলে স্বাস্থ্যখানির সম্ভাবনা দেখি না।”

ক্ষিত্তি ব্যোমের লাঠিগাছটি তুলিয়া অনেকক্ষণ মনোযোগের সহিত নিরীক্ষণ করিয়া কহিল, “ব্যোম, তোমার এই গদাখানি কি কামড়িত বিষয়, না, ট্যাংজড়ির উপকরণ?”

কৌতুকহাস্যের মাত্রা

সেদিনকার ডাবাবিঃও কৌতুকহাস্য সম্বন্ধে আমাদের আলাচনা পাঠ করিয়া শ্রীমতী দীপ্তি লিখিয়া পাঠাইয়াছেন, 'একদিন প্রাতঃকাল স্নানোত্তরঃও ও আমাঃও মিলিয়া হাসিয়াছিলাম । দ্বয় সেই প্রাতঃকাল এবং দ্বয় দুই মতীর হাঃ । দুঃস্বপ্নই অধি এমন চাপল্য অনেক বসণাই প্রকাশ কবিয়াঃ, এবং উচ্চাঃম তাঃব কলাফল ভাঃলা-মক নঃ । আঃমঃ স্বাঃী উচ্চাঃম । নঃমঃ তাঃি অঃমঃ হইঃত পাঃদ, কিছু হঃ' অঃমঃ মক কঃম, উঃপঃমঃ, এমন ক, শঃমঃল-বিক্রীডি উচ্চক, অঃমঃ ত্রিঃপাঃী, চঃমঃপাঃী এবং চতুর্দঃপাঃী অঃনি-কাঃমঃ উচ্চাঃমঃ, এইঃকপ শুঃী যঃ মঃ বঃগাঃ মঃলঃমঃভাঃবঃমঃত অনর্থক হাঃমঃ, মঃঃমঃ উচ্চঃঃ হঃ' মেঃদিঃ অঃমঃ পুঃকঃ অনর্থক কঃমঃ, অনেক পুঃকঃ উঃমঃ মিঃলাইঃঃ নঃ, অঃমঃ পুঃকঃ মঃলঃমঃ মঃডি নিঃমঃ মঃমঃ— আবার এইঃমঃ মেঃদিঃমঃ, নঃমঃ হাঃমঃ প্রঃদিঃ ফিঃলঃজঃকঃমঃ মঃমঃমঃ নঃদিঃ ফিঃলঃজঃকঃ দিঃকঃমঃ, উচ্চঃ উঃঠ । কিছু সঃতা কথা বলিঃতঃ, উঃমঃ-নিঃমঃ অঃপঃকঃ পূঃবঃকঃ মঃন পঃকঃমঃমঃ অনঃস্বাঃতা অঃমঃমঃ পঃছঃকঃ কঃদি ।'

এই বলিয়া সেদিন আমরা হাঃমঃ সম্বন্ধে যে-সিঃকাঃমঃ উপনীত হইয়াছিলাম শ্রীমতী দীপ্তি তাঃঃঃকঃ যুক্তিহীন অঃপ্রাঃমাঃগিকঃ বলিয়া প্রঃমাঃমঃ কবিয়াঃছেন ।

আমাদের কথা এই যে, আমাদের সেদিনকার তঃমঃমঃ মঃমঃ যে যুক্তির প্রাঃবলা ছিল না, সেঃমঃমঃ শ্রীমতী দীপ্তির রাঃগঃ কঃবা উচিত হয় না । কাঃবঃ, নারীহাঃমঃ পৃথিঃবীতে যত প্রকাঃর অনর্থপাতঃ কঃর,

তাহার মধ্যে বুদ্ধিমানের বুদ্ধিব্রংশও একটি। যে-অবস্থায় আমাদের ফিলজফি প্রলাপ হইয়া উঠিয়াছিল, সে-অবস্থায় নিশ্চয়ই মনে করিলেই কবিতা লিখিতেও পরিতাম, এবং গলায় দড়ি দেওয়াও অসম্ভব হইত না।

যাহা হউক, সেদিন মোটের উপরে আমরা প্রকৃতি এই তুলিয়াছিলাম যে, যেমন ছুঃখের কারণে তেমনি সুখের হাসি আছে, কিন্তু, মাঝে হইতে কোতূকের হাসিটা কোথা হইতে আসিল। কোতূক জিনিসটা কিছু রহস্যময়। অনুরাগে সুখ ছুঃখ অসম্ভব করে, কিন্তু কোতূক অসম্ভব করে না। অলংকারশাস্ত্রে যে-কটা রসের উল্লেখ আছে সব রসই অল্পদের অপরিণত অপরিষ্কৃত সাহিত্যের মধ্যে আছে, কেবল হাস্যরসটা নাই। হনুতা বানরের প্রকৃতির মধ্যে এই রসের কথঞ্চিৎ আভাস দেখা যায়, কিন্তু বানরের সহিত মানুষের আত্মা অনেক বিষয়েই সাদৃশ্য আছে।

যাহা অসংগত, তাহাতে মানুষের ছুঃখ পাওয়া উচিত ছিল, হাসি পাইবার কোনো অর্থই নাই। পশ্চাতে যখন চৌকি নাট তখন চৌকিতে বসিতেছি মনে করিয়া কেহ যদি মাটিতে পড়িয়া যায়, তবে তাহাতে দর্শকবৃন্দের সুখাসম্ভব করিবার কোনো বুদ্ধিসংগত কারণ দেখা যায় না। এমন একটা উদাহরণ দেন, কোতূকমাত্রেয়ই মধ্যে এমন একটা পদার্থ আছে যাহাতে মানুষের সুখ না হইয়া ছুঃখ হওয়া উচিত।

আমরা কথায় কথায় সেদিন ইচ্ছার একটা কারণ নির্দেশ করিয়াছিলাম। আমরা বলিয়াছিলাম, কোতূকের হাসি এবং আমাদের হাসি একজাতীয়, উভয় হাস্যরস মধ্যেই একটা প্রবলতা আছে। তাই আমাদের সন্দেহ হইয়াছিল যে, হনুতা আত্মা এবং কোতূকের মধ্যে একটা প্রকৃতিগত সাদৃশ্য আছে; সেটাকে বাহির করিতে পারিলেই কোতূকহাস্যের রহস্যভেদ হইতে পারে।

সাধারণভাবে সুখের সহিত আমাদের একটা প্রভেদ আছে।

নিয়মভঙ্গে যে একটু পীড়া আছে, সেই পীড়াটুকু না থাকিলে আনন্দ হইতে পারে না। আনন্দ তিনিসটা নিত্যনৈমিত্তিক সহজ নিয়মসংগত নহে ; তাহা মাঝে-মাঝে এক-একদিনের ; তাহাতে প্রয়াসের আবশ্যক। সেই পীড়ন এবং প্রয়াসের সংঘর্ষ মনের যে একটা উত্তেজনা হয়, সেই উত্তেজনাই আমাদের প্রধান উপকরণ।

আমরা বলিয়াছিলাম, কৌতুকর মধ্যেও নিয়মভঙ্গজনিত একটা পীড়া আছে ; সেই পীড়াটা অতি অধিকমাত্রায় না গেলে আমাদের মনে যে একটা সুখের উত্তেজনার উদ্রেক করে, সেই আকস্মিক উত্তেজনায় আঘাতে আমরা হাসিয়া উঠি। যাহা সুসংগত তাহা চিরদিনের নিয়মসম্মত, যাহা অসংগত তাহা কণকালের নিয়মভঙ্গ। যেখানে যাহা উপযুক্ত উচিত সেখানে তাহা হইলে, তাহাতে আমাদের মনের কোনো উত্তেজনা নাই ; হঠাৎ না হইলে কিম্বা আর-একরূপ হইলে সেই আকস্মিক অনতিপ্রদল উৎপীড়ন মনটা একটা বিশেষ চেতনা অনুভব করিয়া সুখ পায় এবং আমরা হাসিয়া উঠি।

সেদিন আমরা এই পর্বত গিয়াছিলাম, আর বেশি দূর যাই নাই। কিন্তু তাই বলিয়া আর যে যাওয়া যায় না, তাহা নহে। আরো বলিদার কথা আছে।

শ্রীমতী দীপ্তি প্রশ্ন করিয়াছেন যে, আমাদের চার পণ্ডিতের সিদ্ধান্ত যদি সত্য হয়, তবে চলিতে চলিতে হঠাৎ অন্ন হাঁচি খাইলে কিম্বা রাস্তায় যাইতে অকস্মাৎ অন্নমাত্রায় দুর্গন্ধ নাক অঙ্গুলি আমাদের হাসি পাওয়া, অস্তুত উত্তেজনাজনিত সুখ অনুভব করা উচিত।

এ প্রশ্নের দ্বারা আমাদের যৌমাংসা খণ্ডিত হইতেছে না, সীমাবদ্ধ হইতেছে মাত্র। ইহাতে কেবল এইটুকু দেখা যাইতেছে যে, পীড়ন-মাত্রাই কৌতুকজনক উত্তেজনা জন্মায় না ; অতএব, এক্ষণে দেখা আবশ্যক, কৌতুকপীড়নের বিশেষ উপকরণটা কী।

জড়প্রকৃতির মধ্যে করুণরসও নাই, হাস্যরসও নাই। একটা বড়ো পাথর ছোটো পাথরকে গুঁড়াইয়া ফেলিলেও আমাদের চোখে কল আসে না, এবং সমতলক্ষেত্রের মধ্যে চলিতে চলিতে হঠাৎ একটা খাপছাড়া গিরিশৃঙ্গ দেখিতে পাইলে তাহাতে আমাদের হাসি পায় না। নদী নির্ঝর পর্বত সমুদ্রের মধ্যে মানে-মানে আকস্মিক অসামঞ্জস্য দেখিতে পাওয়া যায়— তাহা বাধাজনক, বিরক্তিজনক, পীড়াজনক হইতে পারে, কিন্তু কোনো স্থানেই কৌতুকজনক হয় না। সচেতন পদার্থ সম্বন্ধীয় খাপছাড়া ব্যাপার ব্যতীত, শুদ্ধ জড়পদার্থে আমাদের হাসি আনিতে পারে না।

কেন, তাহা ঠিক করিয়া বলা শক্ত : কিন্তু আলোচনা করিয়া দেখিতে দোষ নাই।

আমাদের ভাষায় কৌতুক এবং কৌতুহল শব্দের অর্থের যোগ আছে। সংস্কৃত সাহিত্যে অনেক স্থলে একই অর্থ নিকর উভয় শব্দরই প্রয়োগ হইয়া থাকে। ইহা হইতে অনুমান করি, কৌতুহল-বৃত্তির সহিত কৌতুকের বিশেষ সম্বন্ধ আছে।

কৌতুহলের একটা প্রধান অঙ্গ নৃতনের লালসা, কৌতুকেরও একটা প্রধান উপাদান নৃতনত্ব। অসংগতের মধ্যে যেমন নিছক বিশুদ্ধ নৃতনত্ব আছে, সংগতের মধ্যে নৃতনত্ব নাই।

কিন্তু প্রকৃত অসংগতি ইচ্ছাশক্তির সহিত, ক্রটিতে, তাহা জড় পদার্থের মধ্যে নাই। আমি যদি পরিকার পথে চলিতে চলিতে হঠাৎ দুর্গক পাই তবে আমি নিশ্চয় জানি, নিকটে কোথাও এক ভায়গ্যাস দুর্গক বস আছে, তাই এতরূপ ধটিল ; ইহাতে কোনোরূপ নিয়মের ব্যতিক্রম নাই, ইহা অদৃশ্যমুখী। জড়প্রকৃতিতে যে কারণে যাহা চটতে চলে তাহা ছাড়া আর-কিছু চটবার জো নাই, ইহা নিশ্চয়।

কিন্তু পথে চলিতে চলিতে যদি হঠাৎ দেখি, একজন যাত্রী বৃদ্ধ

ব্যক্তি মেমটা-নাচ নাচিতেছে, তবে সেটা প্রকৃতই অসংগত ঠেকে ; কারণ, তাটা অনিবার্ণ নিয়মসংগত নহে। আমরা বৃদ্ধের নিকট কিছুতেই এরূপ আচরণ প্রত্যাশা করি না, কারণ, সে ইচ্ছাশক্তিসম্পন্ন লোক ; সে ইচ্ছা কবিতা নাচিতেছে, ইচ্ছা করিলে না নাচিতে পারিত। জড়ের নাকি নিঃস্বের ইচ্ছামাত্রা কিছু হয় না, এইজন্য জড়ের পক্ষে কিছুই অসংগত কৌতুকানহ হইতে পারে না। এইজন্য অনপেক্ষিত হাঁচি বা হুর্গক হাস্যজনক নহে। চায়ের চামচ যদি দৈবাৎ চায়ের পেয়ালা হইতে চ্যুত হইয়া দোয়াতের কালির মধ্যে পড়িয়া যায় তবে সেটা চামচের পক্ষ হাশ্বকন নহে— ভারাকর্ষণের নিয়ম তাহার লঙ্ঘন করিবার জো নাই ; কিন্তু অশ্রমনক লেখক যদি তাহার চায়ের চামচ দোয়াতের মধ্যে ডুবাইয়া তা খাইবার চেষ্টা করেন, তবে সেটা কৌতুকের বিষয় বটে। দমনীতি যেমন জড়ে নাই, অসংগতিও সেইরূপ জড়ে নাই। মনঃপন্য প্রবেশ কবিতা যেখানে বিধা জন্মাইয়া দিয়াছে, সেইখানেই উচিত এবং অশুচিত, সংগত এবং অসংগত।

কৌতুকল জিনিষটা অনেক স্থলে নির্ভর, কৌতুকের মধ্যেও নির্ভরতা আছে। মিন্‌জোল্ডোল দুইজনকে নাড়িতে নাড়িতে বাধিয়া উভয়ের নাকে নস্য পুসিয়া দিবে, এইরূপ পদ্যের ক্রম যথ— উভয়ে যখন হাঁচিতে আবদ্ধ করিবে তখন মিন্‌জোল্ডোল আত্মান অশুভব করিতেন। ইহার মধ্য অসংগতি কে ন্যানে। নাকের নস্য দিলে হো হাঁচি আসিবারই কথা। কিন্তু এখানেও ইচ্ছার সহিত কার্যের অসংগতি। যাহাদের নাকের নস্য দেওয়া হইতেছে তাহাদের ইচ্ছা নম যে তাহারা হাঁচ, কারণ, হাঁচিলেই তাহাদের নাড়িতে অকস্মাৎ টান পড়িবে ; কিন্তু তথাপি তাহাদিগকে হাঁচিতেই হইতেছে।

এইরূপ ইচ্ছার সহিত অবস্থার অসংগতি, উদ্দেশ্যের সহিত উপায়ের অসংগতি, কথার সহিত কার্যের অসংগতি, এগুলোর মধ্যে নির্ভরতা

আছে। অনেক সময় আমরা যাহাকে লইয়া হাসি সে নিজের অবস্থাকে হাস্তের বিষয় জ্ঞান করে না। এইজন্যই পাঞ্চভৌতিক সভায় ব্যোম বলিয়াছিলেন যে, কমেডি এবং ট্র্যাজেডি কেবল পীড়নের মাত্রাভেদ। কমেডিতে যতটুকু নিষ্ঠুরতা প্রকাশ হয় তাহাতে আমাদের হাসি পায় এবং ট্র্যাজেডিতে যতদূর পর্যন্ত যায় তাহাতে আমাদের চোখে জল আসে। গর্ভভের নিকট অনেক টাইটিনিয়া অপূর্ব মোহবশত যে আত্মবিসর্জন করিয়া থাকে, তাহা মাত্রাভেদে এবং পাত্রভেদে মর্গভেদী শোকের কারণ হইয়া উঠে।

অসংগতি কমেডিরও বিষয়, অসংগতি ট্র্যাজেডিরও বিষয়। কমেডিতেও ইচ্ছার সহিত অবস্থার অসংগতি প্রকাশ পায়। ফল্‌স্টাফ উইণ্ডসর-বাসিনী রঞ্জিনীর প্রেমলালসার বিশ্বস্তচিত্তে অগ্রসর হইলেন, কিন্তু দুর্গতির একশেষ লাভ করিয়া বাহির হইয়া আসিলেন; রামচন্দ্র যখন রাবণবধ করিয়া, বনবাস-প্রতিজ্ঞা পূরণ করিয়া, রাজ্য ফিরিয়া আসিয়া দাম্পত্যস্থলের চরমশিখরে আরোহণ করিয়াছেন, এমন সময় অকস্মাৎ বিনা মেঘে বজ্রাঘাত হইল, গর্ভবতী সীতাকে অরণ্যে নিক্ষেপিত করিতে বাধ্য হইলেন। উভয় স্থলেই আশার সহিত ফলের, ইচ্ছার সহিত অবস্থার অসংগতি প্রকাশ পাইতেছে। অতএব স্পষ্ট দেখা যাইতেছে, অসংগতি দুই শ্রেণীর আছে; একটা চাস্তজনক, আর-একটা দুঃখজনক। বিরক্তিজনক, বিষয়জনক, রোমন্বলজনকও আমরা শেষ শ্রেণীতে ফেলিতেছি।

অর্থাৎ, অসংগতি যখন আমাদের মনের অন্তিমগতীর স্তরে আঘাত করে তখনই আমাদের কৌতুক বোধ হয়, গভীরতর স্তরে আঘাত করিলে আমাদের দুঃখ বোধ হয়। শিকারী যখন অনেকক্ষণ অনেক তাক করিয়া হংসক্রমে একটা দূরস্থ খেত পদার্থের প্রতি গুলি বর্ষণ করে এবং ছুটিয়া কাছে গিয়া দেখে সেটা ছিন্ন বস্ত্রখণ্ড, তখন তাহার সেই

নৈরাশ্রে আমাদের হাসি পায় ; কিন্তু কোনো লোক বাহাকে আপন জীবনের পরম পদার্থ মনে করিয়া একাগ্রচিত্তে একান্ত চেষ্টায় আজন্ম-কাল তাহার অনুসরণ করিয়াছে এবং অবশেষে সিদ্ধকাম হইয়া তাহাকে হাতে লইয়া দেখিয়াছে, সে তুচ্ছ প্রদর্শনামাত্র, তখন তাহার সেই নৈরাশ্রে অস্তঃকরণ ব্যথিত হয় ।

স্থল কথাটা এই যে, অসংগতির তান অল্প অল্প চড়াইতে চড়াইতে বিষয় ক্রমে হস্যময় এবং হস্য ক্রমে অপ্রত্যক্ষ পরিণত হইতে থাকে ।

নববর্ষা

আষাঢ়ের মেঘ প্রতি বৎসর যখন আসে, তখন নূতনশ্বে রসাক্রান্ত ও পুরাতনশ্বে পুঞ্জীভূত হইয়া আসে। তাহাকে আমরা ভুল করি না, কারণ, সে আমাদের ব্যবহারের বাহিরে থাকে। আমার সংস্কারেব সঙ্গে সে সংকুচিত হয় না।

মেঘ আমার কোনো চিহ্ন নাই। সে পথিক, আসে যাম, থাকে না। আমার জরা তাহাকে স্পর্শ করিবার অবকাশ পায় না। আমার আশানৈরাশ্র হইতে সে বহুদূরে।

এইজন্ত, কালিদাস উজ্জ্বলিনীর প্রাসাদশিখর হইতে মেঘ-আষাঢ়ের মেঘ দেখিয়াছিলেন আমরাও সেই মেঘ দেখিয়াছি, ইতিমধ্যে পরিবর্তমান মানুষের ইতিহাস তাহাকে স্পর্শ করে নাই। কিন্তু সে-অবস্খী, সে-নির্দিষ্ট কোথায়। মেঘদূতের মেঘ প্রতিবৎসর চিরনূতন চিবপুরাণ হইয়া দেয়া দেয়, বিক্রমানিত্যের মেঘ-উজ্জ্বলিনী মেঘের চেয়ে দৃঢ় ছিল, বিনষ্টস্বপ্নের মতো তাহাকে অঁক ইচ্ছা করিলে গড়িবার জো নাই।

মেঘ দেখিলে 'সুখিনোহপ্যন্তথাবৃত্তিঃ', সুখীলোকেরও আনন্দন ভাব হয় এইজন্তই। মেঘ মানুষলোকের কোনো ধার ধারে না বলিয়া মানুষকে অত্যন্ত গভীর বাহিরে লইয়া যায়। মেঘের সঙ্গে আমাদের প্রতিদিনের চিন্তা-চেষ্টা-কাজকর্মের কোনো সংস্ক নাই বলিয়া সে আমাদের মনকে ছুটি দেয়। মন 'তখন বা মন মানিতঃ চাঃচ না, প্রভু-শাপে নিঃসিত যৎকর বিরত তখন উদ্যমঃ তটয়া উঠে। প্রভুদেবার সংস্ক সংসারের সংস্ক; মেঘ সংসারের এই প্রয়োজনীয় সংস্কণ্যলোক ভুলটিয়া দেয়, তখন জন্ম বাধ ভাঙিয়া আপনাদ পথ বাছির করিতে চেষ্টা করে।

মেঘ আপনার নিত্যনূতন চিত্রবিজ্ঞান, অঙ্ককারে, গজনে বর্ষণে,

চেনা পৃথিবীর উপরে একটা প্রকাণ্ড অচেতন আভাস নিক্ষেপ করে,—
 একটা বহুদূর কালের এবং বহুদূর দেশের নিবিড় ছায়া ঘনাইয়া তোলে,
 —তখন পরিচিত পৃথিবীর চিসার যাত্রা অসম্ভব ছিল, তাহা সম্ভবপর
 বলিয়া বোধ হয়। কল্পনাশক্তি প্রযত্নে যে আশ্রিত পায় না, পথিক-
 বধু তখন এ কথা আর মানিতে চাহে না। সংসারের কঠিন নিয়ম সে
 জানে, কিন্তু জ্ঞান জ্ঞান মাত্র; সে-নিয়ম যে এখনো চলমান আছে,
 নিবিড় বসাদ দিনে এ কথা তাহার হৃদয়ে প্রতীতি হয় না।

সেই কথাই ভাবিত্তেছিলাম; ভোগের দ্বারা এই বিপুল পৃথিবী,
 এই চিরকালের পৃথিবী, আমার কাছে খর্ব হইয়া গেছে। আমি তাহাকে
 যতটুকু পাইয়াছি তাহাকে ততটুকু বলিয়াই জানি, আমার ভোগের
 বাহিরে তাহার অস্তিত্ব আমি গণ্যই করি না। জীবন শক্তি হইয়া
 বর্ধিয়া গেছে, সংসার সংসার সে নিঃস্বাদ আনন্দক পৃথিবীটুকুকে টানিয়া
 আঁটিয়া লইয়াছে। নিঃস্বাদ মধ্য এবং নিঃস্বাদ পৃথিবীর মধ্যে এখন
 আর কোনো বহুদূর দৈর্ঘ্য পাই না বলিয়াই শাস্ত হইয়া আছি।
 নিঃস্বাদ সম্পূর্ণ জানি মনে করি এবং নিঃস্বাদ পৃথিবীটুকুকেও সম্পূর্ণ
 জানিয়াছি বলিয়া স্থির করিয়াছি। এমন সময় পূর্ব দিগন্ত স্নিগ্ধ
 অন্ধকারে আচ্ছন্ন করিয়া রাখা হইতে সেই শতশতাব্দী পূর্বকার
 কালিন্দারসমূহের অসিমা উপস্থিত হয়। সে আমার নহে; আমার
 পৃথিবীটুকু নহে। সে আমার কোন অলকাপুত্রীকে, কোন চির-
 যৌবনকে, সাজা, চিরনিঃস্বাদের বেদনায়, চিরমিলনের আশ্রমে,
 চিরসৌন্দর্যের বৈলাসপূর্ণ পথচিহ্নহীন তীর্থাভিমুখে আকর্ষণ করিতে
 থাকে। তখন, পৃথিবীর যেটুকু জানি সেটুকু তুচ্ছ হইয়া যায়, যাহা
 জানিতে পারি নাই তাহাই বড় হইয়া উঠে; যাহা পাইলাম না
 তাহাকেই লক্ষ জিনিসের চেয়ে বেশি সত্য মনে হইতে থাকে।

আমার নিত্যকর্মেত্রে নিত্যপরিচিত সংসারকে আচ্ছন্ন করিয়া

দিয়া সজলমেঘমেঘের পরিপূর্ণ নববর্ষ। আমাকে অজ্ঞাত ভাবলোকের মধ্যে সমস্ত বিধিবিধানের বাহিরে একেবারে একাকী দাঁড় করাইয়া দেয়—পৃথিবীর এই কয়টা বৎসর কাড়িয়া লইয়া আমাকে একটি প্রকাণ্ড পরমাশুর বিশালত্বের মাঝখানে স্থাপন করে : আমাকে বামগিরি আশ্রমের জনশূন্য শৈলশৃঙ্খের শিলাতলে সঙ্গীহীন কবিয়া ছাড়িয়া দেয়। সেই নির্জন শিখর এবং আমার কোনো-এক চিবনিকতন, অস্তবাত্ম্য চিরগম্যস্থান অলকাপুরীর মাঝখানে একটি সুবৃহৎ সুন্দর পৃথিবী পড়িয়া আছে যেন পড়—নদীকলধ্বনিত, সাগুমৎপবনবহুব, অধুকুঞ্জচ্চায়াঙ্ক-কার, নববারিসিক্ত যুধীশুগন্ধি একটি বিপুল পৃথিবী। জদয সেই পৃথিবীর বনে বান গ্রামে গ্রামে শৃঙ্খ শৃঙ্খ নদীকূলে কূলে কীরিতে কীরিতে, অপরিচিত সুন্দরের পবিচয় লইতে লইতে, দীর্ঘ বিদেহন শেষ মোক্ষস্থানে যাইবার জন্ত মানসোৎসুক হংসের জাঘ উৎসুক হইয়া উঠে।

মেঘদূত ছাড়া নববর্ষের কাব্য কোনো সাদৃশ্যতা কোথাও নাই। ইহাতে বর্ষের সমস্ত অস্তবেদনা নিত্যকালীন ভাষায় লিখিত হইয়া গেছে। প্রকৃতির সাংবৎসরিক মেঘোৎসবের অনির্বচন্য কবিত্বগাথা মানবের ভাষায় বাধী পড়িয়াছে।

পূর্বমেঘে বৃহৎ পৃথিবী আমাদের কল্পনার কাছে উল্কাটিত হইয়াছে। আমরা সম্পন্ন গৃহস্থটি হইয়া আরামে সংস্থানে অধিনিয়োগলাভনে যে-গৃহটুকুর মধ্যে বাস করিতেছিলান, কালিদাসের মেঘ 'আমাত্ম প্রথম দিবসে' হঠাৎ আসিয়া আমাদেরকে সেখান হইতে ধরছাড়া কবিয়া দিল। আমাদের গোরালধর-গোলানাড়ির বহুদূরে যে আবহুচ্চকলা নর্মদা ক্রকুটি রচনা করিয়া চলিয়াছে, যে-চিত্রকূটের পাশকুঞ্জ প্রকৃষ্ণ নব নীপে বিকশিত, উদয়নকথাকাবিদ গ্রামবৃদ্ধদের দ্বারের নিকট যে চৈত্র্যবট শুককাকলীতে মুগুর, তাহাট্ট আমাদের পরিচিত কল্প সংসারকে নিরস্ত করিয়া বিচিত্র সৌন্দর্যের চিরসত্য উদ্ভাসিত হইয়া দেখা দিয়াছে।

বিরহীর ব্যগ্রতাতেও কবি পথসংক্ষেপ করেন নাই। আশাঢ়ের নীলাভ মেঘচ্ছায়ারূত নগ নদী নগর জনপদের উপর দিয়া রহিয়া রহিয়া ভাবানিষ্ট অলসগমনে যাত্রা করিয়াছেন। যে তাঁহার মুগ্ধনয়নকে অভ্যর্থনা করিয়া ডাকিয়াছে, তিনি তাহাকে আর 'না' বলিতে পারেন নাই। পাঠকের চিত্তকে কবি বিরহের বেগে বাহির করিয়াছেন, আবার পথের শৌনর্গে মগ্ন করিয়া তুলিয়াছেন। যে চরম স্থানে মন ধাবিত হইতেছে, তাহার স্তূর্দীর্ঘ পথটিও মনোহর, সে-পথকে উপেক্ষা করা যায় না।

দর্শায় অভাস্ত পরিচিত সংসার ভইতে বিক্ষিপ্ত হইয়া মন বাহিরের দিকে যাইতে চায়, পূর্বমেঘে কবি আমাদের সেই আকাঙ্ক্ষাকে উদ্বেলিত করিয়া তাহারই কলগান জাগাইয়াছেন; আমাদের মেঘের সঙ্গী করিয়া অপরিচিত পৃথিবীর মাঝখান দিয়া লইয়া চলিয়াছেন। সে পৃথিবী 'অনাত্মং পুষ্পম্', তাহা আমাদের প্রাত্যহিক ভোগের দ্বারা কিছুমাত্র মলিন হয় নাই, সে-পৃথিবীতে আমাদের পরিচয়ের প্রাচীর দ্বারা কল্পনা কোনোখানে দাধা পায় না। যেমন ঐ মেঘ তেমনি সেই পৃথিবী। আমার এই স্তূঃস্তুঃখক্রান্তি-অন্যসাদের জীবন তাহাকে কোথাও স্পর্শ করে নাই। প্রৌঢ়বয়সের নিশ্চয়তা বেড়া দিয়া ঘের দিয়া তাহাকে নিজের বাস্তবায়নের অন্তবুদ্ধি করিয়া লয় নাই।

অজ্ঞাত নিঃশব্দে সহিত নদীন পরিচয়, এই হইল পূর্বমেঘ। নব-মেঘের আর-একটি কাজ আছে। সে আমাদের চারিদিকে একটি পরমনিভৃত পবিত্রের রচনা করিয়া, 'জননাস্তরসৌন্দর্যনি' মনে করাইয়া দেয়; অপরূপ শৌনর্গলাকের মধ্যে কোনো একটি চিরজাত চির-প্রিয়ের জন্ম মনকে উত্তলা করিয়া তোলে।

পূর্বমেঘে বহুবিচিত্রের সহিত শৌনর্গের পরিচয় এবং উত্তরমেঘে সেই একের সহিত আনন্দের সন্মিলন। পৃথিবীতে বহর মধ্য দিয়া সেই সূখের যাত্রা, এবং স্বর্গলোকে একের মধ্যে সেই অভিসারের পরিণাম।

নববর্ষার দিনে এই বিষয়কর্মের ক্ষুদ্র সংসারকে কে না বলিবে নির্বাগন। প্রভুর অভিশাপেই এখানে আটকা পড়িয়া আছি। মেঘ আগিয়া বাহিরে যাত্রা করিবার জন্ত আহ্বান করে, তাহাই পূর্বমেঘের গান এবং যাত্রার অবসানে চিরমিলনের জন্ত আশ্বাস দেয়, তাহাই উত্তরমেঘের সংবাদ।

সকল কবির কাব্যের গূঢ় অভ্যস্তব এই পূর্বমেঘ ও উত্তরমেঘ আছে। সকল বড়ো কাব্যই আমাদেরকে বৃহত্তর মধ্যে আহ্বান করিয়া আনে ও নিভৃতের দিকে নির্দেশ করে। প্রথম বন্ধন ছেদন করিয়া বাহির করে, পরে একটি ভূমির সহিত বাধিয়া দেয়। প্রভাত পথে লইয়া আসে, সন্ধ্যার ঘরে লইয়া যায়। একবার তাড়নর মধ্যে আকাশ-পাশাল ঘুরাইয়া সন্দের মধ্যে পূর্ণ আনন্দে দাঁড় করাইয়া দেয়।

যে-কবিব জান আছে, কিছু কোথাও সম নাট, যাচান মধ্যে কেন্দ্র উজ্জ্বল আছে, আশ্বাস নেই, তাহার কবিত্ব উচ্চতর্য্যগণিতঃ স্বয়ং হইতে পারে না। কেন্দ্র দিক একই কোথাও পৌছাইয়া নিতে হইবে, এই ভবনভূতই অমর, অমরত্ব চিরভাষ সংসারের বাহির হইয়া কবির সহিত যাত্রা করে : পুষ্পিত পথের মধ্যে নিম্ন আনিয়া হঠাৎ একটা শূন্যগল্লতর দ্বার ছাড়িয়া দিলে বিশ্বাসঘাতকতা বন্দ হইবে। এইজন্য কোনো কবির কাব্য পড়িবার সময় আমরা এত ছুটি পক্ষ চিত্তাঙ্গ করি, তাহার পূর্বমেঘ আমাদেরকে কোথায় বাহির করে এবং উত্তরমেঘ কোন্ সিংহদ্বারের সম্মুখে আনিয়া উপনীত করে।

কেকাধ্বনি

চঠাৎ গৃহপালিত ময়ূরব ডাক শুনিয়া আমার দক্ষ বলিয়া উঠিলেন,—
“আমি ঐ ময়ূরব ডাক শুধু কবিত্তে পাবি না ; কবিত্তে কেকাধ্বনিক
কেন যে তাঁহাদেব কাব্যে স্থান দিয়াছেন, বুঝিবার জো নাই।”

কবি যখন বসন্তের গৃহস্বর এবং বর্ষাব কেকা, দুটাকেই সমান
আদব দিয়াছেন, তখন চঠাৎ মনে চটতে পারে, কবির বুঝি কৈবল্যাদেশ—
প্রাপ্তি চটয়াছে— তাঁহাব বাড়ে গলে ও মন্দ, ললিত ও কর্কশ
ভেদ লুপ্ত।

কেবল কেকা ধ্বনি, বসন্তের ডাক এবং বিল্লীর ঝংকার কেহ
মধুর বলিতে পারে না। অথচ কবিত্তে এ-সকলকে উপেক্ষা করেন
নাই। প্রেমসীর কণ্ঠস্বরের মতই ইহাদেব তুলনা কবিত্তে সঙ্গত পান
নাই, কিন্তু বড় পাতুব মহাসংগা এব প্রধান অঙ্গ বলিয়া তাঁহাবা ইহাদিককে
সম্মান দিয়াছেন।

একপ্রকারে মিষ্টতা আছে, গাঢ়া নিঃসংশয় মিষ্ট, নিতাসুই মিষ্ট।
তাহা নিজেব লালিত্য সম্প্রমাণ কবিত্তে যুহুতমাত্র সময় লয় না।
ইন্দ্রিয়েব অসন্ধিগ্ন শাস্ত্য লইয়া, মন তাহাব সৌন্দর্য স্বীকার কবিত্তে
কিছুমাত্র তর্ক করে না। গাঢ়া আমাদেব মনের নিজেব আবিষ্কার নহে,
ইন্দ্রিয়েব নিকট হইতে পাওয়া ; এইজন্য মন তাহাকে অবজ্ঞা করে ;
বলে, ‘ও নিতাসুই মিষ্ট, কেবলই মিষ্ট।’ অর্থাৎ, উহাব মিষ্টতা বুঝিতে
অস্বঃকরণেব কোনো প্রয়োজন হয় না, কেবলমাত্র ইন্দ্রিয়েব দ্বারাই
বোঝা যায়। যাহাবা গানের সমঝদার এইজন্যই তাহারা অত্যন্ত
উপেক্ষা প্রকাশ করিয়া বলে, ‘অমুক লোক মিষ্ট গান করে।’ তাবটা

এই যে, মিষ্ট গায়ক গানকে 'আমাদের ইন্দ্রিয়সভার আনিয়া নিতান্ত সুলভ প্রশংসা দ্বারা অপমানিত করে ; মার্জিতকৃষ্টি ও শিক্ষিত মনের দরবারে সে প্রবেশ করে না। (যে-লোক পাটের অভিজ্ঞ যাচনদার সে রসসিক্ত পাট চায় না ; সে বলে, 'আমাকে শুকনো পাট দাও, তবেই আমি ঠিক ওজনটা বুঝিব।') গানের উপযুক্ত সমঝদার বলে, 'বাজে রস দিয়া গানের বাজে গৌরব বাড়াইয়ো না ; আমাকে শুকনো মাল দাও, তবেই আমি ঠিক ওজনটি পাইব, আমি খুশি হইয়া ঠিক দামটি চুকাইয়া দিব।' বাহিরের বাজে মিষ্টতার আসল জিনিসের মূল্য নামাইয়া দেয়।

যাহা সহজেই মিষ্ট, তাহাতে অতি শীঘ্র মনের আলস্য আনে, বেশি-কণীমনোযোগ থাকে না। অবিলম্বেই তাহার সীমার উত্তীর্ণ হইয়া মন বলে, 'আর কেন, চের হইয়াছে।'

এইজন্য যে-লোক যে-বিষয়ে বিশেষ শিক্ষা লাভ করিয়াছে, সে তাহার গোড়ার দিককার নিতান্ত সহজ ও মলিত অংশকে আর খাতির করে না। কারণ, সেটুকুর সীমা সে জানিয়া লইয়াছে ; সেটুকুর দৌড় যে বেশিদূর নহে, তাহা সে বোঝে ; এইজন্য তাহার অন্তঃকরণ তাহাতে জাগে না। অশিক্ষিত সেট সহজ অংশটুকুই বুঝিতে পারে, অথচ তখনো সে তাহার সীমা পায় না— এইজন্যই সেই অগভীর অংশই তাহার একমাত্র আনন্দ। সমঝদারের আনন্দকে সে একটা কিস্তৃত ব্যাপার বলিয়া মনে করে, অনেক সময় তাহাকে 'কপটতার আড়ম্বর বলিয়াও গণ্য করিয়া থাকে।

এইজন্যই সর্বপ্রকার কলাধিষ্ঠি সম্বন্ধে শিক্ষিত ও অশিক্ষিতের আনন্দ ভিন্ন ভিন্ন পথে যায়। তখন এক পক্ষ বলে, 'তুমি কী বুঝিবে !' আর-এক পক্ষ রাগ করিয়া বলে, 'যাহা বুঝিবার তাহা কেবল তুমিই বোঝ, জগতে আর কেহ বোঝে না !'

(একটি সুগভীর সামঞ্জস্যের আনন্দ, সংস্থানসমাবেশের আনন্দ, দুর্বর্তীর সহিত যোগসংযোগের আনন্দ, পার্শ্ববর্তীর সহিত বৈচিত্র্য-সাধনের আনন্দ—এইগুলি মানসিক আনন্দ) ভিতরে প্রবেশ না করিলে, না বুঝিলে, এ আনন্দ ভোগ করিবার উপায় নাই। উপর হইতেই চট করিয়া যে সুখ পাওয়া যায়, ইহা তাহা অপেক্ষা স্থায়ী ও গভীর। এবং এক হিসাবে তাহা অপেক্ষা ব্যাপক। যাহা অগভীর, লোকের শিকাবিস্তারের সঙ্গে, অভ্যাসের সঙ্গে ক্রমেই তাহা ক্ষয় হইয়া তাহার রিক্ততা বাহির হইয়া পড়ে। (যাহা গভীর তাহা আপাতত বহুলোকের গম্য না হইলেও বহুকাল তাহার পরমায়ু থাকে; তাহার মধ্যে যে-একটি শ্রেষ্ঠতার আদর্শ আছে, তাহা সহজে জীর্ণ হয় না।)

জয়দেবের 'ললিতলবঙ্গলতা' ভালো বটে, কিন্তু বেশি কণ নহে। ইন্দ্রিয় তাহাকে মন-মহারাজের নিকট নিবেদন করে, মন তাহাকে একবার স্পর্শ করিয়াই রাখিয়া দেয়—তখন তাহা ইন্দ্রিয়ের ভোগেই শেষ হইয়া যায়। 'ললিতলবঙ্গলতা'র পার্শ্ব কুমারসম্ভবের একটা শ্লোক ধরিয়া দেখা যাক :

আবজিতা কি কিদিব স্তনাত্যাং
বাসো বসনা তরুণাকরাম্ ।
পর্যাপ্তপুষ্পস্তবকাবনত্রা
সঞ্চারিণী পলবিবী লতৈব ।

ছন্দ আলস্যমিত নহে, কথাগুলি যুক্তাকরবহল, তবু ভ্রম হয়, এই শ্লোক 'ললিতলবঙ্গলতা'র অপেক্ষাও কানে মিষ্ট শুনাইতেছে। কিন্তু তাহা ভ্রম। মন নিজের সৃজনশক্তির দ্বারা ইন্দ্রিয়সুখ পূরণ করিয়া দিতেছে। যেখানে লোলুপ ইন্দ্রিয়গণ ভিড় করিয়া না দাঁড়ায় সেইখানেই মন এইরূপ সৃজনের অবসর পায়। পর্যাপ্তপুষ্পস্তবকাবনত্রা—ইহার মধ্যে লয়ের যে-উত্থানপতন আছে, কঠোরে কোমলে যথাবধরূপে

মিলিত হইয়া ছন্দকে যে-দোলা দিয়াছে, তাহা জরদেবী ময়ের মতো অতিপ্রত্যক্ষ নহে, তাহা নিগূঢ়; মন তাহা আলস্যতরে পড়িয়া পায় না, নিজে আবিষ্কার করিয়া লইয়া খুশি হয়। এই শ্লোকের মধ্যে যে একটি ভাবের সৌন্দর্য, তাহাও আমাদের মনের সহিত চক্রান্ত করিয়া অশ্রুতিগম্য একটি সংগীত রচনা করে; সে-সংগীত সমস্ত শব্দ-সংগীতকে ছাড়াইয়া চলিয়া যায়; মনে হয়, যেন কান জুড়াইয়া গেল, কিন্তু কান জুড়াইবার কথা নহে, মানসী মায়ার কানকে প্রভাবিত

আমাদের এই মায়াবী মনটিকে সৃজনের অবকাশ না দিলে, সে কোনো মিষ্টতাকেই বেশিগণ মিষ্ট বলিয়া গণ্য করে না। সে উপযুক্ত উপকরণ পাইলে কঠোর ছন্দকে মলিত, কঠিন শব্দকে কোমল করিয়া তুলিতে পারে। সেই শক্তি খাটাইবার জন্য সে কবিদের কাছে অসুরোধ প্রেরণ করিতেছে।

কেকারব কানে শুনিতে মিষ্ট নহে, কিন্তু অবস্থা বিশেষে সময়-বিশেষে মন তাহাকে মিষ্ট করিয়া শুনিতে পারে, মনেব সেই কমতা আছে। সেই মিষ্টতার স্বরূপ কহতানের মিষ্টতা হইতে স্বতন্ত্র—(নব শ্রীগমে গিরিপাদমূলে লতাজটিল প্রাচীন মহারণ্যের মধ্যে যে-মস্ততা উপস্থিত হয়, কেকারব তাহারই গান) আবারে শ্রামারমান তমালতালী-বনের বিগুণতর বনারিত অঙ্ক করে, মাতৃস্তম্বপিপাসু উর্ধ্ববাহ শতসহস্র শিঙুর মতো অগণ্য শাখাপ্রশাখার আন্দোলিত মর্মরমুখর মহোন্নাসের মধ্যে, রহিয়া রহিয়া কেকা তারবরে যে একটি কাংশ ক্রেংকারধ্বনি উখিত করে, তাহাতে প্রবীণ বনস্পতিবংশীর মধ্যে আরণ্য মহোৎসবের প্রাণ জাগিয়া উঠে। কবির কেকারব সেই বর্ষার গান— কান তাহার মাধুর্য জানে না, মনই জানে। সেইজন্যই মন তাহাতে অধিক মুগ্ধ হয়। মন তাহার সঙ্গে সঙ্গে আরো অনেকখানি পায়— সমস্ত মেধাবৃত

আকাশ, ছায়াবৃত অরণ্য, নীলিমাচ্ছন্ন গিরিশিখর— বিগুন মূঢ় প্রকৃতির অব্যক্ত অন্ধ আনন্দরাশি ।)

বিরহিণীর বিরহবেদনার সঙ্গে কবির কেকারব এইজন্যই অড়িত । তাহা শ্রুতিমধুর বলিয়া পথিকবধুকে ব্যাকুল করে না— তাহা সমস্ত বর্ষার মর্মোদ্ঘাটন করিয়া দেয় । (নরনারীর প্রেমের মধ্যে একটি অত্যন্ত আদিম প্রাথমিক ভাব আছে— তাহা বহিঃপ্রকৃতির অত্যন্ত নিকটবর্তী, তাহা জলহল-আকাশের গায়ে গায়ে সংলগ্ন ।) বড় ঋতু আপন পুষ্প-পর্বারের সঙ্গে সঙ্গে এই প্রেমকে নানা রঙে রাঙাইয়া দিয়া যায় । যাহাতে পল্লবকে স্পন্দিত, নদীকে তরঙ্গিত, শস্যশীর্ষকে হিল্লোলিত করে, তাহা ইহাকেও অপূর্ব চাক্ষুণ্য আন্দোলিত করিতে থাকে । পূর্ণিমার কোটাল ইহাকে স্ফীত করে এবং সন্ধ্যাপ্রের রক্তিমায় ইহাকে লজ্জামণ্ডিত বধুবেশ পরাইয়া দেয় । এক-একটি ঋতু যখন আপন সোনার কাঠি লইয়া প্রেমকে স্পর্শ করে, তখন সে রোমাঞ্চকলেবরে না জাগিয়া থাকিতে পারে না । সে অরণ্যের পুষ্পপল্লবেরই মতো প্রকৃতির নিগূঢ়স্পর্শাধীন । সেইজন্য যৌবনানেশবিধুর কালিদাস ছয় ঋতুর ছয় তারে নরনারীর প্রেম কী কী সুরে বাজিতে থাকে, তাহাই বর্ণনা করিয়াছেন ; (তিনি বুঝিয়াছেন, জগতে ঋতু-আবর্তনের সর্বপ্রধান কাজ প্রেম-জাগানো— ফুল-ফুটানো প্রভৃতি অন্ত সমস্তই তাহার আত্মবক্তিক) তাই কেকারব বর্ষাঋতুর নিখাদ সুর, তাহার আঘাত বিরহবেদনার ঠিক উপরে গিয়াই পড়ে ।

বিজ্ঞাপতি লিখিয়াছেন :

মস্ত দাহুরী ডাকে ডাহকী,

কাটি বাওত হাতিয়া ।

এই ব্যাঙের ডাক নববর্ষার মস্তভাবের সঙ্গে নছে, ঘনবর্ষার নিবিড় ভাবের সঙ্গে বড়ো চমৎকার খাপ খায় । মেঘের মধ্যে আজ কোনো বর্ণ-বৈচিত্র্য নাই, স্তরবিজ্ঞাস নাই— শচীরকোনো প্রাচীন কিংকরী আকাশের

প্রাণ মেঘ দিয়া সমান করিয়া লেপিয়া দিয়াছে, সমস্তই কৃষ্ণধূসরবর্ণ। নানাশস্ত্রবিচিত্রা পৃথিবীর উপরে উজ্জল আলোকের তুলিকা পড়ে নাই বলিয়া বৈচিত্র্য কুটিয়া ওঠে নাই। ধানের কোমল মল্লং সবুজ, পাটের গাঢ় বর্ণ এবং ইক্ষুর হরিভ্রাতা একটি বিশ্বব্যাপী কালিমায় মিশিয়া আছে। বাতাস নাই। আগর বৃষ্টির আশঙ্কায় পঙ্কিল পথে লোক বাহির হয় নাই। মাঠে বহুদিন পূর্বে খেতের কাজ সমস্ত শেষ হইয়া গিয়াছে। এইরূপ অ্যাতিহীন, গতিহীন, কর্মহীন, বৈচিত্র্যহীন কালিমালিপ্ত একাকারের দিনে ব্যাঙের ডাক দিক পুরটি মাগাইয়া থাক তাহার সুর ঐ বর্ণহীন মেঘের মতো, এই দীপ্তিশূন্য আলোকের মতো, নিস্তরক নিবিড় বর্ষাকে ব্যাপ্ত করিয়া দিতেছে; বর্ষার গণ্ডীকে আরো ঘন করিয়া চারিদিকে টানিয়া দিতেছে। তাহা নীরবতার অপেক্ষাও একধেরে। তাহা নিভৃত কোলাহল। ইহার সঙ্গে বিল্লীরব তালোরূপ মেঘে; কারণ (যেমন মেঘ, যেমন ছায়া, তেমনি বিল্লীরবও আর-একটা আচ্ছাদনবিশেষ; তাহা স্বরমণ্ডলে অঙ্ককারের প্রতিক্রম; তাহা বর্ষানিশীথিনীকে সম্পূর্ণতা দান করে।।

পাগল

পশ্চিমের একটি ছোটো শহর। সম্মুখে বড়ো রাস্তার পরপ্রান্তে খোড়ো চালগুলার উপরে পাঁচ-ছয়টা তালগাছ বোঝার ইঙ্গিতের মতো আকাশে উঠিয়াছে, এবং পোড়ো বাড়ির ধারে প্রাচীন তেঁতুলগাছ তাহার লঘুচিকণ ঘন পল্লবতার সবুজ মেঘের মতো স্তূপে স্তূপে স্ফীত করিয়া বহিরাছে। চাঙ্গশূণ্য ভাঙা ভিটার উপরে ছাগলছানা চরিতেছে, পশ্চাতে মধ্যাহ্ন আকাশের দিগন্তরগা পর্গন্ত বনশ্রুণীর শ্রামলতা।

আজ এই শহরটির মাথার উপর হইতে বর্ষা হঠাৎ তাহার কালো অবগুণ্ঠন একবারে অপসারিত করিয়া দিয়াছে।

আমাদ অনেক জরুরি লেখা পড়িয়া আছে— তাহারা পড়িয়াই রহিল। জানি, তাহা ভবিষ্যতে পরিতাপের কারণ হইবে; তা হউক, সেটুকু স্বীকার করিয়া লইতে হইবে। পূর্ণতা কোন্ মূর্তি ধরিয়া হঠাৎ কখন আপনার আভাস দিয়া যায়, তাহা তো আগে হইতে কেহ জানিয়া প্রস্তুত হইয়া থাকিতে পারে না; কিন্তু যখন সে দেখা দিল, তখন তাহাকে শুধু-হাতে অভ্যর্থনা করা যায় না। তখন লাভকতির আলোচনা যে করিতে পারে, সে খুব হিসাবি লোক, সংসারে তাহার উন্নতি হইতে থাকিবে, কিন্তু, হে নিবিড় আঘাতের মাঝখানে একদিনের জ্যোতির্ময় অবকাশ, তোমার স্তম্ভমেঘমালাখচিত কণিক অভ্যুদয়ের কাছে আমার সমস্ত জরুরি কাজ আমি মাটি করিলাম— আজ আমি ভবিষ্যতের হিসাব করিলাম না, আজ আমি বর্তমানের কাছে বিকাইলাম।

দিনের পর দিন আসে, আমার কাছে তাহারা কিছুই দাবি করে না; তখন হিসাবের অঙ্ক ভুল হয় না, তখন সকল কাজই সহজে করা যায়। জীবনটা তখন এক দিনের সঙ্গে আর-এক দিন, এক কাজের সঙ্গে আর-এক কাজ দিব্য গাঁথিয়া গাঁথিয়া অগ্রসর হয়, সমস্ত বেশ সমানভাবে চলিতে থাকে। কিন্তু হঠাৎ কোনো খবর না দিয়া একটা বিশেষ দিন সাতসমুদ্রপারের রাজপুত্রের মতো আসিয়া উপস্থিত হয়, প্রতিদিনের সঙ্গে তাহার কোনো মিল হয় না—তখন মুহূর্তের মধ্যে এতদিনকার সমস্ত খেই হারাইয়া যায়—তখন বাধা কাজের পক্ষে বড়োই মুশকিল ঘটে।

কিন্তু এইদিনই আমাদের বড়ো দিন; এই অনিয়মের দিন, এই কাজ নষ্ট করিবার দিন। যে-দিনটা আসিয়া আমাদের প্রতিদিনকে বিপর্যস্ত করিয়া দেয় সেই দিন আমাদের আনন্দ। অল্প দিনগুলো বুদ্ধিমানের দিন, সাবধানের দিন—আর এক-একটা দিন পুরা পাগলামির কাছে সম্পূর্ণভাবে উৎসর্গ করা।

পাগল শব্দটা আমাদের কাছে ঘৃণার শব্দ নহে। খেপা নিমাইকে আমরা খেপা বলিয়া ভক্তি করি—আমাদের খেপা-দেবতা মহেশ্বর। প্রতিভা খেপামির একপ্রকার বিকাশ কি না, এ কথা লইয়া মুরোপে বাদামুবাদ চলিতেছে—কিন্তু আমরা এ কথা স্বীকার করিতে কুণ্ঠিত হই না। প্রতিভা খেপামি বই কি, তাহা নিয়মের ব্যতিক্রম, তাহা উলটপালট করিতেই আসে—তাহা আত্মিকার এই খাপছাড়া সৃষ্টিছাড়া দিনের মতো হঠাৎ আসিয়া যত কাজের লোকের কাজ নষ্ট করিয়া দিয়া যায়—কেহ-বা তাহাকে গালি পাড়িতে থাকে, কেহ-বা তাহাকে লইয়া নাচিয়া-কুঁদিয়া অস্থির হইয়া উঠে।

ভোলানাথ, যিনি আমাদের শান্ত্রে আনন্দময়, তিনি সকল দেবতার মধ্যে এমনি খাপছাড়া। সেই পাগল দিগম্বরকে আমি আত্মিকার এই

ধৌত নীলাকাশের রৌদ্রপ্লাবনের মধ্যে দেখিতেছি। (এই নিবিড় মধ্যাহ্নের ছৎপিণ্ডের মধ্যে তাঁহার ডিমি-ডিমি ডমক বাজিতেছে। আজ যুড়ার উলঙ্গ গুত্রমূর্তি এই কর্ণনিরত সংসারের মাঝখানে কেমন নিস্তক হইয়া দাঁড়াইয়াছে।)

তোলানাথ, আমি জানি, তুমি অদ্বুত। জীবনে কণে-কণে অদ্বুত রূপেই তুমি তোমার ভিকার খুলি লইয়া দাঁড়াইয়াছ। একেবারে হিসাব-কিতাব নাস্তানাবুদ করিয়া দিয়াছ। তোমার নন্দীভূঙ্গীর সঙ্গে আমার পরিচয় আছে। আজ তাহারা তোমার সিদ্ধির প্রসাদ যে এক কোঁটা আমাকে দেয় নাই, তাহা বলিতে পারি না— ইহাতে আমার নেশা ধরিয়াছে, সমস্ত তগুল হইয়া গিয়াছে, আজ আমার কিছুই গোছালো নাই।

আমি জানি, সুখ প্রতিদিনের সামগ্রী, আনন্দ প্রত্যহের অতীত। সুখ শরীরের কোথাও পাড়ে ধুলা লাগে বলিয়া সংকুচিত, আনন্দ ধুলার গডাগড়ি দিয়া নিঃশিলের সঙ্গে আপনার ব্যবধান ভাঙিয়া চুরমার করিয়া দেয়; এইজন্য সুখের পক্ষে ধুলা হয়, আনন্দের পক্ষে ধুলা ভূষণ। সুখ কিছু পাড়ে হাদায় বলিয়া ভীত, আনন্দ যথাসর্ব্ব বিতরণ করিয়া পরিতৃপ্ত; এইজন্য সুখের পক্ষে দিক্কতা দারিদ্র্য, আনন্দের পক্ষে দারিদ্র্যই ঐখ্য। সুখ ব্যবস্থার বন্ধনের মধ্যে আপনার খ্রীটুকুকে সতর্কভাবে বন্ধা করে, আনন্দ সংহারের মুক্তির মধ্যে আপন সৌন্দর্যকে উদারভাবে প্রকাশ করে; এইজন্য সুখ বাহিরের নিয়মে বন্ধ, আনন্দ সে-বন্ধন ছিন্ন করিয়া আপনার নিয়ম আপনিই সৃষ্টি করে। সুখ সুখটুকুও স্তম্ভ তাকাইয়া বসিয়া থাকে, আনন্দ সুখের বিকে অনায়াসে পরিপাক করিয়া ফেলে; এইজন্য কেবল ভালোটুকুর দিকেই সুখের পক্ষপাত, আর, আনন্দের পক্ষে ভালো-মন্দ দুইই সমান।

এই সৃষ্টির মধ্যে একটি পাগল আছেন, যাহা কিছু অতাবনীত, তাহা খামখা তিনিই আনিয়া উপস্থিত করেন। তিনি কেব্রাতিগ, 'সেষ্টিফুগল্'— তিনি কেবলই নিখিলকে নিয়মের বাহিরের দিকে টানিতেছেন। (নিয়মের দেবতা সংসারের সমস্ত পথকে পরিপূর্ণ চক্রপথ করিয়া তুলিবার চেষ্টা করিতেছেন, আর এই পাগল তাহাকে আকিণ্ড করিয়া কুণ্ডলী-আকার করিয়া তুলিতেছেন।) এই পাগল আপনার খেরালে সরীসৃপের বংশে পাখি এবং বানরের বংশে মানুষ উদ্ভাবিত করিতেছেন। যাহা হইয়াছে, যাহা আছে, তাহাকেই চিব্বায়ীকরূপ রক্ষা করিবার জন্য সংসারে একটা বিষয় চেষ্টা রহিয়াছে— ইনি সেটাকে ছাড়বার করিয়া দিয়া, যাহা নাই তাহারই জন্য পথ করিয়া দিতেছেন। ইহার হাতে বাণি নাই, সামন্তশ্রের স্বর ইহার নহে; ইহার মুখে নিমগ্ন বাজিয়া উঠে, বিধিবিহিত যজ্ঞ নষ্ট হইয়া যায়, এবং কোথা হইতে একটি অপূর্বতা উড়িয়া আসিয়া জুড়িয়া বসে। (পাগলও ইহারই কীর্তি এবং প্রতিভাও ইহারই কীর্তি। ইহার টানে যাহার তার ছিঁড়িয়া যায় সে হয় উন্মাদ, আর যাহার তার অশ্রুতপূর্ব স্বরে বাজিয়া উঠে সে হইল প্রতিভাবান। পাগলও দেশের বাহিরে, প্রতিভাবানও তাই— কিছু পাগল বাহিরেই থাকিয়া যায়, আর প্রতিভাবান দেশকে একদেশেব কোঠায় টানিয়া আনিয়া দেশের অধিকার বাড়াইয়া দেন)

শুধু পাগল নয়, শুধু প্রতিভাবান নয়, আমাদের প্রতিদিনের এক-রঙা তুচ্ছতার মধ্যে হঠাৎ, ভয়ংকর তাহার জলজ্জটাকলাপ লইয়া দেখা দেয়। তখন কত স্তম্ভিতের জাল লগুতগু, কত জনের সঙ্ক ছাড়বার হইয়া যায়। হে রক্ত, তোমার ললাটের যে ধ্বক-ধ্বক অগ্নিশিখার ফুলিঙ্গমাত্রের অন্ধকারে গৃহের প্রদীপ জ্বলিয়া উঠে— সেট শিখাতেই লোকালয়ে সহস্রের হাহাধ্বনিতে নিশীথরাতে গৃহদাহ উপস্থিত হয়। হার, শঙ্ক, তোমার নৃত্যে, তোমার দক্ষিণ ও বায় পদক্ষেপে সংসারে

মহাপুণ্য ও মহাপাপ উৎক্লিষ্ট হইয়া উঠে। সংসারের উপরে প্রতিদিনের জড়হস্তক্ষেপে যে একটা সামান্ততার একটানা আবরণ পড়িয়া যায়, ভালোমন্দ ছয়েরই প্রবল আঘাতে তুমি তাহাকে ছিন্ন বিচ্ছিন্ন করিতে থাক ও প্রাণের প্রবাহকে অপ্রত্যাশিতের উত্তেজনার ক্রমাগত তরঙ্গিত করিয়া শক্তির নব নব লীলা ও সৃষ্টির নব নব মূর্তি প্রকাশ করিয়া তোলে। পাগল, তোমার এই রুদ্র আনন্দে যোগ দিতে আমার ভীত রুদ্র যেন পরাস্থগ না হয়। সংহারের রক্ত-আকাশের নাথখানে তোমার রবিকরোদ্দীপ্ত তৃতীয় নেত্র যেন রুদ্রাভ্যাতিতে আমার অস্তরের অস্তরকে উদ্ভাসিত করিয়া তোলে। নৃত্য করো, হে উন্মাদ, নৃত্য করো। সেই নৃত্যের ঘূর্ণবলে আকাশের লক্ষ্যকাটিয়োজনব্যাপী উজ্জলিত নীহারিকা যখন ভ্রাম্যমাণ হইতে থাকিবে, তখন আমার বন্ধের মধ্যে ভয়ের আক্ষেপ যেন এই রুদ্রসংগীতের তাল কাটিয়া না যায়। হে মৃত্যুঞ্জয়, আমাদের সমস্ত ভালো এবং সমস্ত মন্দের মধ্যে তোমারই জয় হউক।

আমাদের এট খেপা-দেবতার আদির্ভাব যে কণে কণে, তাহা নহে— সৃষ্টির মধ্যে ইহার পাগলামি অহরহ লাগিয়াই আছে— আমরা কণে কণে তাহার পরিচয় পাই মাত্র। (অহরহই জীবনকে মৃত্যু নবীন করিতেছে, ভালোকে মন্দ উজ্জল করিতেছে, তুচ্ছকে অভাবনীয় মূল্য-বান করিতেছে। যখন পরিচয় পাই তখনই রূপের মধ্যে অপরূপ, বন্ধনের মধ্যে মুক্তির প্রকাশ আমাদের কাছে জাগিয়া উঠে।)

আজিকার এই যোগানুক্ত আলোকের মধ্যে আমার কাছে সেই অপরূপের মূর্তি জাগিয়াছে। সম্মুখের ঐ রাস্তা, ঐ খোড়োচাল-দেওয়া মুদির দোকান, ঐ ভাঙা ভিটা, ঐ সরু গলি, ঐ গাছপালাগুলিকে প্রতিদিনের পরিচয়ের মধ্যে অত্যন্ত তুচ্ছ করিয়া দেখিয়াছিলাম। এইজন্য উহারা আমাকে বহু করিয়া ফেলিয়াছিল, রোজ এই ক'টা

জিনিসের মধ্যেই নজরবন্দী করিয়া রাখিয়াছিল। আজ হঠাৎ তুচ্ছতা প্রকাশ্যে চলিয়া গিয়াছে। আজ দেখিতেছি, চির-অপরিচিতকে প্রত্যদিন পরিচিত বলিয়া দেখিতেছিলাম, ভালো করিয়া দেখিতে-ছিলামই না। , আজ এই বাহা-কিছু, সমস্তকেই দেখিয়া শেষ করিতে পারিতেছি না। আজ সেই সমস্তই আমার চারিদিকে আছে, অথচ তাহারা আমাকে আটক করিয়া রাখে নাই— তাহারা প্রত্যেকেই আমাকে পথ ছাড়িয়া দিয়াছে। আমার পাগল এইখানেই ছিলেন; সেই অপূর্ব, অপরিচিত, অপরূপ, এই যুদ্ধির দোকানের খোড়োচালের শ্রেণীকে অবজ্ঞা করেন নাই— কেবল, যে-আলোকে তাহাকে দেখা যায় সে-আলোক আমার চোখের উপরে ছিল না। আজ আশ্চর্য এই যে ঐ সম্মুখের দৃশ্য, ঐ কাছের জিনিস আমার কাছে একটি বহুদূরের মহিমা লাভ করিয়াছে। উহার সঙ্গে গৌরীশঙ্করের তুবাকবেষ্টিত হুর্গমতা, মহাসমুদ্রের তরঙ্গচঞ্চল হুহুরতা, আপনাদের সজ্জাতিত্ব জ্ঞাপন করিতেছে।

এমনি করিয়া হঠাৎ একদিন জানিতে পারা যায়, যাহার সঙ্গে অত্যন্ত ঘরকরা পাতাইয়া বসিয়াছিলাম, সে আমার ঘরকরার দাঁড়িয়ে। আমি বাহাকে প্রতিমুহূর্তের বাধা-বরাদ্দ বলিয়া নিস্তান্ত নিশ্চিত হইয়া ছিলাম, তাহার মতো ছলিত ছুরায়ত্ত জিনিস কিছুই নাই। আমি বাহাকে ভালোরূপ জানি মনে করিয়া তাহার চারিদিকে সীমানা ঝাঁকিয়া দিয়া গাতিরজমা হইয়া বসিয়া ছিলাম, সে দেখি, কখন এক মুহূর্তের মধ্যে সমস্ত সীমানা পার হইয়া অপূর্বরহস্যময় হইয়া উঠিয়াছে। বাহাকে নিয়মের দিক দিয়া, স্থিতির দিক দিয়া, বেশ ছোটোখাটো, বেশ দস্তরসংগত, বেশ আপনার বলিয়াই বোধ হইয়াছিল, তাহাকে ভাঙনের দিক হইতে, ঐ অশানচাঁদী পাগলের তরফ হইতে হঠাৎ দেখিতে পাইলে মুখে আর বাক্য সরে না— আশ্চর্য, ও কে। বাহাকে চিরদিন

জানিরাছি, সেই কি এই। যে এক দিকে ঘরের, সে আর-এক দিকে
অস্তরের ; যে এক দিকে কাজের, সে আর-এক দিকে সমস্ত আবস্তকের
বাহিরে ; বাহাকে এক দিকে স্পর্শ করিতেছি, সে আর-এক দিকে সমস্ত
আয়ত্তের অতীত ; যে এক দিকে সকলের সঙ্গে বেশ খাপ খাইয়া
গিয়াছে, সে আর-এক দিকে ভয়ংকর খাপছাড়া আপনাতে-আপনি।

প্রতিদিন বাহাকে দেখি নাই আজ তাঁহাকে দেখিলাম, প্রতি-
দিনের হাত হইতে মুক্তিলাভ করিয়া বাঁচিলাম। আমি ভাবিতেছিলাম,
চারিদিকে পরিচিতের বেড়ার মধ্যে প্রাত্যহিক নিয়মের দ্বারা আমি বাঁধা,
আজ দেখিতেছি, মহা-অপূর্বের কোলের মধ্যে চিরদিন আমি খেলা
করিতেছি। আমি ভাবিরাছিলাম, আপিসের বড়োসাহেবের মতো
অত্যন্ত একজন সুগম্ভীর হিসাবি লোকের হাতে পড়িয়া সংসারে প্রত্যহ
ঝাঁক পাড়িয়া যাইতেছি ; আজ সেই বড়োসাহেবের চেয়ে যিনি
বড়ো, সেই মস্ত বেহিসাবি পাগলের বিপুল উদার অট্টহাস্ত জলে স্থলে
আকাশ সপ্তলাক ভেদ করিয়া ধ্বনিত গুনিয়া হাঁপ ছাড়িয়া বাঁচিলাম।
আমার খাতাপত্র সমস্ত রছিল পড়িয়া। আমার জরুরি কাজের বোঝা
ঐ সৃষ্টিছাড়ার পায়ের কাছে ফেলিয়া দিলাম— তাঁহার তাণ্ডবনৃত্যের
আঘাতে তাহা চূর্ণ-বিচূর্ণ হইয়া, ধূলি হইয়া, উড়িয়া যাক।

শরৎ

ইংবেজেব সাহিত্যে শরৎ প্রৌঢ়। তাব যৌবনেব টান সবটা আলগা হয় নাই, ওদিকে তাকে যবগেব টান ধৰিষাছে। এগনো সব চুকিমা যায় নাই, কেবল সব ঝবিয়া যাইতেছে।

একজন আধুনিক ইংবেজ কবি শবৎকে সন্তোমণ কৰিয়া বলিহেছেন, “তোমাব ঐ শীতব আশঙ্কাকুল গাছগুলাক কেমন যেন আক ভূতব মতো দেখাইতেছে; হায় বে, তোমাব ঐ কুঞ্জবনেব ভাঙা হাট, তোমাব ঐ ভিছা পাতাব বিবাগি হইষা নাতিব হওয়া। যা অতীত এবং যা আগামী তাদেব বিষয় বাসবশ্য্য তুমি সচিষাছ। যা-কিছু ত্রিয়মাণ তুমি তাদেবই দাগী, যত-কিছু ‘গল্প শোচনা’ তুমি গ্রাবই অধিদেবতা।”

কিছু এ শবৎ আমাদেব শবৎ একদাংই নয়; আমাদেব শবৎ তর নীল চোখেব পাতা, নেউল-হওয়া যৌবনেব চোখেব জলে ভিজিয়া ওঠ নাই। আমাব কাছ আমাদেব শবৎ শিশুদ মূর্তি ধরিয়া আসে। সে একবাবে নবীন। বর্ষাব গর্ভ হইতে এটমাত্র জন্ম লইয়া ধবণাধারীবে কোলে শুইয়া সে চাসিতহে।

তার কাঁচা দেহখানি; সকালে শিউলিকুলেব গন্ধটি মেটে কচি-গাংগুব গন্ধেব মতো। আকাশ-আলোকে গাছে-পালায় যা-কিছু বড় দেখিতহে, সে তো প্রাণেবই বড়, একদাংই তাজা।

প্রাণেব একটি বড় আছে। তা, ইন্দ্রধনুদ গাঠ হইতে চুব-কবা লাল নীল সবুজ চলনে প্রভৃতি কোনো বিশেষ বড় নয়; তা কোমলতাব বড়। সেই বড় দেখিতে পাই যানে পাতায়, আর দেখি মাছুনেব গায়ে।

জন্তুর কঠিন চর্মের উপরে সেই প্রাণের রঙ ভালো করিয়া ফুটিয়া ওঠে নাই, সেই লজ্জায় প্রকৃতি তাকে রঙ-নেরঙের লোমের ঢাকা দিয়া ঢাকিয়া রাগিয়াছে। মানুষের গাটিকে প্রকৃতি অনাবৃত করিয়া চুষন করিতেছে।

যাকে বাড়িতে হইবে তাকে কড়া হইলে চলবে না, প্রাণ সেইজন্য কোমল। প্রাণ জিনিসটা অপূর্ণতার মধ্যে পূর্ণতার ব্যঞ্জনা ক সেই ব্যঞ্জনা যেই শেষ হইয়া যায়, অর্থাৎ যখন যা-আছে কেবলমাত্র তাই আছে, তার চেয়ে আরো-কিছুই আভাস নাই, তখন মৃত্যুতে সমস্তটা কড়া হইয়া ওঠে : তখন লাল নীল সকল রকম রঙই থাকিতে পারে, কেবল প্রাণের রঙ থাকে না।

শরতের রঙটি প্রাণের রঙ। অর্থাৎ, তাহা কাঁচা, বড়ো নরম। রৌদ্রটি কাঁচা সোনা, সবুজটি কচি, নীলটি তাজা। (এইজন্য শরতে নাড়া দেয় আমাদের প্রাণকে, যেমন দর্ষায় নাড়া দেয় আমাদের ভিতর-মহলের হৃদয়কে, যেমন বসন্ত নাড়া দেয় আমাদের বাহির-মহলের যৌবনকে)।

বলিতেছিলাম, শরতের মধ্যে শিশুর ভাব। তার এই হাসি এই কান্না। সেই হাসিকান্নার মধ্যে কায়কারণের গভীরতা নাই, তাহা এমনি হালকাভাবে আসে এবং যায় যে, কোথাও তার পায়ের দাগটুকু পড়ে না—জলের চেউয়ের উপরটোতে আলোছায়া ভাইবোনের মতো যেমন কেবলই হুরস্তপনা করে, অথচ কোনো চিহ্ন রাখে না।

ছেলের হাসিকান্না প্রাণের জিনিস, হৃদয়ের জিনিস নহে। প্রাণ জিনিসটা ছিপের নৌকার মতো ছুটিয়া চলে, তাতে মাল বোঝাই নাই; সেই ছুটিয়া-চলা প্রাণের হাসিকান্নার ভার কম। হৃদয় জিনিসটা বোঝাই নৌকা, সে ধরিয়৷ রাখে, ভরিয়৷ রাখে— তার

হাসিকান্না চলিতে চলিতে ঝরাইয়া ফেলিবার মতো নয়। যেমন ঝরনা— সে ছুটিয়া চলিতেছে বলিয়াই ঝলমল করিয়া উঠিতেছে। তার মধ্যে ছায়া-আলোর কোনো বাসা নাই, বিশ্রাম নাই। কিন্তু এই ঝরনাই উপত্যকায় যে-সরোবরে গিয়া পড়িয়াছে, সেখানে আলো যেন তলার ডুব দিতে চায়, সেখানে ছায়া জলের গভীর অন্তরঙ্গ হইয়া উঠে। সেখানে স্তব্ধতার ধ্যানের আসন।

কিন্তু প্রাণের কোথাও আসন নাই, তাকে চলিতেই হইবে। তাই শরতের হাসিকান্না কেবল আমাদের প্রাণপ্রবাহের উপরে নিকিমিকি করিতে থাকে, যেখানে আমাদের দীর্ঘনিশ্বাসের বাসা সেই গভীরে গিয়া সে আটকা পড়ে না। (তাই দেখি, শরতের বৌদ্রেব দিকে তাকাইয়া মনটা কেবল চলি-চলি করে— বর্ষার মতো সে অভিসারের চলা নয়, সে অভিমানের চলা।)

বর্ষায় যেমন আকাশের দিকে চোখ যায়, শরতে তেমনি মাটির দিকে। আকাশপ্রাঙ্গণ হইতে তখন সভার আশ্রয়গাছানা গুটাইয়া লওয়া হইতেছে, এখন সভার জায়গা হইয়াছে মাটির উপরে। একেবারে মাঠের এক পার হইতে আর-এক পার পর্যন্ত সবুজে ছাইয়া গেল, সেদিক হইতে আর চোখ ফেরানো যায় না।

শিঙিটি কোল জুড়িয়া বসিয়াছে, সেইজন্মই মায়ের কোলের দিকে এমন করিয়া চোখ পড়ে। নবীন প্রাণের শোভার ধরণীর কোল আজ এমন ভরা। শরৎ বড়ো বড়ো গাছের ঋতু নয়, শরৎ ফসলখেতের ঋতু। এই ফসলের খেত একেবারে মাটির কোলের জিনিস। আজ মাটির যত আদর সেইখানেই হিরোমিত, বনস্পতি-দাদারা একধারে চুপ করিয়া দাঁড়াইয়া তাই দেখিতেছে।

এই ধান, এই ইঁকু, এরা যে ছোটো, এরা যে অল্পকালের জন্ম আসে— ইহাদের যত শোভা যত আনন্দ সেই ছুদিনের মধ্যে ঘনাইয়া

তুলিতে হয়। স্বর্ষের আলো ইহাদের জন্ত যেন পথের ধারের পানসত্রের মতো— ইহারা তাড়াতাড়ি গণ্ডুষ ভরিয়া সূর্যকিরণ পান করিয়া লইয়াই চলিয়া যায়, বনস্পতির মতো জল বাতাস মাটিতে ইহাদের অন্নপানের বাধা বরাদ্দ নাই; (ইহারা পৃথিবীতে কেবল আতিথ্যই পাইল, আনন্স পাইল না।) শরৎ পৃথিবীর এই-সব ছোটোদের, এই-সব ক্ষণজীবীদের ক্ষণিক উৎসবের ঋতু। ইহারা যখন আসে তখন কোল ভরিয়া আসে, যখন চলিয়া যায় তখন শূন্য প্রান্তরটা শূন্য আকাশের নিচে হা-হা করিতে থাকে। (ইহারা পৃথিবীর সবুজ মেঘ, হঠাৎ দেখিতে দেখিতে বনাইয়া ওঠে; তার পরে প্রচুর ধারায় আপন বর্ষণ সারিয়া দিয়া চলিয়া যায়, কোথাও নিজের কোনো দাবি-দাওয়ার দলিল রাখে না।)

আমরা তাই বলিতে পারি, “হে শরৎ, তুমি শিশিরাশ্র ফেলিতে ফেলিতে গত এং আগন্তর ক্ষণিক মিলনশয্যা পাতিয়াছ। যে বর্তমানটুকুর জন্ত অতীতের চতুর্দালা ধারের কাছে অপেক্ষা করিয়া আছে, তুমি তারই মুখচুষন করিতেছ— তোমার হাসিতে চোখের জল গড়াইয়া পড়িতেছে।”

মাটির কন্টার আগমনীর গান এই তো সেদিন বাজিল। মেঘের নন্দী-ভৃঙ্গী শিঙা বাজাইতে বাজাইতে গৌরী শারদাকে এই কিছুদিন হইল ধরাজননী কোল রাখিয়া গেছে। কিন্তু বিজয়ার গান বাজিতে আর তো ঘেরি নাই; শশানবাগী পাগলটা এল বলিয়া (তাকে তো ফিরাইয়া দিবার জো নাই, হাসির চক্করলা তার ললাটে লাগিয়া আছে কিন্তু তার জটায় জটায় কান্নার মন্সাকিনী।)

শেষকালে দেখি ঐ পশ্চিমের শরৎ আর এই পূর্বদেশের শরৎ একই জায়গায় আসিয়া অবসান হয়— সেই দশমীরাত্রির বিজয়ার গানে। পশ্চিমের কবি শরতের দিকে তাকাইয়া গাহিতেছেন, “বসন্ত

তার উৎসবের সাজ বৃথা সাজাইল, তোমার নিঃশব্দ ইঙ্গিতে পাতার পর পাতা খসিতে খসিতে সোনার বৎসর আজ মাটিতে মিশিয়া মাটি হইল যে।” তিনি বলিতেছেন, (‘‘ফাল্গুনের মধ্যে মিলনপিপাসিনীর যে রসব্যাকুলতা তাহা শাস্ত হইয়াছে, জ্যৈষ্ঠের মধ্যে তপ্তনিশ্বাস-বিক্ষুব্ধ যে হৃৎস্পন্দন তাহা শুক হইয়াছে। ঝড়ের মাতনে লগুভগু অরণ্যের গায়ন-সভায় তোমার ঝোড়া বাতাসের দল তাহাদের প্রেতলোকের ক্রন্দবীণায় তার চড়াইতেছে তোমারই মৃত্যুশাকেব বিলাপগান গাহিবে বলিয়া।) তোমার বিনাশের শ্রী, তোমার সৌন্দর্যের বেদনা ক্রমে স্মৃতির হইয়া উঠিল, হে বিলীমমান মহিমার প্রতিক্রম।’’

কিন্তু তবুও পশ্চিমে যে-শরৎ বাস্পের ঘোমটার মুখ ঢাকিয়া আসে, আব আনাদের বদে যে-শরৎ মেঘের ঘোমটা সরাইয়া পৃথিবীর দিকে হাসিমুখখানি নামাইয়া দেখা দেয়, তাদের ছুঁইয়ের মধ্যে রূপের এবং তাদের তফাত আছে। (আমাদের শরৎ আগমনীটাই ধূয়া। সেই ধূয়াতেই বিজয়ার গানের মধ্যেও উৎসবের তান লাগিল।) আমাদের শরতে বিচ্ছেদবেদনার ভিতরেও একটা কথা লাগিয়া আছে যে, বাদে বারে নুতন করিয়া ফিরিয়া ফিরিয়া আসিবে বলিয়াই চলিয়া যায়— তাই ধরার আড়িনায় আগমনী-গানের আর অস্ত নাট। যে লইয়া যায় সেই আবার ফিরাইয়া আনে। তাই সকল উৎসবের মধ্যে বড়ো উৎসব এই ছাড়াইয়া ফিরিয়া পাওয়ার উৎসব।

কিন্তু পশ্চিম শরতের গানে দেখি, পাইয়া ছাড়াবার কথা। তাই কবি গাহিতেছেন, ‘‘তোমার আদিভাবই তোমার তিরোভাব। যাত্রা এবং বিদায় এই তোমার ধূয়া ; তোমার জীবনটাই মরণের আড়ম্বর ; আর তোমার স্মারোচ্চর পরম পূর্ণতার মধ্যেও ভূমি নায়া, কুনি স্বপ্ন।’’

মেঘদূত

তাব পাশেই আছি তবু নিদাসন ।

বড়ো কাছে থাকাদ এই নিদহ, এত কাছে একজন আদ-একজনকে
সবটো দেখতে পায না ।

মিলনের প্রথম দিনে বাণি কী বলেছিল ।

সে বলেছিল, “সেই মানুষ আম'ব ক'ছে এল যে-মানুষ আমাব
দূবেদ ।”

আদ বাণি বলেছিল, “ধবলেও যাকে ধরা যায় না তাকে ধরেছি,
পেলেও সকল পাওয়ারক যে ছাড়িয়ে যায় তাকে পাওয়া গেল ।”

তাব প'ব বেছে বাণি বাজে না কেন ।

কেননা, আধখানা কথা ভুলছি । শুধু মনে রইল, সে কাছে ; কিন্তু
সে যে দূবেও তা যেয়াল বইল না ।

প্রেমের যে-আধখানার মিলন সেইটেই দেখি, যে-আধখানার বিরহ
সে চোখে পড়ে না, তাই দূরের চিরতৃপ্তিহীন দেখাটা আর দেখা যায় না,
কাছের পর্না আড়াল করেছে ।

তুই মানুষের মাঝে যে অসীম আকাশ সেখানে সব চুপ, সেখানে
কথা চল না । সেই মস্ত চুপকে বাণির সুর দিয়ে ভরিয়ে দিতে হয় ।
অনন্ত আকাশের ফাঁক না পেলে বাণি বাজে না ।

সেই আম'দের মাঝের আকাশটি ঝাঁধিতে ঢেকেছে, প্রতিদিনের
কাজে কর্মে কথায় ভরে গিয়েছে, প্রতিদিনের ভয় ভাবনা কুপণতায় ।

২

এক-একদিন জ্যোৎস্নারাত্রে হাওয়া দেয় ; বিছানার 'পরে জেগে বসে বুক ব্যথিয়ে ওঠে ; মনে পড়ে, এই পাশের লোকটিকে তো হারিয়েছি ।

এই বিরহ মিটবে কেমন ক'রে, আমার অনন্তের সঙ্গে তার অনন্তের বিরহ ?

দিনের শেষে কাজের থেকে ফিরে এসে যার সঙ্গে কথা বলি সে কে । সে তো সংসারের হাজার লোকের মধ্যে একজন, তাকে তো জানা হয়েছে, চেনা হয়েছে, সে তো ফুরিয়ে গেছে ।

কিন্তু, ওর মধ্যে কোথায় সেই আমার অকুরান একজন, সেই আমার একটিমাত্র ? ওকে আবার নূতন ক'রে খুঁজে পাই কোন্ কুলহারা কামনার ধারে ?

ওর সঙ্গে আবার একবার কথা বলি সময়ের কোন্ ফাঁকে, বন-মল্লিকার গন্ধে নিবিড় কোন্ কর্মহীন সন্ধ্যার অন্ধকারে ?

৩

এমন সময়ে নববর্ষা ছায়া-উত্তরীর উড়িয়ে পৃথিগন্তে এসে উপস্থিত । উজ্জ্বলিনীর কবির কথা মনে পড়ে গেল । মনে হল, প্রিয়তার কাছে দূত পাঠাই ।

আমার গান চলুক উড়ে, পাশে থাকার দূরত্বগম্য নিবাসন পাব হয়ে যাক । •

কিন্তু, তাহলে তাকে যেতে হবে, কালের উজান পথ বেয়ে বাশির-ব্যথার-ভরা আমাদের প্রথম মিলনের দিনে— সেই আমাদের যে-দিনটি বিশ্বের চিরবর্ষা ও চিরবসন্তের সকল গন্ধে, সকল ক্রম্বে জড়িয়ে রয়ে

গেল, কেতকাবনের দীর্ঘনিশ্বাসে আন শালমঞ্জরীর উতলা আশ্ব-
নিবেদনে ।

নির্জন দিঘির ধারে নারিকেলবনের মর্মরমুখরিত বর্ষার আগন
কথাটিকেই আমার কথা করে নিয়ে প্রিয়ার কানে পৌছিয়ে দিক,
যেখানে সে তার এলোচুলে গ্রন্থি দিবে, আঁচল কোমবে বেঁধে, সংসারের
কাজে ব্যস্ত ।

৪

বহনুদেব অসীম আকাশ আজ বনবাজিনীলা পৃথিবীর শিয়দেব কাছে
নত হয়ে পড়ল । কানে-কানে বললে, “আমি তোমাদেই ।”

পৃথিবী বললে, “সে কখন কবে হবে । তুমি-যে অসীম, আমি যে
ছোটো ।”

আকাশ বললে, “আমি তে চারদিকে আমার মেঘের সীমা টেনে
দিয়েছি ।”

পৃথিবী বললে, “তোমাদে-যে কত জ্যোতিষের সম্পদ, আমার তো
আলোর সম্পদ নেই ।”

আকাশ বললে, “আজ আমি আমার চক্রে স্থয় ভাদা সব হাবিষে
ফেল এসছি, আজ আমার একমাত্র তুমি আছ ।”

পৃথিবী বললে, “আমার অশ্রুভরা হৃদয় হাওয়ায় হাওয়ায় চঞ্চল হয়ে
কাঁপে, তুমি-যে অবিচলিত ।”

আকাশ বললে, “আমাদে অশ্রুও আজ চঞ্চল হয়েছে, দেখতে কি
পাওনি । আমাদে একে আজ শ্রামণ হল তোমাদে ঐ শ্রামণ হৃদয়টি
নতো ।”

সে এই বলে আকাশপৃথিবীর মাঝখানকাব চিব্বিরহটাকে চোখে
জলের গান দিবে ভবিষ্যে দিলে ।

সেই আকাশপৃথিবীর বিবাহ-মন্ত্রগুণন নিয়ে নববর্ষা নামুক আমাদের বিচ্ছেদের 'পরে। প্রিয়ার মধ্যে যা অনির্বচনীয় তাই হঠাৎ-বেজে-ওঠা বীণার তারের মতো চকিত হয়ে উঠুক। সে আপন সিঁথির 'পরে তুলে দিক দূর বনাস্তুর বঙটির মতো রঙিন তার নীলাঞ্চল। তার কালো চোখের চাহনিতে যেঘমল্লারের সব মিড-গুলি আত'হষে উঠুক। সার্থক হোক বকুলমালা তার বেণীব ঝাঁকে ঝাঁকে জড়িয়ে উঠে।

যখন ঝিল্লিব ঝংকারে বেণুবনের অঙ্ককার ধরুধরু করছে, যখন বাদলহাওয়ার দীপশিখা কেঁপে কেঁপে নিবে গেল, তখন সে তার অতি-কাছের ঐ সংসারটাকে ছেড়ে দিয়ে আশ্রক ভিজ্জ ঘাসেব গন্ধে ভব' বনপথ দিয়ে আমার নিভৃত হৃদয়ের নিশীথবাত্রে।

জ্যৈষ্ঠ, ১৯২৬

পায়ে-চলার পথ

এই তো পায়ে-চলার পথ ।

এসেছে বনের মধ্যে দিয়ে মাঠে, মাঠের মধ্যে দিয়ে নদীর ধারে, খেয়াঘাটের পাশে বটগাছতলায় ; তার পরে ওপারের ভাঙা ঘাট থেকে বেঁকে চলে গেছে গ্রামের মধ্যে ; তার পরে তিসির খেতের ধার দিয়ে, আমবাগানের ছায়া দিয়ে, পদ্মদিধির পাড় দিয়ে, রথতলার পাশ দিয়ে কোন্ গায়ে গিয়ে পৌঁচেছে জানিনে ।

এই পথে কত মানুষ কেউ-বা আমার পাশ দিয়ে চলে গেছে, কেউ-বা সঙ্গ নিয়েছে, কাউকে-বা দূর থেকে দেখা গেল ; কারো-বা ঘোমটা আছে, কারো-বা নেই ; কেউ-বা জল ভরতে চলেছে, কেউ-বা জল নিয়ে ফিরে এল ।

২

এখন দিন গিয়েছে, অন্ধকার হয়ে আসে ।

একদিন এই পথকে মনে হয়েছিল আমারই পথ, একান্তই আমার ; এখন দেখছি, কেবল একটবার মাত্র এই পথ দিয়ে চলবার হুকুম নিয়ে এসেছে, আর নয় ।

নেবুতলা উজিয়ে— সেই পুকুরপাড়, দ্বাদশ দেউলের ঘাট, নদীর চর, গোয়ালবাড়ি, ধানের গোলা পেরিয়ে— সেই চেনা চাউনি, চেনা কথা, চেনা মুখের মহলে আর একটবারও ফিরে গিয়ে বলা হবে না 'এই-যে' । এ পথ যে চলার পথ, ফেরার পথ নয় ।

আজ ধূসর সন্ধ্যায় একবার পিছন ফিরে তাকানুম ; দেখলুম, এই পথটি বহুবিস্তৃত পদচিহ্নের পদাবলী, ভৈরবীর সুরে বাঁধা ।

যতকাল যত পথিক চলে গেছে তাদের জীবনের সমস্ত কথাকেই এই পথ আপনার একটিমাত্র ধুলিরেখায় সংক্ষিপ্ত করে এঁকেছে ; সেই একটি রেখা চলেছে সূর্যোদয়ের দিক থেকে সূর্যাস্তের দিকে— এক সোনার সিংহদ্বার থেকে আর-এক সোনার সিংহদ্বারে ।

৩

“ওগো পায়ের-চলার পথ, অনেক কালের অনেক কথাকে তোমাব এই ধুলিবন্ধনে বেঁধে নীরব করে রেখো না । আমি তোমার ধুলোষ কান পেতে আছি, আমাকে কানে-কানে বলো ।”

পথ নিশীথের কালো পর্দার দিকে তর্জনী বাড়িয়ে চুপ করে থাকে ।

“ওগো পায়ের-চলার পথ, এত পথিকের এত ভাবনা, এত ইচ্ছা, সে-সব গেল কোথায় ।”

বোবা পথ কথা কয় না । কেবল সূর্যোদয়ের দিক থেকে সূর্যাস্তের দিক পর্যন্ত ইশারা মেলে রাখে ।

“ওগো পায়ের-চলার পথ, তোমার বৃকের উপর যে-সমস্ত চরণপাত একদিন পুষ্পবৃষ্টির মতো পড়েছিল, আজ তারা কি কোথাও নেই ।”

পথ কি নিজের শেষকে জানে, যেখানে সমস্ত লুপ্ত ফুল আর স্তব্ধ গান পৌঁছল— যেখানে তারার আলোয় অনির্বাণ বেদনার দেয়ালি-উৎসব হচ্ছে ?

বাঁশি

বাঁশির বাণী চিরদিনের বাণী— শিবের জটা থেকে গঙ্গার ধারা—
প্রতিদিনের মাটির বুক বেয়ে চলেছে ; অমরাবতীর শিশু নেমে এল
মর্তের ধূলি নিয়ে স্বর্গ-স্বর্গ খেলতে ।

পথের ধারে দাঁড়িয়ে বাঁশি শুনি আর মন-যে কেমন করে বুঝতে
পারি নে । সেই ব্যথাকে চেনা সুখদুঃখের সঙ্গে মেলাতে যাই, মেলে
না । দেখি, চেনা হাসির চেয়ে সে উজ্জ্বল, চেনা চোখের জলের চেয়ে
সে গভীর ।

আর মনে হতে থাকে, চেনাটা সত্য নয়, অচেনাই সত্য । মন
এমন সৃষ্টিছাড়া ভাব ভাবে কী করে । কথায় তার কোনো জবাব
নেই ।

আজ ভোরবেলাতেই উঠে শুনি, বিয়েবাড়িতে বাঁশি বাজছে ।

বিয়ের এই প্রথম দিনের সুরের সঙ্গে প্রতিদিনের সুরের মিল
কোথায় । গোপন অতৃপ্তি, গভীর নৈরাশ্র ; অবহেলা, অপমান, অব-
সাদ ; তুচ্ছ কামনার কার্পণ্য, কুশ্রী নীরসতার কলহ, ক্রমাহীন ক্ষুদ্রতার
সংঘাত, অভ্যস্ত জীবনযাত্রার ধূলিলিপ্ত দারিদ্র্য— বাঁশির দৈববাণীতে
এ-সব বার্তার আভাস কোথায় ।

গানের সুর সংসারের উপর থেকে এই সমস্ত চেনা কথার পর্দা
এক টানে ছিঁড়ে ফেলে দিলে । চিরদিনকার বর-কনের শুভদৃষ্টি হচ্ছে
কোন্ রক্তাংগুকের সমজ্জ অবগুষ্ঠনতলে, তাই তার তানে তানে
প্রকাশ হয়ে পড়ল ।

যখন সেখানকার মালাবদলের গান বাঁশিতে বেজে উঠল তখন এখানকার এই কনেটির দিকে চেয়ে দেখলেম— তার গলায় সোনার হার, তার পায়ে দুগাছি মল, সে যেন কাল্লাব সবোববে আনন্দের পদ্মটির উপরে দাঁড়িয়ে ।

স্বরের ভিতর দিয়ে তাকে সংসারের মানুষ ব'লে আব চেনা গেল না । সেই চেনা ঘরের মেয়ে অচিন্ ঘরের বউ হয়ে দেখা দিলে ।
বাঁশি বলে, এই কথাই সত্য ।

আখিন, ১৩২৬

সন্ধ্যা ও প্রভাত

এখানে নামল সন্ধ্যা। সূর্যদেব, কোন্ দেশে কোন্ সমুদ্রপারে
তোমার প্রভাত হল।

অন্ধকারে এখানে কেঁপে উঠছে রজনীগন্ধা, বাসরঘরের দ্বারের
কাছে অবগুষ্ঠিতা নবদধুর মতো : কোন্‌খানে ফুটল ভোরবেলাকার
কনকচাঁপা।

জাগল কে। নিদ্রিয়ে দিল সন্ধ্যায়-জ্বালানো দীপ, ফেল দিল
রাত্রি-গাথা সৌভাগ্যফুলের মালা।

এখানে একে একে দরজার আগল পড়ল, সেখানে জানলা গেল
খুলে। এখানে নৌকো ঘাটে বাধা, মাঝি ঘুনিয়ে : সেখানে পালে
লেগেছে ছাওয়া

ওরা পাঠশালা থেকে বেদিয়ে পড়েছে, পূর্বের দিক ওদের মুখ ;
ওদের কপালে লেগেছে সকালের আলো, ওদের পারানিরু কডি এখনো
ফুরায় নি ; ওদের জন্তে পথের ধারদেব জানলায় জানলায় কালো চোখের
করণ কামনা অনিশ্চয় তাকিয়ে : রাস্তা ওদের সামনে নিমন্ত্রণের রাঙা
চিঠি খুলে ধরলে, বললে, "তোমাদের জন্তে সব প্রস্তুত।" ওদের হৃৎপিণ্ড,
রক্তের তালে তালে জয়ভেরী বেজে উঠল।

এখানে সবাই ধূসর আলোয় দিনের শেষ হওয়া পার হল।

পাঠশালার আড়িনায় এরা কাঁধা বিছিয়েছে : কেউ-বা একলা,
কারো-বা সঙ্গী ক্লাস্ত ; সামনের পথে কী আছে অন্ধকারে দেখা গেল
না, পিছনের পথে কী ছিল কানে-কানে বলাবলি করছে : বলতে

বলতে কথা বেধে যায়, তার পরে চূপ করে থাকে ; তার পরে আঙিনা থেকে উপরে চেয়ে দেখে, আকাশে উঠেছে সপ্তর্ষি ।

'সূর্যদেব, তোমার বামে এই সন্ধ্যা, তোমার দক্ষিণে ঐ প্রভাত—
এদের তুমি মিলিয়ে দাও । এর ছায়া ওর আলোটিকে একবার কোলে
তুলে নিয়ে চূষন করুক, এর পুরবী ওর বিভাসকে আশীর্বাদ করে
চলে যাক ।

আশ্বিন, ১৩২৬

উৎসবের দিন

সকালবেলায় অঙ্ককার ছিন্ন করিয়া ফেলিয়া আলোক যেমনি ফুটিয়া বাহির হয়, অমনি বনে-উপবনে পাখিদের উৎসব পড়িয়া যায়। সে-উৎসব কিসের উৎসব। কেন এই-সমস্ত বিহঙ্গের দল নাচিয়া-কুঁদিয়া গান গাহিয়া এমন অস্থির হইয়া উঠে। তাহার কারণ এই, প্রতিদিন প্রভাতে আলোকের স্পর্শে পাখিরা নৃতন করিয়া আপনার প্রাণবান গতিমান চেতনাবান পক্ষীজন্ম সম্পূর্ণভাবে উপলব্ধি করিয়া অন্তরের আনন্দকে সংগীতের উৎসে উৎসারিত করিয়া দেয়।

জগতের যেখানে অব্যাহত শক্তির প্রচুর প্রকাশ, সেইখানেই যেন মূর্তিমান উৎসব। সেইজন্ত হেমন্তের সূর্যকিরণে অগ্রহায়ণের পক্ষ-শস্যসমুদ্রে সোনার উৎসব হিল্লোলিত হইতে থাকে, সেইজন্ত আম্র-মঞ্জরীর নিবিড় গন্ধে ব্যাকুল নদবসন্তে পুষ্পবিচিত্র কুঞ্জবনে উৎসবের উৎসাহ উদ্দাম হইয়া উঠে।

মানুষের উৎসব ক'ব। মানুষ যেদিন আপনার মনুষ্যত্বের শক্তি বিশেষভাবে স্বরণ করে, বিশেষভাবে উপলব্ধি করে, সেইদিন। যেদিন আমরা আপনাদিগকে প্রাত্যহিক প্রয়োজনের দ্বারা চালিত করি সেদিন না— যেদিন আমরা আপনাদিগকে সাংসারিক সুখছুঃখের দ্বারা ক্লান্ত করি সেদিন না— যেদিন প্রাকৃতিক নিয়মপরম্পরার হস্তে আপনাদিগকে ক্রীড়াপুস্তলির মতো কুদ্র ও জড়ভাবে অনুভব করি সেদিন আমাদের উৎসবের দিন নহে— সেদিন তো আমরা জড়ের মতো, উদ্ভিদের মতো, সাধারণ জন্তুর মতো; সেদিন তো আমরা আমাদের নিজের মধ্যে সর্ব-জ্ঞানী মানবশক্তি উপলব্ধি করি না— সেদিন আমাদের আনন্দ কিসের।

সেদিন আমরা গৃহে অবরুদ্ধ, সেদিন আমরা কর্মে ক্লিষ্ট; সেদিন আমরা উচ্ছলভাবে অপনাকে ভূষিত করি না, সেদিন আমরা উদারভাবে কাহাকেও আহ্বান করি না—(সেদিন আমাদের ঘরে সংসারচক্রের ঘর্ঘরধ্বনি শোনা যায় কিন্তু সংগীত শোনা যায় না।)

প্রতিদিন মানুষ ক্ষুদ্র, দীন, একাকী— কিন্তু উৎসবের দিনে মানুষ বৃহৎ; সেদিন সে সমস্ত মানুষের সঙ্গে একত্র হইয়া বৃহৎ, সেদিন সে সমস্ত মানুষের শক্তি অনুভব করিয়া মহৎ।

মানুষের মধ্যে কী আশ্চর্যশক্তি আশ্চর্যরূপে প্রকাশ পাইতেছে। আপনার সমস্ত ক্ষুদ্র প্রয়োজনকে অতিক্রম করিয়া মানুষ কোন্ উর্ধ্ব গিয়া দাঁড়াইয়াছে। জ্ঞানী জ্ঞানের কোন্ তুলন্য দুর্গমতার মধ্যে ধাবমান হইয়াছে, প্রেমিক প্রেমের কোন্ পরিপূর্ণ আত্মবিসর্জনের মধ্যে গিয়া উত্তীর্ণ হইয়াছে, কর্মী কর্মের কোন্ অশ্রান্ত দুঃসাধ্যসাধনের মধ্যে অকুতোভয়ে প্রবেশ করিয়াছে। জ্ঞানে, প্রেমে, কর্মে, মানুষ যে অপরিমের শক্তিকে প্রকাশ করিয়াছে, আজ আমরা সে শক্তির গৌরব স্বরণ করিয়া উৎসব করিব। আজ আমরা আপনাকে, ব্যক্তিবিশেষ নহে, কিন্তু মানুষ বলিয়া জানিয়া ধন্য হইব।

মানুষের এই শক্তি যদি নিজের প্রয়োজনসাধনের সীমার মধ্যেই সার্থকতা লাভ করিত, তাহা হইলেও আমাদের পক্ষে যথেষ্ট হইত, তাহা হইলেও আমরা জগতের সমস্ত জীবের উপরে আপনার শ্রেষ্ঠত্ব স্থাপন করিতে পারিতাম। ^Nকিন্তু যেখানটা মানুষের সমস্ত আবশ্যিক সীমার বাহিরে চলিয়া গেছে সেইখানেই মানুষের গভীরতম সর্বোচ্চতম শক্তি সর্বদাই আপনাকে স্বাধীন আনন্দে উদ্ভাও করিয়া দিবার চেষ্টা করিতেছে। মানুষশক্তির এই প্রয়োজনাতীত পরম গৌরব অদৃকার উৎসবে আনন্দ-সংগীতে ধ্বনিত হইতেছে। এই শক্তি অভাবের উপরে জয়ী, ভয়-শোকের উপরে জয়ী, মৃত্যুর উপরে জয়ী। আজ অতীতভবিষ্যতের

সুমহান্ মানবলোকের দিকে দৃষ্টিস্থাপনপূর্বক মানবাত্মার মধ্যে এই অত্রভেদী চিরন্তন শক্তিকে প্রত্যক্ষ করিয়া আপনাকে সার্থক করিব।

মানুষের কর্ম যোগানে আপনাকে, আপনার সম্মানকে এবং আপনার দলকেও অতিক্রম করিয়া গেছে, সেইখানেই আমরা মনুষ্যত্বের পূর্ণশক্তির বিকাশে পরম গৌরব লাভ করিয়াছি। বুদ্ধদেবের ককণা সম্মানবাৎসল্য নহে, দেশামুরাগও নহে— তাহা জলভাবাক্রান্ত নিবিড় মেঘের স্থায় আপনার প্রভূত প্রাচুর্যে আপনাকে নিৰ্বিশেষে সর্বলোকের উপরে বর্ষণ করিতেছে। ইহাই পরিপূর্ণতার চিত্র, ইহাই ঐশ্বর্য। বুদ্ধদেব বলিতেছেন :

মাতা যথা নিয়ং পুত্রং আয়ুসা একপুস্তমমুরক্বে ।

এবম্পি সন্দভূতেহু মানসস্তাবযে অপরিমাণং ॥

মেতৃক সর্বলোকস্মিং মানসস্তাবযে অপরিমাণং ।

উদ্ধং অধো চ তিরিয়ক্ অসম্বাধং অবেরমসপত্তং ॥

তিট্ঠঞ্চরং নিসিন্নো বা সরানো বা যাবতস্ স বিগতমিক্কো ।

এতং সতিং অধিট্ঠেযং ব্রহ্মমেতং বিহারমিধমাহ ॥

মাতা যেমন প্রাণ দিয়াও নিঃস্রব পুত্রকে রক্ষা করেন, এইরূপ সকল প্রাণীর প্রতি অপরিমাণ দয়াভাব জন্মাইবে। উর্ধ্বদিকে, অধোদিকে, চতুর্দিকে সমস্ত জগতের প্রতি বান্ধাশূন্য হিংসাশূন্য শত্রুতাশূন্য মানসে অপরিমাণ দয়াভাব জন্মাইবে। কী দাঁড়াইতে, কী চলিতে, কী বসিতে, কী শুইতে, যাবৎ নিদ্রিত না হইবে, এই মৈত্র্যভাবে অধিষ্ঠিত থাকিবে— ইহাকেই ব্রহ্মবিহার বলে।

এই যে ব্রহ্মবিহারের কথা ভগবান বুদ্ধ বলিয়াছেন, ইহা মুখের কথা নহে, ইহা অভ্যন্ত নীতিকথা নহে; আমরা জানি, ইহা তাঁহার জীবনের মধ্য হইতে সত্য হইয়া উদ্ভূত হইয়াছে। ইহা লইয়া অল্প আমরা গৌরব করিব। এই বিশ্বব্যাপী চিরজাগ্রত ককণা, এই ব্রহ্ম-

বিহার— এই সমস্ত আবশ্যকের অতীত অহেতুক অপরিমিত মৈত্রীশক্তি
মানুষের মধ্যে কেবল কথার কথা হইয়া থাকে নাই, এই শক্তি মনুষ্যত্বের
ভাঙারে চিরদিনের মতো সঞ্চিত হইয়া গেল।

এই ভারতবর্ষে একদিন মহাসম্রাট অশোক তাঁহার রাজশক্তিকে
সম্ভারকার্যে, মঙ্গলসাধনকার্যে নিযুক্ত করিয়াছিলেন। রাজশক্তির
মাদকতা যে কী সুতীব্র, তাহা আমরা সকলেই জানি— সেই শক্তি
ক্ষুধিত অগ্নির মতো গৃহ হইতে গৃহান্তরে, গ্রাম হইতে গ্রামান্তরে, দেশ
হইতে দেশান্তরে, আপনার জ্বালাময়ী লোলুপ রসনাকে প্রেরণ করিবার
জন্ম ব্যগ্র। সেই বিখলুক রাজশক্তিকে মহারাজ অশোক মঙ্গলের
দাসত্বে নিযুক্ত করিয়াছিলেন; তৃপ্তিহীন ভোগকে বিসর্জন দিয়া তিনি
শ্রান্তিহীন সেবাকে গ্রহণ করিয়াছিলেন। বাজত্বের পক্ষে ইহা
প্রয়োজনীয় ছিল না— ইহা বুদ্ধসজ্জা নহে, দেশজয় নহে, বাণিজ্যবিস্তার
নহে; ইহা মঙ্গলশক্তির অপরিপূর্ণ প্রাচুর্য, ইহা চক্রবর্তী রাজাকে
আশ্রয় করিয়া তাঁহার সমস্ত রাজাভঙ্গুরকে একমুহূর্তে হীনপ্রভ করিয়া
দিয়া সমস্ত মনুষ্যত্বকে সমুজ্জল করিয়া তুলিয়াছে। কত বড়ো বড়ো রাজার
বড়ো বড়ো সাম্রাজ্য বিধ্বস্ত, বিস্মৃত, ধূলিসাৎ হইয়া গিয়াছে— কিন্তু
অশোকের মধ্যে এই মঙ্গলশক্তির মহান আবির্ভাব, ইহা আমাদের
গৌরবের ধন হইয়া আজও আমাদের মধ্যে শক্তিসঞ্চার করিতেছে।

ঈশ্বরের শক্তিবিকাশকে আমরা প্রভাতের জ্যোতিরন্মেষের মধ্যে
দেখিয়াছি, ফাস্কনের পুষ্পপর্যাপ্তির মধ্যে দেখিয়াছি, মহাসমুদ্রের নীলাশু-
নৃত্যের মধ্যে দেখিয়াছি— কিন্তু সমগ্র মানবের মধ্যে যেদিন তাহার
বিরাট বিকাশ দেনিতে সমাগত হই, সেইদিন আমাদের মহামহোৎসব।

হে ঈশ্বর, তুমি আজ আমাদের আত্মা আত্মা করে। বৃহৎ মনুষ্যত্বের
মধ্যে আত্মা করে। আজ উৎসবের দিন শুদ্ধমাত্র ভাবরসসম্ভোগের
দিন নহে, শুদ্ধমাত্র মাধুর্যের মধ্যে নিমগ্ন হইবার দিন নহে— আজ বৃহৎ

সম্মিলনের মধ্যে শক্তি-উপলব্ধির দিন, শক্তিসংগ্রহের দিন। আজ তুমি আমাদেরকে বিচ্ছিন্ন জীবনের প্রাত্যহিক জড়ত্ব, প্রাত্যহিক ঔদাসীন্য হইতে উদ্বোধিত করো— প্রতিদিনের নিবীৰ্ণ নিশ্চেষ্টতা হইতে, আরাম-আবেশ হইতে উদ্ধার করো। যে-কঠোরতার যে-উত্তমে যে-আত্ম-বিসর্জনে আমাদের সার্থকতা, তাহার মধ্যে আজ আমাদেরকে প্রতিষ্ঠিত করো। দূর করো সমস্ত আবরণ আচ্ছাদন, সমস্ত ক্ষুদ্র দৃষ্টি, সমস্ত মিথ্যা কোলাহল, সমস্ত অপবিত্র আয়োজন—(মহানুভবের সেই অলভেদিচূড়াবিশিষ্ট নিরাভরণ নিস্তর রাজনিকৈতনের দ্বারের সম্মুখে অস্ত্র আমাকে দাঁড় করাইয়া দাও।) সেখানে, সেই কঠিনক্ষেত্রে, সেই রিক্ত নির্জনতার মধ্যে, সেই বহুবৃগের অনিমেষ দৃষ্টিপাতের সম্মুখে তোমার নিকট হইতে দীক্ষা লইব প্রভু।—

পূর্বাণ হস্তে তুল,

নিজহাতে তোমার অমোঘ শরগুলি.

তোমার অক্ষয় তুণ। অস্ত্রে দীক্ষা দেহো

রণগুরু। তোমার প্রবল পিতৃস্নেহ

ধনিতা উঠুক আজি কঠিন আদেশে।

করো মোরে সম্মানিত নববীরবেশে,

ছুরহ কর্তব্যভারে, দুঃসহ কঠোর

বেদনায়। পরাইয়া দাও অস্ত্রে মোর

কৃতচিহ্ন-অলংকার। ধস্ত করো দাসে

সকল চেষ্টার আর নিফল প্রয়াসে।

দুঃখ

দুঃখের তত্ত্ব আর সৃষ্টির তত্ত্ব একেবারে একসঙ্গে বাধা। কারণ, অপূর্ণতাই তো দুঃখ এবং সৃষ্টিই যে অপূর্ণ।

সেই অপূর্ণতাই বা কেন। এটা একেবারে গোড়ার কথা। সৃষ্টি অপূর্ণ হইবে না, দেশে কালে বিভক্ত হইবে না, কার্যকারণে আবদ্ধ হইবে না, এমন সৃষ্টিছাড়া আশা আমরা মনেও আনিতে পারি না।

অপূর্ণের মধ্য দিয়া নহিলে পূর্ণের প্রকাশ হইবে কেমন করিয়া।

জগৎ অপূর্ণ বলিয়াই তাহা চঞ্চল, মানবসমাজ অপূর্ণ বলিয়াই তাহা সচেতন, এবং আমাদের আত্মবোধ অপূর্ণ বলিয়াই আমরা আত্মাকে এবং অন্য সমস্তকে বিভিন্ন করিয়াই জানি। কিন্তু, সেই চাঞ্চল্যের মধ্যেই শান্তি, দুঃখচেষ্টার মধ্যেই সফলতা এবং বিভেদের মধ্যেই প্রেম।

অতএব এ কথা মনে রাখিতে হইবে, পূর্ণতার বিপরীত শূন্যতা ; কিন্তু অপূর্ণতা পূর্ণতার বিপরীত নহে, বিকল্প নহে, তাহা পূর্ণতারই বিকাশ। গান যখন চলিতেছে, যখন তাহা সম্মুখে আসিয়া শেষ হয় নাই, তখন তাহা সম্পূর্ণ গান নহে বটে কিন্তু তাহা গানের বিপরীতও নহে,— তাহার অংশে অংশে সেই সম্পূর্ণ গানেরই আনন্দ তরঙ্গিত হইতেছে।

সেইজন্যই এই অপূর্ণ জগৎ শূন্য নহে, মিথ্যা নহে। সেইজন্যই এ-জগতে রূপের মধ্যে অপরূপ, শব্দের মধ্যে বেদনা, ঘ্রাণের মধ্যে ব্যাকুলতা আমাদেরকে কোন্ অনির্বচনীয়তার নিমগ্ন করিয়া দিতেছে। সেইজন্যই আকাশ কেবলমাত্র আমাদেরকে বেষ্টন করিয়া নাই, তাহা আমাদের হৃদয়কে বিক্ষারিত করিয়া দিতেছে ; আলোক কেবল

আমাদের দৃষ্টিকে সার্থক করিতেছে না, তাহা আমাদের অস্বঃকরণকে উদ্বেষিত করিয়া তুলিতেছে এবং যাহা-কিছু আছে তাহা কেবল আছে মাত্র নহে, তাহাতে আমাদের চিত্তকে চেতনার, আমাদের আত্মাকে সত্যে সম্পূর্ণ করিতেছে।

যখন দেখি শীতকালের পদ্মার নিস্তরঙ্গ নীলকান্ত জলস্রোত পীতান্ত বালুতটের নিঃশব্দ নির্জনতার মধ্য দিয়া নিরুদ্ধ হইয়া যাইতেছে, তখন 'নদীর জল বহিতেছে' এই বলিলেই তো সব বলা হইল না— এমন কি, কিছুই বলা হইল না। তাহার আশ্চর্য শক্তি ও আশ্চর্য সৌন্দর্যের কী বলা হইল। সেই বচনের অতীত পরম পদার্থকে, সেই অপরূপ রূপকে, সেই ধ্বনিহীন সংগীতকে, এই জলের ধারা কেমন করিয়া এত গভীরভাবে ব্যক্ত করিতেছে। এ তো কেবলমাত্র জল ও মাটি— মৃৎপিণ্ডে জলরগমা বলয়িতঃ। কিন্তু যাহা প্রকাশ হইয়া উঠিতেছে তাহা কী। তাহাই আনন্দরূপমমৃতম্, তাহাই আনন্দের অমৃতরূপ।

আবার কালবৈশাখীর প্রচণ্ড ঝড়েও এই নদীকে দেখিয়াছি। বালি উড়িয়া সূর্যাস্তের রক্তচ্ছটাকে পাণ্ডুবর্ণ করিয়া তুলিয়াছে, কশাহত কালো ঘোড়ার মস্তক চমের মতো নদীর জল রহিয়া রহিয়া কাপিয়া কাপিয়া উঠিতেছে, পরপারের স্তব্ধ তরুশ্রেণীর উপরকার আকাশে একটা নিঃস্পন্দ আতঙ্কের বিবর্ণতা ফুটিয়া উঠিয়াছে; তারপর সেই জল-স্থল-আকাশের জালের মাঝখানে নিজের ছিন্নবিচ্ছিন্ন মেঘমধ্যে জড়িত আবর্তিত হইয়া উন্নত ঝড় একবারে দিশাহারা হইয়া আসিয়া পড়িল— সেই আবির্ভাব দেখিয়াছি। তাহা কি কেবল মেঘ এবং বাতাস, ধূলা এবং বালি, জল এবং ডাঙা। এই সমস্ত অকিঞ্চিৎকরের মধ্যে এ যে অপরূপের দর্শন। ইহা তো শুধু বীণার কাঠ ও তার নহে, ইহাই বীণার সংগীত। এই সংগীতেই আনন্দের পরিচয়, সেই আনন্দরূপমমৃতম্।

আবার মানুষের মধ্যে যাহা দেখিয়াছি তাহা মানুষকে কতদূরেই

ছাড়াইয়া গেছে। রহস্যের অস্ত পাই নাই। শক্তি এবং শ্রীতি কত লোকের এবং কত জাতির ইতিহাসে কত আশ্চর্য আকার ধরিয়া কত অচিন্ত্য ঘটনা ও কত অসাধ্যসাধনের মধ্যে সীমার বন্ধনকে বিদীর্ণ করিয়া ভূমাকে প্রত্যক্ষ করাইয়া দিয়াছে। মানুষের মধ্যে ইহাই আনন্দরূপমমৃতম্।

জগতের এই অপূর্ণতা যেমন পূর্ণতার বিপরীত নহে, কিন্তু তাহা যেমন পূর্ণতারই একটি প্রকাশ, তেমনি এই অপূর্ণতার নিত্যসহচর দুঃখও আনন্দের বিপরীত নহে— তাহা আনন্দেরই অঙ্গ। অর্থাৎ দুঃখের পরিপূর্ণতা ও সার্থকতা দুঃখই নহে, তাহা আনন্দ। দুঃখও আনন্দরূপমমৃতম্।

এ কথা কেমন করিয়া বলি। ইহাকে সম্পূর্ণ প্রমাণ করিবই বা কী করিয়া।

কিন্তু, অমাবস্তার অন্ধকারে অনন্ত জ্যোতিষ্কলোককে যেমন প্রকাশ করিয়া দেয়, তেমনি দুঃখের নিবিড়তম তমসার মধ্যে অবতীর্ণ হইয়া আত্মা কি কোনোদিনই আনন্দলোকের ঞ্জবদীপ্তি দেখিতে পার নাই, হঠাৎ কি কখনোই বলিয়া উঠে নাই— বুঝিয়াছি, দুঃখের রহস্য বুঝিয়াছি, আর কখনো সংশয় করিব না। পরম দুঃখের শেষ প্রান্ত যেখানে গিয়া মিলিয়া গেছে সেখানে কি আমাদের হৃদয় কোনো শুভমূহুর্তে চাহিয়া দেখে নাই। অমৃত ও মৃত্যু, আনন্দ ও দুঃখ সেখানে কি এক হইয়া যায় নাই। সেইদিকেই কি তাকাইয়া ঋষি বলেন নাই, যশ্চাচ্ছান্নামৃতং যশ্চ মৃত্যুঃ কশ্চৈব দেবার হবিষা বিধেম— অমৃত খাঁহার ছায়া এবং মৃত্যুও খাঁহার ছায়া তিনি ছাড়া আর-কোনু দেবতাকে পূজা করিব। সমস্ত মানুষের অস্তরের মধ্যে এই উপলব্ধি গভীরভাবে আছে বলিয়াই মানুষ দুঃখকেই পূজা করিয়া আসিয়াছে, আরামকে নহে। জগতের ইতিহাসে মানুষের পরমপূজ্যগণ দুঃখেরই অবতার, আরামে লালিত লক্ষীর ক্রীতদাস নহে।

অতএব ছুঃখকে আমরা হ্র্বলতাবশত খর্ব করিব না, অস্বীকার করিব না, ছুঃখের দ্বারাই আনন্দকে আমরা বড়ো করিয়া এবং মঙ্গলকে আমরা সত্য করিয়া জানিব।

এ কথা আমাদের মনে রাখিতে হইবে, অপূর্ণতার গৌরবই ছুঃখ ; ছুঃখই এই অপূর্ণতার সম্পদ, ছুঃখই তাহার একমাত্র মূলধন। মানুষ সত্যপদার্থ যাহা কিছু পায় তাহা ছুঃখের দ্বারাই পায় বলিয়াই তাহার মনুষ্যত্ব। তাহার ক্ষমতা অল্প বটে, কিন্তু ঈশ্বর তাহাকে ভিক্ষুক করেন নাই। সে শুধু চাহিয়াই কিছু পায় না, ছুঃখ করিয়া পায়। আর যত কিছু ধন সে তো তাহার নহে— সে সমস্তই বিশ্বেশ্বরের। কিন্তু, ছুঃখ-যে তাহার নিতান্তই আপনার।

আমাদের পক্ষ হইতে ঈশ্বরকে যদি কিছু দিতে হয় তবে কী দিব, কী দিতে পারি। তাঁহারই ধন তাঁহাকে দিয়া তো তৃপ্তি নাই— আমাদের একটিমাত্র যে আপনার ধন ছুঃখধন আছে তাহাই তাঁহাকে সমর্পণ করিতে হয়। এই কথাই আমরা গোরব করিয়া বলিতে পারি, 'হে রাজা, তুমি আমাদের ছুঃখের রাজা ; হঠাৎ যখন অর্ধরাত্রে তোমার রথচক্রের বজ্রগজনে মেদিনী বলির পশুর হৃৎপিণ্ডের মতো কাঁপিয়া উঠে, তখন জীবনে তোমার সেই প্রচণ্ড আবির্ভাবের মহাক্ষণে যেন তোমার জয়ধ্বনি করিতে পারি ; হে ছুঃখের ধন, তোমাকে চাহি না এমন কথা সেদিন যেন ভয়ে না বলি ; সেদিন যেন দ্বার ভাঙিয়া ফেলিয়া তোমাকে ঘরে প্রবেশ করিতে না হয়, যেন সম্পূর্ণ জাগ্রত হইয়া সিংহদ্বার খুলিয়া দিয়া তোমার উদ্দীপ্ত ললাটের দিকে ছুই চক্ষু তুলিয়া বলিতে পারি, হে দারুণ, তুমিই আমার প্রিয়।'

আমরা ছুঃখের বিরুদ্ধে বিদ্রোহ করিয়া অনেকবার বলিবার চেষ্টা করিয়া থাকি যে, আমরা সুখছুঃখকে সমান করিয়া বোধ করিব। কোনো উপায়ে চিত্তকে অসাড় করিয়া ব্যক্তিবিশেষের পক্ষে সেরূপ

উদাসীন হওয়া হয়তো অসম্ভব না হইতে পারে । কিন্তু, সুখদুঃখ তো কেবলই নিজের নহে, তাহা-যে জগতের সমস্ত জীবের সঙ্গে জড়িত । আমার দুঃখবোধ চলিয়া গেলেই তো সংসার হইতে দুঃখ দূর হয় না ।

অতএব, কেবলমাত্র নিজের মধ্যে নহে, দুঃখকে তাহার সেই বিরাট রঙ্গভূমির মাঝখানে দেখিতে হইবে যেখানে সে আপনার বহিঃ তাপে, বস্ত্রের আঘাতে, কত জাতি, কত রাজ্য, কত সমাজ গড়িয়া তুলিতেছে ; যেখানে সে মানুষের জিজ্ঞাসাকে দুর্গম পথে ধাবিত করিতেছে, মানুষের ইচ্ছাকে দুর্ভেদ্য বাধার ভিতর দিয়া উদ্ভিন্ন করিয়া তুলিতেছে এবং মানুষের চেষ্টাকে কোনো ক্ষুদ্র সফলতার মধ্যে নিঃশেষিত হইতে দিতেছে না ; যেখানে বুদ্ধবিগ্রহ দুর্ভিক্ষমারী অন্টায়-অত্যাচার তাহার সহায় ; যেখানে রক্তসরোবরের মাঝখান হইতে গুত্র শান্তিকে সে বিকশিত করিয়া তুলিতেছে, দাবিদ্র্যেব নির্ভুর তাপের দ্বারা শোষণ করিয়া বর্ষণের মেঘকে রচনা করিতেছে এবং যেখানে হলধরমূর্তিতে স্মৃতিস্ম লালিয়া সে মানবহৃদয়কে বারম্বার শত শত রেখায় দীর্ঘ বিদীর্ণ করিয়াই তাহাকে ফলবান্ করিয়া তুলিতেছে । সেখানে সেই দুঃখের হস্ত হইতে পরিত্রাণকে পরিত্রাণ বলে না, সেই পরিত্রাণই মৃত্যু— সেখানে স্বেচ্ছায় অঞ্জলি রচনা করিয়া যে তাহাকে প্রথম অর্ঘ্য না দিয়াছে সে নিজেরই বিডম্বিত হইয়াছে ।

মানুষের এই যে দুঃখ ইহা কেবল কোমল অশ্রুবাষ্পে আচ্ছন্ন নহে, ইহা রুদ্ধতেজে উদ্দীপ্ত । বিশ্বজগতে তেজঃপদার্থ যেমন, মানুষের চিত্তে দুঃখ সেইরূপ ; তাহাই আলোক, তাহাই তাপ, তাহাই গতি, তাহাই প্রাণ ; তাহাই চক্রপথে ঘুরিতে ঘুরিতে মানবসমাজে নূতন নূতন কর্মলোক ও সৌন্দর্যলোক সৃষ্টি করিতেছে ; এই দুঃখের তাপ কোথাও-বা প্রকাশ পাইয়া কোথাও-বা প্রচ্ছন্ন থাকিয়া মানবসংসারের সমস্ত বায়ুপ্রবাহগুলিকে বহমান করিয়া রাখিয়াছে ।

ছুঃখই জগতে একমাত্র সকল পদার্থের মূল্য। মানুষ বাহা-কিছু নির্মাণ করিয়াছে, তাহা ছুঃখ দিয়াই করিয়াছে। ছুঃখ দিয়া বাহা না করিয়াছে, তাহার তাহা সম্পূর্ণ আপন হয় না।

সেইজন্য ত্যাগের দ্বারা, দানের দ্বারা, তপস্কার দ্বারা, ছুঃখের দ্বারা ই আমরা আপন আত্মাকে গভীররূপে লাভ করি— সুখের দ্বারা, আরামের দ্বারা নহে। ছুঃখ ছাড়া আর কোনো উপায়েই আপন শক্তিকে আমরা জানিতে পারি না। এবং আপন শক্তিকে যতই কম করিয়া জানি আত্মার গৌরবও তত কম করিয়া বুঝি, যথার্থ আনন্দও তত অগভীর হইয়া থাকে।

রামায়ণে কবি রানকে সীতাকে লক্ষণকে ভরতকে ছুঃখের দ্বারা ই মহিমাবিত করিয়া তুলিয়াছেন। রামায়ণের কাব্যরসে মানুষ যে আনন্দের মঙ্গলময় মূর্তি দেখিয়াছে, ছুঃখই তাহাকে ধারণ করিয়া আছে। মহাভারতেও সেইরূপ। মানুষের ইতিহাসে যত বীরত্ব, যত মহত্ব, সমস্তই ছুঃখের আসনে প্রতিষ্ঠিত। মাতৃস্নেহের মূল্য ছুঃখে, পাতিব্রতের মূল্য ছুঃখে, বীর্যের মূল্য ছুঃখে, পুণ্যের মূল্য ছুঃখে।

উপনিষৎ বলিয়াছেন— স তপোহতপ্যত স তপস্তপ্ত্বা সর্বমন্সজত যদিদং কিঞ্চ। তিনি তপ কবিলেন, তিনি তপ করিয়া এই বাহা-কিছু সমস্ত সৃষ্টি করিলেন। সেই তাঁহার তপই ছুঃখরূপে জগতে বিরাজ করিতেছে। আমরা অস্তুরে বাহিরে বাহা কিছু সৃষ্টি করিতে যাই সমস্তই তপ করিয়া করিতে হয়— আমাদের সমস্ত জন্মই বেদনার মধ্য দিয়া, সমস্ত লাভই ত্যাগের পথ বাহিয়া, সমস্ত অমৃতত্বই মৃত্যুর সোপান অতিক্রম করিয়া। ঈশ্বরের সৃষ্টির তপস্শাকে আমরা এমনি করিয়াই বহন করিতেছি। তাঁহারই তপের তাপ নব নব রূপে মানুষের অস্তুরে নব নব প্রকাশকে উন্মেষিত করিতেছে।

সেই তপস্শাই আনন্দের অঙ্গ। সেইজন্য আর-এক দিক দিয়া বলা

হইয়াছে— আনন্দাচ্ছ্যেব খন্ডিমানি ভূতানি জায়ন্তে। আনন্দ হইতেই এই ভূতসকল উৎপন্ন হইয়াছে। আনন্দ ব্যতীত সৃষ্টির এত বড়ো ছুঃখকে বহন করিবে কে। কোছেবাণ্ডাং কঃ প্রাণ্যাং যদেষ আকাশ আনন্দো ন শ্চাৎ। কৃষক চাষ করিয়া যে-ফসল ফলাইতেছে সেই ফসলে তাহার তপশ্চা যত বড়ো, তাহার আনন্দও ততখানি। সম্রাটের সাম্রাজ্য-রচনা তো বৃহৎ ছুঃখ এবং বৃহৎ আনন্দ, দেশভক্তের দেশকে প্রাণ দিয়া গড়িয়া তোলা পরম ছুঃখ এবং পরম আনন্দ— জ্ঞানীব জ্ঞানলাভ এবং প্রেমিকের প্রিয়সাধনাও তাই।

শক্তিতে ও ভক্তিতে যাহারা দুর্বল, তাহারা কেবল সুখস্বাচ্ছন্দ্য-শোভাসম্পদের মধ্যেই ঈশ্বরের আবির্ভাবকে সত্য বলিয়া অনুভব করিতে চায়। তাহারা বলে, ধনমানই ঈশ্বরের প্রসাদ, সৌন্দর্যই ঈশ্বরের মূর্তি, সংসারসুখের সফলতাই ঈশ্বরের আশীর্বাদ এবং তাহাই পুণ্যের পুরস্কার। ঈশ্বরের দয়াকে তাহারা বড়োই কোমলকান্ত রূপে দেখে। সেই-জন্মই এই-সকল দুর্বলচিত্ত সুখের পূজারিগণ ঈশ্বরের দয়াকে নিজের লোভের মোহের ও ভীকৃতার সহায় বলিয়া ক্ষুদ্র ও খণ্ডিত করিয়া জানে।

কিন্তু, হে ভীষণ, তোমার দয়াকে তোমার আনন্দকে কোথায় সীমাবদ্ধ করিব। কেবল সুখে, কেবল সম্পদে, কেবল জীবনে, কেবল নিরাপদ নিরাতঙ্কতায়? ছুঃখ বিপদ মৃত্যু ও ভয়কে তোমা হইতে পৃথক করিয়া তোমার বিরুদ্ধে দাঁড় করাইয়া জানিতে হইবে? তাহা নহে। হে পিতা, তুমিই ছুঃখ, তুমিই বিপদ; হে মাতা, তুমিই মৃত্যু, তুমিই ভয়। তুমিই ভয়ানাং ভয়ং, ভীষণং ভীষণানাং। তুমিই—

লেলিহসে প্রসমানঃ সমস্তাং লোকান্ সমগ্রান্ বদনৈর্ভগ্নিত্তিঃ ।

তেজোভিরাপূর্ষ জগৎ সমগ্রং ভাসন্তবোত্রাঃ প্রতপন্তি বিকোঃ ॥

সমগ্র লোককে তোমার জলৎ-বদনের দ্বারা গ্রাস করিতে করিতে লেহন করিতেছ— সমস্ত জগৎকে তেজের দ্বারা পরিপূর্ণ করিয়া হে বিষ্ণু, তোমার উগ্রজ্যোতি প্রতপ্ত হইতেছে ।

হে রুদ্র, তোমারই ছঃখরূপ, তোমারই মৃত্যুরূপ দেখিলে আমরা ছঃখ ও মৃত্যুর মোহ হইতে নিরুত্তি পাইয়া তোমাকে লাভ করি । হে প্রচণ্ড, আমি তোমার কাছে সেই শক্তি প্রার্থনা করি যাহাতে তোমার দয়াকে দুর্বলভাবে নিজের আরামের, নিজের ক্ষুদ্রতার উপযোগী করিয়া না কল্পনা করি— তোমাকে অসম্পূর্ণরূপে গ্রহণ করিয়া নিজেকে না প্রবক্ষিত কবি । তুমি-যে মানুষকে যুগে যুগে অসত্য হইতে সত্য, অন্ধকার হইতে জ্যোতিতে, মৃত্যু হইতে অমৃতে উদ্ধার করিতেছে— সেই-যে উদ্ধারের পথ সে তো আরামের পথ নহে, সে-যে পরম ছঃখেরই পথ । মানুষের অস্তুরাঙ্গা প্রার্থনা করিতেছে, আবিরামবীৰ্য এধি— হে আবিঃ, তুমি আমার নিকট আবিভূর্ত হও ; হে প্রকাশ, তুমি আমার কাছে প্রকাশিত হও । এ প্রকাশ তো সহজ নহে । এ-যে প্রাণান্তিক প্রকাশ । অসত্য-যে আপনাকে দন্ধ করিয়া তবেই সত্য উজ্জল হইয়া উঠে, অন্ধকার যে আপনাকে বিসর্জন করিয়া তবেই জ্যোতিতে পরিপূর্ণ হইয়া উঠে এবং মৃত্যু-যে আপনাকে বিদীর্ণ করিয়া তবেই অমৃতে উদ্ভিন্ন হইয়া উঠে । হে আবিঃ, মানুষের জ্ঞানে, মানুষের কর্মে, মানুষের সমাজে তোমার আবির্ভাব এইরূপেই । এই কারণে ঋষি তোমাকে বলিয়াছেন, রুদ্র, যন্তু দক্ষিণং মুখং তেন মাং পাহি নিত্যম্ । হে রুদ্র, তোমার যে প্রসন্ন মুখ তাহার দ্বারা আমাকে সর্বদা রক্ষা করো । হে রুদ্র, তোমার যে সেই রক্ষা, তাহা ভয় হইতে রক্ষা নহে, বিপদ হইতে রক্ষা নহে, মৃত্যু হইতে রক্ষা নহে— তাহা জড়তা হইতে রক্ষা, ব্যর্থতা হইতে রক্ষা, তোমার অপ্রকাশ হইতে রক্ষা । হে রুদ্র, তোমার প্রসন্নমুখ কখন দেখি । যখন আমরা ধনের বিলাসে লালিত, মানের মদে

মত্ত, খ্যাতির অহংকারে আত্মবিস্মৃত, যখন আমরা নিরাপদ অকর্মণ্যতার মধ্যে সুখসুপ্ত, তখন ? নহে নহে, কদাচ নহে। যখন আমরা অজ্ঞানের বিরুদ্ধে অজ্ঞানের বিরুদ্ধে দাঁড়াই, যখন আমরা ভয়ে ভাবনার সত্যকে লেশমাত্র অস্বীকার না করি, যখন আমরা হুসুহ ও অপ্রিয় কর্মকেও গ্রহণ করিতে কুণ্ঠিত না হই, যখন আমরা কোনো সুবিধা কোনো শাসনকেই তোমার চেয়ে বড়ো বলিয়া মান্ত না করি— তখনই বাধায় বন্ধনে আঘাতে অপমানে দারিদ্র্যে দুর্যোগে, হে রুদ্র, তোমার প্রসন্ন মুখের জ্যোতি জীবনকে মহিমান্বিত করিয়া তোলে। তখন হুঃখ এবং মৃত্যু, বিয় এবং বিপদ প্রবল সংঘাতের দ্বারা তোমার প্রচণ্ড আনন্দভেরী ধ্বনিত করিয়া আমাদের সমস্ত চিন্তকে জাগরিত করিয়া দেয়। নতুবা সুখে আমাদের সুখ নাই, ধনে আমাদের মঙ্গল নাই, আলস্যে আমাদের বিশ্রাম নাই। হে ভয়ংকর, হে প্রলয়ংকর, হে শংকর, হে ময়ঙ্কর, হে পিতা, হে বহু, অস্তঃ-করণের সমস্ত জাগ্রত শক্তির দ্বারা, উদ্ধত চেষ্টার দ্বারা, অপরাঙ্কিত চিন্তের দ্বারা, তোমাকে ভয়ে হুঃখে মৃত্যুতে সম্পূর্ণভাবে গ্রহণ করিব— কিছুতেই কুণ্ঠিত অভিজুত হইব না, এই ক্ষমতা আমাদের মধ্যে উত্তরোত্তর বিকাশ লাভ করিতে থাকুক, এই আশীর্বাদ করো। যে-ব্যক্তি ও যে-জাতি আপন শক্তি ও ধনসম্পদকেই জগতের সর্বাপেক্ষা শ্রেয় বলিয়া অন্ধ হইয়া উঠিয়াছে, তাহাকে প্রলয়ের মধ্যে যখন একমুহূর্তে জাগাইয়া তুলিবে তখন, হে রুদ্র, সেই উদ্ধত ঐশ্বর্যের বিদীর্ণ প্রাচীর ভেদ করিয়া তোমার যে-জ্যোতি বিকীর্ণ হইবে তাহাকে আমরা যেন সৌভাগ্য বলিয়া জানিতে পারি— এবং যে-ব্যক্তি ও যে-জাতি আপন শক্তি ও সম্পদকে একেবারেই অবিশ্বাস করিয়া জড়তা দৈন্ত ও অপমানের মধ্যে নির্জীব অসাড় হইয়া পড়িয়া আছে, তাহাকে যখন হুঃভীক ও মারী ও প্রবলের অবিচার আঘাতের পর আঘাতে অস্থিমজ্জায় কম্পান্বিত করিয়া তুলিবে তখন তোমার সেই হুঃসহ হৃদিনকে আমরা যেন সমস্ত জীবন

সমর্পণ করিয়া সম্মান করি— এবং তোমার সেই ভীষণ আবির্ভাবেরও সম্মুখে দাঁড়াইয়া যেন বলিতে পারি :

আবিরাবীম' এধি রুদ্র বন্তে দক্ষিণং মুখং তেন মাং পাহি নিতাম্ ।

দারিদ্র্য ভিক্ষুক না করিয়া যেন আমাদেরকে দুর্গম পথের পথিক করে, এবং দুর্ভিক্ষ ও মারী আমাদেরকে মৃত্যুর মধ্যে নিমজ্জিত না করিয়া সচেত্নতর জীবনের দিকে আকর্ষণ করে । ছঃখ আমাদের শক্তির কারণ হউক, শোক আমাদের যুক্তির কারণ হউক এবং লোকভয় রাজভয় ও মৃত্যুভয় আমাদের জয়ের কারণ হউক । বিপদের কঠোর পরীক্ষায় আমাদের মনুষ্যত্বকে সম্পূর্ণ সপ্রমাণ করিলে তবেই, হে রুদ্র, তোমার দক্ষিণমুখ আমাদের পরিভ্রাণ করিবে ; নতুনা অশক্তের প্রতি অনুগ্রহ, অলসের প্রতি প্রশ্রয়, ভীকুর প্রতি দয়া, কদাচই তাহা করিবে না— কারণ, সেই দয়াই দুর্গতি, সেই দয়াই অবমাননা ; এবং হে মহারাজ, সে দয়া তোমার দয়া নহে ।

ফাল্গুন, ১৩:৬

শ্রাবণসন্ধ্যা

আজ শ্রাবণ অশ্রাবণ ধারাবর্ষণে জগতে আর-যত-কিছু কথা আছে সমস্তকেই ডুবিয়ে ভাসিয়ে দিয়েছে ; মাঠের মধ্যে অন্ধকার আজ নিবিড়— এবং যে কখনো একটি কথা কহিতে জানে না সেই মুক আজ কথায় ভরে উঠেছে ।

অন্ধকারকে ঠিকমতো তার উপযুক্ত ভাষায় যদি কেউ কথা কওয়াতে পারে তবে সে এই শ্রাবণের ধাবাপতনধ্বনি । অন্ধকারের নিঃশব্দতার উপরে এই ঝরঝর কলশব্দ যেন পর্দার উপরে পর্দা টেনে দেয়, তাকে আরো গভীর ক'রে ধনিয়ে তোলে, বিশ্বজগতের নিজাকে নিবিড় করে আনে । (বৃষ্টিপতনের এই অবিরাম শব্দ, এ যেন শব্দের অন্ধকার)

আজ এই কর্মহীন সন্ধ্যাবেলাকার অন্ধকার তার সেই জপেব মন্ত্রটিকে খুঁজে পেয়েছে । বারবার তাকে ধ্বনিত করে তুলছে— শিশু তার নূতন-শেখা কথাটিকে নিয়ে যেমন অকারণে অপ্রয়োজনে ফিবে ফিবে উচ্চারণ করতে থাকে, সেই বকম— তাব শ্রাস্তি নেই, শেষ নেই, তার আর বৈচিত্র্য নেই ।

আজ বোবা সন্ধ্যাপ্রকৃতির এই যে হঠাৎ কণ্ঠ খুলে গিয়েছে এবং আশ্চর্য হয়ে শুরু হয়ে সে যেন ক্রমাগত নিজের কথা নিজের কানেই শুনেছে, আমাদের মনেও এর একটা সাড়া জেগে উঠেছে, সেও কিছু-একটা বলতে চাচ্ছে । ঐরকম খুব বড়ো করেই বলতে চায়, ঐরকম জল স্থল আকাশ একেবারে ভরে দিয়েই বলতে চায়— কিন্তু

সে তো কথা দিয়ে হবার জো নেই, তাই সে একটা সুরকে খুঁজছে। জলের কল্লোলে, বনের মর্মরে, বসন্তের উচ্ছ্বাসে, শরতের আলোকে, বিশাল প্রকৃতির যা-কিছু কথা সে তো স্পষ্ট কথার নয়— সে কেবল আভাসে ইঙ্গিতে, কেবল ছবিতে গানে। এইজন্তে (প্রকৃতি যখন আলাপ করতে থাকে তখন সে আমাদের মুখের কথাকে নিরস্ত করে দেয়, আমাদের প্রাণের ভিতরে অনির্বচনীয়ের আশ্রয়-ভরা গানকেই জাগিয়ে তোলে।)

কথা জিনিগটা মানুষেরই, আর গানটা প্রকৃতির। (কথা স্পষ্ট এবং বিশেষ প্রয়োজনের দ্বারা সীমাবদ্ধ; আর গান অস্পষ্ট এবং সীমাহীনের ব্যাকুলতায় উৎকণ্ঠিত। সেইজন্তে কথার মানুষ মনুষ্য-লোকের এবং গানে মানুষ বিশ্বপ্রকৃতির সঙ্গে মেলে। এইজন্তে কথার সঙ্গে মানুষ যখন সুরকে জুড়ে দেয় তখন সেই কথা আপনার অর্থকে আপনি ছাড়িয়ে গিয়ে ব্যাপ্ত হয়ে যায়— সেই সুরে মানুষের স্নগন্ধকে সমস্ত আকাশের জিনিস করে তোলে, তার বেদনা প্রভাত-সন্ধ্যার দিগন্তে আপনার রঙ মিলিয়ে দেয়, জগতের বিরাট অবাকের সঙ্গে যুক্ত হয়ে একটি বৃহৎ অপরূপতা লাভ করে, মানুষের সংসারের প্রাত্যহিক সুপরিচিত সংকীর্ণতার সঙ্গে তার ঐকান্তিক ঐক্য আর থাকে না।)

তাই নিজের প্রতিদিনের ভাষার সঙ্গে প্রকৃতির চিরদিনের ভাষাকে মিলিয়ে নেবার জন্তে মানুষের মন প্রথম থেকেই চেষ্টা করছে। (প্রকৃতি হতে রঙ এবং রেখা নিয়ে নিজের চিন্তাকে মানুষ ছবি করে তুলছে, প্রকৃতি হতে সুর এবং ছন্দ নিয়ে নিজের ভাবকে মানুষ কাব্য করে তুলছে।) এই উপায়ে চিন্তা অচিন্ত্যনীর দিকে ধাবিত হয়, ভাব অভাবনীর মধ্যে এসে প্রবেশ করে। এই উপায়ে মানুষের মনের জিনিসগুলি বিশেষ প্রয়োজনের সংকোচ এবং নিত্যব্যবহারের মলিনতা

যুটিয়ে দিয়ে চিরন্তনের সঙ্গে যুক্ত হয়ে এমন সরস নবীন এবং মহৎ মূর্তিতে দেখা দেয়।

আজ এই ঘন বর্ষার সন্ধ্যায় প্রকৃতির শ্রাবণ-অঙ্ককারের ভাষা আমাদের ভাষার সঙ্গে মিলতে চাচ্ছে। অব্যক্ত আজ ব্যক্তের সঙ্গে লীলা করবে বলে আমাদের দ্বারে এসে আঘাত করছে। আজ যুক্তিতর্ক ব্যাখ্যাবিচ্ছেদ খাটবে না। আজ গান ছাড়া আর-কোনো কথা নেই।

তাই আমি বলছি, আমার কথা আজ থাক। সংসারের কাজকমে সীমাকে, মনুষ্যালোকালয়ের বেড়াকে একটুখানি সরিয়ে দাও; আজ এই আকাশভরা শ্রাবণের ধারাবর্ষণকে অব্যাহত অস্তরের মধ্যে আহ্বান করে নাও।

প্রকৃতির সঙ্গে মানুষের অস্তরের সম্বন্ধটি বড়ো বিচিত্র। বাহিরে তার কর্মক্ষেত্রে প্রকৃতি একরকমের, আবার আমাদের অস্তরের মধ্যে তার আর-এক মূর্তি।)

একটা দৃষ্টান্ত দেখো— গাছের ফুল। তাকে দেখতে যতই শৌখিন হোক, সে নিতান্তই কাছের দারে এসেছে। তার সাজসজ্জা সমস্তই আপিসের সাজ। যেমন করে হোক তাকে ফল ফলাতেই হবে, নইলে তরুৎশ পৃথিবীতে টিংকবে না, সমস্ত মরুভূমি হয়ে যাবে। এইজন্মেই তার রঙ, এইজন্মেই তার গন্ধ। মৌমাছির পদরেণুপাতে যেমনি তার পুষ্পজন্ম সফলতালান্তের উপক্রম করে, অমনি সে আপনার রঙিন পাতা খসিয়ে ফেলে, আপনার মধুগন্ধ নির্মমভাবে বিসর্জন দেয়; তার শৌখিনতার সময়মাত্র নেই, সে অত্যন্ত ব্যস্ত। প্রকৃতির বাহির-বাড়িতে কাছের কথা ছাড়া আর অন্য কথা নেই। সেখানে কুড়ি ফলের দিকে, ফুল ফলের দিকে, ফল বীজের দিকে, বীজ গাছের দিকে হন্থন্থ করে ছুটে চলেছে— যেখানে একটু বাধা পায় সেখানে আর মাপ

নেই, সেখানে কোনো কৈফিয়ত কেউ গ্রাহ্য করে না, সেখানেই তার কপালে ছাপ পড়ে যার 'নামধুর', তখনি বিনা বিলম্বে খসে ঝরে শুকিয়ে সরে পড়তে হয়। প্রকৃতির প্রকাণ্ড আপিসে অগণ্য বিভাগ, অসংখ্য কাজ। সুকুমার ঐ ফুলটিকে যে দেখে, অত্যন্ত বাবুর মতো গায়ে গন্ধ মেখে রঙিন পোশাক পরে এসেছে, সেও সেখানে রৌদ্রে জলে মজুরি করবার জন্য এসেছে, তাকে তার প্রতি মুহূর্তের হিসাব দিতে হয়— বিনা কারণে গায়ে হাওয়া লাগিয়ে-যে একটু দোলা খাটবে; এমন এক পলকও তার সময় নেই।

কিন্তু, এই ফুলটিই মানুষের অন্তরের মধ্যে যখন প্রবেশ করে তখন তার কিছুমাত্র তাড়া নেই, তখন সে পরিপূর্ণ অবকাশ মূর্তিমান। (এই একই জিনিস বাইরে প্রকৃতির মধ্যে কাজের অবতার, মানুষের অন্তরের মধ্যে শান্তি ও সৌন্দর্যের পূর্ণ প্রকাশ।)

তখন বিজ্ঞান আমাদের বলে, তুমি ভুল বুঝছ— বিশ্বত্রাসাণ্ডে ফুলের একমাত্র উদ্দেশ্য কাজ করা (তার সঙ্গে সৌন্দর্য-মাধুর্যের যে অহেতুব সম্বন্ধ তুমি পাতিয়ে বসেছ, সে তোমার নিজের পাতানো।)

আমাদের হৃদয় উত্তর করে, কিছুমাত্র ভুল বুঝি নি। ঐ ফুলটি কাজের পরিচয়পত্র নিয়ে প্রকৃতির মধ্যে প্রবেশ করে, আর সৌন্দর্যের পরিচয়পত্র নিয়ে আমার দ্বারে এসে আঘাত করে; (এক দিকে আসে বন্দীর মতো, আর-এক দিকে আসে মুক্ত স্বরূপে— এর একটা পরিচয় যে সত্য আর অন্যটা সত্য নয়, এ কথা কেমন করে মানব) (ঐ ফুলটি গাছপালার মধ্যে অনবচ্ছিন্ন কার্যকারণমূর্ত্তে ফুটে উঠেছে, এ কথাটাও সত্য কিন্তু সে তো বাহিরের সত্য; আর অন্তরের সত্য হচ্ছে— আনন্দাচ্ছ্যবৎস্থিমানি ভূতানি জায়ন্তে।)

ফুল মধুকরকে বলে, 'তোমার ও আমার প্রয়োজনের ক্ষেত্রে তোমাকে আহ্বান করে আনব বলে আমি তোমার জন্যেই সজ্জাছি।' আবা

মানুষের মনকে বলে, 'আমাদের ক্ষেত্রে তোমাকে আহ্বান ক'রে
'আমব ব'লে আমি তোমার জন্তেই সেজেছি।' মধুকর ফুলের কথা
সম্পূর্ণ বিশ্বাস ক'রে কিছুমাত্র ঠকেনি; আর মানুষের মনও যখন বিশ্বাস
ক'রে তাকে ধরা দেয় তখন দেখতে পায়, ফুল তাকে মিথ্যা বলে নি।

(ফুল যে কেবল বনের মধ্যেই কাজ করছে তা নয়, মানুষের মনের
মধ্যেও তার যেটুকু কাজ তা সে বরাবর করে আসছে।)

আমাদের কাছে তার কাজটা কী। (প্রকৃতির দরজায় যে-ফুলকে
যথা-ঋতুতে যথাসময়ে মধুরের মতো হাজারি দিতে হয়, আমাদের
হৃদয়ের দ্বারে সে রাজদূতের মতো উপস্থিত হয়ে থাকে।)

সীতা যখন রাবণের ঘরে একা বসে কাঁদছিলেন তখন একদিন যে
দূত তাঁর কাছে এসে উপস্থিত হয়েছিল, সে রামচন্দ্রের আংটি সঙ্গে করে
এনেছিল। এই আংটি দেখেই সীতা তখনি বুঝতে পেরেছিলেন, এই
দূতই তাঁর প্রিয়তমের কাছ থেকে এসেছে; তখনই তিনি বুঝলেন,
রামচন্দ্র তাঁকে ভোলেনি, তাঁকে উদ্ধার করে নেবেন বলেই তাঁর
কাছে এসেছেন।

ফুলও আমাদের কাছে সেই প্রিয়তমের দূত হয়ে আসে। (সংসারের
সোনার লঙ্কার রাজভোগের মধ্যে আমরা নির্বাসিত হয়ে আছি, রাক্ষস
আমাদের কেবলই বলেছে, 'আমিই তোমার পতি, আমাকেই ভজনা করো।')

কিন্তু সংসারের পারের খবর নিয়ে আসে ঐ ফুল। সে চুপিচুপি
আমাদের কানে এসে বলে, 'আমি এসেছি, আমাকে তিনি পাঠিয়েছেন।
আমি সেই সুন্দরের দূত, আমি সেই আনন্দময়ের খবর নিয়ে এসেছি।
এই বিচ্ছিন্নতার দ্বীপের সঙ্গে তাঁর সেতু বাধা হয়ে গেছে, তিনি
তোমাকে এক মুহূর্তের জন্তে ভোলেনি, তিনি তোমাকে উদ্ধার
করবেন। তিনি তোমাকে টেনে নিয়ে আপন করে নেবেন। মোহ
তোমাকে এমন করে চিরদিন বেঁধে রাখতে পারবে না।'

যদি তখন আমরা জেগে থাকি তো তাকে বলি, 'তুমি যে তাঁর হৃৎ
তা আমরা জানব কী করে।' সে বলে, 'এই দেখো আমি সেই স্তম্ভের
আংটি নিয়ে এসেছি। এর কেমন রঙ, এর কেমন শোভা।'

তাই-তো বটে। এ যে তাঁরই আংটি, মিলনের আংটি। আর-
সমস্ত ভুলিয়ে তখনি সেই আনন্দময়ের আনন্দস্পর্শ আমাদের চিত্তকে
ব্যাকুল করে তোলে। তখনি আমরা বুঝতে পারি, এই সোনার
লঙ্কাপুরীই আমার সব নয়—এর বাইরে আমার মুক্তি আছে—সেইখানে
আমার প্রেমের সাফল্য, আমার জীবনের চরিতার্থতা।

প্রকৃতির মধ্যে মধুকরের কাছে যা কেবলমাত্র রঙ, কেবলমাত্র গন্ধ,
কেবলমাত্র ক্ষুধানিবৃত্তির পথ চেনবার উপায়চিহ্ন—মানুষের হৃদয়ের
কাছে তাই সৌন্দর্য, তাই বিনা-প্রয়োজনের আনন্দ। (মানুষের মনের
মধ্যে সে রঙিন কালিতে লেখা প্রেমের চিঠি নিয়ে আসে।)

তাই বলছিলাম, বাইরে প্রকৃতি যতই ভয়ানক ব্যস্ত, যতই একান্ত
কেজো হোক-না, আমাদের হৃদয়ের মধ্যে তার একটি বিনা-কাজের
যাতায়াত আছে। (সেখানে তার কামরশালার আগুন আমাদের
উৎসবের দীপমালা হয়ে দেখা দেয়, তার কারখানাঘরের কলশব্দ সংগীত
হয়ে ধ্বনিত হয়।) বাইরে প্রকৃতির কার্যকারণের লোহার শৃঙ্খল বম্বাম্
করে, অন্তরে তার আনন্দের অহেতুকতা সোনার তারে বীণাধ্বনি
বাজিয়ে তোলে।

(আমার কাছে এইটেই বড়ো আশ্চর্য ঠেকে— একই কালে প্রকৃতির
এই দুই চেহারা, বন্ধন এবং মুক্তির; একই রূপ-রস-শব্দ-গন্ধের মধ্যে
এই দুই স্তব, প্রয়োজনের এবং আনন্দের) বাহিরের দিকে তার
চঞ্চলতা, অন্তরের দিকে তার শান্তি; একই সময়ে এক দিকে তার
কর্ম, আর-এক দিকে তার ছুটি; (বাহিরের দিকে তার তট, অন্তরের দিকে
তার সমুদ্র।

এই-বে এই মুহূর্তেই শ্রাবণের ধারাপতনে সন্ধ্যার আকাশ মুখরিত হয়ে উঠেছে, এ আমাদের কাছে তার সমস্ত কাজের কথা গোপন করে গেছে। প্রত্যেক দ্বাসটির এবং গাছের প্রত্যেক পাতাটির অরণ্যনের ব্যবস্থা করে দেবার অস্ত সে যে অত্যন্ত ব্যস্ত হয়ে আছে, এই অন্ধকার সত্য আমাদের কাছে এ কথাটির কোনো আভাসমাত্র সে দিচ্ছে না। আমাদের অস্তরের সন্ধ্যাকাশেও এই শ্রাবণ অত্যন্ত ঘন হয়ে নেমেছে, কিন্তু সেখানে তার অপিসের বেশ নেই— সেখানে কেবল গানের আসর জমাতে, কেবল লীলার আয়োজন করতে তার আগমন।) সেখানে সে কবির দরবারে উপস্থিত। তাই কণে কণে মেঘমল্লারের সুরে কেবলই করুণ গান জেগে উঠেছে—

তিমির দিগন্তরি ঘোর বাবিনো,

অধির বিজুরিক পাতিরা।

বিভাপতি কহে, কৈসে গোড়ারবি

হরি বিনে দিনরাত্রি।

প্রহরের পর প্রহর ধরে এই বার্তাই সে জানাচ্ছে, ওরে, তুই যে বিরহিণী— তুই বেঁচে আছিস কী করে, তোরা দিনরাত্রি কেমন করে কাটছে।

সেই চিরদিনরাত্রির হরিকেই চাই, নইলে দিনরাত্রি অনাথ। সমস্ত আকাশকে কাঁদিয়ে তুলে এই কথাটা আজ আর নিঃশেষ হতে চাচ্ছে না।

আমরা যে তাঁরই বিরহে এমন করে কাটাচ্ছি, এ খবরটা আমাদের নিতান্তই জানা চাই। কেননা, বিরহ মিলনেরই অঙ্গ। ধোঁয়া যেমন আগুনজ্বলার আরম্ভ, বিরহও তেমনি মিলনের আরম্ভ-উচ্ছ্বাস।

ধবর আমাদের দেয় কে। ঐ যে তোমার বিজ্ঞান র্যাদের মনে করছে তারা প্রকৃতির কারাগারের কয়েদি, যারা পায়ে শিকল দিয়ে

একজনের সঙ্গে আর-একজন বাধা থেকে দিনরাত্রি কেবল, বোবার মতো কাজ করে যাচ্ছে— তারাই। যেই তাদের শিকলের শব্দ আমাদের হৃদয়ে ভিতরে গিয়ে প্রবেশ কবে অমনি দেখতে পাই, এ-যে বিরহের বেদনাগান, এ-যে মিলনের আহ্বানসংগীত। যে-সব খবরকে কোনো ভাষা দিয়ে বলা যায় না, সে-সব খবরকে এবাই তো চুপিচুপি বলে যায়— এবং মানুষ কবি সেইসব খবরকেই গানের মধ্যে কতকটা কথার কতকটা সুরে বেঁধে গাইতে থাকে—

ভরা বাঘর, মাহ ভাদর,

শুভ মন্দির মোর।

(আজ কেবলই মনে হচ্ছে, এই-যে বর্ষা, এ-তো এক সঙ্ক্যাব বর্ষা নয়, এ যেন আমার সমস্ত জীবনের অবিরল শ্রাবণধারা।) যতদূর চেয়ে দেখি, আমার সমস্ত জীবনের উপরে সঙ্গীহীন বিবহসঙ্ক্যার নিবিড় অন্ধকার— তাবই দিগ্দিগন্তকে ঘিরে অশ্রান্ত শ্রাবণের বর্ষণে প্রহরের পর প্রহর কেটে যাচ্ছে; আমার সমস্ত আকাশ ঝঝঝ করে বলছে— কৈস গোড়াঘনি হরি বিনে দিনবাতিয়া।) তবু এই অন্ধকারে, এই শ্রাবণের বুকে মধ্য একটি নিবিড় বস অত্যন্ত গোপনে ভবা বসছে; একটি কোন্ বিকশিত বনের সজল গন্ধ আসছে, এমন একটি অনির্বচনীয় মাধুর্য যা যখনি প্রাণকে ব্যথায় কাঁদিয়ে তুলছে তখনি সেই বিদীর্ণ ব্যথার ভিতর থেকে অশ্রুসিক্ত আনন্দকে টেনে বের করে নিয়ে আসছে।

বিবহসঙ্ক্যাব অন্ধকারকে যদি শুধু এই বলে কাঁদতে হ'ত যে, কেমন ক'বে তোব দিনরাত্রি কাটবে— তাহলে সমস্ত বস শুকিয়ে যেত এবং আশাব অঙ্কুর পর্যন্ত বাঁচত না; কিন্তু শুধু কেমন ক'বে কাটবে নয় তো, কেমন ক'বে কাটবে হরি বিনে দিনবাতিয়া— সেইজন্যে 'হরি বিনে' কথাটাকে ঘিরে ঘিরে এত অবিরল অন্ধ

বর্ষণ । (চিরদিনরাত্রি থাকে নিরে কেটে যাবে, এমন একটি চিরজীবনের
 ধন কেউ আছে— তাকে না পেয়েছি না-ই পেয়েছি, তবু সে আছে, সে
 আছে— বিরহের সমস্ত বন্ধ ভরে দিয়ে সে আছে— সেই হরি বিনে
 কৈসে গোড়ায়বি দিনরাতিয়া । এই জীবনব্যাপী বিরহের যেখানে আরম্ভ
সেখানে যিনি, যেখানে অবসান সেখানে যিনি, এবং তারই মাঝখানে
গভীরভাবে প্রচ্ছন্ন থেকে যিনি করুণ সুরের বাঁশি বাজাচ্ছেন, সেই হরি
 বিনে কৈসে গোড়ায়বি দিনরাতিয়া ।

শ্রাবণ, ১৩১৭

পাপের মার্জনা

আমাদের প্রার্থনা সকল সময় সত্য হয় না, অনেক সময়ে মুখের কথা হয়— কারণ, চারিদিকে অসত্যের দ্বারা পরিবৃত্ত হয়ে থাকি বলে আমাদের বাণীতে সত্যের তেজ পৌছয় না। কিন্তু ইতিহাসের মধ্যে, জীবনের মধ্যে এমন এক-একটি দিন আসে, যখন সমস্ত মিথ্যা এক-মুহূর্তে দগ্ধ হয়ে গিয়ে এমনই একটি আলোক জেগে ওঠে যার সামনে সত্যকে অস্বীকার করবার উপায় থাকে না। তখন এই কথাটি বারবার জাগ্রত হয়— বিশ্বানি দেব সবিতহুরিতানি পরাস্বব। হে দেব, হে পিতা, বিশ্বপাপ মার্জনা করো।

আমরা তাঁর কাছে এ প্রার্থনা করতে পারি না— আমাদের পাপ ক্ষমা করো; কারণ তিনি ক্ষমা করেন না, সহ্য করেন না। তাঁর কাছে এই প্রার্থনাই সত্য প্রার্থনা— তুমি মার্জনা করো। যেখানে যত-কিছু পাপ আছে, অকল্যাণ আছে, বারম্বার রক্তশ্রোতের দ্বারা, অগ্নিবৃষ্টির দ্বারা সেখানে তিনি মার্জনা করেন। যে-প্রার্থনা ক্ষমা চায় সে দুর্বলের ভীকর প্রার্থনা, সে প্রার্থনা তাঁর দ্বারে গিয়ে পৌছবে না।

আজ এই যে যুদ্ধের আগুন জ্বলেছে, এর ভিতরে সমস্ত মানুষের প্রার্থনাই কেঁদে উঠেছে— বিশ্বানি হুরিতানি পরাস্বব— বিশ্বপাপ মার্জনা করো। আজ যে-রক্তশ্রোত প্রবাহিত হয়েছে সে যেন ব্যর্থ না হয়, রক্তের বন্যায় যেন পুঞ্জীভূত পাপ ভাসিয়ে নিয়ে যায়। যখন পৃথিবীর পাপ স্তূপাকার হয়ে উঠে, তখনি তো তাঁর মার্জনার দিন আসে।

আজ সমস্ত পৃথিবী জুড়ে যে দহনযজ্ঞ হচ্ছে, তার রক্ত আলোকে এই প্রার্থনা সত্য হোক— বিশ্বানি ছুরিতানি পরানুব। আমাদের প্রত্যেকের জীবনের মধ্যে আজ এই প্রার্থনা সত্য হয়ে উঠুক।

আমরা প্রতিদিন সংবাদপত্রে টেলিগ্রাফে যে একটু-আধটু খবর পাই, তার পশ্চাতে কী অসহ্য সব ছুঃখ রয়েছে, আমরা কি তা চিন্তা করে দেখি। যে-হানাহানি হচ্ছে তার সমস্ত বেদনা কোন্‌খানে গিয়ে লাগছে। ভেবে দেখো, কত পিতামাতা তাদের একমাত্র ধনকে হারাচ্ছে, কত স্ত্রী স্বামীকে হারাচ্ছে, কত ভাই ভাইকে হারাচ্ছে। এইজন্যই তো পাপের আঘাত এত নির্ভর; কারণ যেখানে বেদনাবোধ সবচেয়ে বেশি, সেখানে প্রীতি সবচেয়ে গভীর, পাপের আঘাত সেই-খানেই-যে গিয়ে বাজে। যার হৃদয় কঠিন, সে তো বেদনা অনুভব করে না। কারণ, সে যদি বেদনা পেত, তবে পাপ এমন নিদারুণ হতেই পারত না। যার হৃদয় কোমল, যার প্রেম গভীর, তাকেই সমস্ত বেদনা বহিতে হবে। এইজন্য যুদ্ধক্ষেত্রে বীরের রক্তপাত কঠিন নয়, রাজনৈতিকদের ছশিষ্ঠা কঠিন নয়, কিন্তু ঘরের কোণে যে-রমণী অশ্রুবিসর্জন করছে তারই আঘাত সবচেয়ে কঠিন।

সেইজন্য এক-একসময় মন এই কথা জিজ্ঞাসা করে— যেখানে পাপ সেখানে কেন শাস্তি হয় না। সমস্ত বিশ্বে কেন পাপের বেদনা কম্পিত হয়ে ওঠে। কিন্তু, এই কথা জেনো যে, মানুষের মধ্যে কোনো বিচ্ছেদ নেই— সমস্ত মানুষ-যে এক। সেইজন্য পিতার পাপ পুত্রকে বহন করতে হয়, বন্ধুর পাপের জন্ত বন্ধুকে প্রায়শ্চিত্ত করতে হয়, প্রবলের উৎপীড়ন দুর্বলকে সহ্য করতে হয়। মানুষের সমাজে একজনের পাপের ফলভাগ সকলকেই ভাগ করে নিতে হয়, কারণ অতীতে ভবিষ্যতে দূরে দূরান্তে হৃদয়ে হৃদয়ে মানুষ-যে পরস্পরে গাঁথা হয়ে আছে।

মানুষের এই ঐক্যবোধের মধ্যে যে-গৌরব আছে তাকে ভুললে

চলবে না। এইজন্যই আমাদের সকলকে দুঃখভোগ করবার অন্ত প্রস্তুত হতে হবে। তা না হলে প্রায়শ্চিত্ত হয় না—সমস্ত মানুষের পাপের প্রায়শ্চিত্ত সকলকেই করতে হবে। যে-হৃদয় প্রীতিতে কোমল, দুঃখের আগুন তাকেই আগে দগ্ধ করবে। তার চক্ষে নিজা থাকবে না। সে চেয়ে দেখবে, দুর্ধোগের রাত্রে দূর দিগন্তে মশাল জ্বলে উঠেছে, বেদনার মেদিনী কল্পিত করে রুদ্ধ আসছেন—সেই বেদনার আঘাতে তার হৃদয়ের সমস্ত নাড়ী ছিন্ন হয়ে যাবে। যার চিন্ততন্ত্রীতে আঘাত করলে সবচেয়ে বেশি বাজে, পৃথিবীর সমস্ত বেদনা তাকেই সবচেয়ে বেশি ক'রে নাজবে।

তাই বলছি যে, সমস্ত মানুষের সুখদুঃখকে এক করে যে-একটি পরম বেদনা, পরম প্রেম আছেন, তিনি যদি শূন্য কথা-কথা মাত্র হতেন, তবে বেদনার এই গতি কখনোই এমন বেগবান হতে পারত না। ধনীদরিদ্র, জ্ঞানী-অজ্ঞানী, সকলকে নিয়ে সেই এক পরম প্রেম চিরজাগ্রত আছেন বলেই এক জায়গার বেদনা সকল জায়গায় কেঁপে উঠেছে। এই কথাটি আজ বিশেষভাবে অনুভব করো।

তাই এ কথা আজ বলবার কথা নয় যে, অন্যের কর্মের ফল আমি কেন ভোগ করব। হ্যাঁ, আমিই ভোগ করব, আমি নিজে একাকী ভোগ করব, এই কথা বলে প্রস্তুত হও। নিজের জীবনকে শুচি করো, তপস্বী করো, দুঃখকে গ্রহণ করো। তোমাকে-যে নিজের পাপের সঙ্গে ভীষণ যুদ্ধ করতে হবে, নিজের রক্তপাত করতে হবে, দুঃখে দগ্ধ হয়ে হয়তো মরতে হবে। কারণ, তোমার নিজের জীবনকে যদি পরিপূর্ণরূপে উৎসর্গ না কর তবে পৃথিবীর জীবনের ধারা নির্মল থাকবে কেমন করে, প্রাণবান হয়ে উঠবে কেমন করে। ওরে তপস্বী, তপস্বায় প্রস্তুত হতে হবে, সমস্ত জীবনকে আহুতি দিতে হবে, তবেই যদুভদ্র তৎ—যা ভদ্র তাই আসবে। ওরে তপস্বী, দুঃসহ হৃদয় দুঃখভারে

তোমার হৃদয় একেবারে নত হয়ে থাক, তাঁর চরণে গিয়ে পৌঁছোক।
নমস্তেহস্ত। বলো, পিতা তুমি-যে আছ সে-কথা এমনি আঘাতের
মধ্য দিয়ে প্রচার করো। তোমার প্রেম নিষ্ঠুর; সেই নিষ্ঠুর প্রেম
তোমার জাগ্রত হয়ে সব অপরাধ দলন করুক। পিতা নো বোধি—
আজই তো সেই উদ্‌বোধনের দিন। আজ পৃথিবীর প্রলয়দাহের রুদ্ধ
আলোকে, পিতা, তুমি দাঁড়িয়ে আছ। প্রলয়হাহাকারের উর্ধ্বে
স্তূপাকার পাপকে দগ্ধ কবে সেই দহনদীপ্তিতে তুমি প্রকাশ পাচ্ছ,
তুমি জেগে রয়েছ। তুমি আজ ঘুমতে দেবে না; তুমি আঘাত করছ
প্রত্যেকের জীবনে কঠিন আঘাত। যেখানে প্রেম আছে জাগ্রত,
যেখানে কল্যাণের বোধ আছে জাগ্রত; সকলে আজ তোমার বোধে
উদ্‌বোধিত হয়ে উঠুক। এই এক প্রচণ্ড আঘাতের দ্বারা তুমি সকল
আঘাতকে নিরস্ত করো। সমস্ত বিশ্বের পাপ হৃদয়ে হৃদয়ে ঘরে ঘরে
দেশে দেশে পুঞ্জীভূত; তুমি আজ সেই পাপ মার্জনা করো। হুঃখের
দ্বারা মার্জনা করো, রক্তস্রোতের দ্বারা মার্জনা করো, অগ্নিবৃষ্টির দ্বারা
মার্জনা করো।

এই প্রার্থনা, সমস্ত মানবচিত্তের এই প্রার্থনা আজ আমাদের
প্রত্যেকের হৃদয়ে জাগ্রত হোক। বিশ্বানি ছুদিতানি পরাস্যুদ। বিশ্বপাপ
মার্জনা করো। এই প্রার্থনাকে সত্য করতে হবে, স্মৃতি হতে হবে,
সমস্ত হৃদয়কে মার্জনা করতে হবে। আজ সেই তপস্শ্রাব আসনে, পূজার
আসনে উপবিষ্ট হও। যে-পিতা সমস্ত মানবসত্ত্বানের হুঃখ গ্রহণ
করছেন, যার বেদনার অস্ত নেই, প্রেমের অস্ত নেই, যার প্রেমের বেদনা
উদ্‌বেল হয়ে উঠেছে, তাঁর সম্মুখে উপবিষ্ট হয়ে সেই তাঁর প্রেমের
বেদনাকে আমরা সকলে মিলে গ্রহণ করি।

যুরোপযাত্রী

২২ আগস্ট, ১৮৯১। তখন সূর্য অস্তপ্রায়। জাহাজের ছাদের উপর হালের কাছে দাঁড়িয়ে ভারতবর্ষের তীরের দিকে চেয়ে রইলুম। সমুদ্রের জল সবুজ, তীরের রেখা নীলাভ, আকাশ মেঘাচ্ছন্ন। সন্ধ্যা রাত্রির দিকে এবং জাহাজ সমুদ্রের মধ্যে ক্রমশই অগ্রসর হচ্ছে। বামে বোম্বাই বন্দরের এক দীর্ঘরেখা এখনো দেখা যাচ্ছে; দেখে মনে হল, আমাদের পিতৃপিতামহের পুত্রাতন জননী সমুদ্রের বহুদূর পর্যন্ত ব্যাকুলবাহ বিক্ষেপ করে ডাকাছেন, বলছেন, “আসন্ন রাত্রিকালে অকুল সমুদ্রে অনিশ্চিতের উদ্দেশে যাসু নে; এখনো ফিরে আয়।”

ক্রমে বন্দর ছাড়িয়ে গেলুম। সন্ধ্যার মেঘাবৃত অন্ধকারটি সমুদ্রের অনন্তশয্যায় দেহ বিস্তার করলে। আকাশে তারা নেই। কেবল দূরে লাইট-হাউসের আলো জলে উঠল; সমুদ্রের শিররের কাছে সেই কম্পিত দীপশিখা যেন ভাসমান সন্তানদের জন্তে ভূমিমাতার আশঙ্কাকুল জাগ্রত দৃষ্টি।

তখন আমার হৃদয়ের মধ্যে ঐ গানটা ধ্বনিত হতে লাগল : সাধের তরঙ্গী আমাব কে দিল তবঙ্গে।

জাহাজ বোম্বাই বন্দর পার হয়ে গেল।

ভাসল তরী সন্ধ্যাবেলা,

ভাবিলাষ এ জলধেনা,

মধুর বহিবে বায়ু স্তেসে যাব রঙ্গে।

কিন্তু গী-সিকনেসের কথা কে মনে করেছিল!

যখন সবুজ জল ক্রমে নীল হয়ে এল এবং তরঙ্গে তরীতে মিলে গুরুতর আন্দোলন উপস্থিত করে দিলে, তখন দেখলুম, সমুদ্রের পক্ষে জলখেলা বটে কিন্তু আমার পক্ষে নয়।

ভাবলুম, এই বেলা মানে-মানে কুঠরির মধ্যে ঢুকে কবলটা মুড়ি দিয়ে শুয়ে পড়িগে। যথাসম্ভব ক্যাবিনের মধ্যে প্রবেশ ক'রে কাঁধ হতে কবলটি একটি বিছানার উপর ফেলে দরজা বন্ধ করে দিলুম। ঘর অন্ধকার। বুঝলুম, আলো নিবিয়ে দিয়ে দাদা তাঁর বিছানায় শুয়েছেন। শারীরিক হুঃখ নিবেদন করে একটুখানি স্নেহ উদ্বেক করবার অভিপ্রায়ে জিজ্ঞাসা করলুম, “দাদা, ঘুমিয়েছেন কি।” হঠাৎ নিতান্ত বিজাতীয় মোটা গলায় কে-একজন হুঃকার দিয়ে উঠল, “হুজ্ জাট্ ?” আমি বললুম, “বাস্ রে ! এ তো দাদা নয়।” তৎক্ষণাৎ বিনীত অম্লতপ্তস্বরে জ্ঞাপন করলুম, “ক্ষমা করবেন, দৈবক্রমে ভুল কুঠরিতে প্রবেশ করেছি।” অপরিচিত কণ্ঠ বললে, “অল্ রাইট্।” কবলটি পুনশ্চ তুলে নিয়ে কাতর-শরীরে সংকুচিতচিত্তে বেরোতে গিয়ে দেখি দরজা খুঁজে পাই নে। বাস্তু তোরঙ্গ লাঠি বিছানা প্রভৃতি বিচিত্র জিনিসের মধ্যে খট্ খট্ শব্দে হাতড়ে বেড়াতে লাগলুম ! ইঁদুর কলে পড়লে তার মানসিক ভাব কি রকম হয়, এই অবসরে কতকটা বুঝতে পারা যেত, কিন্তু তার সঙ্গে সমুদ্রপীড়ার সংযোগ হওয়াতে ব্যাপারটা অপেক্ষাকৃত জটিল হয়ে পড়েছিল।

এদিকে লোকটা কী মনে করছে ! অন্ধকারে পরের ক্যাবিনে ঢুকে বেরোবার নাম নেই, খট্ খট্ শব্দে দশমিনিট কাল জিনিসপত্র হাতড়ে বেড়ানো—এ কি কোনো সদ্বংশীয় সাধুলোকের কাজ ! মন যতই ব্যাকুল শরীর ততই গলদঘর্ম এবং কণ্ঠাগত অস্তরিত্ত্বিরের আক্ষেপ উত্তরোত্তর অবাধ্য হয়ে উঠছে। অনেক অমুসন্ধানের পর যখন হঠাৎ দ্বার উদ্ঘাটনের গোলকটি, সেই মন্বণ চিকণ খেতকাচ-নির্মিত

দ্বারকর্ণটি হাতে ঠেকল তখন মনে হল, এমন প্রিয়স্পর্শসুখ বহুকাল অনুভব করা হয় নি। দরজা খুলে বেরিয়ে প'ড়ে নিঃসংশয়চিত্তে তার পরবর্তী ক্যাবিনের দ্বারে গিয়ে উপস্থিত। গিয়ে দেখি, আলো জ্বলছে; কিন্তু মেঝের উপর পরিত্যক্ত গাউন পেটিকোট প্রভৃতি স্ত্রীলোকের গাত্রাবরণ বিক্ষিপ্ত। আর অধিক কিছু দৃষ্টিপথে পড়বার পূর্বেই পলায়ন করলুম। প্রচলিত প্রবাদ অনুসারে বারবার তিনবার ভ্রম করবার অধিকার সকলেরই আছে, কিন্তু তৃতীয়বার পরীক্ষা করতে আমার আর সাহস হল না, এবং সেরূপ শক্তিও ছিল না। অবিলম্বে জাহাজের ছাতে গিয়ে উপস্থিত হলাম। সেখানে বিহ্বলচিত্তে জাহাজের কাঠরার 'পরে ঝুঁকে পড়ে আভ্যন্তরিক উদ্বেগ একদফা লাঘব করা গেল। তার পরে বহুলাঙ্কিত অপরাধীর মতো আন্তে আন্তে কক্ষলটি গুটিয়ে, তার উপর লজ্জিত নতমস্তক স্থাপন ক'রে একটি কাঠের বেঞ্চিতে শুয়ে পড়লুম।

কিন্তু, কী সর্বনাশ। এ কার কক্ষল। এ তো আমার নয় দেখছি। যে সুখসুপ্ত বিশ্বস্ত ভদ্রলোকটির ঘরের মধ্যে রাত্রে প্রবেশ ক'রে দশ মিনিট কাল অনুসন্ধান কার্যে ব্যাপ্ত ছিলুম, নিশ্চয়ই এ তারই। একবার ভাবলুম, ফিরে গিয়ে চুপি চুপি তার কক্ষল স্বস্থানে রেখে আমারটি নিয়ে আসি : কিন্তু যদি তার ঘুম ভেঙে যায়। পুনর্বার যদি তার ক্ষমা প্রার্থনা করবার আবশ্যক হয়, তবে সে কি আর আমাকে বিশ্বাস করবে। যদি-বা করে, তবু এক রাত্রে মধ্য ছুবার ক্ষমা প্রার্থনা করলে নিদ্রাকাতর বিদেশীর খ্রীষ্টীয় সহিষ্ণুতার প্রতি অতিমাত্র উপদ্রব করা হবে না কি। আরো একটি ভয়ংকর সম্ভাবনার কথা মনে উদয় হল। দৈববশত দ্বিতীয়বার যে-ক্যাবিনের দ্বারে গিয়ে পড়েছিলুম, তৃতীয়বারও যদি ভ্রমক্রমে সেইখানে গিয়েই উপস্থিত হই এবং প্রথম ক্যাবিনের ভদ্রলোকটির কক্ষলটি সেখানে রেখে সেখানকার

একটি গাত্রাচ্ছাদন তুলে নিয়ে আসি তাহলে কিরকম একটা লোম-
হর্ষণ প্রমাদপ্রহেলিকা উপস্থিত হয়। আর কিছুই নয়, পরদিন প্রাতে
আমি কার কাছে কমা প্রার্থনা করতে যাব এবং কে আমাকে কমা
করবে। প্রথম ক্যাভিনচারী হতবুদ্ধি ভদ্রলোকটিকেই বা কী বলব
এবং দ্বিতীয় ক্যাভিনবাসিনী বজ্রাহতা ভদ্রমণীকেই বা কী বোঝাব।
ইত্যাকার বহুবিধ হুশিস্তায় তীব্রতাম্বকূটবাসিত পরের কক্ষলের উপর
কাষ্ঠাসনে বাত্রিযাপন করলুম।

২৩ আগস্ট। কিন্তু সী-সিকনেস্ ক্রমশ বৃদ্ধি পেতে লাগল।
ক্যাভিনে চারদিন পড়ে আছি।

২৬ আগস্ট। শনিবার থেকে আর আজ এই মঙ্গলবার পর্যন্ত কেটে
গেল। জগতে ঘটনা বড়ো কম হয় নি— সূর্য চারবার উঠেছে এবং
তিনবার অস্ত গেছে; বৃহৎ পৃথিবীর অসংখ্য জীব দস্তধাবন থেকে দেশ-
উদ্ধার পর্যন্ত বিচিত্র কর্তব্যের মধ্যে দিবে তিনটে দিন মহা ব্যস্তভাবে
অতিবাহিত করেছে— জীবনসংগ্রাম, প্রাকৃতিক নির্বাচন, আত্মরক্ষা,
বংশরক্ষা প্রভৃতি জীববাজের বড়ো বড়ো ব্যাপার সবুঁগে চলছিল—
কেবল আমি শয্যাগত জীবমৃত হয়ে পড়ে ছিলাম। আধুনিক কবিবা
কখনো মুহূর্তকে অনন্ত, কখনো অনন্তকে মুহূর্ত আখ্যা দিয়ে প্রচলিত
ভাষাকে নানাপ্রকার বিপরীত ব্যাঙ্গবিপাকে প্রবৃত্ত করান। আমি
আমার এই চারটে দিনকে বড়ো রকমের একটা মুহূর্ত বলব না এ
প্রত্যেক মুহূর্তকে একটা যুগ বলব, স্থির করতে পারছি নে।

২৯ আগস্ট। জ্যোৎস্না রাত্রি। এডেন বন্দরে এসে জাহাজ থামল।
আহারের পর রহস্যলাপে প্রবৃত্ত হবার আগে আমরা দুই বন্ধু ছাদেব
এক প্রান্তে চৌকিছটি সংলগ্ন করে আরামে বসে আছি। নিস্তরঙ্গ

সমুদ্র এবং জ্যোৎস্নাবিমুক্ত পর্বতবেষ্টিত তটচিত্র আমাদের আলস্ত-বিজড়িত অর্ধনিমীলিত নেত্রে স্বপ্নমরীচিকার মতো লাগছে।

৩০ আগস্ট। সূর্য অস্ত গেল। আকাশ এবং জলের উপর চমৎকার রঙ দেখা দিয়েছে। সমুদ্রের জলে একটি রেখা মাত্র নেই। দিগন্তবিস্তৃত অটুট জলরাশি যৌবনপরিপূর্ণ পরিষ্কৃত দেহের মতো একেবারে নিটোল এবং সুডোল। এই অপার অগণ্ড পরিপূর্ণতা আকাশের এক প্রান্ত থেকে আর-এক প্রান্ত পর্যন্ত ধম্ধম্ করছে। বৃহৎ সমুদ্র হঠাৎ যেন এমন একটা জায়গায় এসে থেমেছে যার উর্ধ্ব আর গতি নেই, পরিবর্তন নেই; যা অনন্তকাল অবিশ্রাম চাঞ্চল্যের পরম পরিণতি, চরম নির্বাণ। সূর্যাস্তের সময় চিল আকাশের নীলিমার যে-একটি সর্বোচ্চ সীমার কাছে গিয়ে সমস্ত বৃহৎ পাখা সমতলরেখায় বিস্তৃত করে দিয়ে হঠাৎ গতি বন্ধ করে দেয়, চিরচঞ্চল সমুদ্র ঠিক যেন সহসা সেইরকম একটা পরম প্রশান্তির শেষসীমায় এসে ক্ষণেকের জন্তে পশ্চিম অস্তাচলের দিকে মুখ তুলে একেবারে নিস্তব্ধ হয়ে আছে। জলের যে চমৎকার বর্ণবিকাশ হয়েছে সে আকাশের ছায়া কি সমুদ্রের আলো ঠিক বলা যায় না। যেন একটা মাহুজ্ঞক্কে আকাশের নীরব নির্নিমেষ নীল নেত্রের দৃষ্টিপাতে হঠাৎ সমুদ্রের অতলস্পর্শ গভীরতার মধ্যে থেকে একটা আকস্মিক প্রতিভাব দীপ্তি স্ফূর্তি পেয়ে তাকে অপূর্ব মহিমাম্বিত করে তুলেছে।

৩১ আগস্ট। আজ ববিবার। প্রাতঃকালে উঠে উপরের ডেকে চৌকিতে বসে সমুদ্রের বায়ু সেবন করছি, এমন সময় নিচের ডেকে খ্রীস্টানদের উপাসনা আরম্ভ হ'ল। যদিও জানি, এদের মধ্যে অনেকেই শুদ্ধভাবে অভ্যস্ত মন্ত্র আউড়ে কল-টেপা আর্গিনের মতো গান গেয়ে যাচ্ছিল, তবু কিন্তু এই যে দৃশ্য— এই যে গুটিকতক চঞ্চল ছোটো

ছোটো মনুষ্য অপার সমুদ্রের মাঝখানে স্থির বিনয়ভাবে দাঁড়িয়ে গম্ভীর সমবেত কণ্ঠে চির-অজ্ঞাত অনন্ত রহস্যের প্রতি ক্ষুদ্র মানবহৃদয়ের ভক্তি-উপহার প্রেরণ করছে, এ অতি আশ্চর্য।

৭ সেপ্টেম্বর। আজ সকালে ব্রিন্দিসি পৌঁছনো গেল। মেলগাডি প্রস্তুত ছিল, আমরা গাড়িতে উঠলুম। গাড়ি যখন ছাড়ল তখন টিপ্ টিপ্ করে বৃষ্টি আরম্ভ হয়েছে। আহার করে এসে একটি কোণে জানলার কাছে বসা গেল।

দুইধারে কেবল আঙুরের খেত। তার পরে জলপাইয়ের বাগান। জলপাইয়ের গাছগুলো নিতান্ত বাঁকাচোরা, গ্রহি ও ফাটল-বিশিষ্ট, বলি-অঙ্কিত বেঁটেখাটো রকমের, পাতাগুলো উর্ধ্বমুখ; প্রকৃতির হাতেব কাজে যেমন একটি সহজ অনায়াসের ভাব দেখা যায়, এই গাছগুলোয় তার বিপরীত। এরা নিতান্ত দরিদ্র লক্ষ্মীছাড়া, কায়ক্লেশে অষ্টাবক্র হয়ে দাঁড়িয়ে আছে; এক-একটা এমন বেকে বুঁকে পড়েছে যে পাথর উঁচু করে তাদের ঠেকো দিয়ে রাখতে হয়েছে।

বামে চষা মাঠ; সাদা সাদা ভাঙা ভাঙা পাথরের টুকরো চষা মাটির মধ্যে মধ্যে উৎক্লিপ্ত। দক্ষিণে সমুদ্র। সমুদ্রের একবারে ধারেই এক-একটি ছোটো ছোটো শহর দেখা দিচ্ছে। চর্চ চূড়া-মুকুটিত সাদা ধবধবে নগরীটি একটি পরিপাটি তন্নী নাগরীর মতো কোলেব কাছে সমুদ্রদর্পণ রেখে নিজের মুখ দেখে হাসছে। নগর পেরিয়ে আবাব মাঠ। ভূট্টার খেত, আঙুরের খেত, ফলের খেত, জলপাইয়ের বন; খেতগুলি খণ্ড খণ্ডের বেড়া দেওয়া। মাঝে-মাঝে এক-একটি বাঁধা কূপ। দূরে দূরে ছোটো-একটা সঙ্গীহীন ছোটো সাদা বাড়ি।

সূর্যাস্তের সময় হয়ে এল। আমি কোলের উপর এক থোলো আঙুর নিয়ে বসে বসে এক-আধটা করে মুখে দিচ্ছি। এমন মিষ্ট

টস্টসে স্নগন্ধ আঙুর ইতিপূর্বে কখনো খাই নি। মাথায় রঙিন ক্রমাল' বাধা ঐ ইতালিয়ান যুবতীকে দেখে আমার মনে হচ্ছে, ইতালীয়ানরা এখানকার আঙুরের গুচ্ছের মতো, অমনি একটি বৃহত্তরী অজস্র সুডোল সৌন্দর্য, যৌবনরসে অমনি উৎপূর্ণ এবং ঐ আঙুরেরই মতো তাদের মুখের রং— অতি বেশি সাদা নয়।

৮ সেপ্টেম্বর। কাল আড়িয়াটিকের সমতল শ্রীহীন তীরভূমি দিয়ে আসছিলাম, আজ শশুশ্যামলা লম্বাডির মধ্যে দিয়ে গাড়ি চলছে। চারিদিকে আঙুর, জলপাই, ভুট্টা ও তুঁতের খেত। কাল যে আঙুরের লতা দেখা গিয়েছিল সেগুলো ছোটো ছোটো গুল্লের মতো। আজ দেখছি, খেতময় লম্বা লম্বা কাঠি পোঁতা, তারই উপর ফলগুচ্ছপূর্ণ ড্রাকালতা লতিয়ে উঠেছে। রেলের লাইনের ধারে ড্রাকালকের একটি ক্ষুদ্র কুটির; এক হাতে তারই একটি দুয়ার ধরে এক হাত কোমরে দিয়ে একটি ইতালীয়ান যুবতী সর্কোতুক কক্ষনেত্রে আমাদের গাড়ির গতি নিরীক্ষণ করছে। অনতিদূরে একটি ছোটো বালিকা একটা প্রখরশব্দ প্রকাণ্ড গোকুর গলার দড়িটি ধরে নিশ্চিন্ত মনে চরিয়ে নিয়ে বেড়াচ্ছে।

দক্ষিণে বামে তুষাররেখাক্রিত সুনীল পর্বতশ্রেণী দেখা দিয়েছে। বামে ঘনচ্ছায়া স্নিগ্ধ অরণ্য। যেখানে অরণ্যের একটু বিচ্ছেদ পাওয়া যাচ্ছে সেইখানেই শশুকেন্দ্র তরুশ্রেণী ও পর্বত-সমেত এক-একটা নব নব আশ্চর্য দৃশ্য খুলে যাচ্ছে। পর্বতশৃঙ্গের উপর পুরাতন দুর্গশিখর, তলদেশে এক-একটি ছোটো ছোটো গ্রাম।

এইবার ফ্রান্স। দক্ষিণে এক জলস্রোত ফেনিয়ে ফেনিয়ে চলেছে। ফরাসী জাতির মতো দ্রুত চঞ্চল উচ্ছ্বসিত হাস্যপ্রিয় কলভাষী। তার পূর্বতীরে ফারু-অরণ্য নিয়ে পাহাড় দাঁড়িয়ে আছে। চঞ্চলা নিখ'রিণী বঁকে চুরে ফেনিয়ে ফুলে নেচে কলরব ক'রে পাথরগুলোকে সর্বাঙ্গ দিয়ে

ঠেলে রেলগাড়ির সঙ্গে সমান দৌড়বার চেষ্টা করছে। বরাবর পূর্বতীর দিয়ে একটি পার্বত্য পথ সমরেখায় শ্রোতের সঙ্গে বেকে বেকে চলে গেছে। এক জায়গায় আমাদের সহচরীর সঙ্গে বিচ্ছেদ হ'ল। হঠাৎ সে দক্ষিণ থেকে বামে এসে এক অজ্ঞাত সংকীর্ণ শৈলপথে অন্তর্হিত হয়ে গেল। আবার হঠাৎ ডানদিকে আমাদের সেই পূর্বসঙ্গিনী মুহূর্তের জন্তে দেখা দিয়ে বামে চলে গেল। একবার দক্ষিণে, একবার বামে, একবার অন্তরালে। বিচিত্র কৌতুকচাতুরী। আবার হয়তো যেতে যেতে কোন্-এক পর্বতের আড়াল থেকে সহসা কলহাস্তে করতালি দিয়ে আচমকা দেখা দেবে।

সেই জলপাই এবং ড্রাকাকুঞ্জ অনেক কমে গেছে। বিবিধ শস্তের ক্ষেত্র এবং দীর্ঘ সরল পল্লার গাছের শ্রেণী। ভুট্টা, তামাক, নানাবিধ শাকসবজি। মনে হয়, কেবলই বাগানের পর বাগান আসছে। এই কঠিন পর্বতের মধ্যে মানুষ বহুদিন থেকে বহু যত্নে প্রকৃতিকে বশ করে তার উচ্ছৃঙ্খলতা হরণ করেছে। প্রত্যেক ভূমিখণ্ডের উপর মানুষের কত প্রয়াস প্রকাশ পাচ্ছে। এদেশের লোকেরা যে আপনার দেশকে ভালোবাসবে তাতে আর আশ্চর্য নেই। এরা আপনার দেশকে আপনার যত্নে আপনার করে নিয়েছে। এখানে প্রকৃতির সঙ্গে মানুষের বহুকাল থেকে একটা ঝোঁপাপড়া হয়ে আসছে, উভয়ের মধ্যে ক্রমিক আদান প্রদান চলছে, তারা পরস্পর সুপরিচিত এবং ঘনিষ্ঠ সম্পর্কে আবদ্ধ। এক দিকে প্রকাণ্ড প্রকৃতি উদাসীনভাবে দাঁড়িয়ে, আর-এক দিকে বৈরাগ্যবৃদ্ধ মানব উদাসীন ভাবে শুয়ে— যুরোপের সে ভাব নয়। এদের এই সুন্দরী ভূমি এদের একান্ত সাধনার ধন, একে এরা নিয়ত বহু আদর করে রেখেছে।

এ কী চমৎকার চিত্র। পর্বতের কোলে, নদীর ধারে, হ্রদের তীরে পল্লার-উইলো-বেষ্টিত কাননশ্রেণী। নিকটক নিরাপদ নিরাময় ফল-

শস্ত্রপরিপূর্ণ প্রকৃতি প্রতিক্রমে মানুষের ভালোবাসা পাচ্ছে এবং মানুষকে দ্বিগুণ ভালোবাসছে। মানুষের মতো জীবের এই তো যোগ্য আবাস-স্থান। মানুষের প্রেম এবং মানুষের ক্ষমতা যদি আপনার চতুর্দিককে সংহত স্তম্ভর সমুজ্জল করে না তুলতে পারে তবে তরুকাটর-গুহাগহ্বর-বন-বাসী জন্তুর সঙ্গে তার প্রভেদ কী।

১১ সেপ্টেম্বর। লণ্ডনে পৌঁছে সকালবেলায় আমাদের পুরাতন বন্ধুদের সন্ধানে বাহির হওয়া গেল।

প্রথমে, লণ্ডনের মধ্যে আমার একটি পূর্বপরিচিত বাড়ির দ্বারে গিয়ে আঘাত করা গেল। যে-দাসী এসে দরজা খুলে দিলে তাকে চিনি নে। তাকে জিজ্ঞাসা করলুম, “আমার বন্ধু বাড়িতে আছেন কি না।” সে বললে, “তিনি এ বাড়িতে থাকেন না।” জিজ্ঞাসা করলুম, “কোথায় থাকেন।” সে বললে, “আমি জানি নে, আপনারা ঘরে এসে বসুন, আমি জিজ্ঞাসা করে আসছি।” পূর্বে যে ঘরে আমরা আহার করতুম সেই ঘবে গিয়ে দেখলুম সমস্ত বদল হয়ে গেছে— সেখানে টেবিলের উপর খবরের কাগজ এবং বই, সে-ঘর এখন অতিথিদের প্রতীক্ষা-শালা হয়েছে। খানিকক্ষণ বাদে দাসী একটি কার্ডে-লেখা ঠিকানা এনে দিলে। আমার বন্ধু এখন লণ্ডনের বাইরে কোনো-এক অপরিচিত স্থানে থাকেন। নিরাশ হৃদয়ে আমার সেই পরিচিত বাড়ি থেকে বেরলুম।

মনে কল্পনা উদয় হ’ল, মৃত্যুর বহুকাল পরে আবার যেন পৃথিবীতে ফিরে এসেছি। আমাদের সেই বাড়ির দরজার কাছে এসে দ্বারীকে জিজ্ঞাসা করলুম, সেই অমুক এখানে আছে তো। দ্বারী উত্তর করলে, না, সে অনেক দিন হ’ল চলে গেছে।— চলে গেছে? সেও চলে গেছে! আমি মনে করেছিলুম, কেবল আমিই চলে গিয়েছিলুম, পৃথিবীসুদ্ধ আর সবাই আছে। আমি চলে যাওয়ার পরেও সকলেই

আপন আপন সময় অমুসারে চলে গেছে। তবে তো সেই সমস্ত জানা লোকেরা আর কেউ কারো ঠিকানা খুঁজে পাবে না। জগতের কোথাও তাদের আর নির্দিষ্ট মিলনের জায়গা রইল না। দাঁড়িয়ে দাঁড়িয়ে ভাবছি এমন সময়ে বাড়ির কর্তা বেরিয়ে এলেন; জিজ্ঞাসা করলেন, “তুমি কে হে।” আমি নমস্কার করে বললুম, “আজ্ঞে, আমি কেউ না, আমি বিদেশী।”— কেমন ক’রে প্রমাণ করব, এ বাড়ি আমার এবং আমাদের ছিল। একবার ইচ্ছে হ’ল, অস্তঃপুরের সেই বাগানটা দেখে আসি; আমার সেই গাছগুলো কত বড়ো হয়েছে। আর সেই ছাতের উপরকার দক্ষিণমুখো কুঠরি, আর সেই ঘর এবং সেই ঘর এবং সেই আর-একটা ঘর। আর সেই-যে ঘরের সম্মুখে বারাণ্ডার উপর ভাঙা টবে গোটাকতক জীর্ণ গাছ ছিল— সেগুলো এত অকিঞ্চিৎকর যে হয়তো ঠিক তেমনি রয়ে গেছে, তাদের সরিয়ে ফেলতে কারো মনে পড়ে নি।

আর বেশি কল্পনা করবার সময় পেলাম না। লণ্ডনের সুরঙ্গ-পথে যে পাতাল-বাস্থান চলে, তাই অবলম্বন ক’রে বাসায় ফেরবার চেষ্টা করা গেল। কিন্তু, পরিণামে দেখতে পেলুম, পৃথিবীতে সকল চেষ্টা সফল হয় না। আমরা ছুই ভাই তো গাড়িতে চ’ড়ে বেশ নিশ্চিত বসে আছি; এমন সময় গাড়ি যখন হ্যামার্স্মিথ নামক দূরবর্তী স্টেশনে গিয়ে থামল তখন আমাদের বিশ্বস্তচিত্তে ঈষৎ সংশয়ের সঞ্চার হ’ল। একজনকে জিজ্ঞাসা করাতে সে স্পষ্ট বুঝিয়ে দিলে, আমাদের গম্যস্থান যেদিকে এ-গাড়ির গম্যস্থান সেদিকে নয়। পুনর্বার তিন চার স্টেশন ফিরে গিয়ে গাড়ি বদল করা আবশ্যিক। তাই করা গেল। অবশেষে গম্য স্টেশনে নেমে রাস্তায় বেরিয়ে আমাদের বাসা খুঁজে পাই নে। বিস্তর গবেষণার পর বেলা সাড়ে তিনটের সময় বাড়ি ফিরে ঠাণ্ডা টিফিন পাওয়া গেল। এইটুকু আশ্চর্যান জন্মেছে যে, আমরা ছুটি ভাই

লিভিংস্টোন অথবা স্ট্যানলির মতো ভৌগোলিক আবিষ্কারক নই ; পৃথিবীতে যদি অক্ষয় খ্যাতি উপার্জন করতে চাই তো নিশ্চয় অন্ত-কোনো দিকে মনোনিবেশ করতে হবে ।

১২ সেপ্টেম্বর । আমাদের বন্ধুর একটি গুণ আছে, তিনি যতই কল্পনার চর্চা করুন-না কেন, কখনো পথ ভোলেন না । সুতরাং তাঁকেই আমাদের লঙুনের পাণ্ডাপদে বরণ করেছি । আমরা যেখানে যাই তাঁকে সঙ্গে টেনে নিয়ে যাই, এবং তিনি যেখানে যান আমরা কিছুতেই তাঁর সঙ্গ ছাড়ি নে । কিন্তু, একটা আশঙ্কা আছে, এরকম অবিচ্ছেদ্য বন্ধুত্ব এ পৃথিবীতে সকল সময় সমাদৃত হয় না । হায়, এ সংসারে কুসুমের কণ্টক, কলানাথে কলঙ্ক এবং বন্ধুত্বে বিচ্ছেদ আছে— কিন্তু, ভাগ্যিসু আছে ।

৫ অক্টোবর । কিন্তু আমি আর এখানে পেরে উঠছি নে । বলতে লজ্জা বোধ হয়, আমার এখানে ভালো লাগছে না । সেটা গর্বের বিষয় নয়, লজ্জার বিষয়— সেটা আমার স্বভাবের ত্রুটি ।

যখন কৈফিয়ত সন্ধান করি তখন মনে হয় যে, যুরোপের যে-ভাবটা আমাদের মনে জ্বালায়মান হয়ে উঠেছে, সেটা সেখানকার সাহিত্য প'ড়ে । অতএব সেটা হচ্ছে 'আইডিয়াল' যুরোপ । অস্তরের মধ্যে প্রবেশ না করলে সেটা প্রত্যক্ষ করবার জো নেই । তিন মাস, ছ মাস কিম্বা ছ বছর এখানে থেকে আমরা যুরোপীয় সভ্যতার কেবল হাত-পা-নাড়া দেখতে পাই মাত্র । বড়ো বড়ো বাড়ি, বড়ো বড়ো কারখানা, নানা আমাদের জায়গা ; লোক চলছে ফিরছে, যাচ্ছে আসছে ; খুব একটা সমারোহ । সে যতই বিচিত্র, যতই আশ্চর্য হোক-না কেন, তাতে দর্শককে শ্রান্তি দেয় ; কেবলমাত্র বিন্ময়ের আনন্দ চিত্তকে পরিপূর্ণ করতে পারে না বরং তাতে মনকে সর্বদা বিক্ষিপ্ত করতে থাকে ।

অবশেষে এই কথা মনে আসে— আচ্ছা ভালো রে বাপু, আমি মনে নিচ্ছি তুমি মস্ত শহর, মস্ত দেশ, তোমার ক্ষমতা এবং ঐশ্বর্যের সীমা

নেই। আর অধিক প্রমাণের আবশ্যক নেই। এখন আমি বাড়ি যেতে পারলে বাঁচি। সেখানে আমি সকলকে চিনি, সকলকে বুঝি; সেখানে সমস্ত বাহ্যাবরণ ভেদ ক'রে মনুষ্যত্বের আন্বাদ সহজে পাই। সহজে উপভোগ করতে পারি, সহজে চিন্তা করতে পারি, সহজে ভালোবাসতে পারি। যেখানে আসল মানুষটি আছে সেখানে যদি অবাধে যেতে পারতুম তাহলে এখানকে আর প্রবাস বলে মনে হ'ত না।

অতএব স্থির করেছি, এখন বাড়ি ফিরব।—

৭ অক্টোবর। 'টেম্‌স্‌' জাহাজে একটা কেবিন স্থিব ক'বে আসা গেল। পরশু জাহাজ ছাড়বে।

৯ অক্টোবর। জাহাজে ওঠা গেল। এবারে আমি একা। আমার সঙ্গীরা বিলাতে রয়ে গেলেন।

১০ অক্টোবর। সূর্যের প্রাতঃকাল। সমুদ্র স্থিব। আকাশ পরিষ্কার। সূর্য উঠেছে। ভোরের বেলা কুয়াশার মধ্যে দিবে আমাদের ডান দিক হতে অল্প অল্প তীরের চিহ্ন দেখা যাচ্ছিল। অল্পে অল্পে কুয়াশাব যবনিকা উঠে গিয়ে ওয়াইট দ্বীপের পার্বত্য তীব এবং ভেণ্টনর্ শহর ক্রমে ক্রমে প্রকাশ হয়ে পড়ল।

আজ অনেক রাত্রে নিরালস্য একলা দাঁড়িয়ে জাহাজের কাঠবা ধরে সমুদ্রের দিকে চেয়ে অন্তমনস্কভাবে গুন্ গুন্ ক'রে একটা দিশি রাগিণী ধরেছিলুম। তখন দেখতে পেলুম, অনেক দিন ইংরেজি গান গেয়ে গেয়ে মনের ভিতরটা যেন শ্রান্ত এবং অতৃপ্ত হয়েছিল। হঠাৎ এই বাংলা সুরটা পিপাসার জলের মতো বোধ হল। সেই সুরটি সমুদ্রের উপর অন্ধকারের মধ্যে যে-বকম প্রসারিত হল, এমন আর কোনো সুর কোথাও পাওয়া যায় ব'লে আমার মনে হয় না। আমার কাছে ইংরেজি গানের সঙ্গে আমাদের গানের এই প্রধান প্রভেদ ঠেকে যে, ইংরেজি সংগীত লোকালয়ের সংগীত; আর আমাদের সংগীত প্রকাণ্ড

নির্জন প্রকৃতির অনির্দিষ্ট অনির্বচনীয় বিষাদের সংগীত। কানাড়া টোড়ি প্রভৃতি বড়ো বড়ো রাগিণীর মধ্যে যে-গভীরতা এবং কাতরতা আছে সে যেন কোনো ব্যক্তিবিশেষের নয়, সে যেন অকুল অসীমের প্রাস্তবর্তী এই সঙ্গীহীন বিশ্বজগতের।

২৩ অক্টোবর। স্নেহেজ গালের মধ্যে দিয়ে জাহাজ অতি মধুর গতিতে চলেছে।

উজ্জল উত্তপ্ত দিন। একরকম মধুর আলো পূর্ণ হয়ে আছি। যুরোপের ভাব একবারে দূর হয়ে গেছে। আমাদের সেই রৌদ্রতপ্ত শ্রান্ত দরিদ্র ভারতবর্ষ, আমাদের সেই ধরাপ্রাস্তবর্তী পৃথিবীর অপরিচিত নিভৃত নদীকলধ্বনিত ছায়াসুপ্ত বাংলাদেশ, আমার সেই অকর্মণ্য গৃহপ্রিয় বাল্যকাল, কল্পনাক্লিষ্ট যৌবন, নিশ্চেষ্ট নিরুদ্ভম চিন্তাপ্রিয় জীবনের স্মৃতি, এই সূর্যকিরণে, এই তপ্ত বায়ুহিল্লোলে স্নদুর মরীচিকার মতো আমার দৃষ্টির সন্মুখে জেগে উঠছে।

ডেকের উপরে গল্পের বই পড়ছিলাম। মাঝে একবার উঠে দেখলাম, ছুধারে ধূসরবর্ণ বালুকাভীর—জলের ধারে-ধারে একটু-একটু বনঝাউ এবং অর্ধশুক তৃণ উঠেছে। আমাদের ডানদিকের বালুকারাশির মধ্যে দিয়ে একদল আরব শ্রেণীবদ্ধ উট বোঝাই করে নিয়ে চলেছে। প্রথর সূর্যালোক এবং ধূসর মরুভূমির মধ্যে তাদের নীল কাপড় এবং সাদা পাগড়ি দেখা যাচ্ছে। কেউ-বা এক জায়গায় বালুকাগহ্বরের ছায়ায় পা ছড়িয়ে অলসভাবে শুয়ে আছে, কেউ-বা নমাজ পড়ছে, কেউ-বা নাসারজু ধরে অনিচ্ছুক উটকে টানাটানি করছে। সমস্তটা মিলে খররৌদ্র আরব-মরুভূমির একখণ্ড ছবি মতো মনে হল।

৩ নবেম্বর। অনেক রাত্রে জাহাজ বোঝাই বন্দরে পৌঁছল।

৪ নবেম্বর। জাহাজ ত্যাগ করে ভারতবর্ষে নেমে এখন সংসারটা মোটের উপরে বেশ আনন্দের স্থান বোধ হচ্ছে। কেবল একটা গোল

বেধেছিল— টাকাকড়ি-সমেত আমার ব্যাগটি জাহাজের ক্যাবিনে ফেলে এসেছিলুম। তাতে করে সংসারের আকৃতির হঠাৎ অনেকটা পরিবর্তন হয়ে গিয়েছিল। কিন্তু হোটেল থেকে অবিলম্বে জাহাজে ফিরে গিয়ে সেটি সংগ্রহ করে এনেছি। এই ব্যাগ ভুলে যাবার সম্ভাবনা কাল চকিতের মতো একবার মনে উদয় হয়েছিল। মনকে তখনি সাবধান করে দিলাম, ব্যাগটি যেন না ভোলা হয়। মন বললে, খেপেছ! আমাকে তেমনি লোক পেয়েছ।— আজ সকালে তাকে বিলক্ষণ এক-চোট ভৎসনা করেছি; সে নতমুখে নিরস্তর হয়ে রইল। তার পর যখন ব্যাগ ফিরে পাওয়া গেল তখন আবার তার পিঠে হাত বুলোতে বুলোতে হোটেল ফিরে এসে, স্নান করে বড়ো আরাম বোধ হচ্ছে। এই ঘটনা নিয়ে আমার স্বাভাবিক বুদ্ধির প্রতি কটাক্ষপাত করে পরিহাস করবেন, সৌভাগ্যক্রমে এমন প্রিয়বন্ধু কেউ উপস্থিত নেই। সুতরাং রাত্রে যখন কলিকাতামুখী গাড়িতে চড়ে বসা গেল তখন, যদিও আমার বালিশটা ভ্রমক্রমে হোটেল ফেলে এসেছিলুম, তবু আমার স্মৃতিশক্তি বিশেষ ব্যাঘাত হয় নি।

ভাদ্র-কা্তিক, ১২৯৮

ছিন্নপত্র

দার্জিলিং-যাত্রা

দার্জিলিং, ১৮৮৭। এই তো দার্জিলিং এসে পড়লুম। পথে বেলা বড়ো একটা কাঁদে নি। খুব চেষ্টামেচি গোলমালও করেছে, উলুও দিয়েছে, হাতও ঘুরিয়েছে এবং পাগিকে ডেকেছে, যদিও পাখি কোথায় দেখতে পাওয়া গেল না। সারাঘাটে ষ্ট্রিমারে শুঠবার সময় মহা হাঙ্গামা। রাত্রি দশটা, জিনিসপত্র সহস্র, কুলি গোটাকতক, মেয়ে মানুষ পাঁচটা এবং পুরুষ মানুষ একটি মাত্র। নদী পেরিয়ে একটি ছোটো রেলগাড়িতে ওঠা গেল, তাতে চারটে করে শয়্যা, আমরা ছটি মনিষি। মেয়েদের এবং অন্যান্য জিনিসপত্র ladies compartmentএ তোলা গেল, কথাটা শুনেত যত সংক্ষেপ হল কাজে ঠিক তেমনটা হয় নি। ডাকাডাকি হাঁকাহাঁকি ছোটোছুটি নিতান্ত অল্প হয় নি, তবু ন— বলেন আমি কিছুই করি নি, অর্থাৎ একখানা আস্ত মানুষ একেবারে আস্ত রকম খেপলে যে-রকমটা হয় সেই প্রকার মূর্তি ধারণ করলে ঠিক পুরুষ মানুষের উপযুক্ত হত। কিন্তু, এই দুদিনে আমি এত বাক্স খুলেছি এবং বন্ধ করেছি, এত বাক্স এবং পুঁটুলির পিছনে আমি ফিরেছি এবং এত বাক্স এবং পুঁটুলি আমার পিছনে অভিশাপের মতো ফিরেছে, এত হারিয়েছে এবং এত ফের পাওয়া গেছে এবং এত পাওয়া যায় নি এবং পাবার জন্তে এত চেষ্টা করা গেছে এবং যাচ্ছে যে, কোনো ছাব্বিশ বৎসর বয়সের ভদ্রসন্তানের অদৃষ্টে এমনটা ঘটে নি। আমার ঠিক বাক্স-ফোবিয়া হয়েছে; বাক্স দেখলে আমার দাঁতে দাঁতে লাগে। যখন চারিদিকে চেয়ে দেখি বাক্স, কেবলই বাক্স, ছোটো বড়ো মাঝারি,

হালকা এবং ভারি, কাঠের এবং টিনের এবং পশুচর্মের এবং কাপড়ের— নিচে একটা, উপরে একটা, পাশে একটা, পিছনে একটা—তখন আমার ডাকাডাকি, হাঁকাহাঁকি এবং ছুটোছুটি করবার স্বাভাবিক শক্তি একেবারে চলে যায় এবং তখন আমার শূন্য দৃষ্টি, শুক মুখ এবং দীনভাব দেখলে নিতান্ত কাপুরুষের মতো বোধ হয়।

শিলিগুড়ি থেকে দার্জিলিং পর্যন্ত ক্রমাগত স—র উচ্ছ্বাস-উজ্জ্বল। “ও মা”, “কী চমৎকার”, “কী আশ্চর্য”, “কী সুন্দর”— কেবলই আমাকে ঠেলে আর বলে “দেখো দেখো”। কী করি, যা দেখায় তা দেখতেই হয়— কখনো বা গাছ, কখনো বা মেঘ, কখনো বা একটা দুর্জয় খাঁদা-নাকওয়ালী পাহাড়ী মেয়ে— কখনো বা এমন কত কী যা দেখতে না-দেখতেই গাড়ি চলে যাচ্ছে, এবং স— ছুঁখ করছে যে, র— দেখতে পেলো না। গাড়ি চলতে লাগল। ক্রমে ঠাণ্ডা, তার পরে মেঘ, তার পরে সর্দি, তার পরে হাঁচি, তাব পরে শাল, কঙ্কল, বালাপোষ, মোটা মোজা, পা কনকন, হাত ঠাণ্ডা, মুখ নীল, গলা ভার ভার এবং ঠিক তার পরেই দার্জিলিং। আবার সেই বাক্স, সেই ব্যাগ, সেই বিছানা, সেই পুঁটুলি, মোটের উপর মোট, মুটের উপর মুটে। ব্রেক থেকে জিনিসপত্র দেখে নেওয়া, চিনে নেওয়া, মুটের মাথায় চাপানো, সাহেবকে রসিদ দেখানো, সাহেবের তর্ক বিতর্ক, জিনিস খুঁজে না পাওয়া এবং সেই হারানো জিনিস পুনরুদ্ধারের জন্তু বিবিধ বন্দোবস্ত করা, তার পরে বাড়ি যাওয়া।

স্মৃতি

পতিসর, ১৮৯১। আমার বোট কাছারির কাছ থেকে অনেক দূরে এনে একটি নিরিবিলি জায়গায় বেঁধেছি। আমি এখন যেখানে এসেছি এ জায়গায় অধিকন্তু মানুষের মুখ দেখা যায় না। চারিদিকে কেবল মাঠ ধূ ধূ করছে, মাঠের শস্য কেটে নিয়ে গেছে, কেবল কাটা

ধানের গোড়াগুলিতে সমস্ত মাঠ আচ্ছন্ন। সমস্ত দিনের পর সূর্যাস্তের সময় এই মাঠে কাল একবার বেড়াতে বেরিয়েছিলাম। সূর্য ক্রমেই রক্তবর্ণ হয়ে একেবারে পৃথিবীর শেষ রেখার অন্তরালে অস্তহিত হয়ে গেল। চারিদিকে কী-যে স্তম্ভর হয়ে উঠল সে আর কী বলব। বহুদূরে একেবারে দিগন্তের শেষ প্রান্তে একটু গাছপালার ঘের দেওয়া ছিল। সেখানটা এমন মায়াময় হয়ে উঠল, নীলেতে লালেতে মিশে এমন আবছায়া হয়ে এল, মনে হল—ঐখানে যেন সন্ধ্যার বাড়ি, ঐখানে গিয়ে সে আপনার রাঙা আঁচলটি শিথিলভাবে এলিয়ে দেয়, আপনার সন্ধ্যাতারাটি যত্ন করে জালিয়ে তোলে, আপন নিভৃত নির্জনতার মধ্যে সিঁদুর প'রে বধুর মতো কার প্রতীকার বসে থাকে এবং বসে বসে পা ছুটি মেলে তারার মালা গাঁথে এবং গুন্ গুন্ স্বরে স্বপ্ন রচনা করে। সমস্ত অপার মাঠের উপর একটি ছায়া পড়েছে—একটি কোমল বিষাদ, ঠিক অশ্রুজল নয়। একটি নির্নিমেষ চোখের বড়ো বড়ো পল্লবের নিচে গভীর ছলছলে ভাবের মতো। আমার বা-পাশে ছোট্টো নদীটি ছুই ধারের উঁচু পাড়ের মধ্যে একে-বঁকে খুব অল্প দূরেই দৃষ্টিপথের বার হয়ে গেছে, জলে চেউয়ের রেখামাত্র ছিল না, কেবল সন্ধ্যার আভা অত্যন্ত যুঁয়ুঁ হাসির মতো খানিকক্ষণের জন্তে লেগে ছিল। যেমন প্রকাণ্ড মাঠ তেমনি প্রকাণ্ড নিস্তরতা; কেবল একরকম পাখি আছে, তারা মাটিতে বাসা করে থাকে, সেই পাখি যত অন্ধকার হয়ে আসতে লাগল তত আমাকে তার নিরালা বাসার কাছে ক্রমিক আনাগোনা করতে দেখে ব্যাকুল সন্দেহের স্বরে টী-টী করে ডাকতে লাগল। ক্রমে এখানকার কৃষ্ণপক্ষের চাঁদের আলো ঈষৎ ফুটে উঠল।

পৃথিবী

কালীগ্রাম, জামুয়ারি ১৮৯১। ঐ-যে মস্ত পৃথিবীটা চূপ করে পড়ে রয়েছে, ওটাকে এমন ভালোবাসি! ওর এই গাছপালা, নদী মাঠ, কোলাহল নিস্তব্ধতা, প্রভাত সন্ধ্যা, সমস্তটা-সুদূর হু হাতে আঁকড়ে ধরতে ইচ্ছে করে। মনে হয়, পৃথিবীর কাছ থেকে আমরা যে সব পৃথিবীর ধন পেয়েছি, এমন কি কোনো স্বর্গ থেকে পেতুম। স্বর্গ আর কী দিত জানি নে, কিন্তু এমন কোমলতা-দুর্বলতা-ময় এমন সকল-আশঙ্কা-ভরা অপরিণত এই মানুষগুলির মতো এমন আপনাব ধন কোথা থেকে দিত। আমাদের এই মাটির মা, আমাদের এই আপনাদের পৃথিবী এর সোনার শশুক্রেত্রে, এর স্নেহশালিনী নদীগুলির ধারে, এর সুখদুঃখময় ভালোবাসার লোকালয়ের মধ্যে, এই সমস্ত দরিদ্র মর্ত্য-হৃদয়ের অশ্রুর ধনগুলিকে কোলে করে এনে দিয়েছে। আমরা হত-ভাগ্যরা তাদের রাখতে পারি নে, বাঁচাতে পারি নে, নানা অদৃশ্য প্রবল শক্তি এসে বুকের কাছ থেকে তাদের ছিঁড়ে ছিঁড়ে নিয়ে যায়, কিন্তু বেঁচারী পৃথিবীর ষড়দূর সাধ্য সে করেছে। আমি এই পৃথিবীকে ভারি ভালোবাসি। এর মুখে ভারি একটি সুদূরব্যাপী বিষাদ লেগে আছে; যেন এব মনে মনে আছে, “আমি দেবতার মেয়ে, কিন্তু দেবতার ক্ষমতা আমার নেই। আমি ভালোবাসি, কিন্তু বন্ধা করতে পারি নে; আরম্ভ করি, সম্পূর্ণ করতে পারি নে; জন্ম দিই, মৃত্যুব হাত থেকে বাঁচাতে পারি নে।” এইজন্মে স্বর্গের উপদ আড়ি ক’বে আমি আমার দরিদ্র মায়ের ঘর আরো বেশি ভালোবাসি; এত অসহায়, অসমর্থ, অসম্পূর্ণ, ভালোবাসার সহস্র আশঙ্কার সর্বদা চিন্তাকাতর ব’লেই।

শীতের সকাল

শিলাইদহ, ফেব্রুয়ারি :৮৯১। কাছারির পরপারের নির্জন চরে বোট লাগিয়ে বেশ আরাম বোধ হচ্ছে। দিনটা এবং চারিদিকটা এমনি সুন্দর ঠেকছে, সে আর কী বলব। অনেক দিন পরে আবার এই বড়ো পৃথিবীটার সঙ্গে যেন দেখাশালা হ'ল। সেও বললে 'এই যে'। আমিও বললুম 'এই যে'। তার পরে দুজনে পাশাপাশি বসে আছি, আর কোনো কথাবার্তা নেই। জল ছলছল করছে, এবং তার উপরে রোদছুর চিক্চিক্ করছে, বালির চর ধুধু করছে, তার উপর ছোটো ছোটো বনঝাউ উঠেছে। জলের শব্দ, ছুপুর-বেলাকার নিস্তরঙ্গতার ঝাঁঝ, এবং ঝাউঝোপ থেকে ছোটো-একটা পাখির চিক্চিক্ শব্দ, সবস্বন্ধ মিলে খুব একটা স্বপ্নাবিষ্ট ভাব। খুব লিখে যেতে ইচ্ছে করছে— কিন্তু আর-কিছু নিয়ে নয়, এই জলের শব্দ, এই রোদছুরের দিন, এই বালির চর। মনে হচ্ছে, রোজই যুরে ফিরে এই কথাই লিখতে হবে : কেননা আমার এই একই নেশা, আমি বার বার এই এক কথা নিয়েই বকি। বড়ো বড়ো নদী কাটিয়ে আমাদের বোটটা একটা ছোটো নদীর মুখে প্রবেশ করছে। দুই ধারে মেয়েরা স্নান করছে, কাপড় কাচছে এবং ভিজ কাপড়ে একমাথা ঘোমটা টেনে জলের কলসি নিয়ে ডান হাত জুলিয়ে ঘরে চলেছে ; ছেলেরা কাদা মেখে, জল ছুঁড়ে মাতামাতি করছে ; এবং একটা ছেলে বিনা সুরে গান গাচ্ছে— 'একবার দাদা ব'লে ডাক রে লক্ষণ'। উঁচু পাড়ের উপর দিয়ে অদূরবর্তী গ্রামের খড়ের চাল এবং বাশবনের ডগা দেখা যাচ্ছে। ছোটো নদীতে বড়ো বেশি নৌকো নেই ; ছোটো-একটা ছোটো ডিঙি শুকনো গাছের ডাল এবং কাটকুটো বোঝাই নিয়ে শ্রান্তভাবে ছপ্ ছপ্ দাঁড় ফেলে চলেছে ; ডাঙার বাশের উপর

ছেলেদের জাল শুকোচ্ছে— পৃথিবীর সকালবেলার কাজকর্ম খানিক-কণের জন্ত বন্ধ হয়ে আছে।

গ্রামের মেয়ে

শাজাদপুর, ৪ জুলাই ১৮৯১। আমাদের ঘাটে একটি নৌকো লেগে আছে, এবং এখানকার অনেকগুলি 'জনপদবধু' তার সম্মুখে ভিড় করে দাঁড়িয়েছে। বোধ হয় একজন কে কোথায় যাচ্ছে এবং তাকে বিদায় দিতে সবাই এসেছে। অনেকগুলি কচি ছেলে অনেকগুলি ঘোমটা এবং অনেকগুলি পাকা চুল একত্র হয়েছে। কিন্তু, ওদের মধ্যে একটি মেয়ে আছে, তার প্রতিই আমার মনোযোগটা সর্বাপেক্ষা আকৃষ্ট হচ্ছে। বোধ হয় বয়সে বারো-তেরো হবে, কিন্তু একটু ছুঁট-পুঁট হওয়াতে চোন্দো-পনেরো দেখাচ্ছে। বেশ কালো অধচ বেশ দেখতে। ছেলেদের মতো চুল ছাঁটা, তাতে মুখটি বেশ দেখাচ্ছে। এমন বুদ্ধিমান এবং সপ্রতিভ এবং পরিষ্কার সরল ভাব। একটা ছেলে কোলে ক'রে এমন নিঃসংকোচ কৌতূহলের সঙ্গে আমাকে চেয়ে চেয়ে দেখতে লাগল। তার মুখখানিতে কিছু যেন নির্বুদ্ধিতা কিম্বা অসরলতা কিম্বা 'অসম্পূর্ণতা' নেই। বিশেষত আধা-ছেলে আধা-মেয়ের মতো 'হয়ে' আরো-একটু বিশেষ মনোযোগ আকর্ষণ করে। ছেলেদের মতো আত্মসম্বন্ধে সম্পূর্ণ অচেতন ভাব এবং তার সঙ্গে মাধুরী মিশে ভারি নতুনরকমের একটি মেয়ে তৈরি হয়েছে। বাংলাদেশে যে এরকম ছাঁদের 'জনপদবধু' দেখা যাবে এমন প্রত্যাশা করি নি। অবশেষে যখন যাত্রার সময় হল তখন দেখলুম, আমার সেই চুল-ছাঁটা, গোলগাল হাতে-বালা-পরা, উজ্জল-সরল-মুখশ্রী মেয়েটিকে নৌকায় তুললে। বুঝলুম, বেচারী বোধ হয় বাপের বাড়ি থেকে স্বামীর ঘরে যাচ্ছে; নৌকো যখন ছেড়ে দিলে মেয়েরা ডাঙায় দাঁড়িয়ে চেয়ে রইল, ছুঁই-একজন আঁচল দিয়ে ধীরে ধীরে নাক-চোখ মুছতে

লাগল। একটি ছোটো মেয়ে, খুব এটে চুল বাঁধা, একটি বর্ষীয়সীর কোলে চ'ড়ে তার গলা জড়িয়ে তার কাঁধের উপর মাথাটি রেখে নিঃশব্দে কাঁদতে লাগল। যে গেল সে বোধ হয় এই বেচারির দিদিমণি। এর পুতুলপেলায় বোধ হয় মাঝে-মাঝে যোগ দিত, বোধ হয় ছুঁমি করলে মাঝে-মাঝে সে একে টিপিয়ে দিত। সকালবেলাকার রোদ্দ এবং নদীতীর এবং সমস্ত এমন গভীর বিষাদে পূর্ণ বোধ হতে লাগল। সকালবেলাকার একটা অত্যন্ত হতাশাস করুণ রাগিণীর মতো। মনে হল, সমস্ত পৃথিবীটা এমন সুন্দর অথচ এমন বেদনায় পরিপূর্ণ। এই অজ্ঞাত ছোটো মেয়েটির ইতিহাস আমার যেন অনেকটা পরিচিত হয়ে গেল। বিদায়কালে এই নৌকো ক'রে নদীর স্রোতে ভেসে যাওয়ার মধ্যে যেন আরো-একটু বেশি করুণা আছে। অনেকটা যেন মৃত্যুর মতো— তীর থেকে প্রবাহে ভেসে যাওয়া ; যাবা দাঁড়িয়ে থাকে তারা আবার চোখ মুছে ফিরে যায়, যে ভেসে গেল সে অদৃশ্য হয়ে গেল। জানি, এই গভীর বেদনাটুকু যারা রইল এবং যে গেল উভয়েই ভুলে যাবে, হয়তো এতকালে অনেকটা লুপ্ত হয়ে গিয়েছে। বেদনাটুকু ক্ষণিক এবং বিস্মৃতিই চিরস্থায়ী, কিন্তু ভেবে দেখতে গেলে, এই বেদনাটুকুই বাস্তবিক সত্য, বিস্মৃতি সত্য নয়। এক-একটা বিচ্ছেদ এবং এক-একটা মৃত্যুর সময় মানুষ সহসা জানতে পারে, এই ব্যথাটা কী ভয়ংকর সত্য। জানতে পারে যে, মানুষ কেবল প্রমক্রমেই নিশ্চিন্ত থাকে। কেউ থাকে না— এবং সেইটে মনে করলে মানুষ আরো ব্যাকুল হয়ে ওঠে। কেবল যে থাকবে না তা নয়, কারো মনেও থাকবে না।

পোস্টমাস্টার

শাজাদপুর, ২৯ জুন ১৮৯২। কালকের চিঠিতে লিখেছিলুম আজ অপরাহ্ন সাতটার সময় কবি কালিদাসের সঙ্গে একটা এন্‌গেজমেন্ট

করা যাবে। বাতিটি জালিয়ে, টেবিলের কাছে কেদারাটি টেনে, বইখানি হাতে, যখন বেশ প্রস্তুত হয়ে বসেছি হেনকালে কবি কালিদাসের পরিবর্তে এখানকার পোস্ট্‌মাস্টার এসে উপস্থিত। মৃত কবির চেয়ে একজন জীবিত পোস্ট্‌মাস্টারের দাবি ঢের বেশি। আমি তাঁকে বলতে পারলুম না, 'আপনি এখন যান, কালিদাসের সঙ্গে আমার একটু বিশেষ প্রয়োজন আছে।'— বললেও সে লোকটি ভালো বুঝতে পারতেন না। অতএব পোস্ট্‌মাস্টারকে চৌকিটি ছেড়ে দিয়ে কালিদাসকে আশু আশু বিদায় নিতে হল। এই লোকটির সঙ্গে আমার একটু বিশেষ যোগ আছে। যখন আমাদের এই কুঠিবাড়ির একতলাতেই পোস্ট্‌ অফিস ছিল এবং আমি এঁকে প্রতিদিন দেখতে পেতুম, তখনই আমি একদিন দুপুরবেলায় এই দোতালায় বসে সেই পোস্ট্‌মাস্টারের গল্পটি লিখেছিলুম এবং সে গল্পটি যখন হিতবাদীতে বেরোল তখন আমাদের পোস্ট্‌মাস্টারবাবু তার উল্লেখ করে বিস্তর লজ্জামিশ্রিত হাস্য বিস্তার করেছিলেন। যাই হোক, এই লোকটিকে আমার বেশ লাগে। বেশ নানারকম গল্প করে যান, আমি চুপ করে বসে শুনি। ওরই মধ্যে ওঁর আবার বেশ একটু হাস্যরসও আছে।

পোস্ট্‌মাস্টার চলে গেলে সেইরাত্রে আবার রঘুবংশ নিয়ে পড়লুম। ইন্দুমতীর স্বয়ম্বর পড়ছিলুম। সভায় সিংহাসনের উপর সারি সারি সুসজ্জিত, সুন্দর চেহারা, রাজারা বসে গেছেন— এমন সময় শঙ্খ এবং তুরীধ্বনির মধ্যে বিবাহবেশ পরে সুন্দার হাত ধরে ইন্দুমতী তাঁদের মাঝখানের সভাপথে এসে দাঁড়ালেন। ছবিটি মনে করতে এমনি সুন্দর লাগে। তার পরে সুন্দা এক-একজনের পরিচয় করিয়ে দিচ্ছে আর ইন্দুমতী অনুরাগহীন এক-একটি প্রণাম করে চলে যাচ্ছেন। এই প্রণাম করাটি কেমন সুন্দর। যাকে ত্যাগ করছেন

তাকে যে নম্রভাবে সম্মান করে যাচ্ছেন এতে কতটা মানিয়ে যাচ্ছে। সকলেই রাজা, সকলেই তার চেয়ে বয়সে বড়ো; ইন্দুমতী একটি বালিকা, সে-যে তাঁদের একে-একে অতিক্রম করে যাচ্ছে, এই অবশ্য-রূঢ়তাটুকু যদি একটি-একটি সুন্দর সবিনয় প্রণাম দিয়ে না যুছে দিয়ে যেত তাহলে এই দৃশ্যের সৌন্দর্য থাকত না।

বর্ষান নদী

শিলাইদা, ২১ জুলাই ১৮৯২। কাল বিকেলে শিলাইদহে পৌঁছেছিলুম, আজ সকালে আবার পাবনার চলছি। নদীর যে রোখ। যেন লেজ-দোলানো কেশর-ফোলানো তাজা বুনো ঘোড়ার মতো। গতিগর্বে ঢেউ তুলে ফুলে ফুলে চলেছে— এই খেপা নদীর উপর চড়ে আমরা ছলতে ছলতে চলছি। ওর মধ্যে ভারি একটা উল্লাস আছে। এই ভরা নদীর যে কলরব সে কী আর বলব। ছল্‌ছল্‌ খল্‌খল্‌ করে কিছুতে যেন আর ক্ষান্ত হতে পারছে না, ভারি একটা যৌবনের মত্ততার ভাব। এ তবু গড়ই নদী, এখান থেকে আবার পদ্মায় গিয়ে পড়তে হবে; তার বোধ হয় আর কূল-কিনারা দেখবার জো নেই; সে মেয়ে বোধ হয় একেবারে উন্মাদ হয়ে খেপে নেচে বেরিয়ে চলেছে, সে আর কিছুই মধ্যস্থ থাকতে চায় না। তাকে মনে করলে আমার কালীর মূর্তি মনে হয়— নৃত্য করছে, ভাঙছে, এবং চুল এলিয়ে দিয়ে ছুটে চলেছে। মাঝিরা বলছিল, নূতন বর্ষার পদ্মার খুব 'ধার' হয়েছে। 'ধার' কথাটা ঠিক; তীব্রশ্রোত যেন চক্‌চকে খড়্‌গের মতো— পাতলা ইম্পাতের মতো একেবারে কেটে চলে যায়, প্রাচীন ব্রিটনদের যুদ্ধরথের চাকায় যেমন কুঠার বাঁধা, ছুইধারের তীর একেবারে অবহেলে ছারখার করে দিয়ে চলেছে।

পৃথিবীর টান

শিলাইদা, ২০ আগস্ট ১৮৯২। রোজ সকালে চোখ চেয়েই আমার বাঁ দিকে জল এবং ডান দিকে নদীতীর সূর্যকিরণে প্লাবিত দেখতে পাই। এখানকার রোদ্দে আমার মন ভারি উদাসীন হয়ে যায়। এর-যে কী মানে ঠিক ধরতে পারি নে, এর সঙ্গে-যে কী একটা আকাজকা জড়িত আছে ঠিক বুঝতে পারি নে। এ যেন এই বৃহৎ ধরণীর প্রতি একটা নাড়ীর টান। এক সময়ে যখন আমি এই পৃথিবীর সঙ্গে এক হয়ে ছিলাম, যখন আমার উপর সবুজ ঘাস উঠত, শরতের আলো পড়ত, সূর্যকিরণে আমার সুদূরবিস্তৃত শ্রামল অঙ্গের প্রত্যেক রোমকূপ থেকে যৌবনের স্নুগন্ধি-উত্তাপ উখিত হতে থাকত— আমি কত দূরদূরান্তর কত দেশদেশান্তরের জলস্থলপর্বত ব্যাপ্ত ক’রে উজ্জল আকাশের নিচে নিস্তরুভাবে স্তরে পড়ে থাকতুম, তখন শরৎ-সূর্যালোকে আমার বৃহৎ সর্বাস্ত্রে যে-একটি আনন্দরস, একটি জীবনীশক্তি অত্যন্ত অব্যক্ত অর্ধচেতন এবং অত্যন্ত প্রকাণ্ডভাবে সঞ্চারিত হতে থাকত তাই যেন খানিকটা মনে পড়ে। আমার এই-যে মনের ভাব এ যেন এই প্রতিনিয়ত অঙ্কুরিত মুকুলিত পুলকিত সূর্যসনাধ্যাদিম পৃথিবীর ভাব। যেন আমার এই চেতনার প্রবাহ পৃথিবীর প্রত্যেক ঘাসে এবং গাছের শিকড়ে শিকড়ে শিরায় শিরায় ধীরে ধীরে প্রবাহিত হচ্ছে— সমস্ত শশুক্লেত্র রোমাঙ্কিত হয়ে উঠছে, এবং নারকেল গাছের প্রত্যেক পাতা জীবনের আবেগে ধবুধবু করে কাঁপছে। এই পৃথিবীর উপর আমার যে একটি আন্তরিক আত্মীয়বৎসলতার ভাব আছে, ইচ্ছা করে সেটা ভালো ক’রে প্রকাশ করতে, কিন্তু ওটা বোধ হয় অনেকেই ঠিকটি বুঝতে পারবে না। কী একটা কিম্বৃত রকমের মনে করবে।

গ্রাম্য সাহিত্য

পতিসর, ১১ আগস্ট ১৮৯৭। অনেকগুলো বড়ো বড়ো বিলের মধ্যে দিয়ে আসতে হয়েছে। এই বিলগুলো ভারি অদ্ভুত—কোনো আকার আয়তন নেই, জলে স্থলে একাকার, পৃথিবী সমুদ্রগর্ভ থেকে নতুন জেগে ওঠবার সময় যেমন ছিল। কোথাও কিছু কিনারা নেই—খানিকটা জল, খানিকটা মগ্নপ্রায় ধানখেতের মাথা, খানিকটা শেওলা এবং জলজ উদ্ভিদ ভাসছে—পানকৌড়ি সাঁতার দিচ্ছে, জাল ফেলবার জন্তে বড়ো বড়ো বাঁশ পোঁতা, তারই উপর কটা রঙের বড়ো বড়ো চিল বসে আছে। দ্বীপের মতো অতিদূরে গ্রামের রেখা দেখা যাচ্ছে। যেতে যেতে হঠাৎ আবার খানিকটা নদী। দু'ধারে গ্রান, পাটের খেত এবং বাঁশের ঝাড়, আবার কখন-যে সেটা বিস্তৃত বিলের মধ্যে মিলিয়ে যাচ্ছে বোঝবার জো নেই।

ঠিক সূর্যাস্তের কাছাকাছি সময় যখন একটি গ্রাম পেরিয়ে আসছিলুম, একটা লম্বা নৌকায় অনেকগুলি ছোকরা ঝপ্ ঝপ্ করে দাঁড় ফেলছিল এবং সেই তালে গান গাচ্ছিল—

যোবাণ্ডি, ক্যান্ বা কর মন ভারি।

পাবনা থাকে আশ্বে দেব ট্যাকা দামের মোটরি।

স্থানীয় কবিটি যে-ভাবে অবলম্বন করে সংগীত রচনা করেছেন আমরাও ও-ভাবেই চের লিখেছি, কিন্তু ইতরবিশেষ আছে। আমাদের যুবতী মন ভারি করলে তৎক্ষণাৎ জীবনটা কিম্বা নন্দনকানন থেকে পারিজাতটা এনে দিতে প্রস্তুত হই। কিন্তু এ অঞ্চলের লোক খুব সুখে আছে বলতে হবে, অল্প ত্যাগস্বীকারেই যুবতীর মন পায়। মোটরি জিনিসটি কী তা বলা আমার সাধ্য নয়; কিন্তু তার দামটাও নাকি পার্শ্বেই উল্লেখ করা আছে; তাতেই বোঝা যাচ্ছে, খুব বেশি ছম্‌ল্যা

নয়, এবং নিতান্ত অগম্য স্থান থেকেও আনতে হয় না। গানটা শুনে বেশ মজার লাগল— যুবতীর মন ভারি হলে জগতে যে আন্দোলন উপস্থিত হয় এই বিলের প্রান্তেও তার একটা সংবাদ পাওয়া গেল। এ গানটি কেবল অস্থানেই হাস্যজনক কিন্তু দেশকালপাত্র-বিশেষে এর যথেষ্ট সৌন্দর্য আছে; আমার অজ্ঞাতনামা গ্রাম্য কবিত্রাতার রচনাগুলিও এই গ্রামের লোকের সুখদুঃখের পক্ষে নিতান্ত আবশ্যিক— আমার গানগুলি সেখানে কম হাস্যজনক নয়।

হাতি

পতিসর, ১৯ ফেব্রুয়ারি ১৮৯৪। যে পারে বোট লাগিয়েছি এ পারে খুব নির্জন। গ্রাম নেই, বসতি নেই, চষা মাঠ ধু ধু করছে, নদীর ধারে ধারে খানিকটা ক'রে শুকনো ঘাসের মতো আছে— সেই ঘাসগুলো ছিঁড়ে ছিঁড়ে গোটাকতক মোষ চ'রে বেড়াচ্ছে। আর, আমাদের ছোটো হাতি আছে, তারাও এ পারে চরতে আসে। তাদের দেখতে বেশ মজা লাগে, একটা পা উঠিয়ে ঘাসের গোড়ায় ছুঁচার বার একটু-একটু ঠোকর মারে, তার পরে শুঁড় দিয়ে টান মারতেই বড়ো বড়ো ঘাসের চাপড়া একেবারে মাটিস্থল উঠে আসে, সেই চাপড়াগুলো শুঁড়ে ক'রে ছুলিয়ে ছুলিয়ে ঝাড়ে, তার মাটিগুলো ঝরে ঝরে পড়ে যায়, তার পরে মুখের মধ্যে পুরে দিয়ে খেয়ে ফেলে। আবার এক-এক সময় খেয়াল যায়, খানিকটা ধুলো শুঁড়ে ক'রে নিয়ে ফুঁ দিয়ে নিজের পেটে পিঠে সর্বাঙ্গে হুস করে ছড়িয়ে দেয়— এইরকম তো হাতির প্রসাধনক্রিয়া। বৃহৎ শরীর, বিপুল বল, শ্রীহীন আরতন, অত্যন্ত নিরীহ— এই প্রকাণ্ড জন্তুটাকে দেখতে আমার বেশ লাগে। এর এই প্রকাণ্ড এবং বিশ্রীত্ব-র জন্তুই যেন এর প্রতি একটা কী বিশেষ স্নেহের উদ্দেশ্য হয়— এর সর্বাঙ্গের অসৌষ্ঠব থেকে এ-কে একটা মস্ত শিশুর মতো মনে হয়। তা ছাড়া জন্তুটা বড়ো উঁদার প্রকৃতির, শিব ভোলানাথের মতো, যখন

খেপে তখন খুব খেপে, যখন ঠাণ্ডা হয় তখন অগাধ শান্তি। বড়োঘর সঙ্গে সঙ্গে যে একরকম শ্রীহীনত্ব আছে তাতে অস্তরকে বিমুগ্ধ করে না, বরঞ্চ আকর্ষণ করে আনে। আমার ঘরে যে বেঠোভেনের ছবি আছে অনেক সুন্দর মুখের সঙ্গে তুলনা করলে তাকে দর্শনযোগ্য মনে না হতে পারে, কিন্তু আমি যখন তার দিকে চাই, সে আমাকে খুব টেনে নিয়ে যায়— ঐ উস্কোথুস্কো মাথাটার ভিতরে কতো বড়ো একটা শব্দহীন শব্দজগৎ। এবং কী একটা বেদনাময় অশান্ত ক্লিষ্ট প্রতিভা ক্লব্বাড়ে মতো ঐ লোকটার ভিতর ঘূর্ণ্যমান হত।

শুকতারা

পতিসর, ২৫ মার্চ ১৮২৪। আজকাল ভোরের বেলায় চোখ মেলেই ঠিক আমার খোলা জানলার সামনেই শুকতারা দেখতে পাই— তাকে আমার ভারি মিষ্টি লাগে, সেও আমার দিকে চেয়ে থাকে, যেন বহুকালের আমার আপনার লোক। মনে আছে, যখন শিলাইদহে কাছারি করে সন্ধ্যাবেলায় নৌকো করে নদী পার হতুম, এবং রোজ আকাশে সন্ধ্যাতারা দেখতে পেতুম, আমার ভারি একটা সাস্থনা বোধ হত। ঠিক মনে হত, আমার নদীটি যেন আমার ঘরসংসার এবং আমার সন্ধ্যাতারাটি আমার এই ঘরের গৃহলক্ষ্মী— আমি কখন কাছারি থেকে ফিরে আসব এইজন্তু সে উজ্জল হয়ে সেজে বসে আছে। তার কাছ থেকে এমন একটি স্নেহস্পর্শ পেতুম। তখন নদীটি নিস্তব্ধ হয়ে থাকত, বাতাসটি ঠাণ্ডা, কোথাও কিছু শব্দ নেই, ভারি যেন একটা ঘনিষ্ঠতার ভাবে আমার সেই প্রশান্ত সংসারটি পরিপূর্ণ হয়ে থাকত। আমার সেই শিলাইদহে প্রতি সন্ধ্যায় নিস্তব্ধ অন্ধকারে নদী পার হওয়াটা খুব স্পষ্টরূপে প্রায়ই মনে পড়ে। ভোরের বেলায় প্রথম দৃষ্টিপাতেই শুকতারাটি দেখে, তাকে আমার একটি বহুপরিচিত

সহাস্ত সহস্রী না মনে করে থাকতে পারি নে; সে যেন একটি চিরজাগ্রত কল্যাণকামনার মতো ঠিক আমার নিদ্রিত মুখের উপর প্রকৃত স্নেহ বিকিরণ করতে থাকে।

মেঘ ও বৌদ্ধ

শিলাইদা, ২৭ জুন ১৮৯৪। গল্প লেখবার একটা সুখ এই, যাদের কথা লিখব তারা আমার দিনরাত্তরের সমস্ত অবসর একেবারে ভরে রেখে দেবে, আমার একলা মনের সঙ্গী হবে, বর্ষার সময় আমার বন্ধ ঘরের সংকীর্ণতা দূর করবে, এবং রৌদ্রের সময় পদ্মাতীরের উজ্জ্বল দৃশ্যের মধ্যে আমার চোখের 'পরে বেড়িয়ে বেড়াবে। আজ সকালবেলায় তাই গিরিবালা নাম্নী উজ্জ্বল শ্রামবর্ণ একটি ছোটো অভিমানী মেয়েকে আমার কল্পনারাজ্যে অবতারণা করা গেছে। সবেমাত্র পাঁচটি লাইন লিখেছি এবং সে পাঁচ লাইনে কেবল এই কথা বলেছি যে, কাল বৃষ্টি হয়ে গেছে, আজ বর্ষণ-অস্তে চঞ্চল মেঘ এবং চঞ্চল রৌদ্রের পরস্পর শিকার চলছে। হেনকালে পূর্বসঙ্কিত বিন্দুবিন্দু বারিশীকরবর্ষী তরুতলে গ্রামপথে উক্ত গিরিবার আসা উচিত ছিল; তা না হয়ে আমার বোটে আমলাবর্গের সমাগম হল, তাতে করে সম্প্রতি গিরিবালাকে কিছুক্ষণের জন্তে অপেক্ষা করতে হল। তা হোক, তবু সে মনের মধ্যে আছে। আজ গিরিবালা অনাহুত এসে উপস্থিত হয়েছেন; কাল বড়ো আবশ্যকের সময় তাঁর দোহুল্যমান বেণীর সূচ্যগ্র-ভাগটুকুও দেখা যাবে না। কিন্তু, সে-কথা নিয়ে আজ আন্দোলনের দরকার নেই। শ্রীমতী গিরিবার তিরোধানসম্ভাবনা থাকে তো থাক, আজ যখন তাঁর শুভাগমন হয়েছে তখন সেটা আনন্দের বিষয় সন্দেহ নেই।

এবারকার পত্রে অবগত হওয়া গেল যে, আমার ঘরের ক্ষুদ্রতমাটি

ক্ষুদ্র ঠোঁট ফুলিরে অভিমান করতে শিখেছে। আমি সে চিত্র বেশ দেখতে পাচ্ছি। তার সেই নরম নরম মুঠোর আঁচড়ের জন্তে আমার মুখটা নাকটা তৃষার্ত হয়ে আছে। সে যেখানে সেখানে আমাকে মুঠো করে ধরে টলমলে মাথাটা নিয়ে হাম্ করে খেতে আসত এবং খুদে খুদে আঙুলগুলোর মধ্যে আমার চশমার হারটা জড়িয়ে নিতান্ত নির্বোধ নিশ্চিত গম্ভীরভাবে গাল ফুলিয়ে চেয়ে থাকত, সেই কথাটা মনে পড়ছে।

ইচ্ছামতী

পাবনা-পথে, ২ জুলাই ১৮৯৫। আঁকাবাকা ইচ্ছামতী নদীর তীর দিয়ে চলছি। এই ছোটো খামখেয়ালি বর্ষাকালের নদীটি, এই যে দুই ধারে সবুজ চালু ঘাট, দীর্ঘ ঘন কাশন, পাটের খেত, আগের খেত, আর সারিসারি গ্রাম— এ যেন একই কবিতার কয়েকটা লাইন, আমি বাব বার আবৃত্তি করে যাচ্ছি এবং বারবারই ভালো লাগছে। পদ্মার মতো বড়ো নদী এতই বড়ো যে, সে যেন ঠিক মুখস্থ করে নেওয়া যায় না, আর, এই কেবল কটি বর্ষামাসের দ্বারা অক্ষর-গোনা ছোটো বাকা নদীটি যেন বিশেষ করে আমার হয়ে যাচ্ছে।

পদ্মানদীর কাছে মানুষের লোকালয় তুচ্ছ কিন্তু ইচ্ছামতী মানুষ-ঘেঁষা নদী; তার শান্ত জলপ্রবাহের সঙ্গে মানুষের কর্মপ্রবাহের স্রোত মিশে যাচ্ছে। সে ছেলেদের মাছ ধরবার এবং মেয়েদের স্নান করবার নদী। স্নানের সময় মেয়েরা যে-সমস্ত গল্পগুজব নিয়ে আসে সেগুলি এই নদীটির হাশুময় কলধ্বনির সঙ্গে এক সুরে মিলে যায়। আশ্বিন মাসে মেনকার ঘরের পার্বতী যেমন কৈলাসশিখর ছেড়ে এক-বার তাঁর বাপের বাড়ি দেখেগুনে যান, ইচ্ছামতী তেমনি সপ্তসর অদর্শন থেকে বর্ষার কয়েকমাস আনন্দহাস্ত করতে করতে তার আশ্বীর

লোকালয়গুলির তত্ত্ব নিতে আসে। তার পরে ঘাটে ঘাটে মেয়েদের কাছে প্রত্যেক গ্রামের সমস্ত নূতন খবর শুনে নিয়ে তাদের সঙ্গে মাখামাখি সখিছু করে আবার চলে যায়।

সন্ধ্যা হয়ে এসেছে। আকাশ মেঘে অন্ধকার; গুরুগুরু মেঘ ডাকছে, এবং ঝোড়ো হাওয়ার তীরের বনঝাউগুলো ছলে উঠছে। বাঁশঝাড়ের মধ্যে ঘন কালির মতো অন্ধকার এবং জলের উপর গোধুলির একটা বিবর্ণ ধূসর আলো প'ড়ে একটা অস্বাভাবিক উত্তেজনার মতো দেখতে হয়েছে।

সন্ধ্যা

নাগরনদীর ঘাট, ১৬ ডিসেম্বর ১৮৯৫। কাল অনেকদিন পরে সূর্যাস্তের পর ওপারের পাড়ের উপর বেড়াতে গিয়েছিলুম। সেখানে উঠেই হঠাৎ যেন এই প্রথম দেখলুম, আকাশের আদি-অন্ত নেই— জন-হীন মাঠ দিগ্দিগন্ত ব্যাপ্ত ক'রে হা হা করছে— কোথায় ছুটি ক্ষুদ্র গ্রাম, কোথায় এক প্রান্তে সংকীর্ণ একটু জলের রেখা। কেবল নীল আকাশ এবং ধূসর পৃথিবী, আর তারই মাঝখানে একটি সঙ্গীহীন গৃহ-হীন অসীম সন্ধ্যা, মনে হয়, যেন একটি সোনার চেলি-পরা বধু অনন্ত প্রান্তরের মধ্যে মাথায় একটুখানি ঘোমটা টেনে একলা চলেছে; ধীরে ধীরে কত শত সহস্র গ্রাম নদী প্রান্তর পর্বত নগর বনের উপর দিয়ে যুগযুগান্তবকাল সমস্ত পৃথিবীমণ্ডলকে একাকিনী ম্লাননেত্রে, মৌনমুখে, শ্রান্তপদে প্রদক্ষিণ করে আসছে। তার বর যদি কোথাও নেই তবে তাকে এমন সোনার বিবাহবেশে কে সাজিয়ে দিলে। কোন্ অস্বহীন পশ্চিমের দিকে তার পতিগৃহ।

জীবনস্মৃতি

স্মৃতির পটে জীবনের ছবি কে আঁকিয়া যায় জানি না। কিন্তু যেই আঁকুক সে ছবিই আঁকে। অর্থাৎ, যাহা কিছু ঘটতেছে তাহার অবিকল নকল রাখিবার জন্ত সে তুলি হাতে বসিয়া নাই। সে আপনার অভিকৃতি-অনুসারে কত কী বাদ দেয় কত কী রাখে। কত বড়োকে ছোটো করে, ছোটোকে বড়ো করিয়া তোলে। সে আগের জিনিসকে পাছে ও পাছের জিনিসকে আগে সাজাইতে কিছুনাত্র দ্বিধা করে না। বস্তুত, তাহার কাজই ছবি আঁকা, ইতিহাস লেখা নয়।

কয়েক বৎসর পূর্বে একদিন কেহ আমাকে আমার জীবনের ঘটনা জিজ্ঞাসা করাতে, একবার এই ছবিব ঘরে খবর লইতে গিয়াছিলাম। মনে করিয়াছিলাম, জীবনবৃত্তান্তের দুই-চারিটা মোটামুটি উপকরণ সংগ্রহ করিয়া ক্ষান্ত হইব। কিন্তু, দ্বার খুলিয়া দেখিতে পাইলাম, জীবনের স্মৃতি জীবনের ইতিহাস নহে, তাহা কোন্-এক অদৃশ্য চিত্রকরের স্বহস্তের রচনা। তাহাতে নানা জায়গায় যে নানা রঙ পড়িয়াছে তাহা বাহিরের প্রতিবিম্ব নহে, সে রঙ তাহার নিজের ভাঙারের; সে রঙ তাহাকে নিজের রসে গুলিয়া লইতে হইয়াছে, স্মতরাং পটের উপর যে ছাপ পড়িয়াছে তাহা আদালতে সাক্ষ্য দিবার কাজে লাগিবে না।

এই স্মৃতির মধ্যে এমন কিছু নাই যাহা চিরস্মরণীয় করিয়া রাখিবার যোগ্য। কিন্তু, বিষয়ের মর্যাদার উপরেই যে সাহিত্যের নির্ভর তাহা নহে; যাহা ভালো করিয়া অনুভব করিয়াছি তাহাকে অনুভবগম্য করিয়া তুলিতে পারিলেই, মানুষের কাছে তাহার আদর আছে। নিজের

স্মৃতির মধ্যে যাহা চিত্ররূপে ফুটিয়া উঠিয়াছে তাহাকে কথার মধ্যে ফুটাইতে পারিলেই তাহা সাহিত্যে স্থান পাইবার যোগ্য।

শিক্ষাবস্তু

আমরা তিনটি বালক একসঙ্গে মানুষ হইতেছিলাম। আমার সঙ্গী-ছুটি আমার চেয়ে দুই বছরের বড়ো। তাঁহারা যখন গুরুমহাশয়ের কাছে পড়া আরম্ভ করিলেন আমারও শিক্ষা সেই সময়ে শুরু হইল, কিন্তু সে কথা আমার মনেও নাই।

কেবল মনে পড়ে, ‘জল পড়ে, পাতা নড়ে।’ তখন ‘কর’ ‘খল’ প্রভৃতি বানানের তুফান কাটাইয়া সবেমাত্র কুল পাইয়াছি। সেদিন পড়িতেছি, ‘জল পড়ে, পাতা নড়ে।’ আমার জীবনে এইটেই আদি-কবির প্রথম কবিতা। সেদিনের আনন্দ আজও যখন মনে পড়ে তখন বুঝিতে পারি, কবিতার মধ্যে মিল জিনিসটার এত প্রয়োজন কেন। মিল আছে বলিয়াই কথাটা শেষ হইয়াও শেষ হয় না, তাহার বক্তব্য যখন ফুরায় তখনো তাহার ঝংকারটা ফুরায় না— মিলটাকে লইয়া কানের সঙ্গে মনের সঙ্গে খেলা চলিতে থাকে। এমনি করিয়া ফিরিয়া ফিরিয়া সেদিন আমার সমস্ত চৈতন্যের মধ্যে জল পড়িতে ও পাতা নড়িতে লাগিল।

এই শিশুকালের আর-একটা কথা মনের মধ্যে বাঁধা পড়িয়া গেছে। আমাদের একটি অনেক কালের খাজাঞ্চি ছিল, কৈলাস মুখার্জ্য তাহার নার্ম। সে আমাদের ঘরের আয়ীয়েরই মতো। লোকটি ভারি রসিক। সকলের সঙ্গেই তাহার হাসিতামাশা।

সেই কৈলাস মুখার্জ্য আমার শিশুকালে অতি দ্রুতনেগে মস্ত একটা ছড়ার মতো বলিয়া আমার মনোরঞ্জন করিত। সেই ছড়াটার প্রধান নায়ক ছিলাম আমি এবং তাহার মধ্যে একটি ভাবী নায়িকার নিঃসংশয়

সমাগমের আশা অতিশয় উজ্জ্বলভাবে বর্ণিত ছিল। এই-যে ভুবন-মোহিনী বধুটি ভবিতব্যতার কোল আলো করিয়া বিরাজ করিতেছিল, ছড়া গুণিতে গুণিতে তাহার চিত্রটিতে মন ভারি উৎসুক হইয়া উঠিত। আপাদমস্তক তাহার যে বহুমূল্য অলংকারের তালিকা পাওয়া গিয়াছিল এবং মিলনোৎসবের যে অভূতপূর্ব সমারোহের বর্ণনা শুনা যাইত, তাহাতে অনেক প্রবীণবয়স্ক সুবিবেচক ব্যক্তির মন চঞ্চল হইতে পারিত, কিন্তু বালকের মন-যে মাতিয়া উঠিত এবং চোখের সামনে নানাবর্ণে বিচিত্র আশ্চর্য স্মৃগচ্ছবি দেখিতে পাঠিত তাহার মূল কারণ ছিল সেই দ্রুত-উচ্চারিত অনর্গল শব্দচ্ছটা এবং ছন্দের দোলা। শিশুকালের সাহিত্য-বস-সম্ভোগেন এই দুটো স্মৃতি এখনো জাগিয়া আছে— আর মনে পড়ে, ‘বৃষ্টি পড়ে টাপুব-টুপুব, নদেয় এল বান।’ ঐ ছড়াটা যেন গৈশবের মেঘদূত।

এমনি করিয়া নিত্যান্ত শিশুবয়সেই আমার পড়া আরম্ভ হইল। চাকরদের মহলে যে-সকল এই প্রচলিত ছিল তাহা লইয়াই আমার সাহিত্যচর্চা বহুপাত হয়। তাহাব মধ্যে চাণক্যশ্লোকের বাংলা অনুবাদ ও কৃত্তিবাসী বামাষণই প্রধান। সেই রামায়ণ পড়ার একটা দিনের ছবি মনে স্পষ্ট জাগিতেছে।

সেদিন মেঘলা কবিয়াছে; দিদিমা— আমার মাতার কোনো-এক সম্পর্কে খুঁড়ি— যে কৃত্তিবাসের বামাষণ পড়িতেন সেই মার্বেল-কাগজ-মণ্ডিত কোণড়েঁড়া-মলাটওয়াল মলিন বইখানি কোলে লইয়া মায়ের ঘরের দ্বাবেব কাছে পড়িতে বসিয়া গেলাম। সম্মুখে অস্তঃপুরের আঙিনা ঘেরিয়া চৌকোণ বারান্দা : সেই বারান্দায় মেঘাচ্ছন্ন আকাশ হইতে অপরাহ্নের স্নান আলো আসিয়া পড়িয়াছে। রামায়ণের কোনো-একটা করুণ বর্ণনায় আমার চোখ দিয়া জল পড়িতেছে দেখিয়া, দিদিমা জোর করিয়া আমার হাত হইতে বইটা কাড়িয়া লইয়া গেলেন।

ঘর ও বাহির

আমাদের শিশুকালে ভোগবিলাসের আয়োজন ছিল না বলিলেই হয়। মোটের উপরে তখনকার জীবনযাত্রা এখনকার চেয়ে অনেক বেশি সাদাসিধা ছিল। আহারে আমাদের শৌখিনতার গন্ধও ছিল না। কাপড়চোপড় এতই যৎসামান্য ছিল যে, এখনকার ছেলের চক্ষে তাহার তালিকা ধরিলে সন্মানহানির আশঙ্কা আছে। বয়স দশের কোঠা পার হইবার পূর্বে কোনোদিন কোনো কারণেই মোজা পরি নাই। শীতের দিনে একটা সাদা জামার উপরে আর-একটা সাদা জামাই যথেষ্ট ছিল। ইহাতে কোনোদিন অদৃষ্টকে দোষ দিই নাই। কেবল আমাদের বাডির দরজি নেয়ামৎ খলিফা অবহেলা করিয়া আমাদের জামায় পকেট-যোজনা অনাবশ্যক মনে করিলে দুঃখ বোধ করিতাম, কারণ, এমন দালক কোনো অকিঞ্চনের ঘরেও জন্মগ্রহণ করে নাই পকেটে রাখিবার মতো স্থাবর-অস্থাবর সম্পত্তি যাহার কিছুমাত্র নাই; বিধাতার রূপায় শিশুর ঐশ্বর্য সম্বন্ধে ধনী ও নির্ধনের ঘরে বেশি কিছু তারতম্য দেখা যায় না। আমাদের চটিজুতা একজোড়া থাকিত, কিন্তু পা-চুটা যেখানে থাকিত সেখানে নহে। প্রতি পদক্ষেপে তাহাদিগকে আগে আগে নিক্ষেপ করিয়া চলিতাম, তাহাতে যাতায়াতের সময় পদচালনা অপেক্ষা জুতাচালনা এত বহুল পরিমাণে হইত যে, পাছুকান্ধটির উদ্দেশ্য পদে পদে ব্যর্থ হইয়া যাইত।

বাহির বাড়িতে দোতলায় দক্ষিণপূর্ব কোণের ঘরে চাকরদের মহলে আমাদের দিন কাটিত। আমাদের এক চাকর ছিল তাহার নাম শ্রাম। শ্রামবর্ণ দোহারা বালক, মাথায় লম্বা চুল, খুলনা জেলায় তাহার বাড়ি। সে আমাকে ঘরের একটি নির্দিষ্ট স্থানে বসাইয়া, আমার চারিদিকে গড়ি দিয়া গণ্ডি কাটিয়া দিত। গম্ভীর মুখ করিয়া তর্জনী তুলিয়া বলিয়া

যাইত, গণ্ডির বাহিরে গেলেই বিষম বিপদ। বিপদটা আধিতৌতিক কি আধিদৈবিক তাহা স্পষ্ট করিয়া বুঝিতাম না, কিন্তু মনে বড়ো একটা আশঙ্কা হইত। গণ্ডি পার হইয়া সীতার কী সর্বনাশ হইয়াছিল তাহা রামায়ণে পড়িয়াছিলাম, এইজন্য গণ্ডিটাকে নিতান্ত অবিখাসীর মতো উড়াইয়া দিতে পারিতাম না।

জানলার নিচেই একটি ঘাট-বাঁধানো পুকুর ছিল। তাহার পূর্ব ধারের প্রাচীরের গায়ে প্রকাণ্ড একটা চীনা বট, দক্ষিণধারে নারিকেল-শ্রেণী। গণ্ডিবন্ধনের বন্দী আমি জানলার খড়খড়ি খুলিয়া প্রায় সমস্ত-দিন সেই পুকুরটাকে একখানা ছবির বহির মতো দেখিয়া দেখিয়া কাটাইয়া দিতাম। সকাল হইতে দেখিতাম, প্রতিবেশীরা এক-একে স্নান করিতে আসিতেছে। তাহাদের কে কখন আসিবে আমার জানা ছিল। প্রত্যেকেরই স্নানের বিশেষত্বটুকুও আমার পরিচিত। কেহ-বা দুই কানে আঙুল চাপিয়া ঝুপ্ ঝুপ্ করিয়া দ্রুতবেগে কতকগুলো ডুব পাড়িয়া চলিয়া যাইত; কেহ-বা ডুব না দিয়া গামছায় জল তুলিয়া ঘন ঘন মাথায় ঢালিতে থাকিত; কেহ-বা জলের উপরিভাগের মলিনতা এড়াইবার জন্য বারবার দুই হাতে জল কাটাইয়া লইয়া হঠাৎ একসময়ে ধাঁ করিয়া ডুব পাড়িত; কেহ-বা উপরের সিঁড়ি হইতেই বিনা ভূমিকায় সশব্দে জলের মধ্যে ঝাঁপ দিয়া পড়িয়া আত্মসমর্পণ করিত; কেহ-বা জলের মধ্যে নামিতে নামিতে এক নিশ্বাসে কতকগুলি শ্লোক আওড়াইয়া লইত; কেহ-বা ব্যস্ত, কোনোমতে স্নান সারিয়া লইয়া বাড়ি যাইবার জন্য উৎসুক; কাহারো-বা ব্যস্ততা লেশমাত্র নাই, ধীরে-স্বস্ত্রে স্নান করিয়া, গা মুছিয়া, কাপড় ছাড়িয়া, কোঁচাটা দুই-তিনবার ঝাড়িয়া, বাগান হইতে কিছু-বা ফুল তুলিয়া, যত্নমূলক দোহুল-গতিতে স্নানস্থল শরীরের আরামটিকে বায়ুতে বিকীর্ণ করিতে করিতে বাড়ির দিকে তাহার যাত্রা। এমনি করিয়া ছপুর বাজিয়া যায়, বেলা

একটা হয়, ক্রমে পুকুরের ঘাট জনশূন্য, নিস্তরু। কেবল রাজহাঁস ও পাতিহাঁসগুলা সারাবেলা ডুব দিয়া গুগুলি তুলিয়া খায়, এবং চঞ্চুচালনা করিয়া ব্যতিব্যস্তভাবে পিঠের পালক সাফ করিতে থাকে।

পুষ্করিণী নির্জন হইয়া গেলে সেই বটগাছের তলাটা আমার সমস্ত মনকে অধিকার করিয়া লইত। তাহার গুঁড়ির চারিধারে অনেক গুলা ঝুরি নামিয়া একটা অন্ধকারময় জটিলতাব সৃষ্টি করিয়াছিল। সেট কুহকের মধ্যে, বিশ্বের সেই একটা অস্পষ্ট কোণে যেন ভ্রমক্রমে বিশ্বের নিয়ম ঠেকিয়া গেছে। দৈবাৎ সেখানে যেন স্বপ্নযুগের একটা অসম্ভবের রাজত্ব বিধাতার চোখ এড়াইয়া আজও দিনের আলোব নাঝখানে রহিয়া গিয়াছে। মনের চক্ষে সেখানে যে কাহাদের দেখিতাম এবং তাহাদের ক্রিয়াকলাপ যে কিরকম, আজ তাহা স্পষ্ট ভাষায় বলা অসম্ভব। এই বটকেই উদ্দেশ্য করিয়া একদিন লিখিয়াছিলাম।

নিশিদিশি দাঁড়িয়ে আছি মাথায় লয়ে জট,
ছোটো ছেলেটি মনে কি পড়ে, ওগো প্রাচীন বট।

আমাদের বাড়ির ভিতরের ছাদেব প্রাচীর আমার মাথা ছাড়াইয়া উঠিত। যখন একটু বড়ো হইয়াছি এবং চাকবন্দেব শাসন কিঞ্চিৎ শিথিল হইয়াছে, যখন বাড়িতে নূতন বধু-সমাগম হইয়াছে এবং অবকাশের সঙ্গীরূপে তাঁহার কাছে প্রশ্ন লভ করিতেছি, তখন এক-এক দিন মধ্যাহ্নে সেই ছাদে আসিয়া উপস্থিত হইতাম। তখন বাড়িতে সকলের আহার শেষ হইয়া গিয়াছে; গৃহকর্মে ছেদ পড়িয়াছে; অস্তঃপূর্ব বিশ্রামে নিমগ্ন; স্নানসিক্ত শাড়িগুলি ছাতের কার্নিসের উপর হইতে ঝুলিতেছে; উঠানের কোণে যে উচ্চিষ্ট ভাত পড়িয়া আছে তাহারই উপর কাকের দলের সভা বসিয়া গেছে। সেই নির্জন অবকাশে প্রাচীরের রক্তের ভিতর হইতে চাহিয়া থাকিতাম, চোখে পড়িত,

আমাদের বাড়ির ভিতরের বাগানপ্রান্তের নারিকেলশ্রেণী ; তাহারই কাঁক দিয়া দেখা যাইত 'সিঙ্গির বাগান'-পল্লীর একটা পুকুর, এবং সেই পুকুরের ধারে যে-তারাগয়লানী আমাদের দুধ দিত তাহারই গোয়ালঘর ; আরো দূরে দেখা যাইত, তরুচূড়ার সঙ্গে মিশিয়া কলিকাতা শহরের নানা আকারের ও নানা আয়তনের উচ্চ-নীচ ছাদের শ্রেণী মধ্যাহ্নরোদ্রে প্রথর শুভ্রতা বিচ্ছুরিত করিয়া পূর্বদিগন্তের পাণ্ডুবর্ণ নীলিমার মধ্যে উধাও হইয়া চলিয়া গিয়াছে। সেই-সকল অতিদূর বাড়ির ছাদে চিলেকোঠা উঁচু হইয়া থাকিত, মনে হইত, তাহারা যেন নিশ্চল তর্জনী তুলিয়া চোখ টিপিয়া আপনার ভিতরকার রহস্য আমার কাছে সংকেতে বলিবার চেষ্টা করিতেছে। ভিক্কু বেনন প্রাসাদের বাহিরে দাঁড়াইয়া রাজভাণ্ডারের রুদ্ধ সিঙ্কুগুলার মধ্যে অসম্ভব রত্ন-মানিক কর্তন করে, আমিও তেমনি ঐ অজানা বাড়িগুলিকে কত খেলা কত স্বাধীনতায় আগাগোড়া বোঝাই-করা মনে করিতাম তাহা বলিতে পারি না। মাথার উপরে আকাশব্যাপী খরদীপ্তি, তাহারই দূরতম প্রান্ত হইতে চিলের সূক্ষ্ম তীক্ষ্ণ ডাক আমার কানে আসিয়া পৌঁছিত এবং সিঙ্গির বাগানের পাশের গলিতে দিবাস্তপ্ত নিস্তরু বাড়িগুলার সম্মুখ দিয়া পসারি সুর করিয়া 'চাই, চুড়ি চাই, খেলোনা চাই' হাঁকিয়া যাইত, তাহাতে আমার সমস্ত মনটা উদাস করিয়া দিত।

পেনেটির বাগান

একবার কলিকাতায় ডেক্সরের তাড়ায় আমাদের বৃহৎ পরিবারের কিয়দংশ পেনেটিতে ছাত্তুবাবুদের বাগানে আশ্রয় লইল। আমরা তাহার মধ্যে ছিলাম।

এই প্রথম বাহিরে গেলাম। গঙ্গার তীরভূমি যেন কোন্ পূর্ব-জন্মের পরিচয়ে আমাকে কোলে করিয়া লইল। সেখানে চাকরদের

ঘরটির সামনে গোটাকয়েক পেয়ারাগাছ। সেই ছায়াতলে বারান্দায় বসিয়া সেই পেয়ারাবনের অন্তরাল দিয়া গঙ্গার ধারার দিকে চাহিয়া আমার দিন কাটিত। প্রত্যহ প্রভাতে যুম হইতে উঠিবামাত্র আমার কেমন মনে হইত, যেন দিনটাকে একখানি সোনালি-পাড়-দেওয়া নূতন চিঠির মতো পাইলাম। লেফাফা খুলিয়া ফেলিলে যেন কী অপূর্ব খবর পাওয়া যাইবে। পাছে একটুও কিছু লোকসান হয়, এই আগ্রহে তাড়াতাড়ি মুখ ধুইয়া বাহিরে আসিয়া চৌকি লইয়া বসিতাম। প্রতি-দিন গঙ্গার উপর সেই জোয়ারভাঁটার আসাযাওয়া, কত রকম-রকম নৌকার কত গতিভঙ্গী, সেই পেয়ারাগাছের ছায়ার পশ্চিম হইতে পূর্ব দিকে অপসরণ, সেই কোন্নগরের পারে শ্রেণীবদ্ধ বনাক্ককারের উপর বিদীর্ণবন্ধ সূর্যাস্তকালের অজস্র স্বর্ণশোণিত-প্রাবন। এক-একদিন সকাল হইতে মেঘ করিয়া আসে, ওপারের গাছগুলি কালো, নদীর উপর কালো ছায়া; দেখিতে দেখিতে সশব্দ বৃষ্টির ধারায় দিগন্ত ঝাপসা হইয়া যায়, ওপারের তটরেখা যেন চোখের জলে বিদায় গ্রহণ করে, নদী ফুলিয়া ফুলিয়া উঠে, এবং ভিজা হাওয়া এপারের ডালপালাগুলার মধ্যে যা-খুশি-তাই করিয়া বেড়ায়।

কড়ি-বরগা-দেয়ালের জঠরের মধ্য হইতে বাহিরের জগতে যেন নূতন জন্মলাভ করিলাম। সকালবেলায় এখো-গুড দিয়া যে বাসি লুচি খাইতাম, নিশ্চয়ই স্বর্গলোকে ইন্দ্র যে-অমৃত খাইয়া থাকেন তাহার সঙ্গে তার স্বাদের বিশেষ কিছু পার্থক্য নাই। কারণ, অমৃত জিনিসটা রসের মধ্যে নাই, রসবোধের মধ্যেই আছে, এইজন্য যাহারা সেটাকে খোজ তাহারা সেটাকে পায়ই না।

যেখানে আমরা বসিতাম তাহার পিছনে প্রাচীর দিয়া ঘেরা ঘাট-বাঁধানো একটা গিড়কির পুকুর, ঘাটের পাশেই একটা মস্ত জামরুল গাছ; চারিধারেই বড়ো বড়ো ফলের গাছ ঘন হইয়া দাঁড়াইয়া ছায়ার

আড়ালে পুষ্করিণীটির আকর রচনা করিয়া আছে। এই ঢাকা, ঘেরা, ছায়া-করা, সংকুচিত একটুখানি খিড়কির বাগানের ঘোমটা-পরা সৌন্দর্য আমার কাছে ভারি মনোহর ছিল। সম্মুখের উদার গঙ্গাতীরের সঙ্গে এর কতই তফাত; এ যেন ঘরের টুবধু। কোণের আড়ালে, নিজের হাতের লতাপাতা-ঝাঁক সবুজ রঙের কাঁথাটি মেলিয়া দিয়া মধ্যাহ্নের নিভৃত অবকাশে মনের কথাটিকে মৃদুগুঞ্জে ব্যক্ত করিতেছে। সেই মধ্যাহ্নেই অনেকদিন জামরুল গাছের ছায়ায়, ঘাটে একলা বসিয়া, পুকুরের গভীর তলাটার মধ্যে যক্ষপুরীর ভয়ের রাজ্য কল্পনা করিয়াছি।

বাংলাদেশের পাড়ারগাঁটাকে ভালো করিয়া দেখিবার জন্য অনেক দিন হইতে মনে আমার ঔৎসুক্য ছিল। গ্রামের ঘরবস্তি চণ্ডীমণ্ডপ রাস্তাঘাট খেলাধুলা হাটমাঠ জীবনযাত্রার কল্পনা আমার হৃদয়কে অত্যন্ত টানিত। সেই পাড়ারগাঁ এই গঙ্গাতীরের বাগানের ঠিক একেবারে পশ্চাতেই ছিল, কিন্তু সেখানে, যাওয়া আমাদের নিষেধ।

সেই পিছনে আমার বাধা রহিল, কিন্তু গঙ্গা সম্মুখ হইতে আমার সমস্ত বন্ধন হরণ করিয়া লইলেন। পাল-তোলা নৌকায় যখন-তখন আমার মন বিনা ভাড়ায় সওয়ারি হইয়া বসিত এবং যে-সব দেশে যাত্রা করিয়া বাহির হইত ভূগোলে আজ পর্যন্ত তাহাদের কোনো পরিচয় পাওয়া যায় নাই।

অস্তঃপুরের ছবি

বাহিরের প্রকৃতি যেমন আমার কাছ হইতে দূরে ছিল, ঘরের অস্তঃপুর ঠিক তেমনিই। সেইজন্য যখন তাহার ষেটুকু দেখিতাম আমার চোখে যেন ছবির মতো পড়িত। রাত্রি নটার পর অঘোর

মাস্টারের কাছে পড়া শেষ করিয়া বাড়ির ভিতর শয়ন করিতে চলিয়াছি; খড়খড়ে-দেওয়া লম্বা বাবান্দাটাতে মিটমিটে লঠন জ্বলিতেছে; সেই বাবান্দা পাব হইয়া গোটা চার-পাঁচ অক্ষরকান সিঁড়ির ধাপ নামিয়া একটি উঠান-ঘেবা অগ্ন্যুৎসব বাবান্দায় আসিয়া প্রবেশ করিয়াছি; বাবান্দার পশ্চিমভাগে পূর্ব-আকাশ হইতে বাকা হইয়া জ্যোৎস্নার আলো আসিয়া পড়িয়াছে, বাবান্দার অপব অংশগুলি অন্ধকার, সেই একটুখানি জ্যোৎস্নার বাড়ির দাসীরা পাশাপাশি পামেলিয়া বসিয়া উরুর উপর প্রদীপের সলিতা পাকাইতেছে এবং মৃদুস্বরে আপনাদের দেশের কথা বলাবলি করিতেছে— এমন কত ছবি মনেব মধ্যে একেবাবে আঁকা হইয়া বহিয়াছে। তাব পরে বাত্রে আহাব সারিয়া বাহিরের বাবান্দায় জল দিয়া পা ধুইয়া একটা মস্ত বিছানায় আমরা তিনজনে শুইয়া পড়িতাম, শঙ্করী কিম্বা তিনকড়ি আসিয়া শিয়রের কাছে বসিয়া তেপান্তর মাঠের উপর দিয়া বাজপুত্রের ভ্রমণের কথা বলিত; সে কাহিনী শেষ হইয়া গেলে শয্যাতে নীদ হইয়া যাইত; দেয়ালের দিকে মুখ ফিরাইয়া শুইয়া ক্ষীণালোক দেখিতাম, দেয়ালের উপর হইতে মাঝে মাঝে চুনকাম খসিয়া গিয়া কালোয় সাদাষ নানাপ্রকারের রেখাপাত হইয়াছে; সেই বেখাগুলি হইতে আমি মনে-মনে বহুবিধ অদ্ভুত ছবি উদ্ভাবন করিতে করিতে ঘুমাইয়া পড়িতাম, তাব পরে অর্ধবাত্রে কোনো-কোনো দিন আধঘুমে শুনিতে পাইতাম, অতি বৃদ্ধ স্বরূপসর্দার উচ্চস্বরে হাঁক দিতে দিতে এক বাবান্দা হইতে আর-এক বাবান্দায় চলিয়া যাইতেছে।

শ্রীকণ্ঠবাবু

এই সময়ে একটি শ্রোতা লাভ করিয়াছিলাম, এমন শ্রোতা আব পাইব না। ভালো লাগিবার শক্তি ইহার এতই অসাধারণ যে, মাসিক-

পত্রের সংক্ষিপ্ত সমালোচক-পদলাভের ইনি একেবারেই অযোগ্য। বুদ্ধ একেবারে সুপক বোম্বাই-আমটির মতো, অল্পরসের আভাস-মাত্র-বর্জিত, তাঁহার স্বভাবের কোথাও এতটুকু আঁশও ছিল না। মাথা-ভরা টাক, গৌন্দাড়ি-কামানো স্নিগ্ধ মধুর মুখ, মুখবিবরের মধ্যে দস্তুর কোনো বালাই ছিল না, বড়ো বড়ো দুই চক্ষু অবিরাম হান্তে সমুজ্জল। তাঁহার স্বাভাবিক ভারি গলায় যখন কথা কহিতেন তখন তাঁহার সমস্ত হাত মুখ চোখ কথা কহিতে থাকিত। ইনি সেকালের পারসি-পড়া রসিক মানুষ, ইংরেজির কোনো ধার ধারিতেন না। তাঁহার বামপার্শ্বের নিত্যসঙ্গিনী ছিল একটি গুড়গুড়ি, কোলে কোলে সর্বদাই ফিরিত একটি সেতার এবং কণ্ঠে গানের আর বিশ্রাম ছিল না।

এই বৃদ্ধটি আমার পিতার, তেমনি দাদাদের, তেমনি আমাদেরও বন্ধু ছিলেন। আমাদের সকলেরই সঙ্গে তাঁহার বয়স মিলিত। কবিতা শোনাইবার এমন অমুকুল শ্রোতা সহজে মিলে না। ঝরনার ধারা যেমন এক-টুকরা গুড়ি পাইলেও তাহাকে ঘিরিয়া ঘিরিয়া নাচিয়া মাত করিয়া দেয়, তিনিও তেমনি যে-কোনো-একটা উপলক্ষ্য পাইলেই আপন উল্লাসে উদ্বেল হইয়া উঠিতেন।

গান শব্দকে আমি শ্রীকণ্ঠবাবুর প্রিয় শিষ্য ছিলাম। তাঁহার একটা গান ছিল— ‘ময়্ ছোড়োঁ। ব্রজকি বাসরী।’ ঐ গানটি আমার মুখে সকলকে শোনাইবার জন্ত তিনি আমাকে ঘরে ঘরে টানিয়া লইয়া বেড়াইতেন। আমি গান ধরিতাম, তিনি সেতারে ঝংকার দিতেন এবং যেখানটিতে গানের প্রধান বঁক ‘ময়্ ছোড়োঁ’ সেইখানটাতে মাতিয়া উঠিয়া তিনি নিজে যোগ দিতেন ও অশ্রান্তভাবে সেটা ফিরিয়া ফিরিয়া আবৃত্তি করিতেন এবং মাথা নাড়িয়া মুগ্ধদৃষ্টিতে সকলের মুখের দিকে চাহিয়া যেন সকলকে ঠেলা দিয়া ভালো-লাগায় উৎসাহিত করিয়া তুলিতে চেষ্টা করিতেন।

ইনি আমার পিতার ভক্ত বন্ধু ছিলেন। ইঁহারই দেওয়া হিন্দী গান হইতে ভাঙা একটি ব্রহ্মসংগীত আছে— ‘অস্তুরতর অস্তুরতম তিনি যে, ভুলো না রে তাঁয়।’ এই গানটি তিনি পিতৃদেবকে শোনাইতে শোনাইতে আবেগে চৌকি ছাড়িয়া উঠিয়া দাঁড়াইতেন। সেতারে ঘন ঘন ঝংকার দিয়া একবার বলিতেন, ‘অস্তুরতর অস্তুরতম তিনি যে’ : আবার পালটাইয়া লইয়া তাঁহার মুখের সম্মুখে হাত নাড়িয়া বলিতেন ‘অস্তুরতর অস্তুরতম ভূমি যে’।

এই বৃদ্ধ যেদিন আমার পিতার সঙ্গে শেষ সাক্ষাৎ করিতে আসেন, তখন পিতৃদেব চুঁচুড়ায় গঙ্গার ধারের বাগানে ছিলেন। শ্রীকণ্ঠবাবু তখন অস্তিম রোগে আক্রান্ত, তাঁহার উষ্ণতার শক্তি ছিল না, চোখেব পাতা আঙুল দিয়া তুলিয়া চোখ মেলিতে হইত। এই অবস্থায় তিনি তাঁহার কণ্ঠার গুশ্রবাধীনে বীরভূমের রায়পুর হইতে চুঁচুড়ায় আসিয়া-ছিলেন। বহুকষ্টে একবারমাত্র পিতৃদেবের পদধূলি লইয়া চুঁচুড়ায় বাসায় ফিরিয়া আসেন ও অল্পদিনেই তাঁহার মৃত্যু হয়। তাঁহার কণ্ঠার কাছে শুনিতে পাই, আসন্ন মৃত্যুর সময়েও ‘কী মধুর তব করুণা, প্রভো’ গানটি গাহিয়া তিনি চিরনীরবতা লাভ করেন।

পিতৃদেব

অমৃতসরে গুরুদরবার আমার স্বপ্নের মতো মনে পড়ে। অনেক দিন সকালবেলায় পিতৃদেবের সঙ্গে পদব্রজে সেই সরোবরের মাঝখানে শিখ-মন্দিরে গিয়াছি। সেখানে নিয়তই ভজনা চলিতেছে। আমাব পিতা সেই শিখ উপাসকদের মাঝখানে বসিয়া সহসা একসময় প্ৰব করিয়া তাহাদের ভজনায় যোগ দিতেন ; বিদেশীর মুখে তাহাদের এই বন্দনাগান শুনিয়া তাহারা অত্যন্ত উৎসাহিত হইয়া তাঁহাকে সমাদর করিত। ফিরিবার সময় মিছরির খণ্ড ও হালুয়া লইয়া আসিতেন।

যখন সন্ধ্যা হইয়া আসিত পিতা বাগানের সম্মুখে বারান্দায় আসিয়া বসিতেন। তখন তাঁহাকে ব্রহ্মসংগীত শোনাইবার জন্ত আমার ডাক পড়িত। ঠাঁদ উঠিয়াছে, গাছের ছায়ার ভিতর দিয়া জ্যোৎস্নার আলো বারান্দার উপর আসিয়া পড়িয়াছে, আমি বেহাগে গান গাহিতেছি—

তুমি বিনা কে, প্রভু, সংকট নিবারে.

কে সহায় ভব-অন্ধকারে—

তিনি নিশ্চর হইয়া নতশিরে কোলের উপর দুই হাত জোড় করিয়া শুনিতেছেন— সেই সন্ধ্যাবেলাটির ছবি আজো মনে পড়িতেছে।

একদিন আমার রচিত দুইটি পারমার্থিক কবিতা শ্রীকৃষ্ণ বাবুর নিকট শুনিয়া পিতৃদেব হাসিয়াছিলেন। তাহার পরে বড়ো বয়সে আর-একদিন আমি তাহার শোধ লইতে পারিয়াছিলাম। সেই কথাটা এখানে উল্লেখ করিতে ইচ্ছা করি।

একবার মাঘোৎসবে সকালে ও বিকালে আমি অনেকগুলি গান তৈরি করিয়াছিলাম। তাহার মধ্যে একটা—‘নয়ন তোমারে পায় না দেখিতে, রয়েছ নয়নে নয়নে।’ পিতা তখন চুঁচুড়ায় ছিলেন। সেখানে আমার এবং জ্যোতিদাদার ডাক পড়িল। হারমোনিয়মে জ্যোতিদাদাকে বসাইয়া আমাকে তিনি নূতন গান সব-কটি একে-একে গাহিতে বলিলেন। কোনো কোনো গান দুবারও গাহিতে হইল।

গান গাওয়া শেষ হইল। তখন তিনি বলিলেন, “দেশের রাজা যদি দেশের ভাষা জানিত ও সাহিত্যের আদর বুঝিত তবে কবিকে তো তাহার পুরস্কার দিত। রাজার দিক হইতে যখন তাহার কোনো সম্ভাবনা নাই তখন আমাকেই সে কাজ করিতে হইবে।” এই বলিয়া তিনি একখানি পাচশো টাকার চেক আমার হাতে দিলেন।

অমৃতসরে মাসখানেক ছিলাম। সেখান হইতে চৈত্রমাসের শেষে

ড্যালহোসি পাহাড়ে যাত্রা করা গেল। অমৃতসরে মাস আর কাটিতে-ছিল না। হিমালয়ের আছান আমাকে অস্থির করিয়া তুলিতেছিল।

যখন ঝাঁপানে করিয়া পাহাড়ে উঠিতেছিলাম তখন পর্বতের উপত্যকা-অধিত্যকাদেশে নানাবিধ চৈতালি ফসলে স্তরে স্তরে পঙ্কিতে পঙ্কিতে সৌন্দর্যের আশ্রয় লাগিয়া গিয়াছিল। আমরা প্রাতঃকালেই দুধকুটি খাইয়া বাহির হইতাম এবং অপরাহ্নে ডাকবাংলার আশ্রয় লইতাম। সমস্ত দিন আমার দুই চোখের বিরাম ছিল না, পাছে কিছু-একটা এড়াইয়া যায় এই আমার ভয়। যেখানে পাহাড়ের কোনো কোণে পথের কোনো ঝাঁকে পল্লবভারাচ্ছন্ন বনস্পতির দল নিবিড় ছায়া রচনা করিয়া দাঁড়াইয়া আছে, এবং ধ্যানরত বৃদ্ধতপস্বীদের কোলের কাছে লীলাময়ী মুনিব্রতাদের মতো দুই-একটি ঝরনার ধারা সেই ছায়াতল দিয়া শৈবালচ্ছন্ন কালো পাথরগুলার গা বাহিয়া ঘন শীতল অন্ধকারের নিভৃত নেপথ্য হইতে কুল-কুল করিয়া ঝরিয়া পড়িতেছে সেখানে ঝাঁপানিয়া ঝাঁপান নামাইয়া বিশ্রাম করিত। আমি লুকুভাবে মনে করিতাম, এ সমস্ত জায়গা আমাদের কাছে ছাড়িয়া যাইতে হইতেছে কেন। এইখানে থাকিলেই তো হয়।

ডাকবাংলার পৌছিলে পিতৃদেব বাংলার বাহিরে চৌকি লইয়া বসিতেন। সন্ধ্যা হইয়া আসিলে পর্বতের স্বচ্ছ আকাশে তারাগুলি আশ্চর্য স্পষ্ট হইয়া উঠিত এবং পিতা আমাকে গ্রহ-তারকা চিনাইয়া দিয়া জ্যোতিষ্ক-সঙ্কে আলোচনা করিতেন।

বক্রোটার আমাদের বাসা একটি পাহাড়ের সর্বোচ্চ চূড়ায় ছিল। যদিও তখন বৈশাখ মাস, কিন্তু শীত অত্যন্ত প্রবল। এমন কি, পথের যে-অংশে রৌদ্র পড়িত না সেখানে তখনো বরফ গলে নাই।

কোনো বিপদ আশঙ্কা করিয়া, আপন ইচ্ছায় পাহাড়ে ভ্রমণ করিতে পিতা আমাকে একদিনও বাধা দেন নাই। আমাদের বাসার নিম্নবর্তী

এক অধিত্যকার বিস্তীর্ণ কেলু বন ছিল। সেই বনে আমি একলা আমার লৌহফলকবিশিষ্ট লাঠি লইয়া প্রায় বেড়াইতে যাইতাম। বনস্পতিগুলা প্রকাণ্ড দৈত্যের মতো মস্ত মস্ত ছায়া লইয়া দাঁড়াইয়া আছে; তাহাদের কত শত বৎসরের বিপুল প্রাণ। কিন্তু এই সেদিনকার অতি ক্ষুদ্র একটি মানুষের শিশু অসংকোচে তাহাদের গা ঘেঁষিয়া ঘুরিয়া বেড়াইতেছে, তাহারা একটি কথাও বলিতে পারে না। বনের ছায়ার মধ্যে প্রবেশ করিবামাত্রই যেন তাহার একটা বিশেষ স্পর্শ পাইতাম। সরীসৃপের গাত্রের মতো একটি ঘন শীতলতা এবং বনতলের শুষ্ক পত্ররাশির উপরে ছায়া-আলোকের পর্যায় যেন প্রকাণ্ড একটা আদিম সরীসৃপের গাত্রের বিচিত্র রেখাবলী।

আমার শোবার ঘর ছিল একটা প্রান্তের ঘর। রাত্রে বিছানায় শুইয়া কাচের জানালার ভিতর দিয়া নক্ষত্রালোকের অস্পষ্টতায় পর্বত-চূড়ার পাণ্ডুরবর্ণ তুষারদীপ্তি দেখিতে পাইতাম— জানি না কত রাত্রে, দেখিতাম, পিতা গায়ে একখানি লাল শাল পরিয়া হাতে একটি মোম-বাতির সেজ লইয়া নিঃশব্দসঙ্করণে চলিয়াছেন। কাচের আবরণে ঘেরা বাহিরের বারান্দায় বসিয়া উপাসনা করিতে যাইতেছেন।

তাহার পর আর-এক ঘুমের পরে হঠাৎ দেখিতাম, পিতা আমাকে ঠেলিয়া জাগাইয়া দিতেছেন। তখনো রাত্রির অন্ধকার সম্পূর্ণ দূর হয় নাই। উপক্রমণিকা হইতে ‘নরঃ নরৌ নরাঃ’ মুখস্থ করিবার জন্ত আমার সেই সময় নির্দিষ্ট ছিল। শীতের কঙ্কলরাশির তপ্তবেষ্টন হইতে বড়ো ছুঃখের এই উদ্‌বোধন।

সূর্যোদয়কালে যখন পিতৃদেব তাঁহার প্রভাতের উপাসনা-অন্তে একবাটি দুধ খাওয়া শেষ করিতেন তখন আমাকে পাশে লইয়া দাঁড়াইয়া উপনিষদের মন্ত্রপাঠ দ্বারা আর-একবার উপাসনা করিতেন।

ফাদার গু-পেনারান্দা

হিমালয় হইতে ফিরিবার পরে সেন্ট্‌জের্ভিয়াসে আমাদের ভরতি করিয়া দেওয়া হইল।

সেন্ট্‌জের্ভিয়াসে'র একটি পবিত্র স্মৃতি আজ পর্যন্ত আমার মনেব মধ্যে অম্লান হইয়া রহিয়াছে— তাহা সেখানকার অধ্যাপকের স্মৃতি। ফাদার গু-পেনারান্দার সহিত আমাদের যোগ তেমন বেশি ছিল না, বোধ করি কিছুদিন তিনি আমাদের নিয়মিত শিক্ষকের বদলিরূপে কাজ করিয়াছিলেন। তিনি জ্ঞাতিতে স্পেনীয় ছিলেন। ইংবেঙ্কি উচ্চারণে তাঁহার ষথেষ্ট বাধা ছিল। বোধ করি সেই কারণে তাঁহার ক্লাসের শিক্ষায় ছাত্রগণ ষথেষ্ট মনোযোগ করিত না। আমার বোধ হইত, ছাত্রদের সেই ঔদাসীণ্যের ব্যাঘাত তিনি মনের মধ্যে অনুভব করিতেন কিন্তু নম্রভাবে প্রতিদিন তাহা সহ্য করিয়া লইতেন। আমি জানি না কেন, তাঁহার জন্ম আমার মনের মধ্যে একটা বেদনা বোধ হইত। তাঁহার মুখশ্রী সুন্দর ছিল না, কিন্তু আমার কাছে তাহার কেমন একটি আকর্ষণ ছিল। তাঁহাকে দেখিলেই মনে হইত, তিনি সর্বদাই আপনার মনের মধ্যে যেন একটি দেবোপাসনা বহন করিতেছেন, অস্তরের বৃহৎ এবং নিবিড় স্তম্ভতায় তাঁহাকে যেন আবৃত করিয়া রাখিয়াছে। আধঘণ্টা আমাদের কপি লিখিবার সময় ছিল, আমি তখন কলম হাতে লইয়া অন্তমনস্ক হইয়া যাহা-তাহা ভাবিতাম। একদিন ফাদার গু-পেনারান্দা এই ক্লাসে অধ্যক্ষতা করিতেছিলেন। তিনি প্রত্যেক বেঞ্চিব পিছনে পদচারণা করিয়া যাইতেছিলেন। বোধ করি তিনি দুই-তিনবার লক্ষ্য করিয়াছিলেন, আমার কলম সরিতেছে না। এক সময়ে আমার পিছনে ধামিয়া দাঁড়াইয়া নত হইয়া আমার পিঠে তিনি হাত রাখিলেন এবং অত্যন্ত স্নেহস্বরে

আমাকে জিজ্ঞাসা করিলেন, “টাগোর, তোমার কি শরীর ভালো নাই।”—বিশেষ কিছু নহে, কিন্তু আজ পর্যন্ত তাঁহার সেই প্রশ্নটি ভুলি নাই। অল্প ছাত্রদের কথা বলিতে পারি না, কিন্তু আমি তাঁহার ভিতরকার একটি বৃহৎ মনকে দেখিতে পাইতাম, আজো তাহা স্বরণ করিলে আমি যেন নিভৃত নিস্তর দেবমন্দিরের মধ্যে প্রবেশ করিবার অধিকার পাই।

বচনা প্রকাশ

এ-পর্যন্ত যাহা লিখিতেছিলাম তাহার প্রচার আপনা-আপনি মধ্যেই বন্ধ ছিল। এমন সময়ে জ্ঞানাকুর নামে এক কাগজ বাহির হইল। কাগজের নামের উপরুক্ত একটি অক্ষরোদ্গত কবিও কাগজের কতৃপক্ষের সংগ্রহ করিলেন। আমার সমস্ত পদ্যপ্রলাপ এবং প্রথম যে গদ্য প্রবন্ধ লিখি তাহাও এই জ্ঞানাকুরেই বাহির হয়। তাহা গ্রন্থ-সমালোচনা। তাহার একটু ইতিহাস আছে। তখন ভুবনমোহিনী-প্রতিভা নামে একটি কবিতার বই বাহির হইয়াছিল। বইখানি ভুবনমোহিনী নামধারিণী কোনো মহিলার লেখা বলিয়া সাধারণের ধারণা জন্মিয়া গিয়াছিল। ‘সাধারণী’ কাগজে অক্ষয় সরকার মহাশয় এবং এডুকেশন-গেজেটে ভূদেববাবু এই কবির অভ্যুদয়কে প্রবল জয়-বাণের সহিত ঘোষণা করিতেছিলেন।

আমি তখন ‘ভুবনমোহিনী প্রতিভা’ ‘ছঃখসঙ্গিনী’ ও ‘অবসর-সরোজিনী’ বই তিনখানি অবলম্বন করিয়া জ্ঞানাকুরে এক সমালোচনা লিখিলাম।

খুব ঘটা করিয়া লিখিয়াছিলাম। খণ্ডকাব্যেরই বা লক্ষণ কী, গীতিকাব্যেরই বা লক্ষণ কী, তাহা অপূর্ব বিচক্ষণতার সহিত আলোচনা করিয়াছিলাম। সুবিধার কথা এই ছিল, ছাপার অক্ষর সবগুলিই সমান

নির্বিকার, তাহার মুখ দেখিয়া কিছুমাত্র চিনিবার জো নাই, লেখকটি কেমন, তাহার বিদ্যাবুদ্ধির দৌড় কত। আমার বন্ধু অত্যন্ত উত্তেজিত হইয়া আসিয়া কহিলেন, “একজন বি-এ তোমার এই লেখার জবাব লিখিতেছেন!” বি-এ শুনিয়া আমার আর বাক্যসুঁতি হইল না। বি-এ! শিশুকালে সত্য যেদিন বারান্দা হইতে পুলিশম্যানকে ডাকিয়াছিল সেদিন আমার যে দশা, আজো আমার সেইরূপ। আমি চোখের সামনে স্পষ্ট দেখিতে লাগিলাম, খণ্ডকাব্য গীতিকাব্য সম্বন্ধে আমি যে-কীর্তিস্তম্ভ খাড়া করিয়া তুলিয়াছি বড়ো বড়ো কোর্টেশনের নির্মম আঘাতে তাহা সমস্ত ধূলিসাৎ হইয়াছে এবং পাঠকসমাজে আমার মুখ দেখাইবার পথ একেবারে বন্ধ। ‘কুরুণে জনম তোব রে সমালোচনা’। উদ্বেগে দিনের পর দিন কাটিতে লাগিল। কিন্তু বি-এ সমালোচক বাল্যকালের পুলিশম্যানটির মতোই দেখা দিলেন না।

স্বদেশিকতা

স্বদেশের প্রতি পিতৃদেবের যে-একটি আন্তরিক শ্রদ্ধা তাঁহার জীবনের সকল প্রকার বিপ্লবের মধ্যেও অক্ষুণ্ণ ছিল তাহাই আমাদের পরিবারস্থ সকলের মধ্যে একটি প্রবল স্বদেশপ্রেমের সঞ্চার করিয়া রাখিয়াছিল। বস্তুত সে সময়টা স্বদেশপ্রেমের সময় নয়। তখন শিক্ষিত লোকে দেশের ভাষা এবং দেশের ভাব উভয়কেই দূরে ঠেকাইয়া রাখিয়াছিলেন। আমাদের বাড়িতে দাদারা চিরকাল মাতৃভাষার চর্চা করিয়া আসিয়াছেন। আমার পিতাকে তাঁহাব কোনো নূতন আশ্রয় ইংরেজিতে পত্র লিখিয়াছিলেন, সে-পত্র লেখকের নিকটে তখনি ফিরিয়া আসিয়াছিল।

আমাদের বাড়ির সাহায্যে হিন্দুমেল্লা বলিয়া একটি মেলা সৃষ্টি হইয়াছিল। নবগোপাল মিত্র মহাশয় এই মেলায় কর্মকর্তারূপে

নিয়োজিত ছিলেন। ভারতবর্ষকে স্বদেশ বলিয়া ভক্তির সহিত উপলক্ষির চেষ্টা সেই প্রথম হয়। মেজদাদা সেই সময়ে বিখ্যাত জাতীয় সংগীত 'মিলে সবে ভারতসন্তান' রচনা করিয়াছিলেন। এই মেলায় দেশের শুভগান গীত, দেশানুরাগের কবিতা পাঠিত, দেশী শিল্পব্যায়াম প্রভৃতি প্রদর্শিত ও দেশী গুণীলোক পুরস্কৃত হইত।

লর্ড কর্জনের সময় দিল্লি-দরবার সম্বন্ধে একটা গল্প প্রবন্ধ লিখিয়াছি—লর্ড লিটনের সময় লিখিয়াছিলাম পড়ে। তখনকার ইংরেজ গভর্নেন্ট ক্রিশিয়াকেই ভয় করিত, চোদ্দ-পনেরো বছর বয়সের বালককবির লেখনীকে ভয় করিত না। এইজন্য সেই কাব্যে বয়সোচিত উদ্ভেজনা প্রভূতপরিমাণে থাকি সত্ত্বেও তখনকার প্রধান সেনাপতি হইতে আরম্ভ করিয়া পুলিশের কর্তৃপক্ষ পর্যন্ত কেহ কিছুমাত্র বিচলিত হইবার লক্ষণ প্রকাশ করেন নাই। সেটা পড়িয়াছিলাম হিন্দুমেলায় গাছের তলায় দাঁড়াইয়া। শ্রোতাদের মধ্যে নবীন সেন মহাশয় উপস্থিত ছিলেন। আমার বড়ো-বয়সে তিনি একদিন এ কথা আমাকে স্মরণ করাইয়া দিয়াছিলেন।

জ্যোতিদাদার উদ্যোগে আমাদের একটি সভা হইয়াছিল। বৃদ্ধ রাজনারায়ণ বাবু ছিলেন তাহার সভাপতি। ইহা স্বাদেশিকের সভা। কলিকাতার এক গলির মধ্যে এক পোড়ো বাড়িতে সেই সভা বসিত। সেই সভার সমস্ত অনুষ্ঠান রহস্তে আবৃত ছিল। বস্তুত তাহার মধ্যে ঐ গোপনীয়তাটাই একমাত্র ভয়ংকর ছিল। আমাদের ব্যবহারে রাজার বা প্রজার ভয়ের বিষয় কিছুই ছিল না। আমরা মধ্যাহ্নে কোথায় কী করিতে যাইতেছি তাহা আমাদের আত্মীয়রাও জানিতেন না। ঘর আমাদের রুদ্ধ, ঘর আমাদের অন্ধকার, দীক্ষা আমাদের ঋকমন্ত্রে, কথা আমাদের চুপিচুপি— ইহাতেই সকলের রোমহর্ষণ হইত, আর বেশি কিছুই প্রয়োজন ছিল না। আমার মতো অর্বাচীনও এই সভার সভ্য

ছিল। এই সভার আমরা এমন একটি খেপামির তপ্ত হাওয়ার মধ্যে ছিলাম যে অহরহ উৎসাহে যেন আমরা উড়িয়া চলিতাম। লজ্জা ভয় সংকোচ আমাদের কিছুই ছিল না। এই সভার আমাদের প্রধান কাজ— উদ্ভেজনার আগুন পোহানো। বীরত্ব জিনিসটা কোথাও বা অসুবিধাকর হইতেও পারে, কিন্তু ওটার প্রতি মানুষের একটা গভীর শ্রদ্ধা আছে। সেই শ্রদ্ধাকে জাগাইয়া রাখিবার জন্ত সকল দেশের সাহিত্যেই প্রচুর আয়োজন দেখিতে পাই। কাজেই যে অবস্থাতেই মানুষ থাক-না, মনের মধ্যে ইহার ধাক্কা না লাগিয়া তো নিষ্কৃতি নাই। আমরা সভা করিয়া, কল্পনা করিয়া, বাক্যালাপ করিয়া, গান গাওয়া, সেই ধাক্কাটা সামলাইবার চেষ্টা করিয়াছি। মানুষের যাহা প্রকৃতিগত এবং মানুষের কাছে যাহা চিরদিন আদরণীয় তাহার সকলপ্রকার রাস্তা মারিয়া, তাহার সকলপ্রকার ছিদ্র বন্ধ করিয়া দিলে একটা-যে বিষম বিকারের সৃষ্টি করা হয় সে সম্বন্ধে কোনো সন্দেহই থাকিতে পারে না। একটা বৃহৎ রাজ্যব্যবস্থার মধ্যে কেবল কেরানিগিরির রাস্তা খোলা রাখিলে মানবচরিত্রের বিচিত্র শক্তিকে তাহার স্বাভাবিক স্বাস্থ্যকর চালনার ক্ষেত্র দেওয়া হয় না। রাজ্যের মধ্যে বীরধর্মেরও পথ রাখা চাই, নহিলে মানবধর্মকে পীড়া দেওয়া হয়। তাহার অভাবে কেবলই গুপ্ত উদ্ভেজনা অস্তঃশীলা হইয়া বহিতে থাকে— সেখানে তাহার গতি অত্যন্ত অদ্ভুত এবং পরিণাম অভাবনীয়। আমার বিশ্বাস সেকালে যদি গবর্মেণ্টের সন্ধিগতা অত্যন্ত ভীষণ হইয়া উঠিত তবে তখন আমাদের সেই সভার বালকেরা যে বীরত্বের প্রহসনমাত্র অভিনয় কবিতেনি তাহা কঠোর ট্রাজেডিতে পরিণত হইতে পারিত। অভিনয় সাজ হইয়া গিয়াছে, ফোর্ট উইলিয়মের একটি ইষ্টকও খসে নাই এবং সেই পূর্বস্মৃতির আলোচনা করিয়া আজ আমরা হাসিতেছি।

রবিবারে রবিবারে জ্যোতিদাদা দলবল লইয়া শিকার করিতে বাহির

হইতেন। রবাহুত অনাহুত বাহারা আমাদের দলে আসিয়া জুটিত তাহাদের অধিকাংশকেই আমরা চিনিতাম না। তাহাদের মধ্যে ছুতার কামার প্রভৃতি সকল শ্রেণীরই লোক ছিল। এই শিকারে রক্তপাতটাই সবচেয়ে নগণ্য ছিল, অন্তত সেইরূপ ঘটনা আমার তো মনে পড়ে না। শিকারের অন্ত সগস্ত অনুষ্ঠানই বেশ ভরপুর মাত্রায় ছিল— আমরা হত আহত পশু পক্ষীর অণি তুচ্ছ অভাব কিছুমাত্র অনুভব করিতাম না। প্রাতঃকালেই বাহির হইতাম। বোঁঠাকুরানী বাশীকৃত লুচি তরকারি প্রস্তুত করিয়া আমাদের সঙ্গে দিতেন। ঐ জিনিসটাকে শিকার করিয়া সংগ্রহ করিতে চাইত না বলিয়াই একদিনও আমাদের উপনাস করিতে হয় নাই।

মানিকতলায় পোড়ো বাগানের অভাব নাই। আমরা যে-কোনো একটা বাগানে ঢুকিয়া পড়িতাম। পুকুরের বাঁধানো ঘাটে বসিয়া উচ্চনীচনির্বিচারে একত্রে সকলে মিলিয়া লুচির উপরে পড়িয়া মুহূর্তের মধ্যে কেবল পাত্রটাকে মাত্র বাকি রাখিতাম।

ব্রজবাবু আমাদের অহিংসক শিকারীদের মধ্যে একজন প্রধান উৎসাহী। ইনি মেট্রোপলিটান কলেজের সুপারিন্টেন্ডেন্ট এবং কিছুকাল আমাদের ধরের শিক্ষক ছিলেন। ইনি একদিন শিকার হইতে ফিরিবার পথে একটা বাগানে ঢুকিয়াই মালীকে ডাকিয়া কহিলেন, “ওরে ইতিমধ্যে মামা কি বাগানে আসিয়াছিলেন।” মালী তাঁহাকে শশব্যস্ত হইয়া প্রণাম করিয়া কহিল, “আজ্ঞে না, বাবু তো আসে নাই।” ব্রজবাবু কহিলেন, “আচ্ছা, ডাব পাড়িয়া আন।” সেদিন লুচির অন্ত পানীয়ের অভাব হয় নাই।

আমাদের দলের মধ্যে একটি মধ্যবিত্ত জমিদার ছিলেন। তিনি নিষ্ঠাবান হিন্দু। তাঁহার গঙ্গার ধারে একটি বাগান ছিল। সেখানে গিয়া আমরা সকল সত্য একদিন জাতিবর্ণনির্বিচারে আহার করিলাম।

অপর্যাহে বিষয় ঝড়। সেই ঝড়ে আমরা গঙ্গার ঘাটে দাঁড়াইয়া চীৎকার-শব্দে গান জুড়িয়া দিলাম। রাজনারায়ণ বাবুর কণ্ঠে গাতটা সুর যে বেশ বিস্ময়ভাবে খেলিত তাহা নহে, কিন্তু তিনিও গলা ছাড়িয়া দিলেন, এবং সূত্রের চেয়ে ভাষ্য যেমন অনেক বেশি হয় তেমনি তাঁহার উৎসাহের তুমুল হাত-নাড়া তাঁহার কণ্ঠকে বহুদূরে ছাড়াইয়া গেল; তালের ঝোঁকে মাথা নাড়িতে লাগিলেন এবং তাঁহার পাকা দাড়ির মধ্যে ঝড়ের হাওয়া মাতামাতি করিতে লাগিল। অনেক রাত্রে গাড়ি করিয়া বাড়ি ফিরিলাম। তখন ঝড় বাদল ধামিয়া তারা ফুটিয়াছে। অন্ধকার নিবিড়, আকাশ নিস্তরু, পাড়ারগায়ের পথ নির্জন, কেবল দুই ধারের বনশ্রেণীর মধ্যে দলে দলে জোনাকি যেন নিঃশব্দে মুঠা মুঠা আগুনের হরির লুঠ ছড়াইতেছে।

স্বদেশে দিয়াশালাই প্রভৃতির কারখানা স্থাপন করা আমাদের সভার উদ্দেশ্যের মধ্যে একটি ছিল; এজ্ঞ সভ্যেরা তাঁহাদের আয়ের দশমাংশ এই সভায় দান করিতেন। দেশালাই তৈরি করিতে হইবে, তাহার কাঠি পাওয়া শক্ত। সকলেই জানেন, আমাদের দেশে উপযুক্ত হাতে খেঁরা কাঠির মধ্য দিয়া সস্তায় প্রচুর পরিমাণে তেজ প্রকাশ পায় কিন্তু সে-তেজে যাহা জ্বলে তাহা দেশালাই নহে। অনেক পরীক্ষার পর বাল্লকয়েক দেশালাই তৈরি হইল। ভারতসম্ভানদের উৎসাহের নিদর্শন বলিয়াই যে তাহারা মূল্যবান তাহা নহে, আমাদের এক বাক্সে যে-খরচ পড়িতে লাগিল তাহাতে একটা পল্লীর সম্বৎসরের চুলা-ধরানো চলিত। আরো একটু সামান্য অশুবিধা এই হইয়াছিল যে, নিকটে অগ্নিশিখা না থাকিলে তাহাদিগকে জ্বলাইয়া তোলা সহজ ছিল না। দেশের প্রতি জ্বলন্ত অমুরাগ যদি তাহাদের জ্বলনশীলতা বাড়াইতে পারিত তবে আজ পর্যন্ত তাহারা বাজারে চলিত।

খবর পাওয়া গেল, একটি কোনো অল্পবয়স্ক ছাত্র কাপড়ের বল তৈরি

করিবার চেষ্টায় প্রবৃত্ত ; গেলাম তাহার কল দেখিতে । সেটা কোনো কাজের জিনিস হইতেছে কিনা তাহা কিছুমাত্র বুঝিবার শক্তি আমাদের কাহারো ছিল না, কিন্তু বিশ্বাস করিবার ও আশা করিবার শক্তিতে আমরা কাহারো চেয়ে খাটো ছিলাম না । যত্র তৈরি করিতে কিছু দেনা হইয়াছিল, আমরা তাহা শোধ করিয়া দিলাম । অবশেষে একদিন দেখি, ব্রজবাবু মাথায় একখানা গামছা বাধিয়া জোড়াসাঁকোর বাড়িতে আসিয়া উপস্থিত । কহিলেন, “আমাদের কলে এই গামছার টুকরা তৈরি হইয়াছে ।” বলিয়া দুই হাত তুলিয়া তাণ্ডব নৃত্য— তখন ব্রজবাবুর মাথার চুল পাক ধরিয়াছে । অবশেষে দুটি-একটি স্মৃতি লোক আসিয়া আমাদের দলে ভিড়িলেন, আমাদেরকে জ্ঞানবৃক্ষের ফল খাওয়াইলেন এবং এই স্বর্গলোক ভাঙিয়া গেল ।

ছেলেন্দনায় রাজনারায়ণ দাবুর সঙ্গে যখন আমাদের পরিচয় ছিল তখন সকল দিক হইতে তাঁহারক বুঝিবার শক্তি আমাদের ছিল না । তাঁহার মধ্য নানা বৈপরীত্যের সমাবেশ ঘটিয়াছিল । তখনই তাঁহার চুলদাড়ি প্রায় সম্পূর্ণ পাকিয়াছে কিন্তু আমাদের দলের মধ্যে বয়স সকলের চেয়ে যে-ব্যক্তি ছোটো তাহার সঙ্গেও তাঁহার বয়সের কোনো অনৈক্য ছিল না । তাঁহার বাহিরের প্রদীপতা শুভ্র মোড়কটির মতো হইয়া তাঁহার অন্তরের নদীমতাক চিরদিন তাজা করিয়া রাখিয়া দিয়াছিল । এমন কি, প্রচুর পাণ্ডিত্যও তাঁহার কোনো ক্ষতি করিতে পারে নাই, তিনি একবারেই সহজমানুষটির মতোই ছিলেন । জীবনের শেষ পর্যন্ত অজস্র হাস্যোচ্ছ্বাস কোনো বাধাই মানিল না— না বয়সের গাঙ্গীম, না অস্বাস্থ্য, না সংসারের ছঃখকষ্ট, ‘ন মেধয়া ন বহন্য শ্রুতন’, কিছুতেই তাঁহার হাসির বেগকে ঠেকাইয়া রাখিতে পারে নাই । এক দিকে তিনি আপনার জীবন এবং সংসারটিকে ঈশ্বরের কাছে সম্পূর্ণ নিবেদন করিয়া দিয়াছিলেন, আর-এক দিকে দেশের উন্নতিসাধন

করিবার জন্য তিনি সর্বদাই কতরকম সাধ্য ও অসাধ্য প্ল্যান করিতেন তাহার আর অস্ত্র নাই। রিচার্ডসনের তিনি প্রিয় ছাত্র, ইংরেজি বিদ্যাতেই বাল্যকাল হইতে তিনি মানুষ কিন্তু তবু অনভ্যাসের সমস্ত বাধা ঠেলিয়া ফেলিয়া বাংলাভাষা ও সাহিত্যের মধ্যে পূর্ণ উৎসাহ ও শ্রদ্ধার বেগে তিনি প্রবেশ করিয়াছিলেন। এদিকে তিনি মাটির মানুষ কিন্তু তেজে একেবারে পরিপূর্ণ ছিলেন। দেশের প্রতি তাঁহার যে প্রবল অমুরাগ সে তাঁহার সেই তেজের জিনিস। দেশের সমস্ত গর্বতা দীনতা অপমানকে তিনি দগ্ধ করিয়া ফেলিতে চাহিতেন। তাঁহার দুই চক্ষু জ্বলিতে থাকিত, তাঁহার হৃদয় দীপ্ত হইয়া উঠিত, উৎসাহেব সঙ্গ হাত নাড়িয়া আমাদের সঙ্গে মিলিয়া তিনি গান ধরিতেন— গলায় সুর লাগুক আর না লাগুক সে তিনি খেয়ালই করিতেন না—

একমুত্রে বাঁধিয়াছি সহস্রটি মন,

এক কার্বে সঁপিয়াছি সহস্র জীবন।

এই ভগবদ্ভক্ত চির-বালকটির তেজঃপ্রদীপ্ত হাস্যমধুর জীবন, রোগে শোকে অপরিম্লান। তাঁহার পবিত্র নবীনতা আমাদের দেশের স্মৃতি-ভাণ্ডারে সমাদরের সহিত রক্ষা করিবার সামগ্রী তাহাতে সন্দেহ নাই।

বিস্মৃত

লগুনে বাসাটা ছিল রিভ্রেন্ট উগানের সম্মুখেই। তখন ঘোড়ার শীত। সম্মুখের বাগানের গাছগুলায় একটিও পাতা নাই, বরফে ঢাকা আঁকা-বাঁকা রোগা ডালগুলি লইয়া তাহারা সারিসারি আকাশেব দিকে তাকাইয়া খাড়া দাঁড়াইয়া আছে— দেখিয়া আমার হাড়গুলার মধ্যে পর্যন্ত যেন শীত করিতে থাকিত। নবাগত প্রবাসীর পক্ষে শীতের লগুনের মতো এমন নির্মম স্থান আর কোথাও নাই। কাচা-কাছির মধ্যে পরিচিত কেহ নাই, রাস্তাঘাট ভালো করিয়া চিনি না।

কখনো কখনো ভারতবর্ষীয় কেহ কেহ আমার সঙ্গে দেখা করিতে আসিতেন। তাঁহাদের সঙ্গে আমার পরিচয় অতি অল্পই ছিল। কিন্তু যখন বিদায় লইয়া তাঁহারা উঠিয়া চলিয়া যাইতেন, আমার ইচ্ছা করিত, কোট ধরিয়া তাঁহাদিগকে টানিয়া আবার ঘরে আনিয়া বসাই।

এই বাসায় থাকিবার সময় একজন আমাকে লাতিন শিখাইতে আসিতেন। লোকটি অত্যন্ত রোগা, গায়ের কাপড় জীর্ণপ্রায়, শীতকালের মত গাঢ় গুলার মতোই তিনি যেন আপনাকে শীতের হাত হইতে বাঁচাইতে পারিতেন না। তাঁহার বয়স কত ঠিক জানি না কিন্তু তিনি যে আপন বয়সের চেয়ে বৃদ্ধা হইয়া গিয়াছেন তাহা তাঁহাকে দেখিলেই বুঝা যায়। এক-একদিন আমাকে পড়াইবার সময় তিনি যেন কথা গুঁজিয়া পাইতেন না, লজ্জিত হইয়া পড়িতেন। তাঁহার পরিবারের সকল লোকে তাঁহাকে বাতিকগ্রস্ত বলিয়া জানিত। একটা মত তাঁহাকে পাইয়া বসিয়াছিল। তিনি বলিতেন, পৃথিবীতে এক-একটা যুগে একই সময়ে ভিন্ন ভিন্ন দেশের মানবসমাজে একই ভাবের আদির্ভাব হইয়া থাকে ; অবশ্য সভ্যতার তারতম্য-অনুসারে এই ভাবের রূপান্তর ঘটিয়া থাকে কিন্তু হাড়গাটা একই। পরস্পরের দেখাদেখি যে একই ভাব ছড়াইয়া পড়ে তাহা নহে, যেখানে দেখাদেখি নাই সেখানেও অগুণা হয় না। এই মতটিকে প্রমাণ করিবার জন্য তিনি কেবলই তথ্যসংগ্রহ করিতেছেন ও লিখিতেছেন। এদিকে ঘরে অন্ন নাই, গায়ের বস্ত্র নাই, তাঁহার মেয়েরা তাঁহার মতের প্রতি প্রকামাত্র করে না এবং সম্ভবত এই পাগলামির জন্য তাঁহাকে ভৎসনা করিয়া থাকে। এক-একদিন তাঁহার মুখ দেখিয়া বুঝা যাইত— ভালো কোনো একটা প্রমাণ পাইয়াছেন, লেখা অনেকটা অগ্রসর হইয়াছে। আমি সেদিন সেই বিষয়ে কথা উত্থাপন করিয়া তাঁহার উৎসাহে আরো উৎসাহস্ফূর্ত করিতাম, আবার এক-একদিন তিনি বড়ো বিমর্ষ হইয়া আসিতেন,

যেন যে ভার তিনি গ্রহণ করিয়াছেন তাহা আর বহন করিতে পারিতে-
ছেন না। সেদিন পড়ানোর পদে পদে বাধা ঘটিল, চোখ দুটো কোন্
শুণ্ণের দিকে তাকাইয়া থাকিত, মনটাকে কোনোমতেই প্রথমপাঠ্য
লাটিন ব্যাকরণের মধ্যে টানিয়া আনিতে পারিতেন না। এই ভাবের
ভারে ও লেখার দায়ে অবনত অনশনক্লিষ্ট লোকটিকে দেখিলে আমার
বড়োই বেদনা বোধ হইত। যদিও বেশ বুঝিতেছিলাম, ইহার দ্বারা
আমার পড়ার সাহায্য প্রায় কিছুই হইবে না, তবুও কোনোমতেই
ইহাকে বিদায় করিতে আমার মন সরিল না। যে-কয়দিন সে-বাসায়
ছিলাম এমনি করিয়া ল্যাটিন পড়িবার ছল করিয়াই কাটিল। বিদায়
লইবার সময় যখন তাঁহার বেতন চুকাইতে গেলাম তিনি ককণস্বরে
আমাকে কহিলেন, “আমি কেবল তোমার সময় নষ্ট করিয়াছি, আমি
তো কোনো কাজই করি নাই, আমি তোমার কাছ হইতে বেতন লইতে
পারিব না।” আমি তাঁহাকে অনেক কষ্টে বেতন লইতে রাজী করিয়া-
ছিলাম। আমার এই ল্যাটিনশিক্ষক যদিচ তাঁহার মতকে আমার সমক্ষে
প্রমাণসহ উপস্থিত করেন নাই তবু তাঁহার সে-কথা আমি এ পর্যন্ত
অবিশ্বাস করি না। এখনো আমার এই বিশ্বাস যে, সমস্ত মানুষের
মনের সঙ্গে মনের একটি অখণ্ড গভীর যোগ আছে; তাহার এক
জাগরণ যে-শক্তির ক্রিয়া ঘটে অগ্ৰত গূঢ়ভাবে তাহা সংক্রামিত
হইয়া থাকে।

স্বট-পরিবার

এবারে ডাক্তার স্বট নামে একজন ভদ্র গৃহস্থের ঘরে আমার আশ্রয়
ছুটিল। একদিন সন্ধ্যার সময় বাস্তোতোরঙ্গ লইয়া তাঁহাদের ঘরে
প্রবেশ করিলাম। বাড়িতে কেবল পঞ্চকেশ ডাক্তার, তাঁহার গৃহিণী
ও তাঁহাদের বড়ো মেয়েটি আছেন। ছোটো দুইজন মেয়ে ভারতবর্ষীয়

অতিথির আগমন-আশঙ্কায় অভিবৃত্ত হইয়া কোনো আত্মীয়ের বাড়ি পলারন করিয়াছেন। বোধ করি যখন তাঁহারা সংবাদ পাইলেন, আমার দ্বারা কোনো সাংঘাতিক বিপদের আশু সম্ভাবনা নাই, তখন তাঁহারা ফিরিয়া আসিলেন।

অতি অল্পদিনের মধ্যেই আমি ইঁহাদের ঘরের লোকের মতো হইয়া গেলাম। মিসেস স্কট আমাকে আপনার ছেলের মতোই স্নেহ করিতেন। তাঁহার মেয়েরা আমাকে ঘেরুপ মনের সঙ্গে যত্ন করিতেন তাহা আত্মীয়দের কাছ হইতেও পাওয়া দুর্লভ।

এই পরিবারে বাস করিয়া একটি জিনিস আমি লক্ষ্য করিয়াছি— মানুষের প্রকৃতি সব জায়গাতেই সমান। আমরা বলিয়া থাকি এবং আমিও তাহা বিশ্বাস করিতাম যে, আমাদের দেশে পতিভক্তির একটি বিশিষ্টতা আছে, যুরোপে তাহা নাই। কিন্তু আমাদের দেশের সাধ্বী গৃহিণীর সঙ্গে মিসেস স্কটের আমি তো বিশেষ পার্থক্য দেখি নাই। স্বামীর সেনায় তাঁহার সমস্ত মন ব্যাপ্ত ছিল। মধ্যবিত্ত গৃহস্থের চাকর-বাকরদের উপসর্গ নাই, প্রায় সব কাজই নিজের হাতে করিতে হয়, এইজন্য স্বামীর প্রত্যেক ছোটোখাটো কাজটিও মিসেস স্কট নিজের হাতে করিতেন। সন্ধ্যার সময় স্বামী কাজ করিয়া ঘরে ফিরিবেন, তাহার পূর্বে আগুনের ধারে তিনি স্বামীর আরাম কেদারা ও তাঁহার পশমের জুতাজোড়াটি স্বহস্তে গুছাইয়া রাখিতেন। ডাক্তার স্কটের কী ভালো লাগে আর না লাগে, কোন্ ব্যবহার তাঁহার কাছে প্রিয় বা অপ্রিয় সে-কথা যুহুর্তের জ্ঞানও তাঁহার স্ত্রী ভুলিতেন না। প্রাতঃকালে একজনমাত্র দাসীকে লইয়া নিজে উপরের তলা হইতে নিচের রান্নাঘর, সিঁড়ি এবং দরজার গায়ের পিতলের কাজগুলিকে পর্ষস্ত, ধুইয়া মাজিয়া তকতকে ঝকঝকে করিয়া রাখিয়া দিতেন। ইহার পরে লোক-লৌকিকতার নানা কর্তব্য তো আছেই। গৃহস্থালির সমস্ত কাজ

সারিমা সন্ধ্যার সময় আমাদের পড়াশুনা গানবাজনার তিনি সম্পূর্ণ যোগ দিতেন ; অবকাশের কালে আমোদ-প্রমোদকে জমাইয়া তোলা, সেটাও গৃহিণীর কর্তব্যেরই অঙ্গ ।

কয়েক মাস এখানে কাটিয়া গেল । মেজদাদাদের দেশে ফিরিবার সময় উপস্থিত হইল । পিতা লিখিয়া পাঠাইলেন আমাকেও তাঁহাদের সঙ্গে ফিরিতে হইবে । সে-প্রস্তাবে আমি খুশি হইয়া উঠিলাম । দেশের আলোক, দেশের আকাশ আমাকে ভিতরে ভিতরে ডাক দিতেছিল । বিদায়গ্রহণকালে মিসেস স্কট আমার দুই হাত ধরিয়া কাদিয়া কহিলেন, “এমন করিয়াই যদি চলিয়া যাইবে তবে এত অল্পদিনের জন্ত তুমি কেন এখানে আসিলে ।” লগুনে এই গৃহটি এখন আর নাই ; এই ডাক্তার-পরিবারের কেহ-বা পরলোকে, কেহ-বা ইহলোকে কে কোথায় চলিয়া গিয়াছেন তাহার কোনো সংবাদই জানি না, কিন্তু সেই গৃহটি আমার মনের মধ্যে চিরপ্রতিষ্ঠিত হইয়া আছে ।

সন্ধ্যাসংগীত

একসময়ে জ্যোতিদাদারা দূর দেশে ভ্রমণ করিতে গিয়াছিলেন, তেতলার ছাদের ঘরগুলি শূন্য ছিল । সেই সময় আমি সেই ডাদ ও ঘর অধিকার করিয়া নির্জন দিনগুলি যাপন করিতাম ।

এইরূপে যখন আপন মনে একা ছিলাম তখন, জানি না কখন করিয়া কাব্যরচনার যে-সংস্কারের মধ্যে বেষ্টিত ছিলাম সেটা মসিয়া গেল । দুটো-একটা কবিতা লিখিতেই মনের মধ্যে ভারি একটা আনন্দের আবেগ আসিল । আমার সমস্ত অন্তঃকরণ বলিয়া উঠিল— ‘বাঁচিয়া গেলাম ।’ যাহা লিখিতেছি, এ দেখিতেছি, সম্পূর্ণ আমারই । এই স্বাধীনতার প্রথম আনন্দের বেগে ছন্দোবন্ধকে আমি একবারেই ঋতির করা ছাড়িয়া দিলাম । নদী যেমন একটা খালের মতো সিধা

চলে না, আমার ছন্দ তেমনি আঁকিয়া বাঁকিয়া নানা মূর্তি ধারণ করিয়া চলিতে লাগিল। আগে হইলে এটাকে অপরাধ বলিয়া গণ্য করিতাম কিন্তু এখন লেশমাত্র সংকোচবোধ হইল না।

আমার কাব্য লেখার ইতিহাসের মধ্যে এই সময়টাই আমার পক্ষে সকলের চেয়ে বেশি স্বরণীয়। কাব্যহিসাবে সন্ধ্যাসংগীতের মূল্য বেশি না হইতে পারে। আমি হঠাৎ একদিন আপনার ভঁরসায় যা-খুশি-তাই লিখিয়া গিয়াছি। সুতরাং সে-লেখাটার মূল্য না থাকিতে পারে কিন্তু খুশিটার মূল্য আছে।

গান ও কবিতা

গীতিকলার নিজেরই একটি বিশেষ প্রকৃতি ও বিশেষ কাজ আছে। গানে যখন কথা থাকে তখন কথার উচিত হয় না সেই সুরযোগে গানকে ছাড়াইয়া যাওয়া, সেখানে সে গানেরই বাহনমাত্র। গান নিজের ঐশ্বর্যই বড়ো—বাক্যের দাসত্ব সে কেন করিতে যাইবে। বাক্য যেখানে শেষ হইয়াছে সেইখানেই গানের আরম্ভ। যেখানে অনির্বচনীয় সেইখানেই গানের প্রভাব। বাক্য যাহা বলিতে পারে না গান তাহাই বলে। গুন্ গুন্ করিতে করিতে যখনি একটি লাইন লিখিলাম—‘তোমাব গোপন কথাটি, সখী, রেখো না মনে’—তখনি দেখিলাম, সুর যে-জায়গায় কথাটা উড়াইয়া লইয়া গেল, কথা আপনি সেখানে পায় হাঁটিয়া গিয়া পৌঁছিতে পারিত না। তখন মনে হইতে লাগিল, আমি যে-গোপন কথাটি শুনিবার জন্য সাধাসাধি করিতেছি তাহা যেন বনশ্রেণীর শ্রামলিমার মধ্যে মিলাইয়া আছে, পূর্ণিমারাত্রির নিশ্চক গুহ্রতার মধ্যে ডুবিয়া আছে, দিগন্তরালের নীলাভ সূদূরতার মধ্যে অনগুপ্তিত হইয়া আছে— তাহা যেন সমস্ত জলহল-আকাশের নিগূঢ় গোপন কথা। বহু বাল্যকালে একটা গান শুনিয়াছিলাম—

‘তোমার বিদেশিনী সাজিয়ে কে দিলে।’ সেই গানের ঐ একটি-মাত্র পদ মনে এমন একটি অপরূপ চিত্র আঁকিয়া দিয়াছিল যে আত্মা ঐ লাইনটা মনের মধ্যে গুঞ্জন করিয়া বেড়ায়। একদিন ঐ গানের ঐ পদটার মোহে আমিও একটি গান লিখিতে বসিয়াছিলাম। স্বরগুণনের সঙ্গে প্রথম লাইনটা লিখিয়াছিলাম—‘আমি চিনি গো চিনি তোমারে ওগো বিদেশিনী’— সঙ্গে যদি সুরটুকু না থাকিত তবে এ গানের কী ভাব দাঁড়াইত বলিতে পারি না। কিন্তু ঐ সুরের মন্ত্রগুণে বিদেশিনীর এক অপরূপ মূর্তি মনে জাগিয়া উঠিল। আমার মন বলিতে লাগিল, ‘আমাদের এই জগতের মধ্যে একটি কোন্ বিদেশিনী আনাগোনা করে; কোন্ রহস্যসিঁদুর পরপারে ঘাটের উপরে তাহার বাড়ি; তাহাকেই শারদপ্রাতে, মাধবী রাত্রিতে, ক্ষণে ক্ষণে দেখিতে পাই; হৃদয়ের মাঝখানেও মাঝে মাঝে তাহার আভাস পাওয়া গেছে; আকাশে কান পাতিয়া তাহার কণ্ঠস্বর কখনো-বা শুনিয়াছি।’ সেই বিশ্বব্রহ্মাণ্ডের বিশ্ববিমোহিনী বিদেশিনীর দ্বারে আমার গানের সুর আমাকে আনিয়া উপস্থিত করিল এবং আমি কহিলাম :

ভুবন ভ্রমিয়া শেষে

এসেছি তোমার দ্বারে.

আমি অতিথি তোমার দ্বারে, ওগো বিদেশিনী।

ইহার অনেকদিন পরে একদিন বোলপুরের রাস্তা দিয়া কে গাহিয়া যাইতেছিল—

খাঁচার মাঝে অচিন পাখি কখনে আসে যার,

ধরতে পারলে মনোবেড়ি দিতেম পাখির পায়।

দেখিলাম, বাউলের গানও ঠিক ঐ একই কথা বলিতেছে। মাঝে-মাঝে বন্ধ খাঁচার মধ্যে আসিয়া অচিন পাখি বন্ধনহীন অচেনার কথা বলিয়া যার, মন তাহাকে চিরন্তন করিয়া ধরিয়া রাখিতে চায় কিন্তু

পাবে না। এই অচিন পাণ্ডিত্য নিঃশব্দ যা গুরা-আসার খবর গানের সুর ছাড়া আর কে দিতে পারে।

গঙ্গাতীর

তখন জ্যোতিদাদা চন্দননগরে গঙ্গাধারের বাগানে বাস করিতে-
ছিলেন, আমি তাঁহাদের আশ্রয় গ্রহণ করিলাম। আবার সেই গঙ্গা।
সেই আলস্তে আনন্দে অনির্বচনীয়, বিষাদে ও ব্যাকুলতায় অভিভূত, স্নিগ্ধ
শ্যামল নদীতীরের সেই কলধ্বনিকরণ দিনরাত্রি। এইখানেই আমার
স্থান, এইখানেই আমার মাতৃহৃৎসুর অন্তর্পরিবেষণ হইয়া থাকে। আমার
পক্ষে বাংলাদেশের এই আকাশভরা আলো, দক্ষিণের বাতাস, এই
গঙ্গার প্রবাহ, এই রাজকীয় আলস্ত, এই আকাশের নীল ও পৃথিবীর
সবুজের মাঝখানকার দিগন্তপ্রসারিত উদার অবকাশের মধ্যে সমস্ত শরীর
মন ছাড়িয়া দিয়া আত্মসমর্পণ— ভ্রমার জল ও কুখাব খাওয়ার মতোই
অত্যাবশ্যক ছিল। সে তো খুব বেশি দিনের কথা নহে, তবু ইতিমধ্যেই
সময়ের অনেক পরিবর্তন হইয়া গিয়াছে। আমাদের তরুণ্যপ্রাচুর্য
গঙ্গাতীরের নিভৃত নীড়গুলির মধ্যে কলকারখানা উর্ধ্বফণা সাপের মতো
প্রবেশ করিয়া সোঁ সোঁ শব্দ কালো নিশ্বাস ফুসিতেছে। এখন
খরমধ্যাহ্নে আমাদের মনেব মধ্যেও বাংলাদেশের প্রশস্ত স্নিগ্ধছায়া
সংকীর্ণতম হইয়া আগিয়াছে। এখন দেশের সর্বত্রই অনবসর আপন
গহস্র বাহু প্রসারিত করিয়া ঢুকিয়া পড়িয়াছে। হয়তো সে ভালোই,
কিন্তু নিবদচ্ছিন্ন ভালো এমন কথাও জোর করিয়া বলিতে পারি না।

আমার গঙ্গাতীরের সেই সুন্দর দিনগুলি গঙ্গার জলে উৎসর্গ করা
পূর্ণবিকশিত পদ্ম ফুলের মতো একটি-একটি করিয়া ভাসিয়া যাইতে
লাগিল। কখনো-বা ঘনঘোর বর্ষার দিনে হার্মোনিয়ম ষড়যোঃগ
বিজ্ঞাপতির 'ভরা বাদর মাহ ভাদর' পদটিতে মনের মতো সুর বসাইয়া

বর্ষার রাগিণী গাহিতে গাহিতে বৃষ্টিপাত-মুখরিত জলধারাঙ্কন মধ্যাহ্ন খেপার মতো কাটাইয়া দিতাম; কখনো-বা সূর্যাস্তের সময় আমরা নৌকা লইয়া বাহির হইয়া পড়িতাম, জ্যোতিদাদা বেহালা বাজাইতেন, আমি গান গাহিতাম; পূরবী রাগিণী হইতে আরম্ভ করিয়া যখন বেহাগে গিয়া পৌঁছিতাম, পশ্চিম-তটের আকাশে সোনার খেলনার কারখানা একেবারে নিঃশেষে দেউলে হইয়া গিয়া পূর্ববনাস্ত হইতে টান উঠিয়া আসিত। আমরা যখন বাগানে ফিরিয়া আসিয়া নদী-তীরের ছাদটার উপরে বিছানা করিয়া বসিতাম তখন জলে স্থলে গুল শান্তি, নদীতে নৌকা প্রায় নাই, তীরের বনরেখা অন্ধকারে নিবিড়, নদীর তরঙ্গহীন প্রবাহের উপর আলো ঝিকমিক করিতেছে।

ঘাটের উপরেই বৈঠকখানাঘরের শাসিগুলিতে রঙিন ছবিওয়াল কাচ বসানো ছিল। একটি ছবি ছিল, নিবিড় পল্লবে বেষ্টিত গাছের শাখার একটি দোলা, সেই দোলার রৌদ্রছায়াখচিত নিভৃত নিকুঞ্জে ছুজনে ছলিতেছে; আর একটি ছবি ছিল, কোনো ছুর্গপ্রাসাদের সিঁড়ি বাহিয়া উৎসববেশে-সজ্জিত নরনারী কেহ-বা উঠিতেছে কেহ-বা নামিতেছে। শাসির উপরে আলো পড়িত এবং এই ছবিগুলি বড়ো উজ্জল হইয়া দেখা দিত। এই ছটি ছবি সেই গঙ্গাতীরের আকাশকে যেন ছুটির সুরে ভরিয়া তুলিত। কোন্ দূর-দেশের কোন্ দূর-কালের উৎসব আপনার শব্দহীন কথাকে আলোর মধ্যে ঝলমল করিয়া মেলিয়া দিত এবং কোথাকার কোন্-একটি চিরনিভৃত ছায়ায় যুগল-দোলনের রসমাধুর্যে নদীতীরের বনশ্রেণীর মধ্যে একটি অপরিষ্কৃত গল্পের বেদনা সঞ্চার করিয়া দিত।

প্রভাতসংগীত

এইরূপে গঙ্গাতীরে কিছুকাল কাটিয়া গেলে জ্যোতিদাদা কিছুদিনের অন্ত চৌরঙ্গি জাহ্নবীর নিকট দশ নম্বর সদর স্ট্রীটে বাস করিতেন।

আমি তাঁহার সঙ্গে ছিলাম। এখানেও একটু-একটু করিয়া 'বৌঠাকুরানীর হাট' ও একটি-একটি করিয়া 'সঙ্ঘ্যাসংগীত' লিখিতেছি এমন সময়ে আমার মধ্যে হঠাৎ একটা কী উলটপালট হইয়া গেল।

সদরস্ট্রীটের রাস্তাটা যেখানে গিয়া শেষ হইয়াছে সেইখানে বোধ করি ক্রী-স্কুলের বাগানের গাছ দেখা যায়। একদিন সকালে বারান্দায় দাঁড়াইয়া আমি সেইদিকে চাহিলাম। তখন সেই গাছগুলির পল্লবাস্তুরাল হইতে সূর্যোদয় হইতেছিল। চাহিয়া থাকিতে থাকিতে হঠাৎ এক মুহূর্তের মধ্যে আমার চোখের উপর হইতে যেন একটা পর্দা সরিয়া গেল। দেখিলাম, একটি অপরূপ মহিমায় বিশ্বসংসার সমাচ্ছন্ন, আনন্দে এবং সৌন্দর্যে সর্বত্রই তরঙ্গিত। আমার হৃদয়ে স্তরে স্তরে যে-একটা বিষাদের আচ্ছাদন ছিল তাহা এক নিমিষেই ভেদ করিয়া আমার সমস্ত ভিতরটাতে বিশ্বের আলোক একেবারে বিচ্ছুরিত হইয়া পড়িল। সেইদিনই নিব্বানের স্বপ্নভঙ্গ কবিতাটি নিব্বানের মতোই যেন উৎসারিত হইয়া বহিয়া চলিল। লেখা শেষ হইয়া গেল কিন্তু জগতেব সেই আনন্দরূপের উপর তখনও বদনিকা পড়িয়া গেল না। এমনি হইল আমার কাণ্ড তখন কেহই এবং কিছুই অপ্রিয় বহিল না।

আমি বারান্দায় দাঁড়াইয়া থাকিতাম, রাস্তা দিয়া ঘূটে মজুর যে-কেহ চলিত তাহাদের গতিভঙ্গী, শরীরের গঠন, তাহাদের মুখশ্রী আমার কাছে ভারি আশ্চর্য বলিয়া বোধ হইত; সকলেই যেন নিখিল-সমুদ্রের উপর দিয়া তরঙ্গলীলার মতো বহিয়া চলিয়াছে। শিশুকাল হইতে কেবল চোখ দিয়া দেখাই অভ্যস্ত হইয়া গিয়াছিল, আজ যেন একেবারে সমস্ত চৈতন্য দিয়া দেখিতে আরম্ভ করিলাম। রাস্তা দিয়া এক যুবক যখন আর-এক যুবকের কাঁধে হাত দিয়া হাসিতে হাসিতে অবলীলাক্রমে চলিয়া যাইত সেটাকে আমি সামান্ত ঘটনা বলিয়া মনে

করিতে পারিতাম না— বিশ্বজগত অতলস্পর্শ গভীরতার মধ্যে যে অফুরান রসের উৎসব চারিদিকে হাসির বরষা বরষাভেঁতেছে সেইটাকে যেন দেখিতে পাইতাম।

এই মুহূর্তেই পৃথিবীর সবত্রই নানা লোকালয়ে, নানা কাজে, নানা আবশ্যকে কোটি কোটি মানব চঞ্চল হইয়া উঠিতেছে, সেই ধরনীব্যাপী সমগ্র মানবের দেহচঞ্চল্যকে সুবৃহৎভাবে এক ক্রিয়া দেখিয়া আমি একটি মহাসৌন্দর্যনৃত্যের আভাস পাইতাম। বন্ধুকে লইয়া বন্ধু হাসিতেছে, শিশুকে লইয়া মাতা পালন করিতেছে, একটা গোরু আর-একটা গোরুর পাশে দাঁড়াইয়া তাহার গা চাটিতেছে, ইহাদের মধ্যে যে-একটি অস্বহীন অপরিমেয়তা আছে তাহাই আমার মনকে বিশ্বের আঘাতে যেন বেদনা দিতে লাগিল। এই সময়ে যে লিখিয়াছিলাম :

হৃদয় আন্নি মোর কেমনে গেল খুলি,

জগৎ আমি সেথা করিছে কোলাকুলি—

ইহা কবিকল্পনার অত্যাঙ্কি নহে। বস্তুত, যাহা অনুভব করিয়াছিলাম তাহা প্রকাশ করিবার শক্তি আমার ছিল না।

রাজেন্দ্রলাল মিত্র

রাজেন্দ্রলাল মিত্র সব্যসাচী ছিলেন। এ-পর্যন্ত বাংলাদেশে অসংখ্য বড়ো বড়ো সাহিত্যিকের সঙ্গে আমার আলাপ হইয়াছে, কিন্তু রাজেন্দ্রলালের স্মৃতি আমার মনে যেমন উজ্জ্বল হইয়া বিরাজ করিতেছে, এমন আর কাহারো নহে।

মানিকতলার বাগানে যেখানে কোর্ট অফ ওয়ার্ড্‌স্ ছিল সেখানে আমি যখন-তখন তাঁহার সঙ্গে দেখা করিতে যাইতাম। আমি সকালে যাইতাম, দেখিতাম, তিনি লেখাপড়ার কাজে নিযুক্ত আছেন।

আমাকে দেখিনামাত্র তিনি কাজ রাখিয়া দিয়া কথা আরম্ভ করিয়া দিতেন। সকলেই জানেন, তিনি কোন কন শুনিতেন। এষ্টতত্ত্ব পারৎপক্ষে তিনি আমাকে প্রশ্ন করিবার অনকাশ দিতেন না। কোনো-একটা বড়ো প্রশ্ন তুলিয়া তিনি নিজেই কথা করিয়া যাইতেন। তাঁহার মুখে সেট কণা শুনিনার ছোট্ট আমি তাঁহার কাছে যাইতাম। আর-কাছাবে সঙ্গ বাক্যালোচনা এত নূতন নূতন বিষয়ে এত বেশি করিয়া ভাবিবার জিনিস পাই নাই। আমি যুগ হইয়া তাঁহার আলাপ শুনিতাম। এমন অল্প সময় ছিল যে-সময়ে তিনি ভালো করিয়া আলোচনা না করিয়াছিলেন এবং যাহা-কিছু তাঁহার আলোচনার বিষয় ছিল তাহাই তিনি প্রাঞ্জল করিয়া বিবৃত করিতে পারিতেন।

কেবল তিনি মননশীল লেখক ছিলেন, ইহাই তাঁহার প্রধান গৌরব নহে। তাঁহার বৃত্তিতেই তাঁহার মনুষ্যত্ব যেন প্রত্যক্ষ হইত। আমার মতো অবাচীনকেও তিনি কিছুমাত্র অবজ্ঞা না করিয়া ভারি একটি দাক্ষিণ্য সহিত আমার সঙ্গেও বড়ো বড়ো বিষয়ে আলাপ করিতেন, অথচ তেজস্বিতায় তখনকার দিনে তাঁহার সমকক্ষ কেহই ছিল না। যোদ্ধাবশে তাঁহার রুদ্রমূর্তি বিপদজনক ছিল। ম্যুনিসিপাল-সভায় সেনেট-সভায় তাঁহার প্রতিপক্ষ সকলেই তাঁহাকে ভয় করিয়া চলিত। তখনকার দিনে কুমুদাস পাল ছিলেন কোশলী, আর রাজেন্দ্রলাল ছিলেন বীগদানু। বড়ো বড়ো মন্ত্রের সঙ্গেও বন্দ্ববুদ্ধে কখনো তিনি পরাস্থগ হন নাই ও কখনো তিনি পরাভূত হইতে জানিতেন না। 'এগিরিটিক সোমাইটি' সভার গ্রন্থপ্রকাশ ও পুরাতত্ত্ব-আলোচনা ব্যাপারে অনেক সংস্কৃত পণ্ডিতকে তিনি কাছে খাটাইতেন। আমার মনে আছে, এই উপলক্ষ্যে তখনকার কালের মহত্ববিঃস্বী ঈর্ষাপরাষণ অনেকেই বলিত যে, পণ্ডিতেরাই কাজ করে ও তাহার যশের ফল মিত্র-মহাশয় কাঁকি দিয়া ভোগ করিয়া থাকেন। অতঃপর একরূপ দৃষ্টান্ত

কখনো কখনো দেখা যায় যে, যে-ব্যক্তি যত্নমাত্র ক্রমশ তাগাব মনে হইতে থাকে, আমিই বুঝি কৃতী, আর যন্ত্রটি বুঝি অনাবশ্যক শোভা-মাত্র। কলম বেচারার যদি চেতনা থাকিত তবে লিখিতে লিখিতে নিশ্চয় কোন্-একদিন সে মনে করিয়া বসিত, লেখার সমস্ত কাজটাই করি আমি, অথচ আমার মুখেই কেবল কালি পড়ে আর লেখকের খ্যাতিই উজ্জল হইয়া উঠে।

প্রকৃতির প্রতিশোধ

কারোয়ারে 'প্রকৃতির প্রতিশোধ' নামক নাট্যকাব্যটি লিখিয়া-ছিলাম। কাব্যের নায়ক সন্ন্যাসী সমস্ত স্নেহবন্ধন মায়াবন্ধন ছিন্ন করিয়া প্রকৃতির উপরে জয়ী হইয়া একান্ত বিগ্ৰহভাবে অনন্তকে উপলক্ষ করিতে চাহিয়াছিল। অনন্ত যেন সব-কিছুর বাহিরে। অবশেষে একটি বালিকা তাহাকে স্নেহপাশে বদ্ধ করিয়া অনন্তের ধ্যান হইতে সংসারের মধ্যে ফিরাইয়া আনে। যখন ফিরিয়া আসিল তখন সন্ন্যাসী ইহাই দেখিল— ক্ষুদ্রকে লইয়াই বৃহৎ, সীমাকে লইয়াই অসীম, প্রেমকে লইয়াই মুক্তি। প্রেমের আলো যখনি পাই তখনি যেখানে চোখ মেলি সেখানেই দেখি, সীমার মধ্যেও সীমা নাই।

প্রকৃতির প্রতিশোধ এর মধ্যে এক দিকে যত-সব পথের লোক, যত-সব গ্রামের নরনারী— তাহারা আপনাদের ঘরগড়া প্রাত্যহিক তুচ্ছতার মধ্যে অচেতনভাবে দিন কাটাইয়া দিতেছে; আর-এক দিকে সন্ন্যাসী, সে আপনার ঘরগড়া এক অসীমের মধ্যে কোনোমতে আপনাকে ও সমস্ত কিছুকে বিলুপ্ত করিয়া দিবার চেষ্টা করিতেছে। প্রেমের সেতুতে যখন এই দুই পক্ষের ভেদ ঘুচিল, গৃহীর সঙ্গে সন্ন্যাসীর যখন মিলন ঘটিল, তখনই সীমার অসীমে মিলিত হইয়া সীমার মিথ্যা তুচ্ছতা ও অসীমের মিথ্যা শূন্যতা দূর হইয়া গেল। আমার তো মনে

হয় আমার কাব্যরচনার এই একটিনাত্র পাল্লা। সে পাল্লার নাম দেওয়া যাইতে পারে, সীমার মধ্যেই অসীমের সহিত মিলন-সাধনের পাল্লা। এই ভাবটাকেই আমার শেষ-বয়সের একটি কবিতার ছন্দে প্রকাশ করিয়াছিলাম : বৈরাগ্যসাধনে মুক্তি সে আমার নয়।

কারোয়ার হইতে ফিরিবার সময় জাহাজে প্রকৃতির প্রতিশোধ-এর কয়েকটি গান লিখিয়াছিলাম। বড়ো একটি আনন্দের সঙ্গে প্রথম গানটি জাহাজের ডেকে বসিয়া সুর দিয়া গাহিতে গাহিতে রচনা করিয়াছিলাম :

জাদে গো নন্দরানী,
আমাদের শ্রামকে ছেড়ে দাও -
আমরা রাখাল বালক গোষ্ঠে যাব,
আমাদের শ্রামকে দিয়ে যাও।

সকালের সূর্য উঠিয়াছে, ফুল ফুটিয়াছে, রাখাল বালকেরা মাঠে যাইতেছে— সেই সূর্যোদয়, সেই ফুল ফোটা, সেই মাঠের বিহার তাহারা শূন্য রাখিতে চায় না; সেইখানেই তাহারা তাহাদের শ্রামের সঙ্গে মিলিত হইতে চাহিতেছে, সেইখানেই অসীমের সাক্ষরী রূপটি তাহারা দেখিতে চায়; সেইখানেই মাঠ ঘাটে বনে পর্বতে অসীমের সঙ্গে আনন্দের খেলায় যোগ দিবে বলিয়াই তাহারা বাহির হইয়া পড়িয়াছে— দূরে নয়, ঐশ্বৰ্যের মধ্যে নয়; তাহাদের উপকরণ অতি সামান্য, পীতধড়া ও বনফুলের মালাই তাহাদের সাজের পক্ষে যথেষ্ট।

ছবি ও গান

কারোয়ার হইতে ফিরিবার সময় আমার বয়স ২২ বৎসর। 'ছবি ও গান' নাম ধরিয়া আমার যে কবিতাগুলি বাহির হইয়াছিল

তাহার অধিকাংশ এই সময়কার লেখা।

চৌরঙ্গির নিকটবর্তী সারুকুলর রোডের একটি বাগানবাড়িতে আমরা তখন বাস করিতাম। তাহার দক্ষিণের দিকে মস্ত একটা বসতি ছিল। আমি অনেক সময়েই দোতলার জানালার কাছে বসিয়া সেই লোকালয়ের দৃশ্য দেখিতাম। তাহাদের সমস্ত দিনের নানাপ্রকার কাজ, বিশ্রাম, খেলা ও আনাগোনা দেখিতে আমার ভারি ভালো লাগিত, সে যেন আমার কাছে বিচিত্র গল্পের মতো হইত।

নানা জিনিসকে দেখিবার যে-দৃষ্টি সেই দৃষ্টি যেন আমাকে পাইয়া বসিয়াছিল। তখন একটি-একটি যেন স্বতন্ত্র ছবিকে কল্পনার আলোকে ও মনের আনন্দ দিয়া ঘিরিয়া লইয়া দেখিতাম; এমনি করিয়া নিজের মনের কল্পনা-পরিবেষ্টিত ছবিগুলি গড়িয়া তুলিতে ভারি ভালো লাগিত। সে আর-কিছু নয়, এক-একটি পরিস্ফুট চিত্র আঁকিয়া তুলিবার আকাঙ্ক্ষা, চোখ দিয়া মনের জিনিসকে ও মন দিয়া চোখের দেখাকে দেখিতে পাইবার ইচ্ছা। তুলি দিয়া ছবি আঁকিতে যদি পারিতাম তবে পটের উপর রেখা ও বঙ দিয়া উতলা মনের দৃষ্টি ও সৃষ্টিকে বাধিয়া রাখিবার চেষ্টা করিতাম, কিন্তু সে উপায় আমার হাতে ছিল না। ছিল কেবল কথা ও ছন্দ।

নানা মানুষ

তখনকার দিনগুলি নির্ভাবনার দিন ছিল। পথ দিয়া নানা লোক নানা কাজে চলিয়া যাইত, আমি চাহিষা দেখিতাম— এবং বর্ষা, শরৎ, বসন্ত, দূরপ্রবাসের অতিথির মতো অনাহুত আমার ঘরে আগিয়া কাটাইয়া দিত। কিন্তু, কেবল শরৎ বসন্ত লইয়াই আমার কারবাব ছিল না। আমার ছোটো ঘরটাতে কত অদ্ভুত মানুষ মাঝে-মাঝে দেখা করিতে আসিত তাহার সীমা নাই; তাহারা যেন নোঙর-ছেঁড়া

নৌকা— কোনো প্রয়োজন নাট, কেবলই ভাসিয়া বেড়াইতেছে। উহারই মধ্যে ছই-একজন লক্ষীছাড়া বিনা পরিশ্রমে আগার দ্বারা অভাবপূরণ করিয়া লইবার জন্ত নানা চুল করিয়া আগার কাছে আসিত। কিন্তু আমাকে ফাঁকি দিতে কোনো কৌশলেরই প্রয়োজন ছিল না; তখন আগার সংসারভার লগ্ন ছিল এবং দক্ষনাকে দক্ষনা বলিয়াই চিনিতাম না। আমি অনেক ছাত্রকে দীর্ঘকাল পড়িবার বেতন দিয়াছি যাহাদের পরে বেতন নিম্প্রয়োজন এবং পড়াটার প্রথম চইতে শেষ পর্যন্তই অনধ্যায়। একবার এক লম্বাচুলওয়াল ছেলে তাহার কাল্পনিক ভগিনীর এক চিঠি আনিয়া আগার কাছে দিল। তাহাতে তিনি তাহারই মতো কাল্পনিক এক দিনাতার অভ্যাচারে পীড়িত এই সন্তানটিকে আগার হস্তে সমর্পণ করিতেছেন। উহার মধ্যে কেবল এই সন্তানটিকেই কাল্পনিক নহে, তাহার নিশ্চয় প্রমাণ পাইলাম। কিন্তু যে-পাখি উড়িত শ্রেণে নাই তাহান প্রতি অব্যস্ত তাগ-নাগ করিয়া বন্ধক লক্ষ্য করা যেমন অনাদৃষ্ট, ভগিনীর চিঠিও আমার পরে হেমনি বাহ্য ছিল। একবার একটা ছেলে আসিয়া ধর দিল, সে বি-এ পড়িতেছে, কিন্তু মাথার ব্যাচোরে পদীকা দেওয়া তাহার পরে অসাধা হইয়াছে। তিনি আমি উদ্ভিগ্ন হইলাম, কিন্তু অন্যান্য অধিকাংশ বিদ্যারই গায় ডাক্তারি-বিদ্যাতেও আমার পারদর্শিতা ছিল না, সুতরাং কী উপায়ে তাহাকে আশ্বস্ত করিব তাহা পাইলাম না। সে বলিল, “স্বপ্নে দেখিয়াছি, পূর্বজন্মে আপনার স্ত্রী আমার মাতা ছিলেন, তাহার পাদোদক খাইলেই আমার আরোগ্যলাভ হইবে।” বলিয়া একটু হাসিয়া কহিল, “আপনি বোধ হয় এ সমস্ত বিশ্বাস করেন না।” আমি বলিলাম, “আমি বিশ্বাস নাই করিলাম, তোমার রোগ যদি সারে তো সারুক।” স্ত্রীর পাদোদক বলিয়া একটা জল চালাইয়া দিলাম। খাইয়া সে আশ্চর্য উপকার বোধ করিল। ক্রমে অভিব্যক্তির পর্যায়ে

জল হইতে অতি সহজে সে অল্পে আসিয়া উত্তীর্ণ হইল। ক্রমে আমার ঘরের একটা অংশ অধিকার করিয়া বন্ধুবান্ধবদিগকে ডাকাইয়া সে ভাষাক খাওয়াইতে লাগিল। আমি সসংকোচে সেই ধূমাচ্ছন্ন ঘর ছাড়িয়া দিলাম। ক্রমে অত্যন্ত স্থূল কয়েকটি ঘটনার স্পষ্টরূপে প্রমাণ হইতে লাগিল, তাহার অন্ত যে-ব্যাপি থাক্ মস্তিষ্কের দুর্বলতা ছিল না। ইহার পরে পূর্বজন্মের সন্তানদিগকে বিশিষ্ট প্রমাণ ব্যতীত বিশ্বাস করা আমার পক্ষে কঠিন হইয়া উঠিল; দেখিলাম, এ-সম্বন্ধে আমার খ্যাতি ব্যাপ্ত হইয়া পড়িয়াছে। একদিন চিঠি পাইলাম, আমার গতজন্মের একটি কণ্ঠাসন্তান রোগশাস্তির জন্য আমার প্রসাদপ্রার্থিনী হইয়াছেন। এইখানে শঙ্ক হইয়া দাঁড়ি টানিতে হইল, পুত্রটিকে লইয়া অনেক চুঃখ পাইরাছি কিন্তু গতজন্মের কণ্ঠাদায় কোনোমতেই আমি গ্রহণ করিতে সক্ষম হইলাম না।

বঙ্কিমচন্দ্র

এই সময়ে বঙ্কিমবাবুর সঙ্গে আমার আলাপের সূত্রপাত হয়। তাঁহাকে প্রথম যখন দেখি সে অনেক দিনের কথা। তখন কলিকাতা বিশ্ববিদ্যালয়ের পুরাতন ছাত্রেরা মিলিয়া একটি বার্ষিক সম্মিলনী স্থাপন করিয়াছিলেন। চন্দ্রনাথ বসু মহাশয় তাহার প্রধান উদ্যোগী ছিলেন।

সেই সম্মিলনসভার ভিড়ের মধ্যে ঘুরিতে ঘুরিতে নানা লোকের মধ্যে হঠাৎ এমন একজনকে দেখিলাম যিনি সকলের হইতে স্বতন্ত্র, যাঁহাকে অল্প পাঁচজনের সঙ্গে মিশাইয়া ফেলিবার জো নাই। সেট গৌরবাস্তি দীর্ঘকায় পুরুষের মুখের মধ্যে এমন একটি দৃষ্ট তেজ দেখিলাম যে তাঁহার পরিচয় জানিবার কৌতূহল সঞ্চার করিতে পারিলাম না। সেদিনকার এত লোকের মধ্যে কেবলমাত্র তিনি কে, ইহাই জানিবার জন্য প্রশ্ন করিয়াছিলাম। যখন উত্তরে শুনিলাম তিনিই

বঙ্কিমবাবু, ৩৩শন বড়ো বিশ্বাস জন্মিল। লেখা পড়িয়া এতদিন বাঁহাকে মহৎ বলিয়া জানিতাম, চেহারাতেও তাঁহার বিশিষ্টতার যে এমন একটি নিশ্চিত পরিচয় আছে, সে-কথা সেদিন আমার মনে খুব লাগিয়াছিল। বঙ্কিমবাবুর খড়গনাসার, তাঁহার চাপা ঠোঁটে, তাঁহার তীক্ষ্ণ দৃষ্টিতে ভারি একটা প্রবলতার লক্ষণ ছিল। বন্ধের উপর হুই হাত বন্ধ করিয়া তিনি যেন সকলের নিকট হইতে পৃথক হইয়া চলিতেছিলেন, কাহারো সঙ্গে যেন তাঁর কিছুমাত্র গা-ধেঁষাধেঁষি ছিল না, এইটেই সর্বাঙ্গের বেশি করিয়া আমার চোখে ঠেকিয়াছিল। তাঁহার যে কেবলমাত্র বুদ্ধিশালী মননশীল লেখকের ভাব ছিল তাহা নহে, তাঁহার ললাটে যেন একটি অদৃশ্য রাজতিলক পরানো ছিল।

এইখানে একটি ছোটো ঘটনা ঘটিল, তাহার ছবিটি আমার মনে মুদ্রিত হইয়া গিয়াছে। একটি ঘরে একজন সংস্কৃতজ্ঞ পণ্ডিত স্বদেশ সম্বন্ধে তাঁহার কয়েকটি স্বরচিত শ্লোক পড়িয়া শ্রোতাদের কাছে তাহার বাংলা ব্যাখ্যা করিতেছিলেন। বঙ্কিমবাবু ঘরে ঢুকিয়া এক প্রান্তে দাঁড়াইলেন। পণ্ডিতের কবিতার একস্থলে, অশ্লীল নহে, কিন্তু ইতর একটি উপমা ছিল। পণ্ডিতমহাশয় যেমন সেটিকে ব্যাখ্যা করিতে আরম্ভ করিলেন অমনি বঙ্কিমবাবু হাত দিয়া মুখ চাপিয়া তাড়াতাড়ি সে-ঘর হইতে বাহির হইয়া গেলেন। দরজার কাছ হইতে তাঁহার সেই দৌড়িয়া পালানোর দৃশ্যটা যেন আমি চোখে দেখিতে পাইতেছি।

আমার অন্ত কোনো প্রবন্ধে আমি বলিয়াছি, রমেশ দত্ত মহাশয়ের জ্যেষ্ঠা কন্যার বিবাহসভার স্বরের কাছে বঙ্কিমবাবু দাঁড়াইয়া ছিলেন; রমেশবাবু বঙ্কিমবাবুর গলায় মালা পরাইতে উদ্বৃত্ত হইয়াছেন, এমন সময়ে আমি সেখানে উপস্থিত হইলাম। বঙ্কিমবাবু তাড়াতাড়ি সে-মালা আমার গলায় দিয়া বলিলেন, “এ মালা ইহারই প্রাপ্য— রমেশ, তুমি সঙ্ক্যাসংগীত পড়িয়াছ ?” তিনি বলিলেন, “না।” তখন বঙ্কিমবাবু

সন্ধ্যাসংগীতের কোনো কবিতা সম্বন্ধে যে-মত ব্যক্ত করিলেন তাহাতে আমি পুরস্কৃত হইয়াছিলাম।

জাহাজের খোল

কাগজে কী-একটা বিজ্ঞাপন দেখিয়া একদিন মধ্যাহ্নে জ্যোতিদাদা নিলামে গিয়া ফিরিয়া আসিয়া খবর দিলেন যে, তিনি সাত হাজার টাকা দিয়া একটা জাহাজের খোল কিনিয়াছেন। এখন ইহার উপরে এঞ্জিন জুড়িয়া কামরা তৈরি করিয়া একটা পুরা জাহাজ নির্মাণ করিতে হইবে।

দেশের লোকেরা কলম চালায়, রসনা চালায়, কিন্তু জাহাজ চালায় না, বোধ করি এই ক্ষোভ তাঁহার মনে ছিল। দেশে দেশলাই কাঠি জ্বালাইবার জন্ত তিনি একদিন চেষ্টা করিয়াছিলেন, দেশলাই কাঠি অনেক ঘর্ষণেও জ্বলে নাই : দেশে তাঁতের কল চালাইবার জন্তও তাঁহার উৎসাহ ছিল, কিন্তু সেই তাঁতেব কল একটিমাত্র গামছা প্রসব করিয়া তাহার পর হইতে স্তব্ধ হইয়া আছে। তাহার পবে স্বদেশী চেষ্টায় জাহাজ চালাইবার জন্ত তিনি হঠাৎ একটা শূন্য খোল কিনিলেন, সে খোল একদা ভরতি হইয়া উঠিল, শুধু কেবল এঞ্জিন এবং কামরায় নহে, ঋণে এবং সর্বনাশে। কিন্তু তবু এ কথা মনে রাখিতে হইবে, এই-সকল চেষ্টার ক্ষতিযাত্রা সে একলা তিনিই স্বীকার করিয়াছেন, আর ইহার লাভ যাহা তাহা নিশ্চয়ই এখনো তাঁহার দেশের খাতায় জমা হইয়া আছে। পৃথিবীতে এইরূপ বেহিসাবি অব্যবসায়ী লোকেরাই দেশের কর্মক্ষেত্রের উপর দিয়া বারম্বার নিফল অধ্যবসায়ের বস্তা বহাইয়া দিতে থাকেন ; সে-বস্তা হঠাৎ আসে এবং সে-বস্তা হঠাৎ চলিয়া যায়, কিন্তু তাহা স্তরে স্তরে যে-পলি রাখিয়া চলে তাহাতেই দেশের মাটিকে প্রাণপূর্ণ করিয়া তোলে ; তাহার পব ফসলের দিন যখন আসে তখন তাঁহাদের কথা কাহারো মনে থাকে না বটে, কিন্তু

সমস্ত জীবন ঠাঁহারা কতিবহন করিয়াই আগিয়াছেন, মৃত্যুর পরবর্তী এই কতিটুকুও ঠাঁহারা অনগ্রাসে স্বীকার করিতে পারিবেন।

এক দিকে বিলাতি কোম্পানি, আর-এক দিকে তিনি একলা— এই দুই পক্ষে বাণিজ্য-নৌযুদ্ধ ক্রমশই বিরূপ প্রচণ্ড হইয়া উঠিল তাহা খুলনা-বরিশালের লোকেরা এখনো বোধ করি স্মরণ করিতে পারিবেন। প্রতিযোগিতার তাড়নায় জাহাজের পর জাহাজ তৈরি হইল, কতির পর কতি বাড়িতে লাগিল, এবং আয়ের অঙ্ক ক্রমশই ক্ষীণ হইতে হইতে টিকিটের মূল্যের উপসর্গটা সম্পূর্ণ বিলুপ্ত হইয়া গেল— বরিশাল-খুলনার ষ্টামার লাইনে সত্যযুগ আবির্ভাবের উপক্রম হইল। যাত্রীরা যে কেবল বিনা ভাডায় যাত্রারাত শুরু করিলেন তাহা নহে, ঠাঁহারা বিনা মূল্যে মিষ্টান্ন খাইতে আরম্ভ করিলেন। ইহার উপরে বরিশালের উলটিয়ারের দল স্বদেশী কীর্তন গাথিয়া কোমর বাধিয়া যাত্রী সংগ্রহে লাগিয়া গেল। স্মরণ্য জাহাজ যাত্রীর অভাব হইল না কিন্তু আর সকল প্রকার অভাবই বাড়িল বই কমিল না। অকশাস্ত্রের মধ্যে স্বদেশহিতৈষিতার উৎসাহ প্রবেশ করিবার পথ পার না; কীর্তন যতই জমুক, উত্তরুনা যতই বাড়ুক, গণিত আপনার নামতা ভুলিতে পারিল না, স্মরণ্য তিন-ত্রিকোণ-নয় ঠিক তালে তালে ফডিঙের মতো লাফ দিতে দিতে ঋণের পথে অগ্রসর হইতে লাগিল।

অব্যবসায়ী ভাবুক মানুষের একটা কুগ্রহ এই যে, লোকেরা ঠাঁহা-দিগকে অতি সহজেই চিনিতে পারেন* কিন্তু ঠাঁহারা লোক চিনিতে পারেন না; অথচ ঠাঁহারা যে চেেনেন না এইটুকু মাত্র শিথিতে ঠাঁহাদের বিস্তর খরচ এবং ততোধিক বিলম্ব হয় এবং সেই শিক্ষা কাজে লাগানো ঠাঁহাদের দ্বারা ইহজীবনেও ঘটে না। যাত্রীরা যখন বিনা-মূল্যে মিষ্টান্ন খাইতেছিল তখন জ্যোতিদাদার কর্মচারীরা যে তপস্বীর মতো উপবাস করিতেছিল এমন কোনো লক্ষণ দেখা যায় নাই—

অতএব যাত্রীদের জন্তও জলযোগের ব্যবস্থা ছিল, কর্মচারীরাও বঞ্চিত হয় নাই, কিন্তু সকলের চেয়ে মহত্তম লাভ রছিল জ্যোতিদাদার— সে তাঁহার এই সর্বস্ব-কতিস্বীকার।

তখন খুলনা-বরিশালের নদীপথে প্রতিদিনের এই জয়পরাজয়ের সংবাদ-আলোচনার আমাদের উদ্বেজনার অন্ত ছিল না। অবশেষে একদিন খবর আসিল তাঁহার 'স্বদেশী' নামক জাহাজ হাবড়ার ত্রিজে ঠেকিয়া ডুবিয়াছে। এইরূপে যখন তিনি তাঁহার নিজের সাধের সীমা একেবারে সম্পূর্ণ অতিক্রম করিলেন, নিজের পক্ষে কিছুই আর বাকি রাখিলেন না, তখনি তাঁহার ব্যাবসা বন্ধ হইয়া গেল।

বর্ষা ও শরৎ

এক-এক বৎসরে বিশেষ এক-একটা গ্রহ রাজার পদ ও মন্ত্রীব পদ লাভ করে, পঞ্জিকার আরম্ভেই পশুপতি ও হৈমবতীর নিভৃত আলাপে তাহার সংবাদ পাই। তেমনি দেখিতেছি, জীবনের এক-এক পর্যায়ে এক-একটি ঋতু বিশেষভাবে আধিপত্য গ্রহণ করিয়া থাকে। বাল্যকালের দিকে যখন তাকাইয়া দেখি তখন সকলের চেয়ে স্পষ্ট করিয়া মনে পড়ে তখনকার বর্ষার দিনগুলি। বাতাসের বেগে জলের ছাটে বারান্দা একেবারে ভাসিয়া যাইতেছে, সারি সারি ঘরের সমস্ত দরজা বন্ধ হইয়াছে, প্যারিবুড়ি কক্ষে একটা বড়ো ঝুড়িতে তরিতরকারি বাজার করিয়া ভিজিতে ভিজিতে জলকাদা ভাঙিয়া আসিতেছে, আমি বিনা কারণে দীর্ঘ বারান্দার প্রবল আনন্দে ছুটিয়া বেড়াইতেছি। আর মনে পড়ে— ইন্সুলে গিয়াছি; দরমায়-ঘেরা দালানে আমাদের ক্লাস বসিয়াছে; অপরাহ্নে ঘনঘোর মেঘের স্তূপে স্তূপে আকাশ ছাইয়া গিয়াছে; দেখিতে দেখিতে নিবিড় ধারায় বৃষ্টি নামিয়া আসিল; থাকিয়া থাকিয়া দীর্ঘ একটানা মেঘ-ডাকার শব্দ; আকাশটাকে যেন

বিছাতের নখ দিয়া এক প্রান্ত হইতে আর-এক প্রান্ত পর্বত কোন্ পাগলি ছিড়িয়া কাড়িয়া ফেলিতেছে ; বাতাসের দমকার দরমার বেড়া ভাঙিয়া পড়িতে চায়, অন্ধকারে ভালো করিয়া বইয়ের অক্ষর দেখা যায় না, পণ্ডিতমশায় পড়া বন্ধ করিয়া দিয়াছেন ; বাহিরের ঝড়-বাদলটার উপরেই ছুটাছুটি মাতামাতির বরাত দিয়া বেঞ্চির উপরে বসিয়া গা হুলাইতে হুলাইতে মনটাকে তেপান্তরের মাঠ পার করিয়া দৌড় করাইতেছি । আরো মনে পড়ে, শ্রাবণের গভীর রাত্রি, ঘুমের কাঁকের মধ্য দিয়া ঘনবৃষ্টির ঝন্ঝন্ শব্দ মনের ভিতরে সৃষ্টির চেয়েও নিবিড়তর একটা পুলক জমাইয়া তুলিতেছে ; একটু ঘেঁষে ঘুম ভাঙিতেছে মনে-মনে প্রার্থনা করিতেছি, সকালেও যেন এই বৃষ্টির বিরাম না হয় এবং বাহিরে গিয়া দেখিতে পাই, আমাদের গলিতে জল দাঁড়াইয়াছে এবং পুকুরের ঘাটের একটি খাপও আর জাগিয়া নাই ।

কিন্তু আমি যে সময়কার কথা বলিতেছি সে সময়ের দিকে তাকাইলে দেখিতে পাই, তখন শরৎঋতু সিংহাসন অধিকার করিয়া বসিয়াছে । তখনকার জীবনটা আশ্বিনের একটা বিস্তীর্ণ স্বচ্ছ অবকাশের মাঝখানে দেখা যায়— সেই শিশিরে ঝলমল-করা স্রস সবুজের উপর সোনা-গলানো রৌদ্রের মধ্যে মনে পড়িতেছে, দক্ষিণের বারান্দায় গান বাধিয়া তাহাতে ষোগিয়া সুর লাগাইয়া গুন্‌গুন্ করিয়া গাহিয়া বেড়াইতেছি— সেই শরতের সকালবেলায় ।

আজি শরত-তপনে প্রভাত-তপনে

কী জানি পরান কী যে চায় ।

বর্ষার দিনে কেবল ঘনঘটা এবং বর্ষণ । শরতের দিনে মেঘরৌদ্রের খেলা আছে কিন্তু তাহাই আকাশকে আবৃত করিয়া নাই, এদিকে খেতে খেতে ফসল ফলিয়া উঠিতেছে । তেমনি আমার কাব্যলোকে যখন

বর্ষার দিন ছিল তখন কেবল ভাবাবেগের বায়ু এবং বর্ষণ। তখন এলোমেলো ছন্দ এবং অস্পষ্ট বাণী। কিন্তু শরতকালের কড়ি ও কোমলে কেবলমাত্র, আকাশে মেঘের রঙ নহে, সেখানে মাটির ফসল দেখা দিতেছে। এবার বাস্তব সংসারের সঙ্গে কারবারে ছন্দ ও ভাষা নানাপ্রকার রূপ ধরিয়া উঠিবার চেষ্টা করিতেছে।

বিদায়গ্রহণ

এবারে একটা পালা সাজ হইয়া গেল। জীবনে এখন ঘরের ও পরের, অন্তরের ও বাহিরের মেলামেলির দিন ক্রমে ঘনিষ্ঠ হইয়া আসিতেছে। এখানে কত ভাঙাগড়া, কত অসুখসুখ, কত সংঘাত ও সন্ধিগন। এই-সমস্ত বাধা বিরোধ ও বক্রতার ভিতর দিয়া আনন্দময় নৈপুণ্যের সহিত আমার জীবনদেবতা যে একটি অসুখসুখ অতিপ্রায়কে বিকাশের দিকে লইয়া চলিয়াছেন তাহাকে উদ্বাচিত করিয়া দেখাইবার শক্তি আমার নাই। সেই আশ্চর্য পরম রহস্যটুকুই যদি না দেখানো যায় তবে আর যাহা কিছুই দেখাইতে যাইব তাহাতে পদ পদ কেবল ভুল বুঝানোই হইবে। মূর্তিকে বিশ্লেষণ করিতে গেলে কেবল মাটিরকই পাওয়া যায়, শিল্পীর আনন্দকে পাওয়া যায় না। অতএব হাস্যমহলের দরজার কাছে পর্যন্ত আসিয়া এইখানেই আমার জীবনকৃতির পাঠকদের কাছ হইতে আমি বিদায় গ্রহণ করিলাম।

জাপানযাত্রী

নাগরসু

তোসামারু জাহাজ । ১৯ নৈশাগ, ১৩২৩ । বোম্বাই থেকে যতবার যাত্রা করেছি জাহাজ চলতে দেরি করে নি । কলকাতার জাহাজে যাত্রার আগে রাত্রে গিয়ে বসে থাকতে হয় । এটা ভালো লাগে না । কেননা যাত্রা করার মানেই মনের মধ্যে চলার বেগ সঞ্চার করা । (মন যখন চলবার মুখে, তখন তাকে দাঁড় করিয়ে রাখা তার এক শক্তির সঙ্গে তার আর-এক শক্তির লড়াই বাধানো ।)

বাড়ির লোকেরা সকলেই জাহাজে চড়িয়ে দিয়ে বাড়ি ফিরে গেল, বজুরা ফুলের মালা গলায় পরিয়ে দিয়ে বিদায় দিলে, কিন্তু জাহাজ চলল না অর্থাৎ (যারা থাকবার তারাই গেল আর যেটা চলবার সেটাই ফিরে ছয়ে দইল— বাড়ি গেল স'রে আর তরী রইল দাঁড়িয়ে ।)

রাত্রে বাইরে শোওয়া গেল, কিন্তু এ কেমনতরো বাইরে ? জাহাজের মানুষল মানুষল আকাশটা যেন ভীষ্মের মতো পরশয়ার গুয়ে মৃত্যুর অপেক্ষা করছে । (কোথাও শূণ্যরাজ্যের ফাঁকা নেই । অথচ বস্তুরাজ্যের স্পষ্টতাও নেই ।)

কোনো-একটি কবিতায় প্রকাশ করেছিলেন যে, আমি নিশীথ-রাত্রির সভাকবি । আমরা বরাবর এ কথাই মনে হয় যে, (দিনের বেলাটা মতলোকের, আর রাত্রিবেলাটা স্বরলোকের) মানুষ ভয় পায়, মানুষ কাজকম করে, মানুষ তার পায়ের কাছে পথটা স্পষ্ট করে দেখতে চায়, এই জন্তে এত বড়ো একটা আলো জ্বলতে হয়েছে । দেবতার ভয় নেই, দেবতার কাজ নিঃশব্দে গোপনে, দেবতার চলার সঙ্গে স্বকৃতার কোনো বিরোধ নেই, এই জন্তেই অসীম অন্ধকার

দেবসভার আশ্রয়। (দেবতা রাজ্যেই আমাদের বাতায়নে এসে দেখা দেন।)

দিন আলোকের দ্বারা আবিল, অন্ধকারই পরম নির্মল। অন্ধকার (রাত্রি সমুদ্রের মতো— তা অজ্ঞানের মতো কালো, কিন্তু তবু নিরঞ্জন। আর দিন নদীর মতো— তা কালো নয়, কিন্তু পঙ্কিল।) রাত্রির সেই অতলস্পর্শ অন্ধকারকেও সেদিন সেই খিদিরপুরের জেটির উপর মলিন দেখলুম। মনে হল, দেবতা স্বয়ং মুখ মলিন করে রয়েছেন।

সমুদ্রে ঝড়

২১ বৈশাখ। বৃহস্পতিবার বিকেলে সমুদ্রের মোহানায় পাইলট নেবে গেল। এর কিছু আগে থাকতেই সমুদ্রের রূপ দেখা দিয়েছে। তার কুলের বেড়ি খসে গেছে। কিন্তু এখনও তার মাটির রঙ ঘোচে নি। পৃথিবীর চেয়ে আকাশের সঙ্গেই যে তার আত্মীয়তা বেশি, সে কথা এখনো প্রকাশ হয় নি— কেবল দেখা গেল, জলে আকাশ এক-দিগন্তে বদল বদল করেছে। যে চেউ দিয়েছে, নদীর চেউয়ের ছন্দেই মতো তার ছোটো ছোটো পদবিভাগ নয়; এ যেন মন্দাক্রান্তা, কিন্তু এখনো সমুদ্রের শাদুলবিক্রীড়িত শুরু হয় নি।

পাইলটের হাতে আমাদের ডাঙার চিঠিপত্র সমর্পণ করে দিয়ে প্রসন্নমনে সমুদ্রকে অভ্যর্থনা করবার জন্তে ডেক-চেয়ার তৈরি নিয়ে পশ্চিমমুখে হয়ে বসলুম।

হোলির রাজ্যে হিন্দুস্থানি দরওয়ানদের খচ্চির মতো বাতাসে দলগটা ক্রমেই দ্রুত হয়ে উঠল। জলের উপর সূর্যাস্তের আলপনা-আঁকা আসনটি আচ্ছন্ন করে নীলাশ্বরীর ঘোমটা-পদা সন্ধ্যা এসে এসে। আকাশে তখনও মেঘ নেই, আকাশসমুদ্রের ফেনার মতোই ছায়াপথ জলজল করতে লাগল।

(ডেকের উপর বিছানা করে বখন গুলুম তখন বাতাসে এবং জলে বেশ একটা কবির লড়াই চলছে— এক দিকে সোঁ সোঁ শব্দে তান লাগিয়েছে, আর-এক দিকে ছল্ ছল্ শব্দে জবাব দিচ্ছে, কিন্তু বড়ের পালা বলে মনে হল না) আকাশের তারাদের সঙ্গে চোখোচোখি ক'রে কখন একসময় চোখ বুজল এল !

রাত্রে স্বপ্ন দেখলুম, আমি যেন মৃত্যু সঙ্কে কোনো একটি বেদমন্ত্র আবৃত্তি করে সেঁটে কানেক বুঝিয়ে বলছি। আশ্চর্য তার রচনা, যেন একটা বিপুল আর্তস্বরের মতো, অথচ তার মধ্যে মরণের একটা বিরাট বৈরাগ্য আছে। এই মন্ত্রের মাঝখানে জেগে উঠে দেখি, আকাশ এবং জল তখন উন্নত হয়ে উঠেছে। (সমুদ্র চামুণ্ডার মতো কেনার জিব মেলে প্রচণ্ড অট্টহাস্তে নৃত্য করছে।)

আকাশের দিকে তাকিয়ে দেখি, মেঘগুলো মরিয়া হয়ে উঠেছে, যেন তাদের কাণ্ডজ্ঞান নেই; বলছে, যা থাকে কপালে। আর, জলে যে বিষম গর্জন উঠেছে তাতে মনের ভাবনাও যেন শোনা যায় না, এমনি বোধ হতে লাগল। মাল্লারা ছোটো ছোটো লঠন হাতে ব্যস্ত হয়ে এদিকে ওদিকে চলাচল করছে, কিন্তু নিঃশব্দে। মাঝে মাঝে এঞ্জিনের প্রতি কর্ণধারের সঙ্কত-ঘণ্টাধ্বনি শোনা যাচ্ছে।

এবার বিছানায় শুয়ে ঘুমাবার চেষ্টা করলুম। কিন্তু বাইরে জল-বাতাসের গর্জন আর আমার মনের মধ্যে সেই স্বপ্নলব্ধ মরণমন্ত্র ক্রমাগত বাজতে লাগল। আমার ঘুমের সঙ্গে জাগরণ ঠিক যেন ঐ ঝড় এবং চেউয়েব মতোই এলোমেলো মাতামাতি করতে থাকল— ঘুমোচ্ছি কি জেগে আছি বুঝতে পারছি নে।

রাগী মানুষ কথা কহতে না পারলে যেমন ফুলে ফুলে ওঠে, সকাল-বেলাকার মেঘগুলোকে তেমনি বোধ হল। বাতাস কেবলই শব্দ এবং জল কেবলই বাকি অস্ত্যস্বর্গ য র ল ব হ নিয়ে চণ্ডীপাঠ বাধিয়ে

দিলে, আর মেঘগুলো জটা ছলিয়ে ক্রকুটি ক'ব বেড়াতে লাগল। অবশেষে মেঘের বাণী জলধারায় নেবে পড়ল। নারদের বীণাধ্বনিতে বিষ্ণু গঙ্গাধারায় বিগলিত হয়েছিলেন একবার, আমাব সেই পৌরাণিক কথা মনে এসেছিল। (কিন্তু এ কোন্ নারদ প্রলয়বীণা বাজাচ্ছে? এর সঙ্গে নন্দীভৃঙ্গীর যে মিল দেখি, আর ওদিকে বিষ্ণুর সঙ্গে রুদ্রের প্রভেদ বুচে গেছে।)

ঝড় ক্রমেই বেড়ে চলল। মেঘের সঙ্গে চেউয়ের সঙ্গে কোনো ভেদ রইল না। সমুদ্রের সে নীল রঙ নেই— চারিদিক ঝাপসা, বিবর্ণ। ছেলেবেলার আরব্য উপন্যাসে পড়েছিলুম, জেলের জালে যে-ঘড়া উঠেছিল তার ঢাকনা খুলতেই তার ভিতর থেকে পোয়াব মতো পাকিয়ে পাকিয়ে প্রকাণ্ড দৈত্য বেরিয়ে পড়ল। আমার মনে হল, সমুদ্রের নীল ঢাকনাটা কে খুলে ফেলেছে, আর ভিতর থেকে পোয়াব মতো লাখো লাখো দৈত্য পরস্পর ঠেলাঠেলি করতে করতে আকাশে উঠে পড়ছে।

জাপানী মান্নারা ছুটোছুটি করছে কিন্তু তাদের মুখ হাসি লেগেই আছে। তাদের ভাব দেখে মনে হয়, সমুদ্র যেন অটুহাত্ত্র জাহাজটাক ঠাট্টা করছে মাত্র; পশ্চিম দিকের ডেকের দরজা প্রভৃতি সমস্ত বন্ধ, তবু সে-সব বাধা ভেদ করে এক-একবার জলের চেউ ছড়মুড় ক'ব এসে পড়ছে, আর তাই দেখে ওরা হো হো করে উঠছে। কাপ্তানের যে কোনো উৎকর্ষা আছে, বাইরে থেকে তার কোনো লক্ষণ দেখতে পেলুম না।

ঘরে আর বসে থাকতে পারলুম না। ভিত্তি ঝাল মুড়ি দিয়ে আবার বাইরে এসে বসলুম। এত তুফানেও যে আমাদের ডেকের উপর আছড়ে আছড়ে ফেলছে না, তার কারণ জাহাজ আকর্ষ বোঝাছ। ভিতরে যার পদার্থ নেই তার মতো দোলায়িত অবস্থা আমাদের

জাহাজের নয়। মৃত্যুর কথা অনেকবার মনে হল, চারিদিকেই তো মৃত্যু, দিগন্ত থেকে দিগন্ত পর্বন্ত মৃত্যু— আমার প্রাণ এর মধ্যে এতটুকু। এই অতি-বড়োটোর উপরেই কি সমস্ত আস্থা রাখব, আর এত-বড়োটাকে কিছু বিশ্বাস করব না?— বড়োর উপরে ভরসা রাখাই ভালো।

সন্ধ্যার সময় ঝড় থেমে গেল। উপরে গিয়ে দেখি জাহাজটা সমুদ্রের কাছে এতক্ষণ ধরে যে চড়চাপড় খেয়েছে, তার অনেক চিহ্ন আছে। কাপ্তেনের ঘরের একটা প্রাচীর ভেঙে গিয়ে তাঁর আসবাব-পত্র সমস্ত ভিক্ষে গেছে। একটা বাঁধা লাইফ-বোট জখম হয়েছে। ডেক প্যাসেঞ্জারদের একটা ঘর এবং ভাঙারের একটা অংশ ভেঙে পড়েছে। জাপানী মাল্লারা এমন-সকল কাজে প্রবৃত্ত ছিল যাতে প্রাণ-সংশয় ছিল। জাহাজ যে বরানর আসন্ন সংকটের সঙ্গে লড়াই করেছে, তার একটা স্পষ্ট প্রমাণ পাওয়া গেল— জাহাজের ডেকের উপর কর্কের তৈরি সঁতার দেবার জামাগুলো সাজানো। এক সময়ে এগুলো দেব করবার কথা কাপ্তেনের মনে এসেছিল। কিন্তু ঝড়ের পালার মধ্যে সবচেয়ে স্পষ্ট করে আমার মনে পড়ছে জাপানী মাল্লাদের হাসি।

শনিবার দিনে আকাশ প্রসন্ন কিন্তু সমুদ্রের আক্কেপ এখনো ঘোচে নি। আশ্চর্য এই, ঝড়ের সময় জাহাজ এমন দোলে নি ঝড়ের পর যেমন ভার দোলা। কালকেকার উৎপাতকে কিছুতেই যেন সে কমা করতে পারছে না, ক্রমাগতই ফুঁপিয়ে ফুঁপিয়ে উঠছে। শরীরের অবস্থাটাও অনেকটা সেইরকম— ঝড়ের সময় সে একরকম শক্ত ছিল, কিন্তু পরের দিন ভুলতে পারছে না তার উপর দিয়ে ঝড় গিয়েছে।

আজ রবিবার। জলের রঙ ফিকে হয়ে উঠেছে। এতদিন পরে

আকাশে একটি পাখি দেখতে পেলুম— এই পাখিগুলিই পৃথিবীর বাণী
আকাশে বহন করে নিয়ে যায়— আকাশ দেখে তাব আলো, পৃথিবী
দেয় তাব গান। সমুদ্রের যা-কিছু গান সে কেবল তার নিঃস্বব
টেউয়ের— তার কোলে জীব আছে যথেষ্ট, পৃথিবীর চেয়ে অনেক বেশি,
কিন্তু তাদের কারো কণ্ঠে সুর নেই— সেই অসংখ্য বোদা জীবের হয়ে
সমুদ্র নিজেই কথা কছে। ডাঙার জীবেরা প্রধানত শব্দর দ্বারা
মনের ভাব প্রকাশ করে, জলচরদের ভাষা হচ্ছে গতি। (সমুদ্র হচ্ছে
নৃত্যলোক, আর পৃথিবী হচ্ছে শব্দলোক।)

সমুদ্রের রঙ

২ জ্যৈষ্ঠ। অগতে সূর্যোদয় ও সূর্যাস্ত সামান্য ব্যাপার নয়, তার
অভ্যর্থনার জন্যে স্বর্গমর্তে রাজকীয় সমারোহ। প্রভাতে পৃথিবী তার
ঘোমটা খুলে দাঁড়ায়, তার বাণী নানা সুরে জেগে ওঠে; সন্ধ্যায়
স্বর্গলোকের যবনিকা উঠে যায়, এবং ছালোক আপন জ্যোতিরোমাঙ্কিত
নিঃশব্দতার দ্বারা পৃথিবীর সম্ভাবণের উত্তর দেয়। স্বর্গমর্তেই এই
মুখোমুখি আলাপ যে কত গম্ভীর এবং কত মহীয়ান, এই আকাশ ও
সমুদ্রের মাঝখানে দাঁড়িয়ে তা আমরা বুঝতে পারি।

দিগন্ত থেকে দেখতে পাই, মেঘগুলো নানা স্তরীতে আকাশে উঠে
চলেছে যেন সৃষ্টিকর্তার আঙিনার আকার-ফোরারায় মুগ খুলে গেছে।
বস্তু প্রায় কিছুই নেই, কেবল আকৃতি, কোনোটার সঙ্গে কোনোটার
মিল নেই। যেমন আকৃতির হরির লুঠ তেমনি রঙের! রঙ যে কত-
রকম হতে পারে, তার সীমা নেই। রঙের তান উঠছে. তানের উপর
তান; তাদের মিলও যেমন তাদের অমিলও তেমনি; তারা বিরুদ্ধ
নয়, অথচ বিচিত্র। | রঙের সমারোহেও যেমন প্রকৃতির বিলাস, রঙের

শান্তিতেও ভেমনি। সূর্যাস্তের মুহূর্তে পশ্চিম-আকাশ যেখানে রঙের
 ঐশ্বর্য পাগলাময় মতো ছড়ি ছাড়ে দিনা প্রয়োজন ছড়িয়ে দিচ্ছে সেও
 যেমন আশ্চর্য পূর্ব-আকাশে যেখানে শান্তি এবং সংযম, সেখানেও
 রঙের পেলাপতা, কোমলতা, অপরিণেয় গভীরতা ভেমনি আশ্চর্য।
 প্রকৃতির হাতে অপূর্ণাপুণ্ড যেমন : হুং হুং পাতন, পূর্ণাপুণ্ড ভেমনি ;
 সূর্যাস্তে সূর্যাস্তে প্রকৃতি আপনান ডাইনে বায়ে একই কালে সেটা
 দেখিয়ে দেয় ; তার গেমাল আন রূপদ একই সঙ্গ বাজতে থাকে, অথচ
 কেউ কারো মহিমাকে আঘাত কবে না।)

তার পরে, রঙের আভায়-আভায় জল যে কত বিচিত্র কথাই
 বলতে পারে তা কেমন করে বর্ণনা করব। সে তার জলতরঙ্গে
 রঙের যে গৎ বাজাতে থাকে, তাতে সুরের চেয়ে শ্রুতি অসংখ্য।
 আকাশ যে-সময়ে তার প্রশান্ত সুরতীর উপর রঙের মহতোমহীয়ানকে
 দেখায়, সমুদ্র সেই সময় তার ছোটো ছোটো লহরীর কম্পনে রঙের
 অগারণীয়ানকে দেখাতে থাকে, তখন আশ্চর্যের অন্ত পাওয়া যায় না।)

সমুদ্র-আকাশের গীতিনাটালীলায় রঙের প্রকাশ কী রকম দেখা
 গেছে, সে পূর্বেই বলেছি। আবার কালও তিনি তাঁর ডমক বাজিয়ে
 অটুহাস্যে আব-এক ভঙ্গীত দেখা দিয়ে গেলেন। সকালে আকাশ জুড়ে
 নীল মেঘ এবং দোয়ালো মেঘ সুরে সুরে পাকিয়ে পাকিয়ে ফুল ফুল
 উঠল। মুষলধারের বৃষ্টি। বিদ্যৎ আমাদের জাহাজের চারদিকে
 তাব তলোয়ার খেলিয়ে বেড়াতে লাগল। তার পিছনে পিছনে
 বজ্রের গর্জন। একটা বজ্র ঠিক আমাদের সামনে জলের উপর পড়ল,
 জল থেকে একটা বাষ্পেরথা সাপের মতো ফোস করে উঠল। আর-
 একটা বজ্র পড়ল আমাদের সামনের মাস্তলে। ক্রুদ্ধ যেন সুইটজার-
 ল্যান্ডের ইতিহাসবিগত বীর উইলিয়ম টেল্‌এর মতো তাঁর অদ্বুত
 ধর্মবিশ্বাস পরিচয় দিয়ে গেলেন ;) মাস্তলের ডগাটার তাঁর বাণ লাগল,

আমাদের স্পর্শ করল না। এই ঝড়ে আমাদের সঙ্গী আর-একটা জাহাজের প্রধান মাস্তুল বিদীর্ণ হয়েছে শুনলুম। মানুষ যে বাঁচে এই আশ্চর্য।

৫ জ্যৈষ্ঠ। এই কয়দিন আকাশ এবং সমুদ্রের দিকে চোখ ভ'রে দেখছি আর মনে হচ্ছে, অস্তরের রঙ তো শুভ্র নয়, তা কালো কিম্বা নীল। এই আকাশ খানিক দূর পর্যন্ত আকাশ অর্থাৎ প্রকাশ, ততটা সে সাদা। তারপরে সে অব্যক্ত, সেইখান থেকে সে নীল। আলো যতদূর সীমার রাজ্য সেই পর্যন্ত; তারপরে অসীম অন্ধকার। সেই অসীম অন্ধকারের বুকের উপরে এই পৃথিবীর আলোকময় দিনটুকু যেন কৌস্তভমণির হার হুসছে।

(এই প্রকাশের স্বগৎ, এই গৌরঙ্গী, তার বিচিত্র রঙের সাজ প'রে অভিসারে চলেছে— ঐ কালোর দিকে, ঐ অনির্বচনীয় অব্যক্তের দিকে। বাধা নিয়মের মধ্যে বাধা থাকতেই তার মরণ— সে কুলকেই সর্বস্ব ক'রে চূপ ক'রে বসে থাকতে পারে না, সে কুল খুঁয়ে বেরিয়ে পড়েছে। এই বেরিয়ে-যাওয়া বিপদের যাত্রা; পথে কাঁটা, পথে সাপ, পথে ঝড় বৃষ্টি— সমস্তকে অতিক্রম ক'রে, বিপদকে উপেক্ষা ক'রে সে-যে চলেছে সে কেবল ঐ অব্যক্ত অসীমের টানে। অব্যক্তের দিকে, 'আরো'র দিকে প্রকাশের এই কুল-খোয়ানো অভিসারযাত্রা— প্রলয়ের ভিতর দিয়ে, বিপ্লবের কাঁটাপথে পদে পদে রক্তের চিহ্ন এঁকে।

কিন্তু কেন চলে, কোন্ দিকে চলে, ওদিকে তো পথের চিহ্ন নেই, কিছু তো দেখতে পাওয়া যায় না? না, দেখা যায় না, সব অব্যক্ত। কিন্তু শূন্য তো নয়— কেননা, ঐদিক থেকেই বাণির সুর আসছে। আমাদের চলা, এ চোখে দেখে চলা নয়, এ সুরের টানে চলা। (যেটুকু চোখে দেখে চলি, সে তো বুদ্ধিমানের চলা— তার হিসাব আছে,

তার প্রমাণ আছে ; সে ঘুরে ঘুরে কুলের মধ্যেই চলা । সে চলার কিছুই এগোয় না । আর, যেটুকু বাঁশি শুনে পাগল হয়ে চলি, যে-চলার মরা-বাঁচা জ্ঞান থাকে না, সেই পাগলের চলাতেই জগৎ এগিয়ে চলেছে) সেই চলাকে নিন্দার ভিতর দিয়ে, বাধার ভিতর দিয়ে চলতে হয়, কোনো নজির মানতে গেলেই তাকে ধমকে দাঁড়াতে হয় । তার এই চলার বিকল্পে হাজাররকম বৃত্তি আছে, সে-বৃত্তি তর্কের দ্বারা খণ্ডন করা যায় না ; তার এই চলার কেবল একটিমাত্র কৈফিয়ত আছে— সে বলছে, ঐ অন্ধকারের ভিতর দিয়ে বাঁশি আমাকে ডাকছে । নইলে কেউ কি সাধ ক'রে আপনার সীমা ডিঙিয়ে যেতে পারে ।

যেদিক থেকে ঐ মনোহরণ অন্ধকারের বাঁশি বাজছে, ঐ দিকেই মানুষের সমস্ত আরাধনা, সমস্ত কাব্য, সমস্ত শিল্পকলা, সমস্ত বীরত্ব, সমস্ত আত্মত্যাগ যুগ ফিরিয়ে আছে ; ঐ দিক চেয়েই মানুষ রাজ্যস্থপ জলাঞ্জলি দিয়ে বিবাগী হয়ে বেরিয়ে গেছে, মরণকে মাথায় করে নিয়েছে । ঐ কালোকে দেখে মানুষ ভুলেছে । ঐ কালোর বাঁশিতেই মানুষকে উত্তরমেরু দক্ষিণমেরুতে টানে, অণুবীক্ষণ দূরবীক্ষণের রাহা বেয়ে মানুষের মন দুর্গমের পথে ঘুরে বেড়ায়, বারবার মরতে মরতে সমুদ্রপাড়ের পথ বের করে, বারবার মরতে মরতে আকাশপাড়ের ডানা মেলতে থাকে ।

মানুষের মধ্যে যে-সব মহাজাতি কুলত্যাগিনী, তারাই এগোচ্ছে— ভয়ের ভিতর থেকে অভয়ে, বিপদের ভিতর দিয়ে সম্পদে । যারা সর্বনাশা কালোর বাঁশি শুনে পেল না, তারা কেবল পুঁথির নজির জুড়া ক'রে কুল ঝাঁকড়ে বসে রইল— তারা কেবল শাসন মানতেই আছে । (তারা কেন বুধা এই আনন্দলোকে জন্মেছে, যেখানে সীমা কাটিয়ে অসীমের সঙ্গে নিত্য লীলাই হচ্ছে জীবনযাত্রা, যেখানে বিধানকে ভাসিয়ে দিতে থাকাই হচ্ছে বিধি ।

আবার উলটো দিক থেকে দেখলে দেখতে পাই, ঐ কালো অনন্ত আসছেন তাঁর আপনার শুভ্র জ্যোতির্ময়ী আনন্দমূর্তির দিকে। অসীমের সাধনা এই স্তম্ভরীর জন্তে, সেইজন্তেই তাঁর বাণি বিরাট অঙ্ককারের ভিতর দিয়ে এমন ব্যাকুল হয়ে বাজছে, অসীমের সাধনা এই স্তম্ভরীকে নূতন নূতন মালার নূতন করে সাজাচ্ছে। ঐ কালো এই রূপসীকে এক মুহূর্ত বুকের থেকে নামিয়ে রাখতে পারেন না, কেননা এ-যে তাঁর পরমা সম্পদ। (ছোটোর জন্তে বড়োর এই সাধনা যে কী অসীম, তা ফুলের পাপড়িতে পাপড়িতে, পাখির পাখার পাখার, মেঘের রঙে রঙে, মানুষের হৃদয়ের অপরূপ লাভণ্যে মুহূর্তে মুহূর্তে ধরা পড়ছে) রেখায় রেখায়, রঙে রঙে, রসে রসে তৃপ্তির আর শেষ নেই। এই আনন্দ কিসের।— অব্যক্ত যে ব্যক্তর মধ্যে কেবলই আপনাকে প্রকাশ করছেন, আপনাকে ত্যাগ করে করে ফিরে পাচ্ছেন। সেই-জন্তেই তো সৃষ্টির এই লীলা দেখছি, আলো এগিয়ে চলেছে অঙ্ককারের অকূলে, অঙ্কার নেমে আসছে আলোর কূলে। আলোর মন ভুলছে কালোর, কালোর মন ভুলেছে আলোর।

কোবে-বন্দর

১৬ জ্যৈষ্ঠ। আজ জাহাজ জাপানের 'কোবে' বন্দরে পৌঁছবে। কয়দিন বৃষ্টিবাদলের বিরাম নেই। মাঝে-মাঝে জাপানের ছোটো ছোটো দ্বীপ আকাশের দিকে পাহাড় তুলে সমুদ্রযাত্রীদের ইশাবা করছে, কিন্তু বৃষ্টিতে কুয়াশাতে সমস্ত ঝাপসা; বাদলার হাওয়ার সর্দিকাশি হয়ে গলা ভেঙে গেলে তার আওয়াজ যে-রকম হয়ে থাকে, ঐ দ্বীপগুলোর সেইরকম ঘোরতর সর্দির আওয়াজের চেহারা। বৃষ্টির ছাট এবং ভিজ়ে হাওয়ার তাড়া এড়ানার জন্তে, ডেকে এখার থেকে ওধারে চৌকি টেনে নিয়ে নিয়ে বেড়াচ্ছি।

আমাদের সঙ্গে যে জাপানী যাত্রী দেশে ফিরছেন, তিনি আজ ভোরেই তাঁর ক্যানিন ছেড়' একবার ডেকের উপর উঠে এসেছেন, জাপানের প্রথম অভ্যর্থনা গ্রহণ করবার জন্যে। তখন কেবল একটি মাত্র ছোটো নীলাভ পাহাড় মানস-সরোবরের মস্ত একটি নীল পদ্মের কুঁড়িটির মতো জলের উপরে জেগে রয়েছে। তিনি স্থির নেত্রে এই-টুকু কেবল দেখে নিচে নেবে গেলেন, তাঁর সেই চোখে ঐ পাহাড়-টুকুকে দেখা আমাদের শক্তিতে নেই— আমরা দেখছি নূতনকে, তিনি দেখছেন তাঁর চিরস্তনকে।

জাহাজ যখন একবারে বন্দরে এসে পৌঁছল, তখন মেঘ কেটে গিয়ে সূর্য উঠেছে। (বড়ো বড়ো জাপানী অঙ্গরা নৌকা, আকাশে পাল উড়িয়ে দিয়ে, যেখানে বরুণদেবের সভাপ্রাঙ্গণ সূর্যদেবের নিমন্ত্রণ হয়েছে, সেইখানে নৃত্য করছে।) প্রকৃতির নাট্যক্ষেত্রে বাদলার যবনিকা উঠে গিয়েছে।

২২ জ্যৈষ্ঠ। জাপানের শহরের চেহারায় জাপানিও বিশেষ নেই, মানুষের সাজসজ্জা থেকেও জাপান ক্রমশ বিদায় নিয়েছে। অর্থাৎ, জাপান ঘরের পোশাক ছেড়ে আপিসের পোশাক ধরেছে। আজকাল পৃথিবী-জোড়: একটা আপিস-রাজ্য বিস্তীর্ণ হয়েছে, সেটা কোনো বিশেষ দেশ নয়। যেহেতু আপিসের সৃষ্টি আধুনিক যুরোপ থেকে, সেইজন্যে এর বেশ আধুনিক যুরোপের। কিন্তু, প্রকৃতপক্ষে এই বেশ মানুষের বা দেশের পরিচয় দেয় না, আপিস-রাজ্যের পরিচয় দেয়।

এইজন্যে জাপানের শহরের রাস্তায় বেরোলেই, প্রধানভাবে চোখে পড়ে জাপানের মেয়েরা। তখন বুঝতে পারি, এরাই জাপানের ঘর, জাপানের দেশ। এরা আপিসের নয়। এখানকার মেয়েরাই জাপানের বেশে জাপানের সম্মানরক্ষার ভার নিয়েছে। ওরা দরকারকেই

সকলের চেয়ে বড়ো ক'রে খাতির করে নি ; সেইজন্মেই ওরা নয়ন-মনের আনন্দ ।

একটা জিনিস এখানে পথে ঘাটে চোখে পড়ে । রাস্তার লোকের ভিড় আছে, কিন্তু গোলমাল একেবারে নেই । এরা যেন চোঁচাতে জানে না ; লোকে বলে, জাপানের ছেলেরা-সুস্থ কান্দে না । আমি এ-পর্যন্ত একটি ছেলেকেও কান্দতে দেখি নি । পথে মোটরে ক'রে যাবার সময়ে মাঝে-মাঝে যেখানে ঠেলা-গাড়ি প্রভৃতি বাধা এসে পড়ে, সেখানে মোটরের চালক শাস্তভাবে অপেক্ষা করে— গাল দেয় না, হাঁকাহাঁকি করে না । পথের মধ্যে হঠাৎ একটা বাইসিক্ল মোটরের উপরে এসে পড়বার উপক্রম করলে— আমাদের দেশের চালক এ অবস্থায় বাইসিক্ল-আরোহীকে অনাবশ্যক গাল না দিয়ে থাকতে পারত না । এ লোকটা ক্রক্ষেপ মাত্র করলে না । এখানকার বাঙালীদের কাছে শুনতে পেলুম যে, রাস্তায় দুই বাইসিক্লে, কিম্বা গাড়ির সঙ্গে বাইসিক্লেব ঠোকা-ঠুকি হয়ে যখন রক্তপাত হয়ে যায়, তখনো উভয় পক্ষ চোঁচামেচি গোলমাল না করে গায়েব ধুলো ঝেড়ে চলে যায় ।

আমার কাছে মনে হয়, এইটেই জাপানের শক্তির মূল কারণ । জাপানী বাজে চোঁচামেচি ঝগড়াঝাঁটি ক'রে নিজের বলক্ষয় করে না । প্রাণশক্তির বাজে খরচ নেই ব'লে প্রয়োজনের সময় টানাটানি পড়ে না । শরীরমনের এই শাস্তি ও সহিষ্ণুতা, ওদের স্বজাতীয় সাধনার একটা অঙ্গ । শোকে দুঃখে, আঘাতে উদ্বেজনায়, ওরা নিজেকে সংযত করতে জানে । সেইজন্মেই বিদেশের লোকেরা প্রায় বলে— জাপানীকে বোঝা যায় না, ওরা অত্যন্ত বেশি গূঢ় । এর কারণই হচ্ছে, এরা নিজেকে সর্বদা ছুটো দিয়ে, ফাঁক দিয়ে, গলে পড়তে দেয় না ।

জাপানী কবিতা

এই-যে নিজের প্রকাশকে অত্যন্ত সংক্ষিপ্ত করতে থাকে— এ
ওদের কবিতাতেও দেখা যায়। তিন লাইনের কাব্য জগতের আর
কোথাও নেই। এই তিন লাইনই ওদের কবি, পাঠক, উভয়ের পক্ষে
যথেষ্ট। সেইজন্মেই এখানে এসে অবধি, রাস্তায় কেউ গান গাচ্ছে, এ
আমি শুনি নি। এদের হৃদয় বরনার জলের মতো শব্দ করে না,
সরোবরের জলের মতো শুক। এ পর্যন্ত ওদের যত কবিতা শুনেছি
স্বপ্নলিহে হচ্ছে ছবি-দেখাব কবিতা, গান-গায়ার কবিতা নয়।
হৃদয়ের দাহক্ষাত প্রাণকে খরচ করে, এদের সেই খরচ কম। এদের
অন্তরের সমস্ত প্রকাশ সৌন্দর্যবোধ। সৌন্দর্যবোধ জিনিসটা স্বার্থ-
নিবাপক। ফুল, পাখি, চাঁদ, এদের নিয়ে আমাদের কাঁদা-কাটা নেই।
এদের সঙ্গে আমাদের নিছক সৌন্দর্যভাগের সম্বন্ধ— এরা আমাদের
কোথাও মারে না, কিছু কাড়ে না— এদের দ্বারা আমাদের জীবনে
কোথাও ক্ষয় ঘটে না। সেইজন্মেই তিন লাইনেই এদের কুলোয়, এবং
কল্পনাতেও এরা শাস্তির ব্যাঘাত করে না।

এদের একটা বিখ্যাত পুরোনো কবিতার নমুনা দেখলে আমার
কথাটা স্পষ্ট হবে :

পুরোনো পুকুর,

বাড়ের লাফ,

জলের শব্দ।

বাস। আর দরকার নেই। জাপানী পাঠকের মনটা চোখে ভরা।
পুরোনো পুকুর মানুষের পরিত্যক্ত, নিস্তব্ধ, অন্ধকার। তার মধ্যে
একটা বাড়ি লাফিয়ে পড়তেই শব্দটা শোনা গেল। শোনা গেল—
এতে বোঝা যাবে পুকুরটা কী-রকম শুক। এই পুরোনো পুকুরের ছবিটা

কী-ভাবে মনের মধ্যে এঁকে নিতে হবে সেইটুকু কেবল কবি ইশারা করে দিলে, তার বেশি একেবারে অনাবশ্যক।

যাই হোক, এই কবিতার মধ্যে কেবল যে বাক্যসংঘম তাঁ নয়— এর মধ্যে ভাবের সংঘম। এই ভাবের সংঘমকে হৃদয়ের চাকল্য কোথাও ফুট করছে না। আমাদের মনে হয়, এইটেতে জাপানের একটা গভীর পরিচয় আছে। এক কথার বলতে গেলে, একে বলা যেতে পারে হৃদয়ের মিতব্যয়িতা।

জাপানী ফুল-সাজানো

কাল হুজুন জাপানী মেয়ে এসে, আমাকে এ দেশের ফুল সাজানোর বিজ্ঞা দেখিয়ে গেল। এর মধ্যে কত আয়োজন, কত চিন্তা, কত নৈপুণ্য আছে তার ঠিকানা নেই। প্রত্যেক পাতা এবং প্রত্যেক ডালটির উপর মন দিতে হয়। চোখে দেখার ছন্দ এবং সংগীত যে এদের কাছে কত প্রবলভাবে সুগোচর, কাল আমি ঐ হুজুন জাপানী মেয়ের কাজ দেখে বুঝতে পারছিলাম।

একটা বইয়ে পড়ছিলাম, প্রাচীনকালে বিখ্যাত যোদ্ধা যারা ছিলেন, তাঁরা অবকাশকালে এই ফুল সাজাবার বিজ্ঞার আলোচনা করতেন। তাঁদের ধারণা ছিল, এতে তাঁদের রূগদক্ষতা ও বীরত্বের উন্নতি হয়। এর থেকেই বুঝতে পারবে, জাপানী নিজের এই সৌন্দর্য-অনুভূতিকে শৌখিন জিনিস ব'লে মনে করে না; ওরা জানে, গভীরভাবে এতে মানুষের শক্তি বৃদ্ধি হয়। এই শক্তিবৃদ্ধির মূল কারণ হচ্ছে শাস্তি।

চা-এর নিয়ন্ত্রণ

সেদিন একজন ধনী জাপানী ঠার বাড়িতে চা-পান অনুষ্ঠানে আমাদের নিয়ন্ত্রণ করেছিলেন। সেদিন এই অনুষ্ঠান দেখে স্পষ্ট বুঝতে

পারলুম, জাপানীর পক্ষে এটা ধর্মালুষ্ঠানের তুল্য। এ ওদের একটা জাতীয় সাধনা।

কোবে থেকে দীর্ঘ পথ মোটর-যানে ক'রে গিয়ে প্রথমেই একটি বাগানে প্রবেশ করলুম— সে বাগান ছায়াতে সৌন্দর্যে এবং শান্তিতে একেবারে নিবিড়ভাবে পূর্ণ। বাগান জিনিসটা যে কী, তা এরা জানে। জাপানের চোখ এবং হাত হুইই প্রকৃতির কাছ থেকে সৌন্দর্যের দীক্ষালাভ করেছে— যেমন ওরা দেখতে জানে, তেমনি ওরা গড়তে জানে। ছায়াপথ দিয়ে গিয়ে এক জায়গায় গাছের তলার গর্ত-করা একটা পাথরের মধ্যে স্বচ্ছ জল আছে, সেই জলে আমরা প্রত্যেকে হাত মুখ ধুলাম। তার পরে একটা ছোট্টো ঘরের মধ্যে নিয়ে গিয়ে বেঞ্চির উপরে ছোট্টো ছোট্টো গোল গোল খড়ের আসন পেতে দিলে, তার উপরে আমরা বসলুম। নিয়ম হচ্ছে, এইখানে কিছুকাল নীরব হয়ে বসে থাকতে হয়। গৃহস্বামীর সঙ্গে যাবামাত্রই দেখা হয় না। মনকে শান্ত ক'রে স্থির করার জন্যে, ক্রমে ক্রমে নিমন্ত্রণ ক'রে নিয়ে যাওয়া হয়। আশু আশু দুটো-তিনটে ঘরের মধ্যে বিশ্রাম করতে করতে শেষে আসল জায়গায় যাওয়া গেল। সমস্ত ঘরই নিস্তরু, যেন চিরপ্রদোষের ছায়াবৃত— কারো মুখে কথা নেই। মনের উপর এই ছায়াঘন নিঃশব্দ নিস্তরুতার সম্মোহন ঘনিয়ে উঠতে থাকে। অবশেষে ধীরে ধীরে গৃহস্বামী এসে নমস্কারের দ্বারা আমাদের অভ্যর্থনা করলেন।

ঘবগুলিতে আগবাব নেই বললেই হয়, অথচ মনে হয়, যেন এ-সমস্ত ঘর কী-একটাতে পূর্ণ, গমগম্ করছে। একটিমাত্র ছবি কিংবা একটি-মাত্র পাত্র কোথাও আছে। নিমন্ত্রিতেরা সেইটি বহুদূরে দেখে দেখে নীরবে তৃপ্তিলাভ করেন। যে-জিনিস যথার্থ সুন্দর, তার চারিদিকে মস্ত একটা বিরলতার অবকাশ থাকা চাই। ভালো জিনিসগুলিকে

যেখানেই ক'রে রাখা তাদের অপমান করা— সে যেন সতী স্ত্রীকে সন্তানের ঘর করতে দেওয়ার মতো ।) ক্রমে ক্রমে অপেক্ষা ক'রে ক'রে উদ্ভতা ও নিঃশব্দতার দ্বারা মনের ক্ষুধাকে আশ্রিত ক'রে তুলে, তার পরে এইরকম ছুটি-একটি ভালো জিনিস দেখালে, সে যে কী উচ্ছল হয়ে ওঠে এখানে এসে তা স্পষ্ট বুঝতে পারলুম ।

তার পরে গৃহস্থানী এসে বললেন— চা তৈরি করা এবং পরিবেশের তার তিনি তাঁর মেয়ের উপরে দিয়েছেন । তাঁর মেয়ে এসে, নমস্কার ক'রে চা-তৈরিতে প্রবেশ হলেন । তাঁর প্রবেশ থেকে আরম্ভ ক'রে, চা-তৈরির প্রত্যেক অঙ্গ যেন ছন্দের মতো । ধোয়া মোছা আশুন-আলা, চা-দানির ঢাকা খোলা, গরম জলের পাত্র নামানো, পেরালায় চা ঢালা, অতিথির সম্মুখে এগিয়ে দেওয়া, সমস্ত এমন সংযম এবং সৌন্দর্যে মণ্ডিত যে, সে না দেখলে বোঝা যায় না । এই চা-পানের প্রত্যেক আগবাবটি চূর্ণত ও সূন্দর । অতিথির কর্তব্য হচ্ছে, এই পাত্রগুলিকে ঘুরিয়ে ঘুরিয়ে একান্ত মনোযোগ দিয়ে দেখা । প্রত্যেক পাত্রের স্বতন্ত্র নাম এবং ইতিহাস । কত-যে তার যত্ন, সে বলা যায় না ।

সমস্ত ব্যাপারটা এই । শরীরকে মনকে একান্ত সংযত ক'রে, নিরাসক্ত প্রশান্ত মনে সৌন্দর্যকে নিজের প্রকৃতির মধ্যে গ্রহণ করা । ভোগীর ভোগোন্মাদ নয়— কোথাও লেশমাত্র উচ্ছৃঙ্খলতা বা অমিতাচার নেই ; মনের উপরতলার সর্বদা যেখানে নানা স্বার্থের আঘাতে, নানা প্রয়োজনের হাওয়ার, কেবলই ঢেউ উঠছে, তার থেকে দূরে, সৌন্দর্যের গভীরতার মধ্যে নিজেকে সমাহিত ক'রে দেওয়াই হচ্ছে এই চা-পান অমুষ্ঠানের তাৎপর্য ।

এর থেকে বোঝা যায়, জাপানের যে-সৌন্দর্যবোধ সে তার একটা সাধনা, একটা প্রবল শক্তি । (বিলাস জিনিসটা অন্তরে বাহিরে কেবল

খরচ করার, তাতেই দুর্বল করে। কিন্তু, বিগত সৌন্দর্যবোধ মানুষের মনকে স্বার্থ এবং বস্তুর সংঘাত থেকে রক্ষা করে।) সেইভাবেই জাপানীর মনে এই সৌন্দর্যবোধ পৌরুষের সঙ্গে মিলিত হতে পেরেছে।

জাপানের সৌন্দর্যবোধ

একদিন জাপানী নাচ দেখে এলুম। মনে হল, এ যেন দেহভঙ্গীর সংগীত। এই সংগীত আমাদের দেশের বীণার আলাপ। অর্থাৎ, পদে পদে মীড়। ভঙ্গীবৈচিত্র্যের পবনস্বরের মাঝখানে কোনো কঁক নেই, কিম্বা কোথাও জোড়ের চিহ্ন দেখা যায় না; সমস্ত দেহ পুষ্পিত মতায় মতো একসঙ্গে ছলতে ছলতে সৌন্দর্যের পুষ্পরষ্টি করেছে।

কিন্তু এদের সংগীতটা, আমার মনে হল, বড়ো বেশিদূর এগোয় নি। বোধ হয় চোখ আর কান, এই দুইয়ের উৎকর্ষ একসঙ্গে ঘটে না।

অসীম যেখানে সীমার মধ্য, সেখানে ছবি। অসীম যেখানে সীমা-হীনতায়, সেখানে গান। রূপরাজ্যের কলা ছবি, অপরূপ রাজ্যের কলা গান। কবিতা উভচর, ছবির মধ্যেও চল, গানের মধ্যেও ওড়ে। কেননা, কবিতার উপকরণ হচ্ছে ভাষা। ভাষার একটা দিকে অর্থ, আর-একটা দিকে সুর; এই অর্থের যোগে ছবি গড়ে ওঠে, সুরের যোগে গান।

জাপানী রূপরাজ্যের সমস্ত দখল করেছে। যা-কিছু চোখে পড়ে, তার কোথাও জাপানীর আলাপ নেই, অনাদর নেই; তার সর্বত্রই সে একবারে পরিপূর্ণতার সাধনা করেছে। অন্ত দেশে গুণী এবং রসিকের মধ্যেই রূপরসের যে বোধ দেখতে পাওয়া যায়, এ দেশে সমস্ত জাতের মধ্যে তাই ছড়িয়ে পড়েছে। যুরোপে সার্বজনীন বিদ্যা-শিক্ষা আছে, সার্বজনীন সৈনিকতার চর্চাও সেখানে অনেক জায়গায়

প্রচলিত—কিন্তু এমনতরো সার্বজনীন রসবোধের সাধনা পৃথিবীর আর কোথাও নেই। এখানে দেশের সমস্ত লোক স্তম্ভের কাছে আত্মসমর্পণ করেছে।

তাতে কি এরা বিলাসী হয়েছে। অকর্মণ্য হয়েছে? জীবনের কঠিন সমস্যা ভেদ করতে এরা কি উদাসীন কিম্বা অক্ষম হয়েছে।— ঠিক তার উলটো। এরা এই সৌন্দর্যসাধনা থেকেই মিতাচার শিখেছে। এই সৌন্দর্যসাধনা থেকেই এরা বীর্য এবং কর্মনৈপুণ্য লাভ করেছে।

জাপানী ছবি

হারার বাড়িতে টাইকানের ছবি যখন প্রথম দেখলুম, আশ্চর্য হয়ে গেলুম। তাতে না আছে বাহুল্য, না আছে শৌখিনতা। তাতে যেমন একটা জোর আছে, তেমনি সংযম। বিষয়টা এই; চীনের একজন প্রাচীন কালের কবি ভাবে-ভোর হয়ে চলেছে— তার পিছনে একজন বালক একটি বীণায়ন্ত্র বহে যত্নে বহন করে নিয়ে যাচ্ছে, তাতে তার নেই; তার পিছনে একটি বাকী উইলো গাছ। জাপানে তিন-ভাগ-ওয়াল যে খাড়া পর্দার প্রচলন আছে, সেই রেশমের পর্দার উপর আঁকা। মস্ত পর্দা এবং প্রকাণ্ড ছবি। প্রত্যেক রেখা প্রাণে ভরা। এর মধ্যে ছোটোখাটো কিম্বা অবডম্বং কিছুই নেই— যেমন উদার, তেমনি গভীর, তেমনি আরাগহীন। নৈপুণ্যের কথা একেবারে মনেই হয় না— নানা রঙ, নানা রেখার সমাবেশ নেই— দেখবামাত্র মনে হয়, খুব বড়ো এবং খুব সত্য। তার পরে তাঁর ভূদৃশ্য-চিত্র দেখলুম। একটি ছবি— পটের উচ্চপ্রান্তে একখানি পূর্ণচাঁদ, মাঝখানে একটি নৌকা, নিচের প্রান্তে ছোটো দেওদার গাছের ডাল দেখা যাচ্ছে— আর কিছু না— জলের কোনো রেখা পর্যন্ত নেই। জ্যোৎস্নার আলোর

স্থির জল কেবলমাত্র বিস্তীর্ণ স্তম্ভতা— এটা-যে জল, সে কেবলমাত্র
 ঐ নৌকা আছে ব'লেই বোঝা যাচ্ছে; আর এই সর্বব্যাপী বিপুল
 জ্যোৎস্নাকে ফলিয়ে তোলবার জন্তে যত কিছু কালিমা, সে কেবলই
 ঐ ছোটো পাইন গাছের ডালে। ওস্তাদ এমন একটা জিনিসকে আঁকতে
 চেয়েছেন যার রূপ নেই, যা বৃহৎ এবং নিস্তরু— জ্যোৎস্নারাত্রি, অতল-
 স্পর্শ তার নিঃশব্দতা। কিন্তু, আমি যদি তাঁর সব ছবির বিস্তারিত
 বর্ণনা করতে যাঁই, তাহলে আনার কাগজও ফুরোবে, সময়েও কুলোবে
 না। চার'-সান সবশেষে নিয়ে গেলেন একটি লম্বা সংকীর্ণ ঘরে,
 সেখানে একদিকে প্রায় সমস্ত দেয়াল জুড়ে একটি খাড়া পর্দা দাঁড়িয়ে।
 এই পর্দায় শিমোগুদার আঁকা একটি প্রকাণ্ড ছবি। শীতের পরে প্রথম
 বসন্ত এসেছে— প্রায় গাছের ডালে একটিও পাতা নেই, সাদা সাদা ফুল
 ধরেছে, কুলের পাপড়ি ঝরে ঝরে পড়েছে; বৃহৎ পর্দার এক প্রান্তে
 দিগন্তের কাছে রক্তবর্ণ সূর্য দেখা দিয়েছে, পর্দার অপর প্রান্তে প্রায়গাছের
 রক্ত ডালের আড়ালে দেখা যাচ্ছে একটি অন্ধ হাতজোড় ক'রে সূর্যের
 বন্ধনায় রত। একটি অন্ধ, এক গাছ, এক সূর্য, আর সোনার-ঢালা
 এক সূর্যহৎ আকাশ; এমন ছবি আমি কখনো দেখি নি। উপনিষদের
 সেই প্রার্থনাবাদী যেন রূপ ধ'বে আমার কাছে দেখা দিলে— তমসো মা
 জ্যোতির্গময়। (কেবল অন্ধ মানুষের নয়, অন্ধ প্রকৃতির এই প্রার্থনা
 'তমসো মা জ্যোতির্গময়' সেই প্রায়গাছের একাগ্র প্রসারিত শাখা-
 প্রশাখার ভিতর দিয়ে জ্যোতির্লোকের দিকে উঠছে।) অথচ আলোর
 আলোময়— তারই মাঝখানে অন্ধের প্রার্থনা।

জাপানের মন

চোখের সামনে স্পষ্ট দেখতে পাচ্ছি, এসিয়ার এই প্রান্তবাসী জাত
 যুরোপীয় সভ্যতার সমস্ত জটিল ব্যবস্থাকে সম্পূর্ণ জোরের সঙ্গে এবং

নৈপুণ্যের সঙ্গে ব্যবহার করতে পারছে। এম একমাত্র কারণ, এরা যে কেবল ব্যবস্থাটাকেই নিয়েছে তা নয়, সঙ্গে সঙ্গে মনটাকেও পেয়েছে। (নইলে পদে পদে অস্ত্রের সঙ্গে অস্ত্রীক বিবম ঠোকাঠকি বেধে যেত, নইলে ওদের শিকার সঙ্গে দীক্ষার লড়াই কিছুতেই মিটত না, এবং বর্ম ওদের দেহটাকে পিষে দিত।)

(যুরোপের সভ্যতা একান্তভাবে জন্ম মনের সভ্যতা, তা স্বাধীন মনের সভ্যতা নয়।) এই সভ্যতা ক্রমাগতই নূতন চিন্তা, নূতন চেষ্টি, নূতন পরীক্ষার মধ্য দিয়ে বিপ্লবতরঙ্গের চূড়ার চূড়ার পক্ষ বিস্তার ক'রে উড়ে চলেছে। এশিয়ার মধ্যে একমাত্র জাপানের মনে সেই স্বাভাবিক চলন-ধর্ম থাকতেই, জাপান সহজেই যুরোপের কিংবা তালে চলতে পেরেছে, এবং তাতে-ক'রে তাকে প্রায়ের আঘাত সহ্যে হয় নি। কারণ, উপকরণ সে যা-কিছু পাচ্ছে তার দ্বারা সে সৃষ্টি করছে : সুতরাং নিজের বর্ধিত জীবনের সঙ্গে এ-সমস্তকে সে মিলিয়ে নিতে পারছে। এই-সমস্ত নতুন জিনিস যে তার মধ্যে কোথাও কিছু বাধা পাচ্ছে না তা নয়, কিন্তু সচলতার বেগেই সেই বাধা ক্ষয় হয়ে চলেছে। প্রথম-প্রথম যা অসংগত অদ্ভুত হয়ে দেখা দিচ্ছে, ক্রমে ক্রমে তাব পবিবর্তন ঘণ্টে অসংগতি জেগে উঠছে।

জাপান যুরোপের কাছ থেকে কর্মের দীক্ষা আর অস্ত্রের দীক্ষা গ্রহণ করেছে। তার কাছ থেকে বিজ্ঞানের শিক্ষাও সে লাভ করতে বসেছে। কিন্তু, আমি যতটা দেখেছি তাতে আনার মনে হয়, যুরোপের সঙ্গে জাপানের একটা অসম্ভবতর জামগায় অনৈক্য আছে। যে-গুচ ভিত্তির উপরে যুরোপের মহত্ব প্রতিষ্ঠিত, সেটা আধ্যাত্মিক। সেটা কেবলমাত্র কর্মনৈপুণ্য নয়, সেটা তার নৈতিক আদর্শ। এইখানে জাপানের সঙ্গে যুরোপের মূলগত প্রভেদ। মহত্বের যে-সাধনা অমৃতলোককে মানে এবং সেই অভিযুখে চলতে থাকে, যে-সাধনা

কেবলমাত্র সামাজিক ব্যবস্থার অঙ্গ নয়, যে-সাধনা সাংসারিক প্রয়োজন বা স্বজাতিগত স্বার্থকেও অতিক্রম করে আপনার লক্ষ্য স্থাপন করেছে— সেই সাধনার ক্ষেত্রে ভারতের সঙ্গে যুরোপের মিল যত সহজ, জাপানের সঙ্গে তার মিল তত সহজ নয়। জাপানী সভ্যতার সৌন্দর্য এক-মহলা— সে হচ্ছে তার সমস্ত শক্তি এবং দক্ষতার নিকেতন। সেখানকার ভাঙার সবচেয়ে বড়ো জিনিস যা সঞ্চিত হয়, সে হচ্ছে কৃতকর্মতা— সেখানকার মন্দিরে সবচেয়ে বড়ো দেবতা স্বাদেশিক স্বার্থ। জাপান তাই সমস্ত যুরোপের মধ্যে সহজেই আধুনিক জর্মনির শক্তি-উপাসক নবীন দার্শনিকদের কাছ থেকে মন্ত্র গ্রহণ করতে পেরেছে; নীট্‌মের গ্রন্থ তাদের কাছে সব চেয়ে সমাদৃত। তাই আজ পর্যন্ত জাপান ভালো করে স্থির করতেই পারলে না— কোনো ধর্মে তার প্রয়োজন আছে কিনা এবং সে-ধর্মটা কী। কিছুদিন এমনও তার সংকল্প ছিল যে, সে খ্রীস্টানধর্ম গ্রহণ করবে। তখন তার বিশ্বাস ছিল যে, যুরোপ যে-ধর্মকে আশ্রয় করেছে সেই ধর্ম হয়তো তাকে শক্তি দিয়েছে, অতএব খ্রীস্টানিকে কামান-বন্দুকের সঙ্গে সঙ্গেই সংগ্রহ করা দরকার হবে। কিন্তু, আধুনিক যুরোপে শক্তি-উপাসনার সঙ্গে সঙ্গে কিছুকাল থেকে এই কথাটা ছড়িয়ে পড়েছে যে, খ্রীস্টানধর্ম স্বভাব-দুর্বলের ধর্ম, তা বীভৎস ধর্ম নয়। যুরোপ বলতে শুরু করেছিল, যে-মানুষ ক্ষীণ তারই স্বার্থ নম্রতা ক্ষমা ও ত্যাগধর্ম প্রচার করা। সংসারে যারা পরাজিত সে-ধর্মে তাদেরই সুবিধা; সংসারে যারা জয়শীল সে-ধর্মে তাদের বাধা। এই কথাটা জাপানের মনে সহজেই লেগেছে। এইজন্যে জাপানের রাজশক্তি আজ মানুষের ধর্মবুদ্ধিকে অরজা করেছে। সে জানছে, পরকালের দাবি থেকে সে মুক্ত, এইজন্যেই ইহকালে সে জরী হবে।

কিন্তু যুরোপীয় সভ্যতা মঙ্গোলীয় সভ্যতার মতো এক-মহলা

নয়। তার একটি অস্তব-মহল আছে। সে অনেক দিন থেকেই Kingdom of Heaven-কে স্বীকার কবে আসছে। সেখানে নয় যে সে জয়ী হয়; পর যে সে আপনার চেয়ে বেশি চয়ে ওঠে। কৃতকর্মতা নয়, পরমার্থই সেখানে চরম সম্পদ।

(ইুরোপীয় সভ্যতার এই অস্তব-মহলের দ্বার কখনো কখনো বন্ধ হয়ে যায়, কখনো কখনো সেখানকার দীপ জলে না। তা হোক, কিন্তু এ মহলের পাকা ভিত— বাইরের কামান গোলা এর দেয়াল ভাঙতে পারবে না— শেষ পর্যন্তই এ টিকে থাকবে এবং এইখানেই সভ্যতার সমস্ত সমস্যার সমাধান হবে।)

আমাদের সঙ্গে ইুরোপের আর কোথাও মিল যদি না থাকে, এই বড়ো জায়গায় মিল আছে। আমরা অস্তবতব মানুষকে মানি— তাকে বাইরের মানুষের চেয়ে বেশি মানি। এই জায়গায়, মানুষের এই অস্তব-মহলে, ইুরোপের সঙ্গে আমাদের যাতায়াতের একটা পনচিহ্ন দেখতে পাই। এই অস্তব-মহলে মানুষের যে-মিলন সেই মিলনই সত্য মিলন। এই মিলনের দ্বার উদ্বাটন করবার কাজে বাঙালীর আহ্বান আছে, তার অনেক চিহ্ন অনেকদিন থেকেই দেখা যাচ্ছে।

পশ্চিমযাত্রীর ডায়ারি

সুকুমার-মাক জাগ্রত

৩ অক্টোবর, ১৯২৪। এখনো সূর্য ওঠে নি। আলোকের অবতরণিকা
পূর্ব-আকাশে। জল স্থির হয়ে আছে সিংহবাহিনীর পারের তলাকার
সিংহের মতো। সূর্যোদয়ের এই আগমনীর মধ্যে মজে গিয়ে আমার
মুখে হঠাৎ ছন্দ-গাথা এই কথাটা আপনিই ভেসে উঠল—

হে ধরণী, কেন প্রতিদিন

ভূপৃষ্ঠে

একই লিপি পড় বারে বারে।

বুঝতে পারলুম, আমার কোনো-একটি আগন্তুক কবিতা মনের মধ্যে
এসে পৌছবার আগেই তার ধূয়োটা এসে পৌঁচেছে। এই রকমের
ধূয়ো অনেক সময় উড়ে বীজের মতো মনে এসে পড়ে, কিন্তু সব সময়ে
তাকে এমন স্পষ্ট করে দেখতে পাওয়া যায় না।

সূর্যের দূর ভীঃ যে-ধরা আপনার নানারঙা আঁচলখানি বিছিয়ে
দিয়ে পূর্বের দিকে মুখ করে একলা বসে আছে, ছবির মতো দেখতে
পেলুম, তার কোলের উপর একখানি চিঠি পড়ল খসে, কোন্ উপরের
থেকে! সেই চিঠিখানি বুকের কাছে তুলে ধরে সে একমনে পড়তে
বসে গেল : ভাল-তমালের নিবিড় বনচ্ছায়া পিছনে রইল এলিয়ে,
সুয়ে-পড়া মাথার থেকে ছড়িয়ে-পড়া এলোচুল।

আমার কবিতার ধূয়ো বসেছে, প্রতিদিন সেই একই চিঠি। সেই
একখানির বেশি আর দরকার নেই : সেই ওর যথেষ্ট। সে এত বড়ো,
তাই সে এত সরল। সেই একখানিতেই সব আকাশ এমন সহজে
ভরে গেছে।

ধরনী পাঠ করছে কত যুগ থেকে। সেই পাঠ কব্বাটা আমি মনে-মনে চেয়ে দেখছি। সুরলোকের বাণী পৃথিবীর বুকের ভিতর দিয়ে, কঠোর ভিতর দিয়ে, রূপে রূপে বিচিত্র হয়ে উঠল। বনে বনে হল গাছ, ফুলে ফুলে হল গন্ধ, প্রাণে প্রাণে হল নিশ্বাসিত। একটি চিঠির সেই একটিমাত্র কথা— সেই আলো। সেই স্নানব, সেই ভীষণ : সেই হাসির ঝিলিকে ঝিকিমিকি, সেই কান্নাব কাঁপনে ছলছল।

এই চিঠি পড়াটাই সৃষ্টির স্রোত — যে দিচ্ছে আর যে পাচ্ছে, সেই ছন্দের কথা এতে মিলেছে, সেই মিলনেই রূপের ঢেউ। সেই মিলনের আরগাটা হচ্ছে বিচ্ছেদ। কেননা দূর-নিকটের ভেদ না ঘটলে স্রোত বর না, চিঠি চলে না। সৃষ্টি-উৎসের মুখে কী-একটা কাণ্ড আছে, সে এক ধারাকে দুই ধারায় ভাগ করে। বীজ ছিল নিতান্ত এক, তাকে দ্বিধা করে দিয়ে দুখানি কচি পাতা বেরোল, তখনি সেই বীজ পেল ভাব বাণী ; নইলে সে বোবা, নইলে সে রূপণ, আপন ঐশ্বর্য আপনি ভোগ করতে জানে না। জীব ছিল একা, বিদীর্ণ হয়ে স্ত্রী-পুরুষ সে দুই হয়ে গেল। তখনি তার সেই বিভাগের ফাঁকের মধ্যে বসল তার ডাক-বিভাগ। ডাকের পর ডাক, তার অস্ত নেই। বিচ্ছেদের এই ফাঁক একটা বড়ো সম্পদ ; এ নইলে সব চূপ, সব বন্ধ। এই ফাঁকটার বুকের ভিতর দিয়ে একটা অপেক্ষার ব্যথা, একটা আকাজকাব টান টনুটনু করে উঠল ; দিতে-চাওয়ার আর পেতে-চাওয়ার উত্তর-প্রত্যুত্তর এপাবে ওপারে চালাচালি হতে লাগল। এতেই ছলে উঠল সৃষ্টির রঙ্গ ; বিচলিত হল ঋতুপর্যায়— কখনো-বা গ্রীষ্মের তপস্রা, কখনো বর্ষার প্লাবন, কখনো-বা শীতের সংকোচ, কখনো-বা বসন্তের দাক্ষিণ্য।

একে যদি মারা বল তো দোষ নেই, কেননা এই চিঠিলিখনের অন্ধরে আবছারা, ভাষায় ইশারা ; এর আবির্ভাব-তিরোস্তাবে পুরো মানে সব সময়ে বোঝা যায় না। যাকে চোখে দেখা যায় না

সেই উত্তাপ কখন আকাশপথ থেকে মাটির আড়ালে চলে যায় ; মনে ভাবি, একেবারেই গেল বৃষ্টি কিছু কাল যায়, একদিন দেখি, মাটির পর্দা ফাঁক করে দিয়ে একটি অন্ধর উপরের দিকে কোন্-এক আব-জন্মে চেনা-মুখ গুঁজছে। যে-উত্তাপটা ফেরান চায়ছে বলে সেদিন বন উঠল সেই তো মাটির ভলার অন্ধকারে সেঁধিয়ে কোন্ বৃষ্টি-পড়া বীজের দরজায় বসে বসে ঘা দিচ্ছিল। এমনি ক'রেই কত অদৃশ ইশারার উত্তাপ এক হৃদয়ের থেকে আর-এক হৃদয়ের কাঁকে কাঁকে কোন্ চোরকোঠার গিয়ে ঢোকে, সেখানে কার সঙ্গে কী কানাকানি করে জানি নে, তার পরে কিছুদিন বাদে একটি নবীন বাণী পর্দার বাইরে এসে বলে “এসেছি”।

আমার সহযাত্রী বন্ধু আমার ডায়ারি পড়ে বললেন, “তুমি ধরণীর চিঠি-পড়ায় আর মানুষের চিঠি-পড়ায় মিশিয়ে দিয়ে একটা যেন কী গোল পাকিয়েছ। কালিদাসের মেঘদূতে বিরহী-বিরহিণীর বেদনাটা বেশ স্পষ্ট বোঝা যাচ্ছে। তোমার এই লেখায় কোন্‌খানে রূপক, কোন্‌খানে সাদা কথা, বোঝা শুরু হয়ে উঠেছে।”

আমি বললাম, কালিদাস যে মেঘদূত কাব্য লিখেছেন সেটাও নিঃসন্দেহ কথা। নইলে তার এক প্রান্তে নির্বাসিত যক্ষ রামগিরিতে, আব-এক প্রান্তে বিরহিণী কেন অলকাপুবীতে। স্বর্গমর্তের এই বিরহই তো সকল সৃষ্টিতে। এই মন্দাকিনীছাড়াই তো বিশ্বের গান বেজে উঠেছে। বিচ্ছেদের কাঁকের ভিতর দিয়ে অণুপরমাণু নিত্যই যে অদৃশ চিঠি চালাচালি করে, সেই চিঠিই সৃষ্টির বাণী। জীপুরুষের মাঝখানেও, চোখে চোখেই হোক, কানে কানেই হোক, মনে মনেই হোক, আর কাগজে পত্রেই হোক, যে চিঠি চলে সেও ওই বিশ্বচিঠিরই একটি বিশেষ রূপ।

লিপি

হে ধরনী, কেন প্রতিদিন
তৃপ্তিহীন
একই লিপি পড় ফিরে ফিরে ।
প্রত্যুষে গোপনে ধীরে ধীরে
আধারের খুলিয়া পেটিকা,
স্বর্ণবর্ণে-লিখা
প্রভাতের মর্মবাণী
বন্ধে টেনে আনি
গুঞ্জরিয়া কত সুরে আবৃত্তি কর যে মুগ্ধ মনে ॥

বহু যুগ হয়ে গেল কোন্ শুভক্ষণে
বাস্পের গুণ্ঠনখানি প্রথম পড়িল যবে খুলে,
আকাশে-চাহিলে মুখ তুলে ।
অমর জ্যোতির নূর্তি দেখা দিল আখির সম্মুখে ।
রোমাঞ্চিত বুক
পরম বিশ্বর তব জাগিল তখনি ।
নিঃশব্দ বরণমস্তকধ্বনি
উচ্ছ্বসিল পর্বতের শিখরে শিখরে ।
কলোন্নাসে উদেঘাষিল নৃত্যমস্ত সাগরে সাগরে—
'জয়, জয়, জয় ।'
ঝঞ্ঝা তার বন্ধ টুটে ছুটে ছুটে কর
'জাগো রে জাগো রে'
বনে বনাস্তরে ॥

প্রথম সে দর্শনের অসীম বিশ্বয়

এখনো-যে কাঁপে বক্ষাময় ।

তলে তলে আন্দোলিয়া উঠে তব ধূলি,

তুণে তুণে কণ্ঠ তুলি

উর্ধ্বে চেয়ে কয়—

‘জয়, জয়, জয় ।’

সে-বিশ্বয় পুষ্প পর্ণে গন্ধে বর্ণে ফেটে ফেটে পড়ে :

প্রাণের ছরস্ব ঝড়ে,

রূপের উন্মত্ত নৃত্যে, বিশ্বয়

ছড়ায় দক্ষিণে বামে সৃজন প্রলয় ;

সে-বিশ্বয় স্মৃথে দুঃখে গর্জি উঠি কয়—

‘জয়, জয়, জয় ॥’

তোমাদের মাঝখানে আকাশ অনন্ত ব্যবধান,

উর্ধ্ব হতে তাই নামে গান ।

চিরবিরহের নীল পত্রখানি-’পরে

তাই লিপি লেখা হয় অগ্নির অক্ষরে ।

বক্ষে তারে রাখ,

শ্রাম আচ্ছাদনে ঢাক ;

বাক্যগুলি

পুষ্পদলে রেখে দাও তুলি—

মধুবিন্দু হয়ে থাকে নিভৃত গোপনে,

পদ্যের রেণুর মাঝে গন্ধের স্বপনে

বন্দী করে। তারে,

তরুণীর প্রেমাঘিষ্ট আঁখির ঘনিষ্ঠ অঙ্ককারে

রাখ ভারে ভারি,
 সিঁদুর কল্লোলে মিলি নারিকেলপল্লবে মর্মরি
 সে-বাণী ধ্বনিতে থাকে তোমার অস্তরে,
 মধ্যাহ্নে শোন সে-বাণী অরণ্যের নির্জন নির্ঝরে ॥

বিরহিণী, সে-লিপির যে-উত্তর লিখিতে উন্মনা
 আক্ষেপে তাহা সাক্ষ হইল না ।
 যুগে যুগে বারম্বার লিখে লিখে
 বারম্বার মুছে ফেল ; তাই দিকে দিকে
 সে ছিন্ন কথার চিহ্ন পুঞ্জ হয়ে থাকে ;
 অবশেষে একদিন জলজ্জটা ভীষণ বৈশাখে
 উন্মত্ত ধূলির ঘূর্ণিপাকে
 সব দাও ফেলে
 অবহেলে,
 আত্মবিদ্রোহের অসন্তোষে ।
 তরে পরে আরবার বসে বসে
 নূতন আশ্রয়ে লেখ নূতন ভাষায় ।
 যুগযুগান্তর চলে যায় ॥

কত শিল্পী, কত কবি তোমার সে-লিপির লিখনে
 বসে গেছে একমনে ।
 শিখিতে চাহিছে তব ভাষা,
 বুঝিতে চাহিছে তব অস্তরের আশা ।
 তোমার মনের কথা আমারি মনের কথা টানে,
 চাও মোর পানে ।

পশ্চিমবঙ্গীর ভারি

চকিত ইন্দিত তব, বগনপ্রান্তের ভঙ্গীখানি

অঙ্কিত করুক মোর বাণী ।

শরতে দিগন্ততলে

ছলছলে

তোমার যে-অশ্রু আভাস,

আমার সংগীতে তারি পড়ুক নিখাস ।

অকারণ চাঞ্চল্যের দোলা লেগে

কণে কণে ওঠে জেগে

কটিতটে যে-কলকিকিণী,

মোর ছন্দে দাও চেলে তারি রিনিরিনি,

ওগো বিরহিণী ।

দূর হতে আলোকের বরমাল্য এগে

খসিয়া পড়িল তব কেশে,

স্পর্শে তারি কভু হাসি কভু অশ্রুজলে

উৎকণ্ঠিত আকাজ্জক বকতলে

ওঠে যে-ক্রন্দন,

মোর ছন্দে চিরদিন দোলে যেন তাহারি স্পন্দন ।

স্বর্গ হতে মিলনের স্মৃধা

মর্তের বিচ্ছেদপাত্রে সংগোপনে রেখেছ, বসুধা ;

তারি লাগি নিত্যসুধা,

বিরহিণী অরি,

মোর সুরে হোক জ্বালাময়ী ।

